



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 07584037 5

1

2

3

4

5

6

7

8

1. The first part of the document discusses the importance of maintaining accurate records of all transactions. It emphasizes that proper record-keeping is essential for the transparency and accountability of the organization. The text outlines the various methods used to collect and analyze data, ensuring that the information is reliable and up-to-date.

2. The second part of the document focuses on the implementation of these practices. It details the steps involved in setting up a robust system for data collection and analysis. This includes identifying the key areas of focus, selecting appropriate tools and technologies, and training staff to ensure they are proficient in the new system.

3. The third part of the document addresses the challenges that may arise during the implementation process. It provides strategies for overcoming these challenges, such as ensuring clear communication, providing adequate training, and maintaining a flexible approach to adapt to changing circumstances.

4. The final part of the document concludes with a summary of the key findings and recommendations. It reiterates the importance of maintaining accurate records and provides a clear roadmap for the future, highlighting the need for continuous improvement and regular updates to the system.

1. The first part of the document discusses the importance of maintaining accurate records of all transactions. It emphasizes that proper record-keeping is essential for the transparency and accountability of the organization. The text outlines the various methods used to collect and analyze data, ensuring that the information is reliable and up-to-date.

2. The second part of the document focuses on the implementation of these practices. It details the steps involved in setting up a robust system for data collection and analysis. This includes identifying the key areas of focus, selecting appropriate tools and technologies, and training staff to ensure they are proficient in the new system.

3. The third part of the document addresses the challenges that may arise during the implementation process. It provides strategies for overcoming these challenges, such as ensuring clear communication, providing adequate training, and maintaining a flexible approach to adapt to changing circumstances.

4. The final part of the document concludes with a summary of the key findings and recommendations. It reiterates the importance of maintaining accurate records and provides a clear roadmap for the future, highlighting the need for continuous improvement and regular updates to the system.

1

2

FORNMANNA SÖGUR,

EPTIR GÖMLUM HANDRITUM

ÚTGEFNAR

AÐ TILHLUTUN HINS

KONUNGLIGA

NORRÆNA FORNFRÆÐA FÉLAGS,



Urðar orði

kveður engi-maðr.

Fjölvinnsmál.

FJÖRÐA BINDI.

Saga Ólafs konungs hins helga.

Fyrri deild.

Kaupmannahöfn, 1829.

Prentaðar hjá Harðvíg Friðrik Popp.

KPH

THE
LIBRARY
OF THE
MUSEUM OF
ART AND
ARCHITECTURE
OF THE
UNIVERSITY OF
CHICAGO
1100 EAST 58TH STREET
CHICAGO, ILL. 60637
U.S.A.

SAGA ÓLAFS KONUNGS. HINS HELGA.

EPTIR GÖMLUM SKINNBÓKUM

ÚTGEFIN

AD TILHLUTUN HINS
KONÚNGLIGA
NORRÆNA FORNFRÆÐA FÉLAGS.

FYRRI DEILD.

Kaupmannahöfn, 1829.

Prentað hjá *Harðvig Friðrik Popp.*

THE
JOURNAL
OF
THE
ROYAL ANTHROPOLOGICAL INSTITUTE
VOLUME 31
PART 1
1901
LONDON
PUBLISHED BY THE
Royal Society of London
1901

Saga Ólafs konúngs ens helga Haraldssonar.

P r o l o g u s.

ARI prestur Þorgilsson enn fróði ritaði fyrstr manna [hér á landi at norrænu máli fræði, bæði forna ok nýja; ritaði hann fyrst í upphafi sinnar bókar frá Íslands bygð ok lagasetning, síðan frá lögsögumönnum, hversu lengi hverr hafði lögsögu, ok hafði hann áratat fyrst, til þess er kristni kom á Ísland, en síðan allt til sinna daga; hann jók þar ok við mörg önnur dæmi, bæði konunga æfi í Noregi ok í Danmörk ok á Englandi, ok stórtíðendi þau, er gjörzt höfðu hér á landi, ok þikkir oss hans sögn öll merkiligust; var hann maðr forvitri, ok svá gamall, at hann var fæddr næstaveitir eptir fall Haralds Sigurðarsonar. Hann ritaði, svá sem hann sjálf segir í æfi Noregs konunga, eptir sögu Odds Kolssonar, Halls-sonar¹ af Síðu; en Oddr nam af Þorgeiri afrazkoll², þeim manni, er vitr var, ok svá gamall, at hann bjó þá í Niðarnesi³, er Hákon jarl enn ríki var drepinn; í þeim sama stað lét Ólafr Tryggva-

¹) v. í H. ²) v. í D. ³) afrazkoll, H. ⁴) Víkarnesi, D; Niðarósi, H.

son efna til kaupánga setu; en Ólafr enn helgi reisti kaupstaðinn. Ari kom sjö¹ vetra gamall í Haukadal til Halls Þórarinssonar, ok var þar 14 vetr. Hallr var maðr stórvitr ok minnigr; hann mundi þat, er þángbrandr prestur skírði hann þrèvetra, þat var vetri fyrr enn kristni var í lög tekin á Íslandi. Ari var 12 vetra gamall, þá er Ísleifr biskup andaðist. Hallr fór milli landa, ok hafði félag Ólafs ens helga konunga, ok fèkk af því uppreist mikla, var honum því kunnigt um konúngsríki hans. Þá er Ísleifr biskup andaðist, var liðit frá Ólafi Tryggvasyni 80 vetra; en Hallr andaðist níu² vetrum síðarr enn Ísleifr biskup, þá hafði hann at vetratali 4 vetr ens tíunda tegar; hann hafði gjört bú í Haukadal þrítugr, ok bjó þar 60 vetra [ok 4 vetr³; svá ritaði Ari. Teitr, son Ísleifs biskups, var með Halli í Haukadal at fóstri, ok bjó þar síðan. Hann lærði Ara prest, ok marga fræði sagði hann honum þá, er Ari ritaði síðan. Ari nam ok marga fræði at Þuríði Snorra dóttur goða; hún var spök at viti, hún mundi Snorra, föður sinn; Snorri var þá nær⁴ hálfertugr, er kristni kom á Ísland, en andaðist einum vetri eptir fall Ólafs konunga⁵; því var eigi undarligt, at hann væri sannfróðr at fornum tíðendum, bæði hær ok utanlands, at hann hafði numit at gömlum mönnum ok vitrum, en var sjálfr minnigr ok nám-

¹) 8, D. ²) 10, H. ³) ok 3 vetr D; v. í H. ⁴) það, sem eptir er af Prologus, er rifit af G. ⁵) hins helga, b. v. II.

gjarn. Rita hefir ek látit frá upphafi æfi konunga þeirra, er ríki hafa haft á Norðrlöndum, ok á Danska tungu hafa mælt, svá ok nokkrar kynslóðir þeirra, eptir því sem vēr höfum numit af fróðum mönnum, ok enn er sagt í fornkvæðum, eðr í lángeðga tölu finnst, þar er konungar hafa rakit ættir sínar. Þjóðólfr enn fróði, skáld, er sumir kalla enn Hvinverska, orti kvæði um Rögnvald konúng, son Ólafs konúngs af Vestfold; Ólafr var bróðir Hálfðánar svarta, föður Haralds ens hárfagra; í því kvæði eru upptaldir 30 lángeðgar Rögnvalds, sögð nöfn þeirra, ok svá frá dauða hvers þeirra, ok er talit allt til Íngunar-Freys¹⁾ er heiðnir menn kölluðu guð sinn. Annat kvæði orti Eyvindr skáldaspillir um Hákon jarl enn ríka, Sigurðarson, ok talði hann lángeðga til Sæmíngs, er sagt er at væri Íngunar-Freysson, Njarðar²⁾; sagt er þar ok frá dauða hvers þeirra ok legstað. En fyrsta öld var sú, er alla dauða menn skyldi brenna; en síðan hófst haugsöld, voru þá allir ríkismenn í hauga lagðir, en öll alþýða grafin í jörð, þá er menn voru dauðir, ok settir eptir bautasteinar til minnis. En síðan er Haraldr enn hárfagri var konúngur í Noregi, þá vitu menn miklu gjörr sannendi at segja frá æfi konunga, þeirra í Noregi hafa verit. Á hans dögum byggðist Ísland, ok var þá mikil ferð af Noregi til Íslands, spurðu

¹⁾ Yngvi-Freys, *H.* ²⁾ son Óðins, *H.*

menn þá á hverju sumri landa þessa ímilli, ok var þat síðan í minni sært, ok hæft eptir til frásagna. En þó þikki mér þat merkiligast til sannenda, er berum orðum er sagt í kvæðum, eðr öðrum kveðskap þeim, er svá var ort um konunga eðr aðra höfðingja, at þeir sjálfir heyrðu, eðr í erfikvæðim þeim, er skáldin færðussonum þeirra. Þau orð, er í kveðskap stánda, eru en sömu, sem í fyrstu voru, ef rétt er kveðit, þótt hverr maðr hafi síðan numit at öðrum, ok má því ekki breyta; en sögur þær, er sagðar eru, þá er þat hætt, at eigi skillst öllum á einn veg; en sumir hafa eigi minni, þá er frá liðr, hvernig þeim var sagt, ok gengust þeim mjök í minni optliga, ok verða frásagnir ómerkiligar. Þat var meirr enn 2 hundruð vetra tólfræð¹, er Ísland var byggt, áðr menn tæki hér sögur at rita, ok var þat laung æfi, ok vant, at sögur hefði eigi gengizt í munni², ef eigi væri kvæði, bæði ný ok forn, þau er menn tæki þaraf sannendi fræðinnar. Svá hafa gjört fyrr fræðimenninnir, þá er þeir vildu sannenda leita, at taka fyrri satt þeirra manna orð, er sjálfir sá tífendi, ok þá voru nærstaddir. En þar er skáldin voru í orrostum, þá eru tæk vitni þeirra, svá þat ok, er hann kvað fyrri sjálfum höfðingjanum; þá mundi hann eigi þora at segja þau verk hans, er sjálfr höfðinginn, ok allir þeir, er heyrðu, vissu, at hann hefði hvergi nærri verit; þat væri þá háð, en eigi lof. Nú ritu vèr þau

¹) tölfræð, H. ²) minni, H.

tíðendi með nákkvarri minningu, er gjörðust um æfi Ólafs ens helga konungs, bæði um ferðir hans ok landstjórn, ok enn nákkvat frá tilgaungum þess úfriðar, er landshöfðingjar í Noregi gjörðu orrostu ímóti honum, þá er hann féll á Stiklastöðum. Veit ek, at svá mán þikkja, ef utanlands kemr sjá frásögn, sem ek hafa mjök sagt frá Íslenzkum mönnum; en þat berr til þess, at Íslenzkir menn þeir, er þessi tíðendi sá eör heyrðu, báru hingat til lands þessar frásagnir, ok hafa menn síðan at þeim numit. En þó rita ek flest eptir því, sem ek finn í kvæðum skálda þeirra, er vāru með Ólafi konungi¹.

¹) *I stað þess frá*: Rita hefir ek látit, o. s. frv., *hafa D, K þetta*: En bók þessa hefir ek látit rita eptir því, sem segir í kvæðum þeirra Sighvats ok Ottars svarta, er jafnan voru með Ólafi konungi, ok sá ok heyrðu þessi tíðendi, en sumt eptir sögu Ara prests ok annarra fræðimanna, ok þikki mér kvæðin minnst or stað færð, ef þau eru rétt kveðin ok skynsamliga upptekinn.

Hér hefr upp sögu Ólafs konúgs ens
helga Haraldssonar.

HARALDR hinn hárfagri var lengi konúgr yfir Noregi öllum, en áðr voru þar margir smákonúgar, sumir höfðu eitt fylki til forráða; en alla þá setti Haraldr konúgr af ríki; sumir fellu, sumir flýðu land fyrir honum, en sumir létu af konúgdómi, ok náði engi maðr at bera konúgsnafn, nema hann einn; jarl setti hann yfir hverju fylki til landsstjórnar ok lög at dæma. Konúgr átti margar konur ok mörg börn; hann átti 20 sonu eða fleiri, ok voru allir gjörviligir menn; göfug móðerni áttu þeir, ok fæddust þar margir upp með móðurfrændum sínum. Þessir voru elztir: Guthormr ok Hálfðán¹⁾, Eiríkr blóðöx; hans móðir var Ragnhildr, dóttir Eiríks konúgs af Danmörk; hann var uppfæddr með þóri hersi²⁾ í Fjörðum. Þessir synir Haralds voru sammæddir: Guthormr, Hárekr³⁾, Guðröðr⁴⁾; þeirra móð-

¹⁾ Hálfðánar 2, G, H. ²⁾ Hróaldssyni, B, D, G, H. ³⁾ ok Hárekr, G, H. ⁴⁾ er sumir menn nefna Gundrúð (Gag-rauð, L.) b. v. G, L.

ir var Gyða, dóttir Eiríks konungs af Hörðalandi¹; þeir voru ok þar uppfæddir í barnæsku. Hálf-dán hvíti ok Hálf-dán svartí voru tvíburar, synir Æsu²; dóttur Hákonar Hlaða-jarls, Grjótgarðs-sonar; Sigurðr³ hét hinn þriðl; þeir fæddust upp í Þrándheimi; Hálf-dán svartí var fur þeim bræðrum. Ólafr hét einn, Björn ok Sigtrygg; er sumir menn kalla Tryggva, Fróði ok Þorgisl; móðir þeirra hét Hildr eða Svanhildr, dóttir Eysteins jarls af Heiðmörk; Haraldr konúgr setti Eystein jarl yfir Heiðmörk ok Vestfold, ok seldi honum til fósturs þessa sonu sína. Sigurðr hrísi ok Hálf-dán hálegg, Guðröðr ljómi, Rögnvaldr rættilbeini, þeir voru synir Snjófríðar Finnsku. Dagr ok Ríng, Rögnvaldr⁴ rykill, þeirra móðir var Álfhildr, dóttir Ríngs Dags-sonar af Ríngaríki; þeir fæddust upp á Upp-löndum. Íngigerðr ok Álof árbót voru dætr Haralds konungs; Íngibjörg hét ok dóttir hans, er átti Hálf-dán⁵; þeirra börn voru þau Gunnhildr, er átti Finn skjálgi; [en þeirra börn voru þau Eyvindr skáldaspillir, Njáll, Sigurðr; Þóra hét dóttir Njáls, ok var hans móðir Ástríðr, dóttir Steinkels Svía konungs⁶. Ólöfu, dóttur Haralds konungs, átti Þórir þegjandi; þeirra dóttir var Bergljót, móðir Hákonar jarls hins ríka. Haraldr

¹) Haðalandi, L. ²) Astu, L. ³) Sigröðr, B, G, II, L.

⁴) Ragnarr, hin. ⁵) Ólöf eðr, b. v. L. ⁶) jarl, b. v. hin. ⁷) ok Eyvindr skáldaspillir, Njáll, Sigfríðr ok Þóra; dóttir Njáls var Ástríðr, móðir Steinkels Svía konungs, G, H.

konúgr gípti dætr sínar innanlands jörlum sínum. Haraldr konúgr var allra manna mestr ok styrkastr, hverjum manni fríðari sýnum, ok betr at sèr gjörr um allá luti; þat var svà mjök ættgengt, at þat hefir enn haldizt í hans ætt allt í þeirra manna minni, er enn lifa. Haraldr konúgr átti margar orrostur innanlands, ok eignaðist svà vandliga allan Noreg, at hann átti óðöl öll, bæði bygðir ok sætr, eyjar ok markir allar, ok alla auðn landsins; voru þá allir hans leigumenn ok landbúar. Hann tók konúgdóm 10 vetra gamall, en hann reð landi sjötíggjvetra; en þá er hann var sextigr, voru synir hans alrosknir at aldri, en sumir dauðir; þeir gerðust miklir ofstopamenn innanlands, ok voru sjálfir mjök úsáttir; þeir ráku af ríki jarla konúgs, en suma drápu þeir. Haraldr konúgr stefndi þá þíng fjölmennt austr í landi, ok bauð til Upplendingum; þá skipaði hann lögum, ok þá gaf hann sonum sínum öllum konúgsnafn, ok setti þat í lögum sínum, at hans ættmenn skyldi hverr ríki taka eptir sinn föður ok konúgsnafn, en jarlsnafn sá, er kvennborinn væri af hans ætt; hann skipti svà landi með þeim, at hann lét hafa Vínghlmörk, Raumaríki, Vestfold, þat gaf hann Ólafi, Birni, Fróða, Sigurði, Þorgílsi; en Heiðmörk ok Guðbrandsdali gaf hann þeim Dag ok Rögnvaldi ok Ragnari;

¹⁾ 73, B, L; 74, D, G, H. ²⁾ ok þelamörk, b. v. B, D G, L. ³⁾ Hring, hin.

Snjófríðarsonum gaf hann Ríngaríki, Þotn, Haðaland, ok þat er þar lá til; hann setti Guthorm, son sinn, lands at gæta ok til landvarnar austr við landsenda, ok gaf honum yfirsókn frá Elfi til Svínasunds, ok Ránríki¹⁾. Eiríkr var með Haraldi konungi, feðr sínum; honum unni hann mest sona sinna, ok virði hann mest. [Halland ok alla Norðmæri ok Raumsdali, þar gaf hann yfirsókn Hálfðáni svarta, ok Hálfðáni hvíta yfir Norðheim²⁾. Sonum sínum gaf hann í hverju þessu fylki hálfar tekjur allar til móts við sik, ok þat með, at þeir skyldu sitja í háseti skör hærra enn jarlar, en skör lægra enn hann sjálfr; en þat sæti, er hann hafði, ætlaði hverr sér, sona hans, eptir hans dag; en hann sjálfr ætlaði þat Eiríki, en þrændr ætlaðu Hálfðáni svarta, en Víkverjar³⁾ unnu þeim bezt ríkis, er þeim voru undir hendi. Af þessu varð mikit sundrþykki með þeim bræðrum, þvíat þeir þóttust lítit hafa til forráða; þeir voru þá í hernaði, svá sem sögur eru til, áðr⁴⁾ Hálfðán hvíti fèll á Englandi⁵⁾; Hálfðán háleggr fèll í Orkneyjum; Fróði ok Þorgils létust í Dýflinni á Írlandi; Guthormr fèll í Elfarkvíslum fur. Sölva-klofa;

¹⁾ Haraldr konungr var lengstum um mitt land; þeir Hrærek ok Guðrøðr voru jafnan innan hirðar með konungi, ok höfðu veizlur stórar á Hörðalandi ok í Sagni, b. v. D, G, H, L. ²⁾ honum gaf hann Hálogaland, Norðm. ok Raumsd.; norðr í þrændheimi (Heimi B.) gaf hann yfirsókn Hálfð. sv. ok Hálfð. hvíta ok Sigurði, hin. ³⁾ ok Upplandingar, b. v. hin. ⁴⁾ at, hin. ⁵⁾ Eistlandi, B, D, L.

þeir þat tók Ólafr þat ríki, er hann hafði. Eiríkr blóðöx ætlaði sér at vera yfirmaðr bræðra sinna, hann var laungum í hernaði; hann átti Gunnhildi konúngamóður. Rögnvaldr rættilbeini átti Haðaland; hann nam fjölkýngi, ok gjörðist seiðmaðr. Haraldi konúgi þóttu illir seiðmenn. Á Hörðalandi¹⁾ var sá seiðmaðr, er Vitgeirr hét; konúgr sendi honum orð, ok bað hann hætta seiðum; hann svarar, ok kvað:

þat er vá lítil,
þótt vèr seiðim,
karla börn
ok kerlinga,
er Rögnvaldr síðr
rættilbeini,
hróðrmögr Haralds,
á Haðalandi.

En er Haraldr spurði þat, þá fór með hans ráðum Eiríkr, son hans, blóðöx, til Upplanda, ok kom á Haðaland; hann brendi inni bróður sinn með 8 tigum seiðmanna, ok var þat verk mjök lofat. Guðröðr ljómi druknaði fur Jaðri í Noregi.

2. Björn ræð fur Víkinni ok Vestfold; þá var þar kaupstaðr mikill í Túnssbergi, ok sat hann þar laungum; hann var ekki laungum í hernaði; bræðr hans kölluðu hann kaupmann; hann var vitr maðr ok stíltr vel, ok þótti vænn til höfðingja; hann fékk sér gott kvánfáng; hann gat son þann, er Guðröðr hét. Eiríkr blóðöx

¹⁾ Haðalandi, D, H.

kom eitt sumar or hernaði með skipaliði miklu til Bjarnar, ok beiddi at taka við sköttum þeim, er Haraldr konúgr átti, ok skyldum á Vestfold; en hinn var áðr vani, at Björn færði sjálfr feðr sínum skattana, eða sendi menn með, vildi hann enn svà gera, ok því vildi hann eigi af höndum láta, svà at Eiríkr tæki við. Eiríkr þóttist þurfa vista ok tjalda ok drykkjar. Þeir bræðr þreyttu milli sín með kappmælum, ok fékk Eiríkr eigi at heldr; fór hann síðan brott or bænum, ok kom áptr um nóttina, veitti hann þá Birniatgaungu, ok feldi hann ok marga menn með honum; tók Eiríkr þar herfáng mikit, ok fór síðan norðr í land. Þetta verk líkaði Víkverjum stórilla, ok var Eiríkr þar mjök úþokk-aðr; fóru þau orð, at Ólafr mundi hefna Bjarnar, bróður síns, ef honum gæfist færi á.

3. Eptir um vetrinn fór Eiríkr norðr í Þrándheim, ok tók veizlur í Sölva¹; en þat spurði Hálfðán svartí, ok fór þegar með her sinn, ok tók hús á þeim Eiríki; hann svaf úti í skemmu einni, ok komst hann til skógar íbrott með 5ta mann, en þeir Hálfðán brendu bæinn, ok allt þat, er inni var; kom Eiríkr með þessum tíðendum á fund Haralds konúgs feðr síns. Haraldr konúgr varð þessum tíðendum allreiðr, ok samnaði þegar liði, ok fór norðr á hendr þeim Þrándum. En er þat spurði Hálfðán svartí, þá býðr hann út skipum ok liði

¹) Sölu, G, H; Sölvaklofa, L.

ok varð fjölmennr, ok lagði út til Staðs-fur inn-an Þórsbjörg; Haraldr konúgr lá þá liði sínu út við Reinfuru; fóru þá menn milli þeirra. Guthormr sindri hét göfugr maðr ok ættstórr; hann var þá í liði með Hálfðáni svarta, en áðr hafði hann verit með Haraldi konúgi, ok var ástvinr þeirra beggja. Guthormr var skáld mikit; hann hafði ort sitt kvæði um hvárn þeirra feðga; þeir höfðu boðit honum laun fur, en hann neitti því, ok beiddi, at þeir skyldu veita honum bæn hvárr þeirra, þá er hann vildi þá biðja; ok því höfðu þeir heitit honum. Hann ferr nú, ok berr sættarboð í millum þeirra: bað þá hvárantveggja þeirrar bænar, at þeir skyldu sættast; en konúngarnir gerðu svá mikinn metnað hans, at af hans bæn sættust þeir; margir göfgir menn ok göðgjarnir fluttu þetta mál með honum, ok varð þat at sætt, at Hálfðán skyldi halda ríki sínu öllu, skyldi hann ok láta úhætt við Eirík, bróður sinn, ok hvárr þeirra við annann. Eptir þessi sögn orti Jórún skáldmæðr nokkur erendi í Sendibst:

Haralds² frá ek Hálfðán spyrja¹
 herðibrögð, en lögdiss⁴
 sýnist svartleitr reyni
 sjá bragr [ens hárfagra⁵.

¹) Reinslétta, B, G, H; Steinslétta, L. ²) Harald, hin.
³) verja, B. ⁴) lögdust, G. ⁵) enn hárfagri, B; kap. v. í D;
 hér byrjar E bókar brotið með þessum vísum;

þvíat ríkr konúgr rekka morðs, þá er merkja þorðu
 reyr undlagar dreyra mágneðr, hófst at fagna.

4. Haraldr hinn hárfagri gat son í elli sinni, sá het Hákon; móðir hans het Þóra Mostrstaung, hún var² or Mostr á Sunnhörðalandi; hún var kvenna mest ok hin fríðasta, ok vel ættuð; hún var í frændsems tölu við Hörðakara, en þó var hún kölluð konungs ambátt; voru þá margir þeir konungar lýðskyldir, er þó voru vel ættbornir, bæði karlar ok konur. Hæ iligt þótti Haralds sonum um Hákon, ok kallaðu hann Mostrstágarson. Haraldr konungr sendi Hákon, son sinn, til fósturs Aðalsteini, Engla konungi, ok fæddist hann þar upp; hann var líkastr feðr sínum allra sona hans, ok framast um allar íþróttir.

5. Eptir fall Bjarnar kaupmanns tók Ólafr, bróðir hans, ríki yfir Vestfold, ok tók til fósturs Guðröð, son Bjarnar. Tryggvi hét son Ólafs, voru þeir Guðröðr fóstbræðr, ok báðir hinir efniligustu menn, ok atgerfimenntmiklir; Tryggvi var hverjum manni meiri ok styrkari. Þá er Haraldr konungr hafði 80 vetra aldrs, þá þóttist hann eigi hafa resseika til, fur aldrs sakir, at

Hvar vita einka örvir,
orveðrs frama gervan
tingl rýrondum túngla,
tveir jöfrar, veg meira,
enn geðbarðir gerðu
gulls land-rekar þollum,
upp ángr um hófst yggva
óblindr fyrri lof Sindra?

Hróðr vann hringastríðis
harm framkveðinn ramman,
Goðormr laut af gauti
góð laun kveðins óðar;
raun framtá brá rimmu
rumr skjöldunga gunnar,
aðr bjóst hert til hjörva
hreggs döglinga tveggja.

1) Morstrstaung, D, E; Morstaung, G. 2) ættskoð, b. v. E.

3) Morstr, D, E.

fara yfir landit eða stjórna konungsmálum; hann leiddi þá Eirík, son sinn, í háseti, ok gaf honum konungsnafn ok¹ vald yfir öllu landi. En er þat spurði Hálfðán svarti, þá settist hann í háseti, ok tók til forráða um allan Þrándheim, ok voru at því ráði allir Þrændir með honum. En er þetta spyrja Víkverjar, þá tóku þeir Ólaf til konungs yfir alla Víkina, ok hēlt hann því ríki; þetta líkaði Eiríki stórilla. Tveim vetrum síðarr varð Hálfðán svarti bráðdauðr inní Þrándheimi at veizlu nokkurri, ok var þat mál manna, at Gunnhildr konungamóðir hefði keypt at konu nokkurri, at gefa honum banadrykk. Eptir þat tóku Þrændir Sigurð til konungs; en einum vetri síðarr andaðist Haraldr hárfagri, ok var hann heygðr við Haugasund.

6. Um vetrinn eptir tók Eiríkr landskyldir um miðt landit; en um vârit býðr hann út liði miklu, ok snýr austr til Víkr, þvíat þangat var byrr, en bæði Víkverkjar ok Þrændir lágu víða í samnaði. Sigurðr konúngr fór austr landveg á fund Ólafs konungs, bróður síns, ok voru þeir í Túnsbergi báðir samt. Eiríkr fēkk svâ mikit raðbyri, at hann sigldi dag ok nótt, ok fór engi njósn fur honum, áðr hann kom í Túnsberg. Þá fóru þeir Sigurðr ok Ólafr austr or bænum á brekku eina, ok fylktu þar. Eiríkr hafði lið miklu meira, ok fēkk hann sigr, en þeir Sigurðr ok Ólafr fēllu, ok eru þeir heygðir þar, sem þeir fēllu.

¹) hér byrjar C.

Tryggvi ok Guðröðr flýðu til Upplanda. Eiríkr lagði undir sik landit, ok alla Víkina, ok dvaldist þar lengi um sumarit.

7. Þat sumar kom vestan af Englandi Hákon Aðalsteinsfóstri; fór hann furst norðr til Þrándheims á fund Sigurðar Hlaða-jarls, er allra spekinga var mestr í Noregi, ok fékk hann þar góðar viðtökur, ok bundu þeir samlag sitt, ok hét Hákon honum miklu ríki, ef hann vyrði konúngr yfir Noregi. Þá stefndu þeir þing fjölmennit; ok á þinginu talaði Sigurðr jarl af hendi Hákonar, ok bauð bóndum hann til konúngs. Ok eptir þat stóð upp Hákon sjálfr, ok mæltu þat sumir menn, at þar væri kominn Haraldr hinn hárfagri, ok vorðinn úngr í annat sinn. Hákon hafði þat upphaf síns máls, at hann beiddi bændr at gefa sèr konúngsnafn, ok þat með, at gefa sèr fylgd ok styrk at halda konúngdóminum; en þarímót bauð hann þeim, at gera þá óðalborna, ok gefa þeim upp óðöl sín, þau er þeir bjuggu á. At þessu erendi varð mikill rómr, svá at bóndamúgrinn æpti upp, ok sögðust vildu taka hann til konúngs; ok svá var, at Þrændir tóku hann til konúngs yfir allt land; ferr Hákon þá yfir landit, ok fékk sèr hirð. Þau tíðendi spurjast nú á Upplönd, at Þrændir hefði sèr konúng tekit, slíkan at öllu sem Haraldr hinn hárfagra, nema þat skildi, at Haraldr hefði alla menn áþjáð þar í landi, en þessi Hákon vildi hverjum manni gott, ok bauð aptr at gefa bønd-

um óðöl sín, þau er Haraldr hafði af þeim tekit. Við þessi tíðendi urðu allir glaðir, ok sagði hverr öðrum, flaug þat sem sinueldr allt austr til landsenda. Margir fóru af Upplöndum at finna Hákon, sumir gerðu menn til hans, eðr orðsendingar, at hans vildu gerast.

8. Hákon konúngr fór á Upplönd öndverðan vetr, ok stefndi þar þing, ok dreif allt fólk á hans fund, þat er komast mátti; var hann þá til konúngs tekinn á öllum þingum; fór hann þá austr til Víkr; þar koma til hans Tryggvi ok Guðröðr, bræðrasynir hans, ok margir aðrir, þeir er upptöldu harma sína, er lotit þóttust hafa af Eiríki konúngi, bróður hans. Eiríkr konúngr úvinsældist æ því meirr, sem menn gerðu sér kærri við Hákon, ok heldr höfðu sér traust at mæla, sem þótti. Hákon konúngr gaf konúngsnafn Tryggva ok Guðröði, frændum sínum, ok ríki þat, sem Haraldr hárfagri gaf feðrum þeirra; Tryggva gaf hann Ránríki ok Vínghölmörk, en Guðröði Vestfold; en fyrí því at þeir voru úngir, þá setti hann vitra menn til lands at gæta með þeim; hann gaf þeim land með þeim skildaga, sem Haraldr hárfagri gaf sonum sínum, at þeir skyldu hafa helmíng af öllum sköttum ok skyldum. Hákon konúngr fór um vârit norðr til Þrándheims, ok bauð út her miklûm af Þrándheimi; Víkverjar komu austan með allmikinn her. Eiríkr dró her saman um miðt landit, ok varð ílt til liðs, þvíat rík-

ismenn margir skutust undan honum, ok fara til Hákonar; en er hann sá þar eigi efni sitt til mótstöðu við Hákon, þá sigldi hann vestr um haf, ok þat lið með honum, sem honum vildi fylgja; fór hann furst til Orkneyja, ok hafði mikit lið; þá sigldi hann vestr til Englands, ok fór þar með herskildi. Aðalráðr¹ Engla konúngr sendi orð Eiríki konúngi, ok bauð honum at taka af sér ríki í Englandi, ok vildi hann vinna þat til sættar með þeim bræðrum, Hákoní ok Eiríki; var hann síðan konúngr yfir Norðimbralandi, meðan hann lifði, þvíat Adalsteinn konúngr gaf honum þat ríki; þat er kallaðr hinn 5ti lutr Englands. Eiríkr féll í austrvíking². Þau Eiríkr ok Gunnhildr áttu mörg börn; synir þeirra voru þeir Gamli ok Sigurðr slefa, Haraldr gráfeldr, Erlíngr ok Guthormr³; Ragnhildr hét dóttir þeirra, er átti Þorfinnr⁴.

9. Hákon konúngr ræð fyrir Noregi sjö vetr ok 20; hans öld var svá góð, at alla æfi hafa landsmenn þat í minnum haft; þá var allskyns ár í Noregi, bæði á sjá ok á landi; þá var ok friðr svá góðr, at engi grandaði annars fê, ok engi gerði öðrum friðbrot. Hákon konúngr var manna glaðastr ok snjallastr ok lítillástr; hann var maðr stórvitr, ok lagði mikinn hug á laga-

1) Aðalsteinn, hin. 2) vestrvíking, hin. 3) Fróði, b. v. B; Ragnfróðr, Guðfróðr, b. v. hin. 4) Arnfinnr jarl, son þorkans jarls, hin. 5) 6, D, F; 3, L.

setning; hann setti furst Gulaþingslög¹ ok Heiðsæfislög at upphafi, en áðr hafði sérhverr konúngr lög, ok var nær sem sín lög gengi í hverju fylki. Hákon konúngr gaf Sigurði jarli, mági sínum, vald yfir öllum þrændheimi, svá sem hann hafði furr haft, ok faðir hans fyrir hann um daga Haralds hárfagra. Hákon konúngr var staddr einn tíma at veizlu á Hlöðum með Sigurði, mági sínum; þá fæddi Bergljót son, kona jarls, systurdóttir Hákonar konúngs, jólanótt hina furstu; konúngr jós vatni sveininn, ok gaf nafn sitt; sá sveinn fæddist þar upp, ok varð göfugr maðr, ok ríkr, hann var síðan kallaðr Hlaðajarl, er einnhverr spekingr hefir verit mestr at viti hígat í Norðrlönd. Um daga Hákonar konúngs komu í Noreg synir Eiríks blóðöxar, ok börðust til Noregs veldis, ok áttu orrostur við Hákon konúng, ok hafði hann jafnan sigr, þar féll Gamli Eiríksson. Hina síðarstu orrostu áttu þeir á Hörðalandi í Storðá Fitjum, ok hafði Hákon sigr, ok varð sárr, ok andaðist á Hákonarhellu, ok þar hafði hann í heiminn komit, ok er hann heygðr á Sæheimi.

10. Eiríks synir lögðu þá land allt undir sik, ok hétu þeir öllum mönnum lögum þeim, er sett hafði Hákon konúngr þar í landi; þeir gáfu ok höfðingjum þvílíkar nafnbætr, sem áðr höfðu þeir haft af Hákon konúngi, ok slíkt annat, sem áðr höfðu þeir haft; en er þeir settust í

¹) ok Frostapingslög, b. v, hin.

ríki ok festust í landinu, þá þótti þeim ofmikit ríki hafa Sigurðr jarl í Þrándheimi. Bróðir Sigurðar jarls hét Grjótgarðr, hann var yngri þeirra bræðra ok virðr minna; hann eggjaðu Eiríkssynir til at drepa bróður sinn Sigurð, ok fengu honum styrk til þess, ok er þat sögn flestra manna, at nokkur þeirra bræðra hafi verit í þessi ferð. Þeir fóru síðan inn í Þrándheim ok [inn á Uglu¹, ok komu þar um nótt, ok tóku hús á Sigurði jarli, ok brendu hann inni með marga menn, ok fóru á brott síðan; þat var 2 vetrum síðarr enn Hákon konúngur féll, at sögn Ara prests ens fróða Þorgilssonar. Þá var Hákon Sigurðarson hálfþrítógr² at aldri, hann var frændmargr ok ættstórr, en Sigurðr, faðir hans, var ástúðligr öllu fólki; varð Hákonni gott til liðs, svá at allir Þrándir snérist til hans, ok vörðu land fyrir Eiríkssonum, svá at engi þeirra þorði at koma inn um Þrándheims mynni; þá fóru menn ímilli þeirra, beggja vinir, ok leitaðu um sættir; kom svá með fortölum góðra manna, at þat varð at sætt, at Hákon skyldi hafa allt þat ríki í Þrándheimi, er átt hafði Sigurðr jarl, faðir hans, ok vera jarl, en Grjótgarðr, ok þeir menn, er³ jarl nefndi til, skyldu fara utan sætta, ok brott af Noregi. Með Hákonni ok Gunnhildi voru stundum hinir mestu kærleikar, en stundum beittust þau brögð-

¹) inn Aglu, C, E. ²) nær tvítugr, C, D, E, G, H. ³) hér sleppr E um sinn,

um. Hákon jarl fór nokkur sumur í Austrveg at herja; þá drap hann Grjótgarð, frænda sinn, ok 2 jarla sonu, ok marga menn með þeim, þá er verit höfðu at vígi Sigurðar jarls, föður hans. Hákon jarl fór á fund Haralds Gormssonar Danakonúngs, ok gerðust þeir félagar. Hákon jarl fór aptr til ríkis síns í Noregi, ok varð hann ríkr maðr ok spekingr mikill.

11. Tryggvi konúngr Ólafsson var ríkr maðr ok göfugr, hann þótti Víkverjum bezt til konúngs fallinn at ráða landi öllu; hann átti Ástríði, dóttur Eiríks bjóðaskalla. Guðröðr, son Bjarnar, var ok göfugr maðr, hann var á vist með Tryggva, frænda sínum; Guðröðr fékk sèr gott kvánfáng ok sæmiligt; hans son var Haraldr, hann var sendr til fóstrs upp á [Grenmörk til Hrana hvíta; hans son var Hraní hinn víðförli, voru þeir Haraldr mjök jafngamlir ok fóstbræðr. Eitt sumar fór Hákon jarl sunnan or Danmörk; hann áttistefnu við þá Tryggva konúng ok Guðröð konúng, ok sátu þeir lengi á eintali; þá fór Hákon jarl heim norðr. Gunnhildr ok synir hennar spurja þetta, ok grunuðu þau, at vera mundi landráð við þau. Eptir um vârit búast þeir bræðr í hernað, Haraldr gráfeldr ok Guðröðr, synir Gunnhildar, ok fór sèr hvârr, þvíat þeir létu, sem þeir væri reiðir mjök ok úsáttir; en þá er þeir komu austr í Vík, þá sigldi Guðröðr austr um Foldina, en Haraldr fór til Túnsbergs; en

1) Grænland til Hróa, *hín*.

þar skamt á land upp var Guðröðr Bjarnarson; þá fór Haraldr þangað, ok tók hús á honum, ok lagði í eld; Guðröðr gekk út ok hans menn, ok fell þar, ok margt manna með honum. Þá drap ok Guðröðr Tryggva konúng, austr við Veggina, ok sveik hann í trygðum; þat var 6 vetrum síðarr enn Sigurðr jarl fell. Eptir þat lögðu Gunnhildar synir undir sik allt land; marga aðra menn tóku þeir af lífi, stóra höfðingja, en sumir flýðu land fyr þeim. Haraldr konúgr Guðröðarson, er kallaðr var hinn grænski, flýði furst til Upplanda ok með honum fóstbróðir hans Hrani, ok dvöldust þeir þar mjök lengi með frændum sínum. Eiríks synir leitaðu mjök eptir þeim mönnum, er í sökum voru við þá, ok þeim öllum mönnum mest, er þeim var uppreistar at ván. Þat réðu Haraldr frændr hans ok vinir, at hann færi or landi brott. Haraldr grænski fór austr til Svíþjóðar, ok leitaði sér skipanar, ok kom sér í sveit með þeim mönnum, er fóru í hernað, at fá sér fjár; hann var hinn gerviligasti maðr. Tosti hét maðr í Svíþjóð, er einn var ríkastr ok göfugastr í því landi; þeirra en eigi bæri tignarnafn; hann var hinn mesti hermaðr, ok var laungum í hernaði, hann var kallaðr Sköglar-Tosti; Haraldr konúgr grænski kom sér þar í sveit. Um sumarit fóru þeir í víking, virðist Haraldr vel hverjum manni; hann var eptir um vetrinn með Tosta; Sigríðr hét dóttir

1) hér sleppr C um sinn.

Tosta, hún var úng ok fríð ok skörúngr¹ mikill; fimn vetr var hann með Tosta.

12. Eiríks synir voru hreystimenn miklir ok íþróttamenn, grimmir ok úværir við allt; um daga þeirra var í Noregi hallæri mikit, bæði á sjá ok á landi, var þá sultr mikill um allt land; svá kom, at göfgir menn þoldu þeim eigi vandræði. Klyppr hersir, son Þórðar Hörðakárasonar² drap Sigurð konúng slefu. Erlíng konúng drápu bændr. Hákon jarl sat í Þrándheimi með trausti bónda, en stundum var hann í Danmörk með Haraldí konúngi Gormssyni, en stundum herjaði hann í austrvíking; þar hittust þeir Gullharaldr³, ok fóru um haustit báðir til Danmerkr, ok voru um haustit ok um vetrinn með Dana konúngi; þann vetr sættu þeir vælræðum við Harald konúng gráfeld. Haraldr konúgr Gormsson sendi orð Haraldí konúngi gráfeld Eiríkssyni, nafna sínum, ok bauð honum til sín; ok er hann kom til Límafjarðar, þar sem heitir at Hálsi, þá kom þar Gullharaldr, ok barðist við nafna sinn, hann hafði lið meira; þar féll Haraldr konúgr gráfeldr Eiríksson; litlu síðarr kom þar Hákon jarl, lagði hann þá at Gullharaldi, ok tók hann höndum, ok hengði hann á gálga. Haraldr konúgr Gormsson fór þat sumar til Noregs, ok hafði 7 hundruð skipa; þá var með honum Hákon jarl ok Haraldr grænski

¹) sværkr, B, D, G. ²) Hörðakára, B. ³) Haraldr grænski, D, G.

ok margt annarra manna þeirra, er flýit höfðu óðul sín ok eignir fur Eiríks sonum or Noregi. Haraldr konúgr fór til þess, er hann kom í Noreg í Túnsberg, ok gekk undir hann allt landsfólk, dreif til hans lið mikít ok fjölmenni. Haraldr konúgr fékk í hendr Hákon jarli þann luta allan, ær á hans luta kom í Noregi, ok gaf honum til forráða; en þat var Rogaland, Hörðaland, Sogn, Firðafylki, Sunnmæri, Raumsdal, Norðmæri; þessi 7 fylki gaf hann honum til forráða með þvílíkum mála, sem Haraldr hinn hárfagri gaf sonum sínum, nema þat skildi, at Hákon skyldi eignast konungsbú öll í Þrándheimi ok landsskyldir, hann skyldi ok hafa konungsfé, ef hann verði land fur úfriði. Nafna sínum, Haraldi grænka, gaf hann Vínulmörk ok Vestfold ok Agðir allt til Lífandisness, ok konungsnafn; lét hann hann hafa þat ríki með öllu slíku, sem frændr hans höfðu haft at fornu; Haraldr grænski var þá 18 vetra gamall, ok varð síðan frægr maðr. Hákon jarl fór með her sinn norðr með landi; en er þat spur Gunnhildr ok synir hennar, þá varð þeim illt til liðs; tóku þau þat ráðs, sem furr hafði tekit Eiríkr, at þau sigldu vestr um haf til Orkneyja. En Hákon jarl lagði land allt undir sik, ok ræð lengi síðan; var þat jafnan, at synir Gunnhildar herjaðu í Noreg, ok áttu orrostur við Hákon jarl, ok hafði jarl þá skatta alla, þá er Dana konúgr átti, til síns kostnaðar, en fyri þat sendi hann Dana konúgi stundum

hauka eða hesta ok nökkut af skatti, en stúndum ekki, þartil er Dana konúgr taldi at; ok at lyktum varð hann svá reiðr, at hann fór með her sinn í Noreg, ok gerði þar hit mesta hervirki; eptir þat veitti jarl honum aungva lýðskyldu. Haraldr konúgr grænski hêlt allt sáttmál við Dana konúg, ok svá hêlt hann vináttu við jarl, meðan hann lifði; hann fêkk Ástu, dóttur Guðbrands kúlu, göfugs manns.

13. Þá er Haraldr konúgr hófst til ríkis í Noregi, var Eiríkr at Uppsölum í Svíþjóð, Ey-mundarson, hann andaðist þá, er hann var nær tíræðr¹⁾. Eptir þat voru konúgar í Svíþjóð synir hans, Ólafr, faðir Styrbjarnar, ok Eiríkr hinn sigrsæli, er lengi var konúgr í Svíþjóð; hann fêkk í elli sinni Sigríðar hinnar stórráðu, dóttur Sköglar-Tosta; þeirra son var Ólafr svænski, er var konúgr í Svíþjóð eptir föður sinn Eirík. Eiríkr Svía konúgr fêkk bana of-arla á dögum Hákonar jarls; Sigríðr drottning var þá at búum sínum, þvíat hún átti bæði mörg ok stór; hún var forvittr ok forspá um marga luti.

14. Haraldr konúgr fór eitt sumar í hernað í Austrveg, at afla sêr fjár, hann kom í Svíþjóð; en er þat spurr Sigríðr, föðursystir hans, þá sendi hún menn til hans, ok bauð honum til veizlu; hann fór þangat með mikla sveit manna; þar var góðr fagnaðr; sat konúgr ok

¹⁾ tvítugr, him.

drottning í háseti, ok drukku bæði saman um kveldit; ok er konúgr fór til rekkju, þá var sæng tjölduð þellum, ok búit forkunnar vel um; í því herbergi var fátt manna. Ok er konúgr var afklæddr ok kominn í rekkju, þá kom drottning þar sjálf, ok skenkti honum, ok lokkaði hann mjök til at drekka, ok var hin blíðasta; konúgr var allmjök drukinn ok bæði þau; þá sofnaði konúgr, en drottning gekk íbrott ok til svefns. Eptir um morguninn var veizla hin kappsamasta; en þá varð, sem jafnan verðr, þar sem menn verða mjök drukknir, at næsta dag eptir, þá varast flestir at vera ofdrukknir; drottning var þá enn hin kátasta; hún talaði svá til konúgs, at hún virði eigi minna eignir sínar, þær er hún átti í Svíþjóð, enn konúgdóm hans í Noregi. Við þessar ræður varð konúgr úglaðr, ok fannst fátt um allt, ok bjóst íbrott eptir þat, ok var hugsjúkr; en drottning var hin kátasta, ok leiddi konúg brott með stórgjöfum. Fór þá Haraldr konúgr um haustit til Noregs, ok var heima um vetrinn ok heldr úkátr; en eptir um sumarit fór hann í Austrveg með liði sínu, ok hæld þá til Svíþjóðar, ok sendi orð Sigríði drottningu, at hann vill finna hana; hún reið ofan á fund hans, ok talaðust þau margt við. Konúgr vekr bráttmál við hana, ef hún vildi giptast honum; hún segir honum þat hégómamál: ok ert þú áðr svá velkvángaðr, at þér er fullræði í. Hann svarar: góð kona er Ásta ok göfug, en ekki er hún jafn-

stóræltuð sem ek. Vera má þat, segir hún, at hún sè ættsmærri enn þú, en hitt hygg ek, at með henni sà nú beggja ykkar gæfa ok ham-ingja. Litlu fleirum orðum skiptust þau við, áðr drottning reið ábrott. Haraldi konúngi varð allskappúngt af þessu; hann bjóst síðan at ríða á land upp á fund drottningar, margir hans menn löttu þessa, en eigi at síðr fór hann með sveit manna, ok kom til þess staðar, er drottning ræð fyri. Hit sama kveld kom þar annar konúngr, sá hèt Vísivaldr or Garðaríki. Þeim var skipat báðum konúngunum í eina mikla stofu ok forna, eptir því var allr búnaðr hennar; þeim var gefinn drykk afengr um kveldit, svà at allir voru fulldrukknir; sofnaðu allir höfuðverðir ok útverðir. Þá sömu nótt lét Sigríðr drottning veita þeim atgaungu, bæði með eldi ok vápnum, þar brann stofan ok allir þeir menn, sem inni voru; þeir voru drepnir, er útkomust. Sigríðr drottning segir, at svà vill hún leiða smákonúngum, at fara til þess af öðrum löndum at biðia sín.

15. En þann vetr hinn næsta áðr átti Hákon jarl orrostu við Jómsvíkinga á Hjörúnga vági. Hrani hafði verit eptir at skipum, þá er Haraldr konúngr hafði ríðit á land upp, var hann settr forráðandi þess liðs, er at skipum var. En er þeir spurðu þat, at Haraldr konúngr var af lífi tekinn, þá fóru þeir íbrott sem tíðast, ok áptr til Noregs, ok sögðu þessi tíðendi. Hrani fór á fund Ástu, ok segir henni þessi tíðendi um för

þeirra, ok svá þat, hverra eyrenda Haraldr kon-
úngr fór á fund Sigríðar drottningar. Ásta fór
þegar til Upplanda, er hún frètti þetta, á fund
föður síns, ok tók hann við henni; en bæði voru
þau reið Haraldri konungi fyrri þat, er hann hafði
ætlat at láta hana eina, ok um ráðaaetlan þá,
er verit hafði í Svíþjóð.

16. Eina nótt dreymdi Hrana, at maðr
kom at honum í pellskyrtili, ok hafði guðvefjar-
skikkju yfir sér, hann hafði gullhring á hendi; hann
mælti svá; vaki þú, Hrani! segir hann; ek er
Ólafr konungr Geirstaðaálfr; þik vel ek til at
brjóta minn haug, ok mun lítit fur verða, ef þú fær
mín ráð at: haf eld ok snæri með þér, ok far svá í
hauginn, þar munt þú sjá marga menn, far óhræði-
liga! þar muntu sjá mann með slíkum búningi,
sem nú er ek, tak af honum hjálm ok hríngian
gullvönd ok sverð ok skikkju, síðan högg þú af
honum höfuð, ok mun þat auðveldt; ok ef þú
bregðreigi af því, er ek mæli, þá fylgir hamingja,
ella liggr á þér víti; spenn af mér belti ok knífinn
á; þá mun þér málfrótt at fara, ok vænti ek, at
þér endist vel; ok ef illar vættir taka í klæði þín,
þá sker þú af með sverðinu þá leppa, er þeir ná,
af þínum klæðum. Ek vil ok segja þér mína
æfi skyndiliga, bæði um haugsgjörð ok um blót
ok reimleik, ok hefir þat svá farit, sem ek gat.
En ef þú óttast at brjóta hauginn, þá far þú til
móts við Svein Hákonarson, hann liggr hieðan
skamt frótt með líði sínu, ok er fëvani mjök;
hann þikkist spurt hafa, at fëvan er mikil í haugi

Ólafs konúgs digrbeins. Nú sagði hann Hrana, hvaðan hann skyldi brjóta hauginn: ok skulum nótt at vera, segir hann; engi mun vinna í hauginn gánga fur óðaun, er or hauginum mun útleggja; þá ráðst þú til, ok far í hauginn, ok mæl til 3 kostgripi at afnámsfè, en helmíng af öðru fè; síðan bið þú Svein jarl halda festinni, hann einn mun einurð ok drengskap til hafa at bíða, þartil er þú kemr or hauginum; ber til skiptis allt lausafè þat, er í hauginum er, ok áðr liggir í einni hrúgu; en hvárki mun í hauginum hljóðt nè kyrt, er þú ferr í brott; ljósin munu slokkna, en allir menn munu af hauginum stökkva, nema Sveinn jarl, ok fáir menn með honum; hann mun þá vilja, at þú hafir þriðjúng fjár, en hann 2 luti; en þú seg svá, at þat sè eigi ykkarr skildagi; hann mun segja þann virðingar mun ykkarn; lát þú þèr þat líka, laup þú á hest þinn, ok ver eigi nærr honum, enn mál nemi, ok sýn honum þá gripina; hann mun sjá vilja gjörr gripina; en þú lát þess engan kost, ok ríð undan í skóg, ok lætt eigi furr enn þú kemr til Ástu Guðbrandsdóttur, ok fylg henni til föður síns, hún er með barni, ok ef henni greiðist seint, legg um hana beltit þat, er ek hefi átt, ef við þik er ráða leitat, ok mun þat duga; mæl þú þèr óðaun fur, at þú villir ráða fur nafni, ef sveinn er, ok lát Ólaf heita, ok skil þú eigi við hann, meðan þið lifið báðir; ok sá sveinn mun verða hjálp ok heilsa kyns vârs, þvíat vèr allir

munum fagna hans hingatburð ok andláti, svá sem vēr sèim, nálíga af dauða reistir. Þá gripi, er þú tekr af mēr í hauginum, vil ek at þú sellr í hendr Ástu, ok bið þú hana varðveita, ok selja í hendr syni sínum, þá er hann vex upp. Hrani þóttist spurja: mun þat eigi ofráð, at brjóta haug þinn fyrri landshöfðingjum, svá mikla ást sem þeir höfðu á þér, meðan þú lifðir? Draummaðrinn svarar: nógt traust er þér at jarlinum, hann hefir lánskip alskipat, ok liggr hëðan skamt, ábrott í einum leynivági; engi er svá ríkr, at sjá gángi á þín efni. Sveinn jarl þarf fjárens, en þú gjörfèlag við hann at mínum boðskap; brjót þú enn fyrsti manna hauginn, ok gakk inn; lát þú Svein jarl eigi hafa gripina, þá er þú tekr af mēr, þvíat heldr mun hann þá kjósa enn allt fèit; en þriðjungs mun þér virt af öllu fènu, þar er þú átt helmíng, en þú lát þik ekki á þat skilja; bið þú Svein jarl láta bera fèit til skipta, en þú kom um morgininn eptir til skiptis, en bú á þeirri stundu ferð þína. Síðan hvarf draummaðrinn ábrott. En Hrani vaknaði, ok hugsáði um, hvat fyrir hann hafði borit; hann vissi gjörla, at Ólafr Geirstaðaálfr hafði verit mikill höfðingi ok allvinsæll, ok manna bezt at sèr þeirra manna, er í fornum sið hafa vérit; svá kvað Þjóðólfr hinn hvinverski:

Ræð Ólafr

Ofsa^r forðum;

¹⁾ Upsa, F, H.

víða frægr,
 ok Vestmari',
 unz fótverkr
 við foldar þröm
 [virða vin²
 [umvíða náði³;
 nú liggr gunndjarfr
 á Geirstöðum
 herkonúgr⁴,
 haugi vörpinn.

Þessi Ólafr var son Guðröðar Vinda konúngs, ok vissi fyrri dauða sinn af draumspeki sinni. Hrani vissi, at þat var satt, er hannsagði honum, ok framkomit var, ok því treysti hann, at þat mundi ok eptirgánga, sem óvorðit var í þeim draumi; hann fór þegar at leita at Sveini jarli, ok fann hann, sem honum var tilvísat, ok gekk fyrir hann; jarl fagnaði honum vel, ok spurð at erendum, þvíat hann vissi at Hrani var frægr maðr, ok hafði víða farit. Hrani frètti, hvært jarli væri engi hugr á fæfaungum. Jarl kveðst gjarna vildu fjár afla, ef þess væri kost. Hrani segir nú til, hvar haugrinn var, ok kvað fást mundu fèit, ef hans ráðum væri at farit; ok því játar jarl, ok skildi Hrani sèr helmíng fjár þess, er fengist. Síðan fóru þeir til haugsins, ok brutu, ok gekk þetta allt, svà sem draummaðrinn hafði sagt; gekk Hrani í hauginn, en jarl hèlt

¹) goðum líkr ok Grænlands fylki, b. v. F. ²) vígfróm-
 ustum, F, H. ³) varð at grandi, F; af víða tæði, H. ⁴) sjá
 b. v. F.

festi, sem Hrani átti skilt. Ok er Hrani kemr í hauginn, sér hann tíguligan mann á stóli sitja, ok sprettir af honum beltinu, ok var þar knífr á; hann tók hjálm af höfði honum, ok var þat hin mesta gersimi; síðan brá hann sverðinu, ok þorði furst eigi at höggva hann, en þó reð hann þat af umsýðir, hjó hann af honum höfuðit, var því líkast, sem í vatn brigði, svá beit sverðit; síðan bjóst hann íbrott, ok bar lausafé allt í festi, þat er áðr lá í hauginum; ekki var þá kyrt í hauginum, ljósit slokknæði, en þess verðr hann varr, at flestir menn eru þá brottu af hauginum, nema Sveinn jarl ok fáir menn með honum. Hrani las sik upp eptir snærinu or hauginum, ok var fenu hagat til gæzlu. Ok um morgininn, er þeir fundust, sagði Sveinn jarl, at hann vill hafa 2 luti fjárins; Hrani sagðist eigi af því haldinn vera; jarl kvað hann enga atferð til þess haft mundu hafa at brjóta hauginn, ef eigi hefði notit at hanstignar ok gæfu. Þú munt ráða verða, jarl! sagði Hrani. Ok er Hrani kom á hest sinn, mælti hann til Sveins jarls: mikinn ójafnað lýstir þú nú við mik ok mikit ofríki; en þó hefi ek þá gripí, er fémætir eru, ok var þá eigi nærr jarli, enn mál nam í milli þeirra. Jarl vildi sjá gripina; en Hrani reið undan með 2 hesta; þá skutu þeir hestinn undir honum; hann ljóp þá á bak öðrum hestinum, ok hleypti í skóginn; er nú ekki sagt frá ferðum hans, furr enn hann kom til Ástu

Guðbrandsdóttur, ok sagði henni tíðendi þau, sem vorðin voru, ok fylgði henni til föður síns, ok tók hann allvel við henni.

17. Litlu síðarr tók Ásta jóðsótt, ok var þungliga haldin, ok horfðist seinliga á um sóttarfar hennar, sátu menn yfir henni mjök harmþrúngnir; þá var ráða í leitast, þeirra er mönnum kom í hug, var Hrani eptirspurðr, ef hann kynni nokkut til at leggja; hann kvað eigi þess örvænt, ok sagðist ráð mundu tilleggja, ef hann reði fyri nafni sveinsins, ef sveinbarn væri; þeir sögðu þat skyldu at vísu; þá tók Hrani beltit ok lagði um hana, ok litlu síðarr varð hún lættari¹.

18. Ásta Guðbrandsdóttir ól sveinbarn², en sá sveinn var nefndr Ólafr, er hann var vatni ausinn; Hrani jóð hann vatni, [ok er þat sumra manna sögn, at Guðbrandr vildi eigi upp láta fæða sveininn fur reiði þeirri, er hann hafði á feðr hans, fur enn Hrani sagði honum, at hann sæi ljós yfir húsi því, er sveinninn var í fæddr; Guðbrandr gekk til at sjá sjálfr; var þá ábrott tekinn sveinninn, ok fæddr upp með mikilli ástúð. Hrani gaf honum beltit ok knifinn at tannfè, ok er honum vóð aldr, þá gaf Hrani honum hringinn ok sverðit. Ólafr var uppfæddr³ með Guðbrandi ok Ástu, móður sinni.

¹) *Tvo undanfarið kapit. v. í B, D, G, L, en eru í F ok H frábrugðnir ok fjölorðari.* ²) *um sumarit, b. v. hin.* ³) *var sá sveinn þar uppfæddr fyrst, hin.*

19. Nokkurum vetrum síðarr báðu þeir Ástu, móður Ólafs, Gissr Guðbrandsson, lendr maðr, ok Sigurðr sýr, er þá var konúgr á Hríngaríki, ok hafði hvárrtveggi marga fulltíngsmenn. Sigurðr konúgr var spekingr mikill, at viti, göfugr maðr ok auðigr at fè, ok heldr fastr at framlögum. Gissr var mildr at fè ok meirr við alþýðu skap, ok var þat flestra manna til laga, at árna Gissuri kvánfáingsins. Þá setti Ásta Ólaf, son sinn, á knè sér, hann var þá 6 vetra gamall. Ásta spurð, ef Ólafr leiði nokkut athuga, hvert eyrendi þeirra manna væri þangat? Ólafr svarar: skilst mér þat, segir hann, en betra þíkkir mér nú at leika við sveina, enn at ihuga vandamál. Ásta svarar: kalla má, at þetta sé umfram þinn afli, er þú hefir furaldre sakir, en þó bregzt mér mjök í, ef eigi fætt þú nokkut þat at mæla, at ek muni þaraf mín forlög riarka. Ólafr mælti: hve mikill ertu metnaðarmaðr, móðir? segir hann. Ásta svarar: eigi ætla ek mik þat munu skorta. Ólafr mælti: hvárt mundi þér þíkkja betra eptir þinn dag, eða meðan þú lifðir, at eiga lenda mann at syni, eða þann, er þjóðkonúgr væri yfir Norgei? Hún svarar: kunna mundi ek þess skyn. Ólafr mælti: þat segir Hrani mér, fóstri minn, at eigi muni kvistir þér betri enn aðaltrè, at þú munir ala son við lendum manni, en þú mættir vel ala konúng við þeim, er konúngborinn er

í allar kynkvíslir. Þetta flutti mjök fram mál Sigurðar; var þat af ráðit, at Sigurðr konúngr fékk Ástu, móður Ólafs konúngs; hann var landsstjórnamaðr góðr, engi var hann hermaðr, réttlátr ok hófsmaðr um alla luti. Ólafr Haraldsson fæddist upp með Sigurði, stjúpfoður sínum, ok Ástu, móður sinni.

20. Einum vetri síðarr enn Haraldr grænski fœn í Svíþjóð, þá tóku þrændir af lífi Hákon jarl, en tóku til konúngs Ólaf Tryggvason. Ólafr var hinn mestr merkismaðr, ok at allri atgervi líkast Hákonr Aðalsteinsfóstra. Ólafr konúngr var vel kristinn, ok hélt furstr rétta trú Noregs kónunga; hann kristnaði allan Noreg ok mörg lönd önnur, ok var ágætr konúngr; hann fór um allt land, at boða mönnum trúna. Hann kom á Hringaríki, ok þá veizlu at Sigurði konúngi sýr; þá var Sigurðr konúngr skírðr ok allir hans menn, þá var ok skírðr Ólafr Haraldsson, ok veitti Ólafr konúngr sjálfr honum guðsifjar. Svá er sagt, at Ólafr konúngr hafði mælt við nafna sinn, þá er hann hélt honum undir skírn, at slíkan son mundi hann sêr æskja at eiga, ok sagði hann vera konúngs efni dýrðarsamligt. Ólafr Haraldsson sagði ok svá, at þat kom ásamt með þeim, at þvflíkan kónúng mundi hann kjósa sinn föður, sem Ólafr konúngr Tryggvason var, fyrir sakir allrar atgervi ok ríkdæmis, er hann hafði umfrám flesta kónunga á Norðrlöndum. Þat sýndist ok snemma, at vitrum mönnum fannst mikit

um Ólaf Haraldsson, ok spáðu honum, hverr ágætismaðr hann mundi verða í sínu lífi ok afreksverkum þeim, er hann vann, eptir því sem síðan birtist. Hrani var með Ástu, sem sagt var, hann veitti fóstr Ólafi Haraldssyni. Ólafr var, snemma gjörvuligr ok fríðr sýnum, meðalmaðr á vöxt, vitr maðr var hann snemma ok málsnjallr. Sigurðr konúgr var bússýslumaðr mikill, ok hafði menn sína mjök í starfi, hann fór ok optliga sjálfr at sjá yfir akra sína, ok eigi síðr til smíða sinna, eða þar er menn störfuðu nokkut. Þat var eitt sinn, at Sigurðr konúgr vildi ríða af bænum, þar var þá engi maðr yðnarlauss á bænum, at eigi hefðist hverr nokkut at; hann kallaði Ólaf, stjúpson sinn, at söðla sér hest; hann fór síðan ok söðlaði honum fararskjót; hann segir honum, at búinn var skjótrinn. Þá gekk Sigurðr konúgr út, ok sá, hversu Ólafr hafði gjört; hann mælti: þat er auðsýnt, at þú munt vilja af höndum ráða kvaðningar þær, er þær sé ímóti skapi; er þat ok auðsæt, at við munum vera ekki skapglíkir, munt þú vera maðr miklu skapstærri enn ek. Ólafr svarar fá; hann hafði söðlat búkk einn konúnginum.

21. Þat var eitt sinn, er Ólafr reið á dýraveiðar, ok með honum sýgnskr maðr, er Halldórr hét, ok var kallaðr Rannveigarson; hann hleypti eptir dýrum um daginn, ok féll af baki; um kveldit, er þeir komu heim, bar Ásta honum at drekka; þá kvað Ólafr vísu:

Fyll horn, kona!

fell af hesti

Rannveigarson,

þar er riðu drengir;

kunnu eigi Sygnir

á söuldýrum

fullvel fara;

fær mér ok þér!

Halldórr kvað aðra vísu til Ólafs við þann atburð,
er áðr hafði gerzt:

Fyll horn, kona!

frá ek at helldi

Ólafr konúngur

undri miklu,

þá er hann söðlaði

sínum mági.

búkk at riða;

fær mér ok þér!

22. Ólafr Tryggvason reð 5. vetr fur Nor-
egi; hann féll í orrostu suðr fur Vindlandi, sem
segir í sögu hans, þá er hann barðist við Svein
Haraldsson, Dana konúng, er þá átti Sigríði hina
stórráðu, dóttur Sköglar-Tosta, ok við Ólaf Svía
konúng ok við Eirík jarl Hákonarson. Eptir
þat reðu Noregi Eiríkr jarl ok Sveinn jarl Há-
konarsynir, ok guldu skatta Dana konúngi ok
Svía konúngi. Knútr hinn ríki var sön Sveins
konúngs. Sveinn Dana konúngur fór með her
sinn vestr til Englands á hendr Aðalráði, Eng-

¹⁾ her, F.

lands konúingi, Játhgeirssyni, ok áttu þeir orrostur, ok höfðu ýmsir betr, þvíat ýmsir sigraðust. Sveinn konúngr setti menn sína í Víkina, ok var hans vald austan Fjarðar.

23. Þá er Ólafr Haraldsson var 8 vetra gamall, þá var hann viðstaddr einn dag, er Ásta móðir hans, leitaði í eina hirzlu. Ólafr spurð, hvat þar væri svá bjart í hirzlunni? Hún svarar: þat eru sverðs hjölt. Ólafr mælti: hvern á? Þú átt, son minn! segir hún, ok er þat sverðit Bæsíng, er Hrani, fóstri þinn, gaf þér, en átt hefir Ólafr Geirstaðaálfr. Ólafr mælti: ek vil nú viðtaka ok meðfara. Ásta selr honum sverðit. Sigurði konúingi þótti eigi verða vel meðfarit, þvíat Ólafr dró þat eptir sér um hallargólfrit, en sverðit var mjök gulli búit. Sigurðr konúngr mælti til Ástu, sagði, at þat var siðvenja kvenna, at láta þat margt eptir börnum, er þau þurfa at aungu, en láta þau missa þess margs, er þau þurfa. Ásta svarar: ef þú færst teygt af honum sverðit, svá hann gráti eigi, þá leyfi ek þat, en grát hans vil ek eigi. Sigurðr konúngr mælti við Ólaf einn dag við drykkju, at hann vill varðveita Bæsíng, ok þó honum til handa, en fá honum annat sverð léttara til meðferðar; Ólafr svarar engu. Sigurðr kveðr hann í annat sinn, ok er Ólafr hljóðr; ok hit 3ðja sinn kveðr Sigurðr hann reiðuliga. Ólafr bregðr þá sverðinu, er konúngr kveðr hann hit 3ðja sinn, en leggur umgjörðina undir skykkju.

Hrana, fóstura síns, en réttir blóðrefillinn at kon-
unginum, en heldr sjálfr um meðalkaflann.
Ólafr mælti þá: eigi hefi ek aldr til at banna
yör at taka af mér Bæsing, nauðgum, en ek sel
hann engum manni af hendi öðruvíss, enn ek
hafi umgerðina ok meðalkaflann. Sigurðr mælti:
þá varðveit þú sjálfr sverð þitt, ok er þess mest
væn, at ek kveðja þik þess eigi optatr.

24. Þá var Ólafr 10 vetra, er Sigurðr bað
hann bjóða mönnum í veizlu, ok ráða sjálfan til-
faungum. Ólafr lét höggva upp [allt búit¹, ok
bauð meirr enn hálfu fleiri mönnum, enn Sig-
urðr hafði mælt; Sigurðr kvaðst hann eigi mundu
þessa optarr kveðja, ok kvað brátt mundu upp-
ganga lausafæin, ef hans skipan skyldi á vera.
Ólafr kvað annann veg eiga at búa konunga enn
kotkarl. Þat fannst brátt á, hversu mikit þess-
um sveini var í hug, ok síðan reyndist um hans
ráð enn framarr.

25. Ólafr Haraldsson vóx upp, sem sagt
var; hann var ekki hárr meðalmaðr á vöxt, ok
allþrekkligr ok sturkr, ljósjarpr á hár, breiðleitr,
ljóss ok rjóðrí andliti, eygðr forkunnar vel, fagr-
eygr ok bjarteygr, svá at ótti var at sjá í augu
honum, ef hann var reiðr. Ólafr var íþrótta-
maðr mikill um marga luti, kunni vel við boga,
ok sundfærr vel, skaut manna bezt af handboga,
x hagr ok [sjónhannur um alla luti²; hann var kall-

¹) eitt bú allt, F.. ²) sjónhannarr um smíðar allar, hvort er
hann gerði, eðraðrir menn, B, S.

aðr Ólafr digri; hann var djarfr ok snjallr í máli, bráðgjörri var hann um alla luti, at öllum þroska, ok afli ok vizku; hann var hugþekkr öllum vinum sínum ok frændum; hann var kappsamr í leikum, ok í öllum lutum vildi hann fur öllum vera um allt, þat er tilkom, eptir því sem hann var tilkominn.

26. Ólafr Haraldsson var þá 12 vetra, er hann stó á herskip fursta sinn. Ásta fékk til Hrana, er kallaðr var konungsfóstri, til forráða fyrri liðinu með Ólafi, þvíat hann hafði opt verit í hernaði. En er Ólafr tók við liði ok skipum, þá gáfu liðsmenn honum konungsnafn, sem siðvenja var til, þá er herkonungar fóru í hernað, ef þeir voru kynbornir til konungsnafns, þó at þeir sæti eigi at löndum, þegar þeir voru herkonungar, Hranisat við stýrihömlu, en Ólafr við stjórn í háseti; þeir höldu austr með landi, ok furst til Danmerkr; svá segir Ottarr svarti:

Ungr [hratt þú á vit vængis,

vígrakkr konúgr! blakki,

þú hefir dýrum þrek dreyra,

Danmarkar, þik vandan;

varð nytligust norðan,

nú ert ríkr af hvöt slíkri,

frá ek til þess er fóruð,

för þín, konúgr! gjörva.

En er haustaði, sigldi hann¹⁾ fur Svíaveldi, tók hann þá at hérja ok brænna landit, þvíat hann

¹⁾ hélztu, G. ²⁾ austr, b. v. hja.

þóttist Svíum eiga at gjalda fullan fjandskap, er þeir höfðu tekit föður hans af lífi. Svá segir Ottarr svarti berum orðum, at Ólafr konúgr fór austr or Dánmörk:

Öttuð¹ árum skreyttum
austr í salt með flaustum²,
báruð lind³ af landi,
landvörð⁴ á skip randir;
neyttuð segls ok settuð⁵
sundvarpaði stundum,
sleit mjök roin⁶ mikla
mörg ár und þær báru.

Drótt var⁷ drjúgligr⁸ ótti
dólgstinns⁹ at för þinni,
svanbeiðir¹⁰ naimtu síðan

Svíþjóðar nes hrjóða.

Haust þat barðist Ólafr¹¹ við víkinga, ok er sá Sóti nefndr, er fyri þeim ræð. Ólafr hafði miklu minna lið, en skip stærri; hann lagði skip sín millum boða nokkurra, ok var víkingum þá úhægt at þeim at leggja, en þau skip, er mest lögðu at þeim, þá komu þeir á stafnljám, ok drógu þá at sér, ok hruðu svá þau skip. Víkingarnir lögðu frá, ok höfðu látit menn ok mikít fe; svá segir Sighvatr skáld:

¹) attuð, B, H, L. ²) fleystum, K. ³) lind, B; lendr, H. ⁴) landherr, B. ⁵) sættust, B; sóttuð, K. ⁶) roðin, F. ⁷) viðr, B; stendr, D, F; varð, G, K, S; víðt stendr, L. ⁸) drjúgligr, D, F, L. ⁹) döglings, hin. ¹⁰) svanbræðir, hin. ¹¹) ena fyrstu orrostu við Sótaker, þat er í Svíaskerjum; þar barðist hann, b. v. D, G, H, K, L, S.

Lángt bar út hinn unga
jöfra kund [at sundi¹,
þjóðugði² sér síðan,
sæmeiðr, konúngs reiði;
kankaða ek mark³, en manna,
minna⁴ fursta sinni,
hann rauð æztr fur austan
úlfs fót við sker Sóta.

Ólafr hélt þá austr fyrri Svíþjóð, ok lagði inn í
Lögin, ok herjaði á bæði borð, hann lagði upp
til Sigtúna ok lagði at við fornu Sigtúnir; svá
segja Svíar, at þar sjái enn grjóthlöð þau, er
Ólafr konúngr lét gera undir bryggjuþorðá
sína. En er haustaði, þá spurð Ólafr konúngr
þat, at Ólafr Svía konúngr dró her saman, ok
svá þat, at hann hafi járnum gjört um sundit
ok sett þar menn til at gæta, svá at eigi máttu
þeir útkomast or Leginum, ok ætlaði Svía kon-
úngr, at þar skyldi þeir búa frera, ok þótti
Svía konúngi lítils verdt um her hans, þvíat
hann hafði lítit lið. Þá fór Ólafr konúngr út í
Stokkssund, ok komust eigi þar út, þvíat kastalinn
var fur vestan sundit, en herr manns fur austan.
Nú spurð Ólafr, at Svía konúngr er á skip kom-
inn, ok ætlaði þá at leggja at þeim. Þá lét Ólafr
konúngr grafa [fitina út til hafs⁵, en þá voru
regn; en um alla Svíþjóð þá fëllu rennandi
vötn í Lögin; en einn óss er til hafs or Legin-

¹) frá grundu, G, II. ; ²) hugði, G, L. ³) margs, hin. ⁴)
minni, hin. ⁵) út í gegnum Agnast til hafsins, D, G, X, L, S.

um svá mjórr, at margar ár eru breiðari; en þá er regn eru mikil eða snæná, þá falla vötn svá æsiliga í Löginn, at forsfall er út um Stokksund, en Lögrinn gengr þá á landit; en er gröptrinn kom út í sjáinn, þá ljóp þar út straumur ok vatn. Þá lét Ólafr konúgr leggja stýri öll orlagi á skipum sínum, en draga upp segl við húna; byrr var aflandi, ok stýrðu þeir með árum, ok gengu skipin út yfir grunninn, ok komu öll heil á haf út. Svía konúgr veitti þeim þúngar átölur, er gætt skyldu hafa óssins, at Ólafr konúgr kæmist eigi út; þat er nú kallat Konúngsund; ok má þar ekki stórskipum fara, nema þá er vötn æsast mest. Nú er þat sumra manna sögn, at Svíar vyrði varir við, þá er konúgr hafði grafit út fitina ok vatnit féll út, at Svíar færi þá til með her manns, ok týndist þar fjöldi manns; en Svíar mæla þar ímóti, ok kalla þat hægóma, at menn hafi þar farizt.

27. Ólafr konúgr sigldi þá um haustit til Gautlands, ok bjóst þar til heraðar; en Gautar höfðu fursamnað, ok gjörðu síðan menn til hans, ok buðu honum gjald af landinu; þat þekktist konúgr, ok tók gjald af bøndum, ok sat þar um vetrinn; svá segir Óttarr svarti:

Gildir¹ komt þú at gjaldi
getneskum [her flotna²,
þorðuð þer at verða³

¹) Gildir, B; D; gildir, G, K, L. ²) herflotta, F. ³)
v. rða, Jin.

Þjóðland¹ fírar², brandi³;
 rann, en meðr of minna
 margr býr um þrek, varga
 húngr frá ek austr, enn yngvi⁴,
 Eysýslu lið, deyja⁵.

Hér segir ok svá, at Ólafr fór, er váraði, austr til Eysýslu ok herjaði; svá er sagt, at hann veitti landgaungu, en landsmenn fóru ofan, ok áttu orrostu við hann; þar hafði Ólafr konúngr sigr, ok rak hann flóttann ok herjaði. Svá er sagt, at Ólafr konúngr kom í furstu í Eysýslu, þá buðu bændr honum gjald af landinu, ok herjaði hann þar eigi; en er gjaldit kom ofan, þá gekk hann ímóti með lið sitt alvápnat, ok var þar annann veg enn bændr hétu, þvíat þeir höfðu gjald ekki at færa konúngi, heldr hervopn at berjast við hann, sem furr var sagt; svá segir Sighvatr skáld:

Þar⁶ var enn, [er unnuð⁷,
 Ólafr, nè svik fálust⁸,
 odda [hríð í auðri⁹
 Eysýslu gekk¹⁰ heyja;
 sitt áttu fjör fótum,
 fár¹¹ beið or stað sára,
 en þeir er undan runnu,
 allvaldr¹², bændr gjalda.

¹) þat land, G, H, S; Þjóðlönd, hin. ²) fyri, B; fíra, K; jöfurt, G, H, S; farar, L. ³) röndu, B, D, K. ⁴) úngi, D, G, S; yngri, hin. ⁵) heyja, B, D; þegja, F, K, S; þeysa, G, H; þreyja, L. ⁶) þat, hin. ⁷) er önnur, B, D, F, K, S; er annat, G, H. ⁸) fálust, B. ⁹) þing í eyddri, hin. ¹⁰) gat, B. ¹¹) farir, G. ¹²) allvald; B; allvaldi, F, G, H.

Síðan sigldi Ólafr konúgr aptr til Finnlands, ok herjaði þar, ok gekk á land upp; en lið allt flýði á skóga undan, ok eyddi byggðina, svá at þeir fengu ekki af fè; hann fór þá lángs á land upp ok yfir skóga nokkura, ok urðu þá fur þeim dalbyggðir nokkurar, ok voru þar bæir margir, því heita þar Herdalir; þar fengu þeir lítit fè, en ekki af mönnum. En er áleið daginn, snéri konúgr ofan til skipa sinna; ok er þeir komu á skóginn, dreif lið at þeim öllum megin, ok sótti at þeim fast; konúgr bað menn sína hlifa sér. En áðr konúgr kæmi or skóginum, þá lét hann marga menn, ok margir voru sárir; hann kom um kveldit til skipa sinna. Þá gerðu Finnar um nóttina mikit fjölkýngiveðr at þeim ok storm sjóvar; þá lét konúgr taka upp akkeri ok draga upp segl á skipum sínum, ok beitti hann vestr fyri landit, ok mátti meira hamíngja konúgs, enn fjölkýngi Finna, ok fengu þeir beitt fyri Balagarðssíðu ok svá út á haf. En Finnar fóru hit efra, sem konúgr sigldi hit ytra, ok væntu þá ok þá, at þá mundi uppreka at þeim; svá segir Sighvatr skáld:

Hrío varð stáls, á' stríðri,
 straung, Herdala gaungu
 Finnlendinga at fundi,
 fylkis niðs¹ hins² þriðja³;
 en austr við lá leysti
 lið⁴ víkinga síðu⁵

¹) í, hin. ²) móts, H; niðr, F, S. ³) hinn, B, D, G; hina, F, H, L, S. ⁴) þriðju, F, L. ⁵) leið, hin. ⁶) skeiðir, B, D, F, K, L, S; skeiðar, G, H.

Balagarðs, at barði
brimskíðum lá síðan¹⁾.

Þá sigldi Ólafr konúgr til Danmerkr; ok er hann
kom í Suðrvík, þá átti hann þar hina 4ðu orrostu;
svá segir Sighvatr:

Enn kváðu gram gunnar
galdrs²⁾ upphöfum valda,
dýrð³⁾, [er þeim⁴⁾ vel varðist,
vinnast fjórða sinni;
þá er ólitt⁵⁾ áti
jöfra liðs⁶⁾ ámiðli⁷⁾
friðr gekk sundr í⁸⁾ sáðri⁹⁾

Suðrvík, Dönum knöri.

Þaðan sigldi Ólafr konúgr suðr til Fríslands;
hann lá fyrri Kinnlimasiðu í hvössu veðri, þar
gekk hann á land upp með lið sitt; en menn
fóru ofan ímóti þeim með lið sitt, ok börðust
við þá; svá segir Sighvatr skáld:

Víg vanntu, hlenna hneigir!
höldum¹⁰⁾ grímmt hið fimmta,
þolduð¹¹⁾ hlýr fur hárrí
hríð Kinnlimasiðu;
þá¹²⁾ er við ráusn at ræsis
reið¹³⁾ herr¹⁴⁾ ofan skeiðum¹⁵⁾
en ígegn at gunni
gekk hilmis lið, rekkum.

¹⁾ síða, B, H, L, S; síða, G. ²⁾ gjalds, D, F, L. ³⁾ v. i. G. ⁴⁾ frá ek þeim er, hin. ⁵⁾ ólittill, B, K, S; ólittil, G, H; ólittum, L. ⁶⁾ lið, B. ⁷⁾ milli, K, S. ⁸⁾ með, G. ⁹⁾ slíðri, B, D, F, H, K, S; suðri, L. ¹⁰⁾ hjálmum, hin. ¹¹⁾ þoldu, hin. ¹²⁾ þar, B, D, F, L, S. ¹³⁾ reiðr, G, H. ¹⁴⁾ hverr, B; ferð, D, F, L. ¹⁵⁾ sverðum, D.

28. Þat er sagt, at þá er Ólafr konúgr herjaði um Austrríki, hafði hann markað við heiðit fólk eittsinni; þá urðu (þeir) þess vísir, at þar var vísindakona ein á því landi, sú er sagði fyrir ör-lög manna ok líf, ok þotti forunautum konúgs skemtiligt at eiga tal við hana; þeir spurja kon-úng, ef hann vildi gánga til tals við hana, ok frétta eptir forlögum sínum; hann kveðst þat eigi vilja; þá spurja þeir, ef hann yldi lofa þeim, at frétta eptir fur hans hönd; hann segir sér lítit um þat, en kveðst eigi banna. Þá spurja þeir vísindakonuna: hefir þú nokkut athuga leidd um konúng vörn, hversu lengi hann mun lifa, eör hvat honum mundi at bana verða? Hún mælti: þar standa yfir æfi hans ógnar geislar, þeir er mér er eigi lofat þangat at sjá, en svá skuluð þér segja konúngi yðrum, at hann mun eitt mismæli tala á allri æfi sinni ok láta á sama degi líf sitt. Nú má þat sjá, hversu geyminn hann var at guðs lögum, er hann vildi engan þann frétta eptir sínum forlögum, er eigi var af guðs krapti vitrat.

29. Nokkurri tíð, þá er Ólafr herjaði á heið-nar þjóðir, ok hann hafði marga heiðingja við velli lagt ok mikit herfáng samandregit, þá fór herr Ólafs konúgs til skipa með þann fjárlut, er þeir höfðu í hernaðinum fengit; ok er þeir komu til skipanna, þá söknuðu þeir Ólafs, ok vissu eigi, hvar hann mundi vera; við þat varð allr herrinn hryggr, svá at þeir vissu eigi, hvat þá var til ráðs. Nú er þeir hörmuðu þenna atburð,

ok ætlaðu at leita Ólafs, þá sá þeir, hvar hann reið af landi ofan, ok rak fur sèr marga menn, þá er stórar byrðir höfðu á baki. En er þeir komu til skipanna, þá spurja liðsmenn, hvarfyri þeir lèti rekast svá margir undir byrðum fur einum manni. Þeir svöruðu: eigi er hann einn, heldr sýndist oss hann koma til vor með fjölda vâpn- aðra manna, þeirra er oss nauðgaðu til at bera þessar byrðir. En er liðsmenn Ólafs heyrðu þessa sögu, þá undraðust þeir, ok vegsamuðu Ólaf meirr þaðanfrá.

30. Þá er Ólafr Haraldsson var í Englandi jafnfram Knúti konungi, þá kom hann hvern morginn furst til kyrkju, þá er hringt var til tíða, ok hlýddi öllum tíðum, unz lokit var. Aldri var sá gnýrreðr ógnir út at heyra, at Ólafr mundi utarr líta eptir kyrkjunní, meðan hann var at tíðum, heldr var hann æ staðfastr á bæninni, svá at (hann) brá sèr ekki við ógnir þær, sem atbárust. Knútr kom seint til kyrkju, en þó var þat siðvenja, at bíða hans at tíðum. Á nokkrum hátíðardegi varð sá aturðr, at kennimenn biðu Knúts at óttusátung; ok er þeir höfðu lengi beðit, þá leit biskup utarreptir kyrkju, sá er fyrri tíðunum ræð, ok sá, hvar Ólafr stóð, en hann sá eigi kominn Knút konung; þá mælti biskup: seint kemr Knútr konungr nú, ok munu vèr eigi bíða hans lengr, þvíat kominn er sá konungr hingat nú, er með hreinum hug er ávallt, ok elskar guðliga þjónustu. En er Knútr konungr kom

til tíða, ok spurði þessi orð biskups, þá öfundaði hann Ólaf, er hann var konúgr kallaðr, ok mátti eigi réttum augum til hans líta. Þat segja menn, at þá væri Ólafr fursta sinn konúgr kallaðr, er biskup nefndi hann konúgs nafni, ok trúa menn þat hafi hann gjört af heilagri andagípt.

31. Ólafr konúgr sigldi þá enn vestr til Englands; en þat var þar tíðenda, at Sveinn Dana konúgr Haraldsson hafði setit þar marga vetr, ok herjat á land Aðalráðs konúgs, ok höfðu Danir þá gengit nálíga yfir allt landit, en Aðalráðr hafði þá flýit landit. Þat sama haust, er Ólafr konúgr kom til Englands, vorðu þau tíðendi þar, at Sveinn konúgr varð bráðdauðr um nótt í rekkju sinni; en þat er sögn enskra manna, at Eðvarðr¹⁾ hinn helgi dræpi hann með þeim hætti, sem hinn helgi Merkúrius drap Julíanum nísíng. En er Aðalráðr konúgr spurr þetta á Flæmíngjaland, þá snéri hann þegar aptr til Englands; en er hann kom aptr, sendi hann orð vinum sínum, ok bauð til sín öllum þeim, er fè vildu þiggja til þess, at vinna aptr landit með honnm; dreif þá til hans mikit fjölmenni, þá kom ok þar til liðs við hann Ólafr konúgr með mikla sveit manna²⁾. Þeir lögðu furst utan í ána Temps; en Danir höldu borginni öðrum megin árinna, en mikit kaupún var öðrum megin, er heitir Suðvirki, þar höfðu Danir mikinn umbúnað, ok grafit um stórt diki ok sett

¹⁾ Játmundr, hin. ²⁾ Norðmanna, D, H, K, S.

fur innan vegg með viðum ok grjóti, þar höfðu þeir í lið mikit. Aðalráðr konúgr lét þar veita atsókn mikla, en Danir vörðu, ok fengu þeir ekki atgert. Bryggjur voru gjörvar yfir ána Tems milli borgarinnar ok Suðvirkis, svá breiðar, at aka mátti vögnum á víksl; á bryggjunum voru ok vígi, bæði kastalar ok karmar forstreymis, [ok tók þar sem maðr var mjórstr² á bryggjunum, ok vörðust þeir þaðan. Aðalráðr Engla konúgr var nú mjök svá hugsjúkr, hvernveg þeir skyldu koma ofan bryggjunum. Ólafr konúgr segir, at hann mundi atleggja með sínu liði, ef aðrir höfðingjar vildi atleggja. Á þeirri stefnu var þat ráðit, at þeir skyldu leggja her sinn upp undir bryggjurnar; bjó nú hvern höfðingi sitt lið ok sín skip. Ólafr konúgr lét gera flaka stóra af viðum ok bera yfir skip sín, svá at þeir tóku út af borðum, þar lét hann setja undir stafi svá hátt ok þykkt, at bæði var hægt at verjast ok vega undan, ok svá ærit stinnt við grjóti, þóat³ ofan væri fært á þá. En er herrinn var búinn, þá veittu þeir atróðr neðan eptir ánni; en þegar er þeir komu nærr bryggjunum, þá var borit á þá bæði skot ok grjót, svá stórt, at ekki stóð við, hvárki hjálmar né skildir, ok skipin meiddust; lögðu þá frá flestir. En Ólafr konúgr ok Norðmenn með honum lögðu allt

¹) borðþök, *hín* ²) svá at tók upp fyrri miðjan mann, *hín*.

³) hér byrjar C aþtr.

upp undir bryggjurnar, ok báru styrkakaðla um stafina, þá er upp hældu bryggjunum, svá sem þeir máttu neðarst, tóku síðan ok ræru öllum skipum senn forstreymis, drógust þá stafirnir með grunnum, þartil er undan gengu, brustu þá niðr bryggjurnar allar; en vápnaðr herra, er stóð á bryggjunum þykkt, ok margt grjótt ok annar þúngi, er á var borinn, þá fæll þat allt niðr í ána. Eptir þetta veitti konúngr atgaungu at Suðvirki, ok vann þat. En er borgarmenn sá þat, at virkitt var unnit, svá at þeir máttu eigi banna skipa-för upp í landit, þá hræddust þeir ok gáfu upp borgina, en tóku við Aðalráði; svá segir Öttarr svarti:

Enn braust þú, ðla kennir
yggveðrs! róinn² bryggjur,
linns hefir lönd at vinna,
Lundúna, þær snúnat.

Ok enn kvað hann:

Komtu í land ok lendir,
láðvörðr! Aðalráði,
þín³ naut rekka reynir⁴
[ríki eflðr⁵ at slíku;
harðr var fundr, sá er færud
friðland á vit niðja
ræð ættstuðill áðan
Eátmundar þar grundu.

Ok svá segir Sighvatr skáld:

¹⁾ hér byrjar E aptr. ²⁾ þorinn, hin. ³⁾ þins, C, F, L.
⁴⁾ runi, C, D, F, L, S. ⁵⁾ ríkin, C, D, F, G, L.

Rett er¹, at sókn hin setta
 snarr þengill bauð Englum
 átt, þar er Ólafr sótti,
 yggs, Lundúnar bryggjur;
 sverð bitu [völsk, en² varði
 [víkinga lið³ diki,
 átti sumt⁴ í slöttu
 Suðvirki lið búiðir.

82. Ólafr konúgr var þann vetr með Aðal-
 ráði konungi á Englandi, þá áttu þeir orróstu
 mikla á Hríngmaraheiði á Úlfkels landi; þat ríki
 átti Úlfkell snillingr; þar fengu konúngarnir
 sigr; svá segir Sighvatr:

Enn lét sjöunda sinni
 sverðþing háit verða
 endr á Úlfkels landi
 Ólafr, sem ek fer málum;
 stóð Hríngmaraheiði,
 herfall var þar, alla⁵
 Ellu kind, en olli
 arfvörðr Haralds starfi.

Ottarr svartí segir svá:

Þengill! frá ek, at⁶ þunga
 þinn [herr, skipum⁷ ferri,
 rauð Hríngmaraheiði,
 hlóð valköstu, blóði;

¹) varð, C, D, E, F, L. ²) völd en, B. ³) víkingar þar,
 hin. ⁴) sunds, B, F. ⁵) allra, C. ⁶) enn, C, F. ⁷) herr með
 skip, B.

laut fur yör, áör lætti,
landsfólk í gný branda,
Engla ferð, á jörðu,
ótt, enn mörg, á flóttu.

Þá lagðist enn landit víða undir Aðalráð konúng,
en Þingamenn ok Danir höldu þá enn víða borg-
um, ok víða höldu þeir landit.

33. Ólafr konúgr var höfðingi fur herin-
um, þá er þeir höldu til Kantarabyrgis ok börð-
ust þar, ok vunnustaðinn, en drápu fjölda manna,
ok brendu borgina; svá segir Óttarr svarti:

Atgaungu vanntu, ýngvi!
ætt síklínga mikla,
blíör þilmir! tóktu breiða
borg Kantara of morgin;
læk víð rann¹, af ríki
ræð þú, bragna konr²! gagni,
aldir³ frá ek at aldri,
eldr ok reykr, [at þú⁴ beldir.

Svá segir Síghvatr skáld:

Veit ek, at víga mætir⁵,
virðum⁶ hættr⁷ hit⁸ átta
styrkr gekk vörðr at virki,
verðungar styr⁹ gerði;
sinu máttat bæ banna
borg Kantara, sorðar
márgt fékkst prúðum pörtum
portgreifar Óleifi.

¹) lét, B, D. ²) rönn (ravnn), hin. ³) vinr, G. ⁴) aldar, hin.
⁵) um, C, G, H. ⁶) hneitur, G. ⁷) vörðum, G; Vindum, hin.
⁸) hættr, B, E, F, L; hátt, D, G, H. ⁹) eun, hin. ¹⁰) frið, E.

Ólafr konúgr hafði þá landvörn fur Englandi,
ok fór með herskipum fyrri landit; hann lagði
upp í Nýjamóðu, þar var fur þingmanna lið, ok
átti þar orrostu, ok hafði Ólafr konúgr sigr;
svá segir Sighvatr:

Vann úngr konúgr Englum
ótrauðr skarar rauðar,
endr kom brúnt¹⁾ á branda
blóð í Nýjamóðu;
nú hefik orrostur austan²⁾
ógndvaldr³⁾ níu taldar,
herr féll danskir, er⁴⁾ dörrum
dreif mest at Óleifi.

Ólafr konúgr fór víða um landit, ok tók gjald
af mönnum, en herjaði at öðrum kosti; svá
segir [Sighvatr skáld⁵⁾:

Máttut [enskar ættir⁶⁾,
öld, þar er tókt við gjöldum,
vísi vægðarlausum,
viðfrægr⁷⁾, við þer bægjast⁸⁾;
guldut guunar⁹⁾ sjaldan
goll¹⁰⁾ döglingi þollar¹¹⁾,
stundum frá ek til strandar
stór þing ofan fóru.

34. Ólafr konúgr dvaldist þar 3 vetr; en
hit 3ðja vár þá andaðist Aðalráðr konúgr, tóku

¹⁾ brúnt, L. ²⁾ ofan, F. ³⁾ ógndjarfr, B, S; ógnvalda, E,
S; ógnvaldr, hin. ⁴⁾ með, F, L; fyrri, H; þar er, hin. ⁵⁾
Ottarr, B, C, D, E, F, G, K, S. ⁶⁾ enskar ættar, hin. ⁷⁾
vandfrægr, B. ⁸⁾ bægis, E, G, K, S. ⁹⁾ guunar (gumar)
hin. ¹⁰⁾ gull, hin. ¹¹⁾ hollost, E, K, S; hollum, G, H.

Þá ríki synir hans, Eaddvarðr ok Eátmundr. Þá fór Ólafr konúgr suðr um sjó ok barðist í Hringsfirði ok vann kastalann á Hólund¹, er víkingar sátu í, hann braut kastalann allan; svá segir Sighvatr:

Tögr var fylldr² í fögrum,
fólksveggs³ drífa hreggi
helt, sem hilmir mælti,
Hringsfirði, lið þingat;
ból⁴ lét hann á hólí⁵
hátt, víkingar áttu,
þar⁶ báðut⁷ sér síðan
slíks skotnaðar, brotna⁸.

Þá hélt Ólafr konúgr liðinu vestr í Gíslu⁹-polla, ok barðist þar við víkinga fyrí Vilhjálmsbæ, þar hafði Ólafr konúgr sigr; svá segir Sighvatr skáld:

Ólafr! vannstu, þar er jöfrar
ellifta styr feldu¹⁰,
úngr¹¹ komtu af því þingi
pollr, í Gíslu¹²-polla;
þat frá ek víg¹³ vittu¹⁴,
Vilhjálmur fur bæ, hjálma¹⁵,
tala mín¹⁶ er þat telja,
[tryggð í háit, at byggðum¹⁷.

¹) bægunum, G; hælunum, D, E; hólunum, G, H, S. ²) fullr, C, D, E, F, K, L, S. ³) fólkhreggs, C. ⁴) blóð, C, D, F, L. ⁵) hlóði, C, F; héli, D; hljóði, L. ⁶) þeir, hin. ⁷) báðir, C; báðu, G. ⁸) brotna, C. ⁹) Gíslu, G, K, L. ¹⁰) féllu, hin. ¹¹) hrings, G, H. ¹²) Gíslu, G, K, S. ¹³) vígs at, C, G. ¹⁴) veittu, D, F, G. ¹⁵) málma, B, F; almar, D, G, H. ¹⁶) minnst, B, D, G; minnist, C. ¹⁷) tryggð jarls háit snarla, hin.

Því næst barðist hann vestr í Fetlafirði, sem Sighvatr segir:

Tönn rauð tólfta sinni
tír fylgjandi ylgjar,
varð í Fetlafirði
fjörbann lagit manna¹.

Þaðan fór Ólafr konúgr til Seljupolla, ok átti þar orrostu, þar heitir Gunnvaldsborg; hann tók höndum þann höfðingja, er ræð fyrri borginni, er Geirfinnr hét; þá átti Ólafr konúgr tal við borgarmenn, ok lagði gjald á þá ok á jarlinn til útlausnar [30 marka² skillínga; slíkt var honum goldit, sem hann beiddi ok lagði á þá, or borginni; svá segir Sighvatr skáld:

Þrettánda vannt þrænda,
þá³ var flóttá böl⁴, drottinn
snjallr í Seljupollum
sunnarla styr fullan⁵;
upp lét gramr á⁶ gamla
Gunnvaldsborg um mergin,
Geirfiðr hét sá gjörva⁷
genginn⁸, jarl of⁹ fenginn¹⁰.

Eptir þat hēt Ólafr konúgr liði sínu vestr í Karlsár ok herjaði þar; hann átti þar orrostu ok fékk sigr.

35. Svá er sagt, at heiðingjar þeir, er ræðu

¹) niönnum, hin. ²) 20 merkr gulls, C, D, F; 12 þúsund-ir gulls, G, K, S; 12 merkr gulls, E. ³) þat, hin. ⁴) dvöl, F, L. ⁵) kunnan, hin. ⁶) í, hin. ⁷) gotna, D, G. ⁸) gengit, C, D, E, F, K, L, S. ⁹) ok, E, K. ¹⁰) fengit, C, E, F, L.

fur í Karlsám blótaðu tvær undarligar skepnur til fulltingis sér, þær er styrkvar urðu þeirra mótstöðumönnum, þat annat var margýgr, hún liggir í Karlsám, en stundum í sjá; hún svæfir skipshafnir með fögrum saung, en drekkir þeim síðan, en stundum æpir hún svá hátt, at menn verða nær at gjalti, ok hverfa af því aptr. Margýgrin lá þá í Karlsám; þat kvikendi er svá skapat, at þat er fiskr niðr frá beltisstað ok fjöðr á, en kona upp þaðan; þat er hennar náttúra, þá er hún er í vatni, at hún leikr sér at fiskum, ok ef hún steypir sér at skipi, þá þíkkir þeim ráðinn manntapi, en ef hún steypir sér frá skipi, þá farnast vel; þetta skrímsl var svá magnat, at þat hafði mörgum mönnum at skaða vorðit þar í ósinum. Þá er Ólafr konúngtr skyldi útleggja, þá sá þeir, þar sem mættist sjárin ok vatnit, þetta skrímsl, er í bókum kallast súrna eða hýrenus, ok læk sér í ósinum; óssinn var bæði langr ok breiðr; hún örglaðist upp orsjónum hátt ok allt af grunnineðan. Ok er skip Ólafs, þat er furst fór, rendi fram at þessu skrímsli, þá tók hún í stafinn ok hvelfði, ok fursfór allri skipshöfninni; þeir vorðu hræddir, er síðarr fóru á öðrum skipunum, ok mæltu: biðum vér Ólafs, ok vitum, hvat ráða hann vill taka. Síðan viku þeir aptr skipunum, ok kölluðu á Ólaf, þegar kall mátti heyra, ok sögðu, at úhreint var í ósinum ok þar með þenna atburð. Ólafr biðr þegar róa fram sínu skipi, ok var svá gert.

Síðan kom upp margýgrin, ok fór gapandi at skipinu; en Ólafr brá saxi, at sumra manna sögn, ok hjó af henni hendina við stafninum; sumir menn segja, at hann tæki eitt spjót ok skyti í brjóst henni, ok fengu henni með því bana; ok varð gæfa hans mjök um fram aðra menn, þegar um vandamál var at vera, ok sýndist þat, hve mikils guð virði hann þessa heims. En svá kvað margýgrin við hátt, er Ólafr veitti henni skaða, at eigi þóttist slíkt heyrt hafa.

36. Eptir þat fara þeir, sem þeir höfðu áðr ætlat, ok leggja at landi einhversstaðar þaðan skamt ábrott; þeir renna þar upp, ok tóku fémikit í blóthaugi einum; var þá á hvassviðri mikit, ok hafði blásit hauginn, ok lá silfrit bert; ok fundu þeir af því fêit; ferr herrinn eptir þat allr til skipa. En Ólafr var einn eptir staddr, ferr á land upp einsaman, ok reið í rjóðr eitt, ok hugsaði um, hvárt hann skyldi aptr hverfa eðr eigi; ok er hann hafði þar staðar numit, þá heyrði hann mikla brakan alla vega frá sér í skógin, ok því næst kemr þar fram einn göltr geysimikill ok illiligr, hann var grimmligr ok svá gamall, at hann hafði marga manns aldra, á honum höfðu landsmenn mikinn átrúnað; hann hafði margt lið með sér, svá at þakti allt rjóðrit, svá var þat mikill fjöldi; sýndist honum þat óþekkt mikil, er þar var saman komin. Galti fór með gapanda munni at konúnginum; en Ólafr ljóp upp báðum fótunum í söðulinn, ok forðaði

þeim svá. Þat er sagt frá vexti galta, at þá er hann vildi bíta konúnginn, lagði hann tranann ok tennr upp á söðultreyjuna. Ólafr konúgr var girðr sverðinu Bæsingi, hann bregðr því hvatt ok tídt, ok hjó ranann af galta nokkurum fyri neðan augun, ok valt þat upp í söðulinn; galti kvað við svá hátt, at Ólafr sagðist þat viðkveð heyrt hafa armligast annat enn þat, er margýgrin hafði haft. Síðan kallaði Ólafr sverðit Hneiti, er áðr hét Bæsingr, þvíat honum þótti þat hneitaönnur sverð fur hvassleika sakir. Nú hafði konúgr ranann af galta til sigrmarks sér ok tenn; en sumir menn segja, at hann hefði hendina af margýgrinni, ok fór eptir þat til liðs síns.

37. Ólafr konúgr lá þar skipum sínum ok beið byrjar, ætlaði hann þá at sigla til Njörvasunda ok þaðan út í Jörsalaheim; þá dreymdi hann merkiligan draum, at til hans kom tíguligr maðr ok ógrligr, ok mælti við hann, bað hann hætta ætlan þeirri, at fara út í lönd: far héldr aptr til ættjarða þinna, þvíat þú munt konúgr vera í Noregi at eyllífu. Hann skildi þann draum svá, at hann mundi konúgr vera yfir Noregi ok hans ættmenn eptir hann; at þessi vitran snèri þann aptr ferð sinni, ok lá við Peituland ok herjaði þar ok brendi landit; þar brendu þeir stað þann, er Varrandi heitir; þess getr Öttarr svart:

Náðit¹⁾ ungr at eyða,

¹⁾ náðut, hin.

ógnteitr jöfurr! Peitu,
reynðuð, ræsir! steinda
rönd á Stúlka¹-landi.

Svá segir Sighvatr skáld:

Málm⁴ rauð⁵ Mæra hilmir
munnrjóðr, er komt sunnan,
gáng⁶, þar er gamlir sprungu⁷
geirar, út⁸ at leiru;
varð fur víga morði⁹
Varrandi, [sjó fjarri¹⁰,
brendr á bygðu landi,
bærr heitir svá¹¹ Peitu,

38. Ólafr konúgr hafði verið í hernaði vestr í Vallandi 2 sumur ok einn vetr; þá var liðit frá falli Ólafs konúgs Tryggvasonar 13 vetr, en þessa stund alla höfðu ráðit fur Noregi jarlar, furst Sveinn ok Eiríkr, Hákonarsynir, en síðan Sveinn ok Hákon Eiríkssynir; Hákon var systurson Knúts hins ríka Sveinssonar. Í þann tíma voru í Vallandi jarlar 2, Vilhjálmr ok Roðbert, faðir þeirra var Ríkarðr Rúðu-jarl¹², en systir þeirra var Emma drottning, er átti Aðalráðr Engla konúgr; voru þeirra synir Eátmundr ok Eáðvarðr hinn góði, Eáthvígr ok Eáthgeirr. Ríkarðr jarl var son Roðberts lángaspjóts, en hann

¹) þrænda, C. ²) hér sleppr G um sinn. ³) Tosku, K; Týska, L; Túska, hin. ⁴) málm, hin. ⁵) vann, hin. ⁶) gagn, C, D, E, F. ⁷) sángu, C, D, E, F, H, L. ⁸) upp, C, D, E, F, K, S. ⁹) njörðum, B, C, E, F, H, L; morðum, K, S; meiðum, D. ¹⁰) sjá fyrri, L. ¹¹) sjá, C, L. ¹²) þeir réðu fyrri Nórmandi, b. v. hin.

var son Gaungurólfs, jarls þess, er nam Norðmandi; hann var svá mikill, at hann báru eigi hestar, ok fyri þá sök var hann kallaðr Gaungurólfr; hann var son Rögnvalds hins ríka Mærajarls, en móðir hans var Hildir, dóttir Rólfs nefju; hann var hinn mesti víkingr ok úeirinn; hann hafði strandhögg stór eitt sinn í Vík austr, þá er hann var kominn or víking, ok fú þat varð Haraldr konúgr honum reiðr, ok gerði hann útlaga af Noregi. Þá fór Hildir, móðir Gaungurólfs, á fund Haralds konúgs, ok flutti mál hans, en konúgr var svá reiðr, at þat tjáði ekki; þá kvað hún þetta:

Hafnit Nefju nafni*,
 [nú rekit gand¹ or landi,
 horskan hölda⁴ barma,
 hvi-belhit því, stillir!
 illt er við úlf at ýlfast⁵
 yggs valbríkar slíkan,
 muna við yðrar⁶ hjarðir
 hógr, er⁷ hann gengr til skógar.

Eptir þat fór Gaungurólfr or landi, ok herjaði lengi síðan um Vestrlönd, ok ruddi sér til ríkis í Vallandi, ok setti þangat brátt fjöldi manna⁸, ok bygði þar, sem síðan heitir Norðmandi. Frá Gaungurólfi jarli eru komnir Rúðu-jarlar, svá sem nú var sagt; því töldu þeir jafnan frændsemi við Noregs höfðingja, ok virðu þá mikils, voru

1) jarólf, B. 2) nafna, C, D, E, L, S. 3) nú er rekin gandr (grander, C) C, E, F, L. 4) Hörða, B, C, D, E, F, L; höfðu, K. 5) ýglast, E, L. 6) hilmis, hin. 7) ef, B, D, E, F, L. 8) Norðmanna, B, C, D, E.

þeir hinir mestu vinir Norðmanna alla stund síðan, ok áttu með þeim friðland allir Norðmenn, þeir er þat vildu. Um haustit kom Ólafr konungr í Norðmandí, ok dvaldist þar um vetrinn, ok hafði friðland.

39. Eptir fall Ólafs Tryggvasonar gaf Eiríkr Einari þambarskelfi grið, syni Eindriða Styrkárssonar af Gimsum; Einarr var þá 18 vetra, er hann fór með Eiríki norðr í Noreg. Svá er sagt, at Einarr hafi verit manna styrkastr ok beztr bogmaðr þeirra manna, er verit hafa í Noregi, ok varð harðskeyti hans umfram alla menn aðra; hann skaut með bakkakólfi í gegnum uxahúð hráblauta; er hëkk á ási einum, þat gerði hann til ágætis sèr; skíðfærr var hann hverjum manni betr; hinn mesti var hann íþróttamaðr; hann var settstórr ok auðigr. Eiríkrjarl ok Sveinn jarl giptu honum Bergljótu, systursína, Hákonardóttur, hún var enn mesti kvennskörungur; Eindriði hèt son þeirra. Jarlar gáfu Einari veizlur stórar í Orkadal, ok gerðist hann hinn ríkasti maðr ok hinn göfgasti í Þrændalögum, var hann jörlum hinn mesti styrkr ok ástvinr beggja þeirra.

40. Þá er Eiríkr jarl hafði ráðit fur Noregi 12 vetr, þá kom til hans orðsending Knúts konungs hins ríka, mágs hans, at hann skyldi fara með honum vestr til Englands með her mikinn. Eiríkr jarl var frægr maðr af bardögum þeim ok orðstír, er hann hafði borit sigr or orr-

1) í Signu, b. v. B, C, E, H, L.

ostum þeim tveim, er snarpastar höfðu verit á Norðrlöndum: önnur sú, er þeir Hákon jarl, faðir hans, börðust við Jónsvíkínga, en sú önnur, er hann barðist við Ólaf Tryggvason; þess getr Þórðr Kolbeinsson í Eiríks drápu:

Enn hefst¹ leyfðr² þar³ er loðar⁴
lofkenda frá ek senda⁵
at hjálmsömum hilmí
[hjaldr drýgjanda⁶, boð⁷, jarli;
at [skögltjalda⁸ skyldi,
skil ek, hvat gramr læzt vilja⁹,
endr at ástafundi

Eiríkr koma þeirra.

Jarl vildi eigi undir höfuð leggjast orðsending Knúts konúnga; fór hann síðan or landi, en setti eptir í Noregi lands at gæta Hákon, son sinn, ok seldi hann í hendr Einari þambarskelfi, mági sínum, at hann skyldi hafa landráð fur Hákon; hann var þá átján¹⁰ vetra, en Sveinn jarl hafði þá hálf land til móts við Hákon, frænda sinn. Eiríkr kom til Englands, ok fór þegar til fundar við Knút konung, ok var með honum, þá er hann vann Lundúnaborg. Eiríkr jarl barðist fur vestan haf; þá feldi hann Úlfkel snilling; svá segir Þórðr Kolbeinsson:

Gullkennir [læzt þú gulli¹¹
græðis-hests fur vestan,

¹) hefk, C, D, E, L, S. ²) leyfð, B, D, E, H, K, S; leyfs, C, L. ³) þess, E. ⁴) leyfða, L; lofða, hin. ⁵) sendu, C, E, L, S; kenda, K. ⁶) hjárls drottma, -hin. ⁷) bað, B; bauð, K. ⁸) skyldligast, hin. ⁹) hér sleppr C um sinn. ¹⁰) 17, B, K, S. ¹¹) lét gunni, hin.

t
ð
e
et

þundr vǫ leyfðr til landa,
Lundún saman bundit;
fækk [regn þorin¹ rekka
rönn af þingamönnum,
[öglis högg², þar er eggjar³
Úlfkels⁴ blár⁵ skulfu.

Eiríkr var á Englandi einn vetr, ok átti þar nokk-
urar orrostur, enn annat haust eptir ætlaði hann
til Rómferðar ok bæta heim fur sèr; þá andað-
ist hann af blóðláti þar á Englandi. Knútr
konúngr átti margar orrostur á Englandi við
sonu Aðalráðs konúngs, ok höfðu ýmsir betr;
hann kom þat sama sumar til Englands, er Að-
alráðr konúngr andaðist; þá fækk Knútr konúngr
Emmu drottningar, er átt hafði Aðalráðr kon-
úngr; börn þeirra voru þeir Haraldr ok Hörða-
knútr⁶. Knútr konúngr sættist við Eátmund
konúng, ok skyldi hafa hálf England hvárr
þeirra; en á sama mánaði, er þeir höfðu sæzt,
drap Heiðrekr⁷ trjóna⁸ Eátmund konúng. Eptir
þat rak Knútr konúngr af Englandi alla sonu Að-
alráðs konúngs; svá segir Sighvatr skáld:

Ok senn sonu
sló hvern ok þó,
Aðalráðs, eða
útlæmði Knútr.

Þat sama sumar komu synir Aðalráðs konúngs-

¹) regn þorins, D, E; hreggþorins, K, L. ²) ygðis högg, B;
ygglig högg, hin. ³) eggja, S. ⁴) Úlfkell, B, S. ⁵) við lár,
L. ⁶) ok Guanhíldr b. v. hin. ⁷) Heiðrekr, E. ⁸) strjóna,
hin.

til Rúðu [móðurbróður síns í Valland¹, er Ólafr kom vestan or víkingu, ok voru þeir allir samt í Norðmandí um vetrinn, ok bundu lag sitt saman með þeim skildaga, at Ólafr skyldi hafa Norðymbraland, ef þeir gæti unnit England. Þá sendi Ólafr um haustit Hrana, fóstura sinn, vestr til Englands at eflast at liði, ok sendu synir Aðalráðs konúngs jarategnir til vana sinna ok frænda; Ólafr konúgr fèkk honum í hendr lausafè mikit, at gefa höfðingjum, ok spenja svà landit² undir þá með því. Hrani var í Englandi um vetrinn, ok gat komist at trúnaði margra ríkra manna, ok var landsmönnum betr viljat at hafa samlenda konunga við sik yfir sèr; en þó var svà mikill styrkr Dana þá í Englandi, at allir ríkismenn ok landsfólk var undirbrotit ríki þeirra. Um vārit fóru þeir vestan allir saman, Ólafr konúgr ok synir Aðalráðs konúngs, ok komu til Englands, þar sem heitir Íngafurða³, þeir gengu þar þegar á land með lið sitt; þar voru fyrir margir þeir menn, er þeim höfðu liði heitit, þeir unnu þar borg ok drápumargt manna. En er við þetta vorðu varir menn Knúts konúngs, þá drógu þeir her saman, ok vorðu brátt fjölmennir, svà at synir Aðalráðs höfðu engan liðsaffla ímóti, ok sá þann sinn kost helzt, at halda íbrott ok vestr til Rúðu; þá skildist Ólafr konúgr við þá, ok vildi

¹) í Vallandi til móðurbræðra sinna, D, E, K, S. ²) lið, E, K, S. ³) Júngufurða, B; Menjúngufurða, E, L; Menningafurða, D, F; Óznafurða, H.

eigi fara vestr aptr til Vallands; hann sigldi þá norðr til Norðimbraland, hann lagði þar at í höfn þeirri, er heitir [fyri Valldi, hann barðist þar við bæjarmenn, ok fèkk sigr ok mikit fè.

41. Sá atburðr varð, þá er Ólafr konúngr herjaði á Írland, at skip hans fjaraði uppi, svá x at þau stóðu á þurru landi, en sjórinn var hvergi í nánd þeim; konúngrinn var farinn upp á land með öllu liði sínu at herja; en er landsmenn sá, hvar skip Ólafs voru uppi fjarut, þá samnaðu þeir ótalligum her, ok ætlaðu at berjast við Ólaf konúng ok hans menn, þóttust Írar hafa ráð þeirra í hendi sèr fúr liðsfjölda sakir ok þess, at skip Ólafs voru uppi fjörut. Nú er Ólafr ok hans menn sá, at þeir máttu eigi ábrott komast, en fjöldi liðs fór eptir þeim, ok hann þóttist eigi sjá, hvern veg hann mátti íbrott komast, þá mælti Ólafr konúngr við lið sitt; þar var þá með honum Þorkell enn háfi ok Úlfr, son Þorgils sprakaleggs. Ólafr mælti: þat sýnist mér ráð, at vèr heitim á guð allsvaldanda, ok biðjum þess, at hann veiti oss sitt fulltíngi, en vèr heitim því, at vera heðanaf ógrimmari ok óherskárri enn hínng-atil; höfðingjarnir sögðust öllu því vilja heita, sem hann sæi ráð fúr. Eptir þat mælti konúngr fúr heiti þeirra; síðan fèll konúngr til jarðar með liði sínu; en guð heyrði bæn hans, ok gaf þá miskun, at sjórinn fèll svá skjótt á land, at skipin voru öll á fljóti, áðr konúngr hafði lokit bæn sinni;

¹⁾ Fyr-Vald, E.

stè konúgr á skip sín ok fór leið sína, en frárr hurfu aptr.

42. Þá er Ólafr konúgr hafði herjat ok hneykt grimmleik heiðinna þjóða um eyjar ok andnes, Danmörk ok Svíþjóð, Austrvegu ok Valland, Írland ok England, snèri hann aptr ferð sinni; hann lét eptir lángskip sín á Norðymbralandi, en bjó þaðan knörru 2 ok [3 hundruð¹⁾ manna, þeir voru albrynjaðir ok allir valdir æt hug ok hreysti; hann sigldi þá um haustit norðr í haf, ok fengu óðviðri mikit í hafi, svá at mannhætta var í mikil; en með því at þeir höfðu liðskost góðan ok hamíngju konúgs, þá hlýddi; svá segir [Qttarr svartir²⁾:

Valfasta, bjótt þú vestan,
veðrörr! tvá knörru;
hætt hafit er í ótta³⁾
opt skjöldunga þóptu⁴⁾;
náði straumr, ef stæði,
stránger kaupskipum ángra,
innan borðs á unnum
erríngarlið verra.

Ok enn segir hann:

Eigi hræddust ýtar⁵⁾,
er fórut sjá stóran;
allvaldr of getr⁶⁾ aldar
engi nýtri drengi;
opt var fyrs⁷⁾, en forsi

¹⁾ 20 menn ok hundruð, B, H, K, L, S; hundruð, D; 20 menn ok 2 hundruð, hin. ²⁾ Sighvatr, L. ³⁾ óttu, L. ⁴⁾ þópti, D, F, K, L, S. ⁵⁾ jöfra, B; ægi, hin. ⁶⁾ lüt, B. ⁷⁾ fars, hin.

flaust¹ hratt af sèr brattum,
nautt², áðr Noreg beittut³,
niðjúngr Haralds! miðjan.

Hann segir svá hær, at Ólafr konúngr kom utan at Noregi miðjum; en ey sú heitir Sæla⁴, er þeir komu furst við land, þat er út frá Staði. Þá mælti Ólafr konúngr: þetta mun oss vera tímadagr, er vér höfum lendt við Sælu í Noregi, ok er þetta góð vitneskja, er svá hefir tilborit. Síðan gengu þeir uppá eya, ok steig konúngr þar á landi fæti, sem var leira nokkur, ok steyptist á knè; þá mælti konúngr: fèll ek nú, segir hann. Þásvarar Hrani⁵: nú festir þú fætr í landi. Konúngr hló at, ok mælti: má svá vera, ef guð vill at þat gjörist. Ganga þeir nú ofan til skipanna, ok sigldu suðr til Úlfasunda⁶; þá spurja þeir þat, at Hákon jarl Eiríksson var farinn suðr í Sogn, ok hans var þá sunnan væn, þegar er byr gæfi, ok hafði í skip.

43. Þá er Ólafr konúngr Tryggvason ræð fur Noregi, þá boðaði hann trú rétta ok kristni þar í landi, ok var þat torsótt mál í mörgum stöðum; hann vann þat til styrks sèr ok framgangs um siðinn, at hann gipti systur sína⁷ Erlíngi Skjálgssyni af Jaðri; en fyri því at henni þótti sèr þat lítilræði, at giptast honum, ótrignum manni, þá gaf hann Erlíngi hálfar landsskyldir

¹) flaustr, F, L. ²) nýtr, K; þeytt, hin. ³) hittuð, D, H.

⁴) Sæla, F, K. ⁵) eigi félltu, konúngr! b. v. D, E, F, H, L.

⁶) Sauðungssunda, H. ⁷) Astriði, b. v. D, E, L.

ok allar hálfar konúngstekjur við sik milli Líf-
andisness ok Sogns. Erlíngr Skjálǵsson vildi
eigi jarl heita, en haðn hafði þó meira ríki enn
flestir skattkonúngar. Ólafr Tryggvason gipti
aðra systur¹ sína Rögnvaldi Úlfssyni, hann ræð
fur Vestra-Gautlandi lengi síðan; Úlfr faðir
Rögnvalds jarls var bróðir Sigríðar hinnar stór-
ráðu, móður Ólafs Svía konúnga. Eptir fall Ólafs
Tryggvasonar, þá er þeir bræðr ræðu landi,
Eiríkr ok Sveinn, þá átti Erlíngr² einn þriðjúng
lands, annann þriðjúng lands hlaut Sveinn
Dana konúng, ok hafði hann mestan lut Víkr-
innar³; Ólafr Svía konúngur laut hinn þóða, þat
voru sjö⁴ fylki⁵ í Þrándheimi: Sparbyggjafylki⁶,
Skön, Stórdæla⁷-fylki⁸, Mæri hváratveggju,
Raumsdalir ok Austrvík⁹ við landsenda. Sveinn
jarl átti Hólmfríði, dóttur Eiríks Svía konúnga,
systur Ólafs Svía konúnga, ok hæld hann land af
hendi hans. Eiríkr jarl lét sér ekki líka, at Er-
língur Skjálǵsson hefði ríki svá mikít, ok þótti
hann vera ekki trúligur, ok tók hann undir sik
allar hans eignir ok landsskyldir allt um Roga-
land, ok guldu landbúar opt tvennar landsskyld-
ir, en at öðrum kosti eyddi hann byggðina; lítit
fékk jarl ok af sakeyrinum, þvíat ekki hældust
þar sýslumenn við, ok þvíat eins sat jarl þar at

¹) Ingibjörgu, b. v. hin. ²) Eiríkr jarl, H, K, L. ³) en
Eiríkr hafði suman hans hlut at veizlum, b. v. H, K, S. ⁴) 4,
D, E, K, L, S. ⁵) hér byrjar G aftr. ⁶) Verdælafylki, b. v. E,
G, H, A, L, S. ⁷) Stórða, B; Stjóra, E, L; Stjóna, D. ⁸) á,
b. v. B, D, G, K, L, S; v. í G. ⁹) Austr-Ránríki, hin.

veizlum, ef hann hefði fjölmenni mikit; þess
getr Sighvatr skáld:

Erlíngur var svá, at jarla¹
átt² skjöldunga mátti³,
Ólafs mágr⁴, at ægði⁵,
aldyggs sonar Tryggva;
næst gaf sína systur
snarr búþegna harri,
[Úlfs varat æðra arfa⁶,
aldrigipta Rögnvaldi.

Eiríkr jarl orti því ekki á, at berjast við Erlíng,
at hann var frændstórr ok frændmargr, ríkr ok
vinsæll, sat hann jafnan við fjölmenni sem kon-
úngar; hann var opt á sumrum í hernaði, ok
fekk sér svá fjár, þvíat hann hēlt teknum hætti
um rausn ok stórmennsku, þótt hann hefði minni
veizlur ok úhaldkvæmri enn um daga Ólafs kon-
úngs, mágs síns; hann var manna mestr ok sterk-
astr, fríðr sýnum ok vígr allvel, ok um allar
íþróttir líkastr Ólafi Tryggvasyni; hann var vitr
ok kappsamr um alla luti, ok hinn mesti her-
maðr; þess getr Sighvatr skáld:

Erlíngi varð engi
annar lendra manna⁷,
örr⁸, sá er átti fleiri
orrostur, stóð þorrinn⁹;

¹) jarli, *B.* ²) er, *B, E.* ³) máttit, *lin.* ⁴) svá, *b. v. lin.*
⁵) ægja, *G.* ⁶) Úlfs var þat, en aðra, *B, S;* úlf seðjandi aðra,
K; Úlfs seðr var þat aðra, *E;* Ulf varðaðar aðra, *D, L,*
Úlfs nið v. þ. a., *G, H.* ⁷) *vísan hédanfrá er tekin úr S; v. i*
A, B, L. ⁸) ok, *E.* ⁹) fjölkostigr, *G.*

þrek bar seggr [við sóknir¹,
[sinn þvíat fyrst gekk innan
míldr í marga hildi,
mest en örr [á lesti².

Þat hefir verit mál manna, at Erlíngur hafi verit göf-
gastr lendra manna í Noregi um sína daga. Þessi
voru börn þeirra Erlíngs ok Ástríðar Tryggva-
dóttur: Áslákr, Skjálgr, Sigurðr, Loðinn, Þórir,
Ragnhildr, er átti Þorbergr Árnason. Erlíngur
hafði jafnan með sér tíu³ tigi frelsingja eða
fleiri, ok var svá bæði vetr ok sumar; þar var
máldrykkja at dagverðum, en at náttverðum var
þar úmælt drukkit; en er jarl var nærr, þá
hafði hann 2 hundruð manna eða fleiri; aldrí
fór hann fámennari enn við tvitögssessu allskipaða.
Erlíngur átti skeið mikla [2 rúm hins 8da tigar⁴,
ok þó mikil at því, hana hafði hann í leiðangra
hina stærri eðr í víking, ok voru þat á 2 hundruð
manna eða fleira; hann hafði með sér 30 þræla⁵,
hann ætlaði þeim verk hvern dag, en gaf þeim
síðan stund ok orlof at vynni sér um nætr ok um
reykk; hann gaf þeim akrlönd, at sá sér korni
ok færa til ávaxtar sér ok fjár; hann lagði verð á
hvern þeirra ok lausn, ok leystu margir sik til
frelsis; með því fè keypti Erlíngur annat man,
en leysingjum sínum vísaði hann sumum í síld-

¹) at sinni, D. ²) snarr í éli darra, D, G. ³) at flestu, D,
G, H. ⁴) 9, B, D, G, H. ⁵) þritugssessu at rúmatali, G; 2 rúm
ok þritúgi, hin. ⁶) ok umfram annat man, b. v. D, E, G, H, L.
⁷) hin fyrstu misseri eða önnur, en allir þeir, er nokkur þrifnaðr
var yfir, leystu sik á 3 vetrum, b. v. E, G, H, K, S.

fiski, en sumum til annarra fefánga, sumum vísaði hann til merkr, ok ruddu þeir mörkina, ok gerðu sér þar bæi; öllum kom hann til nokkurs þroska, þeim er honum höfðu um hendr verit.

44. Olafr konúgr hēlt nú inn af þjóðleið ok svá inn til Sauðúngssunda, ok lá þar nokkura hrið skipum sínum, ok lá sínum megin hvárt skipanna í sundinu. [Svá er sagt, at nokkur finnskr maðr var á skipi Olafs konúgs, hann tók svá til máls: miklir lutir ok dásamligir eru þat, er nú berr fúr mik. Einn maðr spur: hvat er þat, er nú berr fúr þik? Hann svarar: með mikilli farsælu er kvæma Olafs konúgs í þetta land, þvíat hingat mun koma Hákon jarl á skipi í dag, ok munu vèr taka hann lifanda. Liðsmenn sögðust mundu drepa hann fúr lýgi sína, ok færðu hann konúgi, ok sögðu, hvat hann hafði spáð; ok er konúgr heyrði þessa sögu, þá lét hann taká spámanninn ok setja í geymslu. Enn finnski maðr bað konúng fá sér þann dauða, sem hann vildi, ef eitt orð brýsti í því, er hann hafði þeim sagt frá þeim lutum¹; þeir höfðu meðal skipanna kaðal einn digran; ok á þeirri sömu stundu fór at sundinu Hákon jarl Eiríksson með skeið skipaða; ok er þeir sá skipin fúr sér í sundinu, þá hugðu þeir vera kaupskip 2, róa síðan fram í sundit milli skipanna. Nú draga þeir Olafr konúgr strengina upp undir kjölinn skipinu, ok vundu með vindásum, þegar er festi

¹) frá [v. í hin.

nokkut undir skeiðinni, gekk (hún) þá upp aptr, en steypmist fram, svá at sjórinn féll inn um söxin, fylði þá skeiðina ok því næst hvelfði. Ólafr konúgr tók þar á sundi Hákon jarl ok alla þá menn, er þeir náðu at handtaka, en sumir höfðu týnt fur grjóti ok skotum, en sumir sukku; svá segir Óttarr svartí:

Blágjóða, tóktu, bræðir¹
 bengjálfs²! ok þá sjálfa,
 skatti gnægð³, með skreyttri⁴,
 skeið Hákonar, reiði;
 úngr sóttir þú, þróttar
 þings margrennir⁵ hingat
 máttit jarl, [sá er átti⁶,
 áttland⁷, fur því⁸ standa.

Hákon jarl var þá leiddr upp á konúngsskipit; hann var manna vænstr ok hærðr allvel, hann hafði bundit gullhlaði um höfuð sér; hann settist niðr í furrúmit. Þá mælti Ólafr konúgr: eigi er þat logit af yðr, frændum, at þer eruð fríðir menn sýnum, en farnir eruð þer nú at hamngjunni. Þá svarar Hákon jarl: ekki skal þetta úhamngja, þvíat þat hefir lengi verit í heimi þessum, at ýmsir hafa sigrazt, hefir ok svá verit með oss ok yðrum frændum, at ýmsir hafa betr. haft, er ek enn ok ekki kominn af

¹) heiðir, G. ²) bengjálfrs, hin. ³) gnæggr, E. ⁴) skreyttum, D S; skreyttu, hin. ⁵) mágrennir, D, E, F; mágrennr, G. ⁶) þar er áttuð, F, G, L; þau er áttuð, hin. ⁷) ættlönd, B, D, E, H. ⁸) þeim, B; þer, G.

barns aldri, voru vèr ok nú ekki mjök viðbún-
ir, við nè einum úfriði at verja oss, kann vera at
í annat sinn takist betr til enn nú. Konúngr
mælti: grunar þik ekki, jarl! at nú hafi svà til-
boðit, at þú farir hvárki hëðanfrá sigr nè úsigr?
Þá mælti jarl: þèr munuð því nú ráða at sinni.
Þá mælti konúngr: hvat villtu nú tilvinna, jarl!
at ek láta þik fara í friði, hvert er þú vill, heilan
ok úmeiddan? Jarl spyrr, hvers hann beiddi.
Konúngr svarar: engis annars, enn þèr farið or
landi ok gefi oss svà upp ríki yðvart, ok sverlið þess
eiða, at þèr skuluð aldri halda bardaga ígegn
mér. Jarl lézt þetta gera mundu, svà sem kon-
úngr beiddi. Síðan vinnr Hákon jarl Ólafi kon-
úngi eiða, at hann skyldi aldri síðan berjast í-
móti honum, ok eigi verja Noreg fyrir honum
nè sækja hann af honum. Þá gaf Ólafr kon-
úngr honum grið ok öllum mönnum hans, tók
jarl þá við skipi því, er hann hafði haft áðr, róa
nú íbrott leið sína; þessa getr Sigvatr skáld:

Ríkr kvað¹ sér, at sækja,
Sauðúngs², konúngr, nauðir,
frægðar³-gjarn, í fornu,
fund Hákonar, sundi;
stránger⁴ hitti þar þengill
þann jarl, er var⁵ annar
æztr, ok ætt gat bezta
úngr á danska túngu.

¹) lét, E. ²) hér sleppr E um sinn. ³) fremdar, K, S. ⁴)
hér byrjar apttr C. ⁵) varð, B, C, D, F, S.

Eptir þat bjóst jarl sem skjótast or landi, ok sigldi vestr til Englands, ok hitti þar móðurbroður sinn, Knút konung, ok segir honum allt, sem farit hafði með þeim Olafi konungi; Knútr konungur tók við honum forkunnar vel, ok setr Hákon jarl innan hirðar með sér, ok gefr honum mikit ríki; dvaldið Hákon jarl þar lengi með Knúti konungi.

45. Þá er Sveinn ok Hákon jarl reðu landi, gjörðu þeir sætt við Erling Skjálgsson, ok var bundin með því, at Áslákr, son Erlíngs, fékk Gunnhildar, dóttur Sveins jarls; svá skyldu þeir feðgar Áslákr ok Erlingr hafa þá veizlur þær allar, er Olaf Tryggvason hafði veitt Erlingi; gjörðist Erlingr þá fullkominn vin Sveins jarls, ok bundu þeir þat svardögum sín á meðal.

46. Olaf konungur snéri nú austr með landi eptir þetta, ok átti þing við bændr, ok gengu margir til handa honum, en sumir mæltu ímóti, þeir er voru vinir eða frændr Sveins jarls; fór Olaf konungur fur því skyndiliga austr til Víkr, ok hélt liði sínu inn í Víkina, ok setti þar upp skip sín, en hann sótti síðan á land upp; ok er hann kom á Vestfold, þá fögnuðu honum þar vel margir menn, þeir er verit höfðu vinir föður hans, þar var ok mikit ætterni hans; hann fór um haustit á Upplönd¹⁾ á fund Sigurðar konungs sírs, stjúpföður síns, ok kom þar snemma dags. En er Olaf konungur var kominn nærr

¹⁾ land upp, B, C, G.

konungsþænum, þá ljópu þjónustusveinar fur heim til bæjarins, þeir gengu inn í stofu; Ásta, móðir Ólafs konungs, sat þar inni ok margar konur með henni; þá sögðu sveinarnir henni um ferð Ólafs konungs, ok þat, at hann var þá nærr kominn þænum. Ásta stendr upp þegar, ok heitir á karld ok konur at búast um sem bezt; hún lét 4 konur taka búnað stofunnar ok búa hana tjöldum ok bekkjum: 2 karlar báru hálm á gólf, 2 settu trapizu ok skaptker, 2 settu borð, 2 báru fram vistina, 2 sendi hún braut af þænum til fundar við Sigurð konúng, 2 báru inn ölit; en allir karlar ok konur þá bjöggust ímót Ólafi konúngi. En sendimenn fóru ok báru með sèr tignarklæði Sigurðar konungs, ok hest hans með gyltum söðli, ok bitullinn var settr dýrum steinum¹⁾. Fjóra menn sendi Ásta fjöggra vegna í byggðina, ok bauð til sín öllu stórmenni at þiggja veizlu at sèr, er hún gerði fagnaðaröl ímóti syni sínum; alla menn, er fur voru, lét hún taka hinn bezta búnað sinn, er til áttu, en fékk þeim klæði, er eigi áttu sjálfir.

47. Sigurðr konúngs sýr var þá staddr úti á akri einum, er sendimenninnir komu til hans ok sögðu honum þessi tíðendi, ok allt þat, er Ásta lét athafast heima á þænum; hann hafði þar marga menn hjá sèr, sumir skáru²⁾, sumir hlóðu í hjálma eptir ok í löður, en hann sjálfr ok 2

¹⁾ ok gyltr *b. v. B, K, S.* ²⁾ korn, en sumir bundu, sumir öku (báru *C.*) heim korninu, *b. v. C, D, G, H, K, L.*

mennt með honum gengu stundum á akrinn, þar er laðit var korninu. Svá er sagt frá búnaði Sigurðar konungs, at hann hafði kyrtil blán ok blár hosur, uppháfa skó, bundna at legg, grá kápu ok þófa¹ -hatt grán víðan, staf í hendi ok á ofan silfrhólkr gyltr ok silfrhríngir í. Svá er sagt frá lunderni Sigurðar konungs, at hann var bússýslumaðr góðr, ok sjálfr skipaði hann til, um fè sitt, reð hann sjálfr búnaði sínum; engi var hann skartsmaðr ok heldr fámálugr, manna var hann vitrastr, þeirra er þá voru í Noregi, ok auðgast at lausafè; hann var friðsamr ok úágjarn við aðra; Ásta, kona hans, var ör ok ríklunduð; þessi voru börn þeirra: [Gunnhildr var elzt, þá Guthormr² ok Hálfðán ok Íngiríðr³, þá Haraldr. Þá mæltu sendimenn við Sigurð konúng: þau orð bað Ásta at við skyldim bera þér, at henni þótti allmiklú máli skipta, at þér tækist nú stórmannliga, ok bað þess, at þú skyldir nú meirr líkjast í ætt Haralds ens hárfagra ok hans skaplyndi, enn Nereið jarli hinum gamla eðr Hranamjónef, móðurföður þínum, þóat hann væri spekingr mikill at viti. Konúgr mælti: tíðendi mikil herið þið, enda flytið þið allákaflika, ok víst er þat satt at segja, at látit hefir Ásta yfir þeim mönnum vel furr, er henni var minni vandi á, enn taka vel við syni sínum þvílíkum, tekr hún þetta ok með miklum ákafa, ok ef hún

¹) v. í hin. ²) Guthormr var elztr, þá Gunnhildr, hin. ³) Sigurðr, C, L.

leiðir, hann svá út, sem nú leiðir hún hann inn, ok sè þat með þvílíkri stórmennsku, þá er víst vel um ráðit, ef þat endist með því móti; en svá lízt mæ, við þat er ek em áhugalitill, ef svá skal útganga, at þeir, sem sik veðsetja í þetta mál, munu hvárki fursjá fe sínu nè fjörvi, þvíat þessi maðr, Ólafr, brýzt í miklu ofrefli, ef hann heldr þessu fram, þvíat á honum ok á hans ráðum liggr reiði bæði Dana konúgs ok Svía konúgs. Þá settist Sigurðr niðr ok lét taka af sèr skóklæðin, en dró á fær sèr kordúnu hosur, ok batt með gyltum sporum, þá tók hann af sèr kápuna¹, ok girði sik við búnu sverði, setti hjálm gullroðinn á höfuð sèr, steig þá á hest sinn; hann gerði verkmenn í bygðina, þá sem nærst var, ok tók sèr þar 30 vaska menn ok vel búna, ok riðu þeir með honum heim á bæinn, ok er hann reið í garðinn fur stofuna, þá sá hann, at öðrum megin í garðinn brunaði fram merkit ok þar með herrann sjálfr, Ólafr konúgr, ok hundrað manna, ok allir vel búnir, þá var ok allt skipat mönnum milli húsanna. Fagnaði Sigurðr konúgr þegar af hesti Ólafi konúgi, stjúp-syni sínum, ok öllu liði hans, ok bauð honum með sèr at dveljast ok heimilt allt þat, er hann mátti veita honum, bæði land ok lið. Ólafr konúgr þakkaði honum vel orð sín; stigu þeir af baki ok gengu inn. Þá gekk Ásta at syni sín-

¹) ok kyrtúlinn, en klæddist síðan með pellsklæðum ok yat skallatskápu, b. v. hin.

um ok mynntist við hann, ok bað hann velkominn, ok honum heimilt allt þat, er hún mætti veita honum, ok leiddi hann til hásetis inn í stofuna. Sigurðr konúgr fékk menn til at varðveita klæði þeirra ok gefa korn hestum þeirra, en hann gekk til hásetis síns, ok var veizlan gjör með hinu mesta kappi.

48. Nú er Ólafr konúgr hafði¹⁾ lengi dvalizt með Sigurði konúgi, mági sínum, þá var þat einn dag, at Ólafr konúgr heimti hann til tals við sik ok Ástu, móður sína, ok Hrana, fóstrosinn. Þá tók Ólafr konúgr til máls: svá er, Sigurðr mágr! sem yðr er kunnigt, at ek er kominn hingat til lands þessa, ok hefir ek nú verit áðr lánga hríð utanlands, hefir ek ok mínir menn haft þat eina til framflutnings oss, er vèr höfum sótt í hernaði ok í mörgum stöðum vorðit út at hætta bæði lífi ok sálu, hefir margr orðit fúr oss saklauss at láta bæði líf ok aþra; en yfir þeim eignum sitja útlendir menn, er átti minn faðir ok hans faðir, ok hverr eptir annann várra frænda, ok er ek óðalborinn til, ok láta þeir sér þat þó eigi einhlýtt, heldr hafa þeir undir sik tekit allar eigur várra frænda, þeirra er komnir eru at lángeðga tali frá Haraldi konúgi enum hárfagra, ætla þeir sumum lítit af, en sumum alls ekki; nú skal því upplúka fúr yðr, er mèr hefir lengi í skapi búit, at ek ætla at heimta föðurarf minn, ok mun ek hværki fara at finna

¹⁾ þar eigi, b. v. hin.

Svíá konúng nē Dana konúng, at biðja þar neinna muna um, þóat þeir hafi nú kallat sína eign um hríð. Þat, er átt hefir Haraldr konúngur hinn hárfagri, ætla ek heldr yðr satt frá at segja, at sækja oddi ok eggju frændleifð mína, ok kosta þar til allra frænda minna ok vina, ok þeirra manna allra er at því ráði vilja hverfa með mér; skal ok þetta svá upptaka tilkallit, at annathvært skal vera, at ek skal eignast til forráða allt þat ríki, er þeir feldu frá Ólaf konúng Tryggvason, frænda minn, eðr ek skal hēr falla á frændleifð minni. Nú vænti ek svá góðs af yðr, Sigurðr mágr! ok öðrum þeim mönnum í landinu, sem óðalbornir eru til konúngdóms at lögum þeim, er setti Haraldr konúngur hárfagri, þá mun yðr eigi svá mikilla muna ávant, at þér munið eigi vilja upphæfjast ok reka af hendi frændaskömm þessa, at eigi munið þér alla muni tilleggja við þann, er forgángsmaðr vill at vera, at hefja upp ætt vára; en hvárt sem þér villð hēr, Sigurðr mágr! nokkurn manndóm ásýna, eðr engan, við oss um þenna lut, þá veit ek þó skaplyndi alþýðunnar, at til þess væri þó öllum tídt, at komast undan þrælkan útlendra höfðingja, þegar menn bera traust til ok fá sēr nokkura höfuðbendu; hefi ek þetta mál fyrri þá sök fur engan mann uppborit, furr enn þik, at þú ert vitr maðr ok kannt forsjá til þess, hvern veg reisa skal frá upphafi til enda þessar ætlanir, hvárt þat skal furst fara í hljóði, ok reifa þetta fur nökk-

urum vitrum mönnum, eða skal þat í fjölmenni ok fur alþýðu uppbera; hefi ek ok nokkut roðit tönn á þeim, þá er ek tók höndum Hákon jarl, ok er hann nú or landi stokkinn, ok gaf hann mér með swardögum þann luta lands, er hann þóttist eiga; nú ætla ek, at oss muni lættara falla at eiga um við Svein einn, enn þeir væri báðir til landvarnar. Sigurðr konúgr svarar þá: eigi býr þér lítit í skapi, ok þessi ætlan er meirr af kappi enn forsjá, at því er ek virði, enda er þat vãn, at langt muni í milli vera lítilmennsku minnar ok þess hins mikla áhuga, er þér býr í brjósti nú, fur því, at þá er þú vart lítt af barnsaldri kominn, vart þú þegar fullr af kappi ok ójafnaði í öllu því, er þú máttir, ert þú nú ok reyndr í orrostum ok samit þik eptir síðum útlendra höfðingja; nú veit ek, at svá fremi muntu þetta hafa uppkveðit, at ekki mun stoða at letja þik, er ok vankunn²⁾ á, at þvílíkir lutir liggi í miklu rúmi, þeim er nokkurir eru í skapi, at öll ætt Haralds hins hárfagra falli niðr ok konungdómr; en í engum heitum vil ek bindast, furr enn ek veit ætlan ok tiltekjur annarra Upplendinga konunga; en vel hefir þú þat gjört, er þú læzt mik furr vita þessa ætlan, enn þú bærir hana í hámmeli fur alþýðu manna, ok heita vil ek þér umsýslu minni við þá konungana, ok svá við aðra höfðingja eða landsfólk; svá skal þér ok heimilt at hafa til trausts þér fê, svá sem þú

²⁾ vankunn, C.

þarft. En svá fremi vil ek, at vèr berim þetta mál furalþýðu, er ekse, at nokkurr sturkr fæst til þessa stórræðis, fur því at svá skaltu tilætla, at mikit er í fang tekít oss, ef þú vill kappi deila við Ólaf Svía konúng ok Knút konúng hinn ríka, er nú er konúngr yfir Danmörk ok Englandi, ok mun rammar skorður þurfa við at reisa, ef hlýða skal; en ekki þíkkir mér úlíklígt, at þér verði gott til liðs, þvíat alþýðan er gjörn til ný- úngarinnar; fór þat svá furr, þá er Ólafr Tryggva- son kom til ríkis, at allir urðu því fegnir, naut hann þó eigi lengi konúngdómsins. Þá tók Ásta til orða: svá er mér gefit, son minn! at ek em þér fegin vorðin, ok því fegnust, er þinn þroski mætti sem mestr verða, en heldr vildi ek þó, at því væri at skipta, at þú virðir yfirkonúngr yfir Noregi, þóat þú lifðir eigi lengr í konúngdóm- inum, enn Ólafr konúngr Tryggvason, enn hitt at þú virðir eigi meiri konúngrenn Sigurðr kon- úngr sýr er, ok vyrðir þú ellidauðr. Eptir þat slitu þeir málstefnunni; dvaldist Ólafr konúngr þar um hríð með öllu liði sínu. Sigurðr konúngr veitti þeim annann hvern dag at borðhaldi fiska ok mjólk, en annann hvern dag slátr ok munngát.

49. Ólafr konúngr heyrði menn sína hall- mæla Sigurði, mági sínum, um þat er þeir drukku annann hvern dag mjólk, en eigi munngát, ok fur þat ávítaði hann þá mjök, ok segir, at Sigurðr

1) *hér byrjar E aptr.*

konúgr gerði þat spakliga: þvíat sárum mönnum hentir betr mjólk enn munngát. Nú líör fmót jólum; þá lét Sigurör konúgr búa veizlu dýröliga með öllum hinum beztum faungum, er til voru þar í landi, bæði at drykk ok vistum ok fjölmenni. Ásta lét ok búa eina stóra höll, er Sigurör konúgr átti með dýröligum herbún- aði, ok lét þar gera virðuligt háseti, sem sómdi, er Ólafr skyldi sitja í um jólin. Jólakvöld hit fursta fylgði Ásta Ólafi í hásetit ok öllu liði hans, ok skipaði honum göfugligt háseti, sem sómdi; ok er hann var þar kominn með sínu föruneysi, þá kom Sigurör konúgr í höllina með öllu sínu föruneysi, skryðdr öllum konúngsskrúða; hann gekk fur Ólaf konúng, ok kvaddi hann ástsamliga, ok bauð honum ok öllum hans mönnum til þess fagnaðar, er hann hafði búa látit, ok bað hann með sér vera svá lengi sem hann vildi, ok fór um þat mörgum fögrum orðum; síðan gekk hann til sætis hjá Ólafi; þá tókust konúngarnir at talast við mart spakliga, ok drukku með mikilli gleði ok skemtan. Sigurör konúgr hafði verit nokkut fárr öndverðan vetr, en nú var hann glaðr ok spurall, bæði um ferðir Ólafs konúgs ok um hernað þann, er hann hafði haft útanlands; en Ólafr ok menn hans sögðu ok mart merkiligt frá hans ferðum, sem efni voru til. Nú er Sigurör hafði heyrt sagt frá bardagum þeim, er Ólafr hafði haft í Austrlöndum ok í Suðrriki, í Germaní ok vestr á Spanía, þá þótti Sigurði kon-

úingi mikils um vert, ok varð af þessu öllu saman hin mesta gleði með vitrligum undirtektum Sigurðar konúngs. Liðu nú svá jólin af höndum, at Sigurðr konúngr þótti vaxa mikit af þessi veizlu ok sinni stórmennsku. Haraldr, son Sigurðar ok Ástu, var þá svá úngr, at hann lá í vöggu, ok mátti eigi mæla; Ásta bar sveininn fur Ólaf konúng, ok mælti: hær er sveinn sá, er við Sigurðr konúngr eigum, ok vildi ek, son minn! at þú legðir góðan hug til þessa bróður þíns, ok lagði sveininn á knè Ólafi; hann leit á sveininn ok þagði. Ásta mælti þá: þat vildi ek, at þú segðir mér, hvárt nokkut vit ætlar þú í honum mun verða. Ólafr mælti: hverr ábyrgist þat, móðir! at góðráðr verði, ek mun ábyrgjast, at eigi mun heimskr verða, ef lífinu heldr. Þá tók Ásta sveininn íbrott.

50. Þá voru Upplendínga konúngar margir, þeir er fur fylkjum réðu, ok voru þeir flestir komnir af ætt Haralds hárfagra; fur Heiðmörk réðu bræðr², hæt annar Hrærekr, en annar Ríngi. Yfir Guðbrandsdölum réð sá konúngr, er Guðrekr¹ hæt; var ok konúngr á Raumaríki, ok hafði hann til forráða Þotn ok Haðaland; á Valdresi var ok konúngr. Sigurðr konúngr átti nú stefn-
ulag við þessa alla konúnga uppi á Haðalandi; þar var ok á þeirri stefnu Ólafr konúngr Haralds-son. Þá bar Sigurðr konúngr upp fur þá kon-

¹) Guðrøðr, *hin*.

úngana ráðastofnan Ólafs konúnga, mágs síns, ok biðr þá styrktar bæði at liði ok ráðum at samþykkja þeim um þetta mál, telr þat upp furst, hver nauðsyn þeim var á, at reka af höndum þat undirbrot, er bæði hafa Danir ok Svíar þá undirbrotit; segir at nú mun fást maðrinn til at ganga fur þessu máli, telr þá upp mörg stórvirki ok snildarbrögð Ólafs konúnga Haraldssonar, er hann hafði gjört bæði í Norðrhálfuinni ok suðr í löndum ok svá í Vestrlöndum, ok allstaðar þar sem hann herjaði, þvíat Ólafr konúngur hafði jafnan haft gagn ok sigr, hvar sem hann herjaði frá unga aldri, at þess er þá var komit. Þá svarar Hrærekr konúngur: satt er þat, at mjök erniðrbrotit ríki Haralds konúnga hárfagra, er engi skal hans ættmanna vera yfirkonúngur at Noregi; nú hafa menn hēr í landi ýmiss viðfreistat: var Hákon Aðalsteinsfóstri konúngur yfir landi þessu nokkura hríð, ok undu allir því vel, en er Gunnhildar synir ræðu fur, þá varð mönnum svá leidd þeirra ofríki ok ójafnaðr, at menn vildu heldr hafa útlenda höfðingja yfir sér, ok vera sjálfráðir, þvíat útlendir höfðingjar voru jafnan fjarri um at vanda háttu manna, höfðu þeir ok slíkan af landi, sem þeir skildu sér, ok höfðu þaðanaf engar pyndingar á mönnum; en er þeir vurdðu úsáttir Haraldr Dana konúngur ok Hákon jarl, þá herjaðu Jómsvíkingar í Noreg, reis þá ímóti þeim allr landsmúgr ok margmenni ok hrundu þessum úfriði af sér; eggjaðu

menn þá Hákon jarl þess, at halda skatti fyri Dana konungi, ok verja honum landit oddi ok eggju; en þegar jarl þóttist fullkominn til ríkis af landsmönnum, þá gerðist hann svá frekr ok harðr við landsfólkit, at menn þoldu honum eigi újafnað sinn, ok drápu þrændir hann sjálfir, en hófu til ríkis Ólaf konung Tryggvason, er óðalborinn var til konungdóms hér í landi, ok var fur allra luta sakir vel tilfallinn, geystist þá at því allr múgr, at vilja hann hafa konung yfir sér ok reisa hann upp af nýju til þess ríkis, er átt hafði Haraldr konungr hárfagri; ok er hann var fullkominn í ríki, þá var fur honum engi mæðr sjálfræði, gekk hann þá at með frekju við oss smákonunga, at heimta undir sik þær eignir allar, er átt hafði Haraldr konungr hárfagri, ok sumt miklu frekara, ok at síðr voru menn sjálfráðir fur honum, at engi reð því, á hvern guð trúa skyldi; en er hann var frá landi tekinn, þá höfum vēr nú haldit vináttu við Dana konung, höfum vēr síðan haft af honum mikit traust um alla luti, þá er vēr þurfum at krefja, en í annannstað sjálfræði ok hóglífi, en ekki ofríki; nú er þat at segja frá mínu skaplyndi, at ek uni vel við svá þúinn, veit ek þat eigi, þóat minn frændi sè konungr yfir í landi þessu, hvárt nokkut skal minn rættir batna við þat eða ekki; nú er þat víst at segja, at ek á engan lut í þessi ráðagerð, ef ekki skal minn sómi aukast við þat, heldr neiti ek henni. Þá mælti Ríngr, bróðir hans: birta

mun ek mitt skaplyndi: betra þíkkir mér, þótt ek hafa hit sama ríki ok eignir, sem nú hefir ek, at minn frændi sé konúngr yfir Noregi, enn útlendir konúngar, þeir er hér eigu enga til-
tölu til ríkis, ok mætti enn hér í landi heldr aukast vár ætt; er þat ok mitt hugboð um þenna mann, Ólaf, at auðna hans ok hamíngja mun mestu umráða, hvárt konúngr skal ríki hafa eða eigi; nú ef hann verðr einvaldskonúngr yfir Noregi, mun eigi sá þá þíkkjast betr hafa, er stærri luti á til at telja við hann um vináttu? mun þá engi þíkkjast hafa ófús til hans gert; nú hefir hann í engan stað meiri kosti undir sér, enn einhverr várr, nema því minni, at vèr höf-
um hér land til forráða ok ríki, en hann hefir alls ekki, eru vèr ok eigi stór enn hann óðal-
bornir til ríkis þess ok konúngdóms enn hann; nú ef vèr viljum gerast honum svá miklir lið-
sinnismenn, at vèr unnim honum hinnar æztu tignar hér í landi, ok fylgja honum til ríkis með öllum várum styrk ok leggja þar sjálfa oss í hættu fur hans sakir, ok allt þat, er vèr eigum, hví mun hann oss þat eigi góðu launa, ok síðan lengi muna með góðu, ef hann er svá mikill manndómsmaðr, sem aðrir segja, ok ek hygg at hann sé? nú munu vèr á þá hættu leggja, ef ek ráða, ok binda við hann vináttu, ok gera eptir því, sem ek beiði. Eptir þat stóð upp hvern at öðrum þeirra konúnganna ok talaðu, ok kom þó mjök í einn stað niðr, at flestir snèru hér

hug sínum eptir, sem Hríngur konungur talaði, ok voru þeir fleiri fúsari, at binda félagsskap sinn við Ólaf konung. En þó at Hrærekr væri þessa ófúss ok letjandi, þá kunni hann eigi at gjörast einlagi um þetta, er hann sá þó, at aungvir vildu eptir honum gánga, ok mælti svá: þér munuð þessu ráða, at taka Ólaf yfir land þetta einvaldskonung, ok setja svá sjálfa yör í hættu við Dana konung ok Svía konung, ok allt þat er þér eigið, en ekki er ek forspárr, en þat er hugboð mitt, at þeir sem þetta mál flytja nú mest, ok vilja nú ekki annat heyra enn gefa Ólafi konungi svá mikit vald at taka hann yfirmann yfir sik ok þarmeð yfir allan Noreg, at eigi munu margir vetr líða, áðr enn þér munuð þessa iðrast, ok svá allir vèr, er nú gjöldum jákvæði til þess, en ekki vil ek einn rísa ímóti því, er allir aðrir vilja vera láta; en þóat þér, Ólafr frændi! þikki ek ekki mjök vingaðr hafa verit yör í þessi ráðagerð, þá skal þó enginn þeirra konunganna, sem nú eru hér komnir, veita þér meira styrk enn ek, ef vèr skulum þó undir þik víkjast. Þá gengu þessir allir 6 konungar til handa Ólafi konungi, ok játaðu honum öllum sínum styrk ok hefja hann til ríkis með öllum sínum mætti; en hann hèt þeim ímóti sinni vináttu fullkominni ok rættarbótum, ef hann vyrði einvaldskonungur yfir Noregi, ef þeir kynni til at gæta; bundu þeir þetta nú með swardögum sín ímillum.

51. Nú eptir þetta stefna konungarnir þing; þá bar Ólafr konúgr þetta mál fur alþýðu, ok sína ráðagjörð ok allt sitt tilkall, þat er hann hafði þar til ríkis, biðr hann bændr sèr þá viðtöku til konúngs yfir allt landit, ok heitr þeim þar ímóti forinum lögum, ok því at verja land fur útlendum höfðingjum, ef þeir sækja til, talar þarum langt ok snjalt; fèkk hann góðan róm at máli sínu. Þá stóðu upp konungarnir, ok talaði hverr at öðrum, ok fluttu þetta mál fur lýðnum; varð þat at lyktum, at Ólafi var gefit konúngsnafn yfir öllu landi ok dæmt honum land at upplenzkum lögum. Þá hóf Ólafr konúgr upp ferð sína, ok lét bjóða upp veizlur fur sèr, þar sem konúngsbú voru fur, fór hann furst um Haðaland ok svà norðr um Guðbrandsdali; fór þá sem Sigurðr konúgr sýr hafði tilgetit, at lið dreif til hans svà mart, at hann þóttist eigi þurfa hálft af at hafa, ok hafði hann þá þó nærr [hálft 3ðja hundrað¹ manna; þá endust honum þó ekki veizlunnar, sem ákveðit var, þvíat þat hafði siðvenja verit, at konúngar fóru um Upplönd með 60 manna eða 70, en aldrei meirr enn með hundrað; fór hann þá skjótt yfir ok var eina nótt í sama stað; en er hann kom norðr til fjalls, þá byrjaði hann ferð sína norðr um fjallit.

52. Þórðr² Sigvalda-skáld hafði verit með

¹) hér sleppr E aptr. ²) meirr enn 3 hundrað, G; 3 hundrað, hin. ³) son, b. v. G, K.

Ólafi konungi furr, þá er hann var í hernaði. Sighvatr hét son Þórðar, hann var at fóstri með Þorkatli at Apavatni [á Íslandi; Sighvatr þótti seinligr maðr í uppvexti. Í Apavatni er fiski-veiði mikil; þar var á vist með Þorkatli Austmaðr nokkr, vitr maðr ok dæmafróðr; þeir sátu á ísinum, ok sá framkoma mikinn fisk ok fagran, ok gátu eigi veiddan. Þá bað Austmaðr Sighvat fara á vatnit, ok bjó til veiðarfæri hans, þvíat honum líkaði til Sighvats vel; en er Sighvat hafði litla stund setit, þá dró hann þann enn fagra fisk; ok er þeir komu heim, var soðinn fiskrinn. Þá mælti Austmaðr, at Sighvatr skyldi eta furst höfuðit af fiskinum, ok kvað þar vit hvers kvikendis ffólgit. Sighvatr át höfuðit ok allan fiskinn, ok þá kvað hann vísu þessa:

Fiskr gengr oss at óskum
eitr, sem vèr höfum leitat
lýsuvángs or lýngvi
leygjar orm at teygja;
atrenis má annars
aungul gripinn fanga,
vel hefir, örriða, at erja
agnagli mèr fagnat.

Sighvatr var síðan skírr maðr ok fór utan¹⁾; ok er hann kom til Noregs, fór hann á fund Ólafs konungs, ok beiddist at færa honum kvæði; konúngr svarar: at hann vill ekki heyra kvæði, hans, ok hann vill ekki láta yrkja um sik. Sighvatr kvað þá vísu:

¹⁾ frá [v. í hin, nema H.

Hljóð mínum brag, meiðir¹
 myrkblakks², því ek kann yrkja,
 alltígin, mátt þú eiga
 eitt skáld³, drasils tjalda!
 Þótt⁴ öllúngis allra
 allvaldr lofun⁵ skálda,
 þér fæ ek hróðr at hváru
 hlít, annarra mítit.

Ólafr konúgr gaf Sighvati at bragarlaunum
 gullhring, er stóð hálfa mörk. Sighvatr gerðist
 þá hirðmaðr Olafs konúgs; hann kvað þá enn:

Ek tók lystr, nè⁶ ek lasta
 leyfð, iðn var þat síðan,
 sóknar njörðr! við sverði,
 sá er minn vill, þínu;
 þollr fékktu húskarl hollan,
 höfum ráðit vel báðir,
 linns⁷, en ek lánardrottinn,
 lands⁸ blóða, mér góðan.

Þá er Sighvatr kom af Íslandi til Ólafs konúgs,
 þá kvað hann þetta:

Gjörbæninn⁹ [mun ek¹⁰ gunnar¹¹
 [gamms hnykkjandum¹² þikkja¹³,
 áðr þágum vér ægis
 eld, en¹⁴ nú bið ek feldar¹⁵;

¹) beiðir, B. ²) myrkblans, B; myrkblakks, C; myrkblás, D, F, L; myrkblás, K, S. ³) spjald, B. ⁴) þvíat, C, F, L. ⁵) lofun, K, L. ⁶) þannig leiðrétt, v. í A, F, L. ⁷) látrs, hin. ⁸) linns, hin. ⁹) gjörbænn, hin. ¹⁰) maðr ok, B. ¹¹) göfgum, G. ¹²) gunnteitundum, B; gamteitandum, D, G, S; gamsreit-
 erum, F, L. ¹³) heitinn, B, D, K, L; veita, G. ¹⁴) ef, B, G, K, S. ¹⁵) felda, hin.

landaura veit þú, lýru¹
 láð² þverrandi! af knerri,
 en ófangan³ engjar⁴
 ek hefi sjálfr kraft hálfa⁵.

53. Ólafr konúgr kom liði sínu í Uppdal, ok fór svá ofan til Orkadals; hann átti þá þing við bæendr, ok beiddi, at þeir skyldi taka við honum til konúgs; hann lét þá bera vitni þau, er við höfðu verit, þá er Hákon jarl hafði fengit honum með swardögum þann luta lands, er hann þóttist eiga ok furr hafði Eiríkr jarl, þat voru 4 fylki: Orkdælafylki, Gauldælafylki, Strindæla⁶-fylki, Eynafylki; margir menn veittu honum þar góðar viðtökur, en sumir flýðu undan, sumir mæltu ímóti. Sveinn jarl var innf þrándheimi at Steinkerum, ok lét þar búa til jólaveizlu, þvíat þar var þá kaupstaðr mikill. Einarr þambarskelkr spurð til ferða Ólafs konúgs, hann fór þá uppí Gaulardal með húskarla sína; hann sendi menn til Niðaróss, ok lét taka þar róðrarskútu, er hann átti, fóru þeir menn eptir firði, ok koma einn dag síðla inn til Steinkera, ok bera njósn Sveini jarli um ferð Ólafs konúgs. Jarl átti lángskip mikit, er flaut tjaldat fur bænum; hann lét þegar um

¹) lundi, D, F, L; lýru, G, K, S. ²) læ, G; leið, L. ³) ofánga, B, D, F; afgánga, G; afánga, L. ⁴) engann, B, C, K, S; engum, D; úngum, F; engi, G. ⁵) hálfra, G; Sighvatr var lengi með Ólafi konungi; hann var eigi hraðmæltr dagliga, en skáldskapr var honum svá tiltækr, sem hann mælti annat mál, b. v. L; *vísuna v. í C.* ⁶) Strinda, hin.

kveldit flytja á skipit lausafé sitt allt ok klæðnað manna, drykk ok vist, svá sem skipit tók upp, reru þá þegar út um nóttina ok komu í lýsing í Karlsund¹⁾. Ólafr konúngr hafði ráðið sér til skipa í Orkadal, tók bóndaför ok hafði 5 skip, hélt hann þegar inn eptir firði. Þá snéri jarl at landi fur²⁾ Masarvík, þar var þykk skógr; þeir lágu svá nærr berginu, at lauf ok limar tóku ofan á sjó, svá at ekki sá skipit fur liminu, var ok eigi alljóst norðan, þá er konúngr reri inn um, var ok þá logn veðrs; þá reri konúngr inn um eyrna, ok sá þeir eigi skipit; en er fal sýn ímilli þeirra, þá reyri jarl út á fjörðinn at Frostu, ok lagði þar at landi, þvíat þar var ríki hans. Sveinn jarl sendi útí Gaulardal eptir Einari Þambarskelfi, mági sínum. En er Einarr kom til jarls, þá segir hann honum allt um ferð sína, ok svá at hann vill liði samna, ok fara til móts við Ólaf konúng, ok berjast við hann. Einarr svarar svá: vèr skulúm nú ráðum at fara, herra! segir hann, en rasa nú eigi fur ráð fram: skulu vèr nú furst halda njósnum til, hvat Ólafr ætlast fur, látum hann þat eina spyrja, at vèr seim kyrrir, kann þá vera, at hann setlist at Steinkerum inn um jólin, ef hann spurr engan liðsamnað vörn, þvíat þar er nú vel furbúit, en ef hann spyr, at vèr höfum liðsamnað, þá mun hann þegar stefna út eptir firðinum, höfum vèr hans þá alls ekki.

¹⁾ Skarsund, B, K, S; Skarasund; C; Karmsund, G; Karlsund, D. ²⁾ frá, hin.

Svá var þá gjört, sem Einarr mælti: fór jarl á veizlur til bónda um Stjóradali'. Ólafr konúgr kom inn til Steinkera, ok þá tók hann upp veizluna, ok lét bera á skip sín, ok aflaði til byrðinga, ok lét bera á bæði vist ok drykk, ok bjóst íbrott sem skjótast, ok hélt allt út til Niðaróss; þar hafði Ólafr konúgr Tryggvason efnat til kaupbæjar ok húsat þar konungsgarð, en áðr var þar [einn bær¹ í Niðarósi; en Sveinn jarl lét búa til kaupbæjar at Hlöðum, sem faðir hans hafði haft atsetu, en hann úrækdi hús þau, er Ólafr konúgr hafði gera látit við Nið, voru þau þá sum niðrbrötin, en sum stóðu, ok þó heldr hrörlið. Ólafr konúgr hélt nú út skipum sínum í Nið, lét þar þegar umbúast í þeim stað ok í þeim húsum, er uppstóðu, en reisa þau upp, er niðr voru fallin, ok hafði þar at fjölda manns, lét þá ok flytja upp í húsin bæði vist ok drykk, ok ætlaði þar at sitja um jólin. En er þat spurð Sveinn jarl ok Einarr Þambarskelfir, þá samna þeir liði ok fara út til Gaulardals hit efra, ok stefna svá út til Niðaróss, ok höfðu nærr 20 hundruð manna. Menn Ólafs konungs voru á njósn útá Gaularási ok hældu [vörð á hesti²; þeir vörðu nú varir, er herrinn fór utan um Gaulardal, ok báru þeir njósn konungi um miðnætti; stóð þá konúgr upp þegar ok lét vekja liðið; gengu menn nú þegar út á skipin, ok báru út öll klæði sín ok vápn, ok þat er þeir fengu meðkomizt, róu nú út or ánni; kom

¹) Orkadal, K. ²) einbæli, hin. ³) hestvörð, B, C, D, G.

Þá jarl þegar til bæjar, ok tóku þar þá jólavist alla, en brendu húsin öll. Ólafr konúngr reri nú út eptir firði til Orkadals, ok gekk þar af skipum, fóru síðan upp eptir dalnum allt til fjalls ok austr yfir fjallit til Dala. Frá þessu er sagt, er þeir Sveinn jarl brendu bæinn í Niðarósi í flokki þeim, er [ortr er um Klæng Brúsason¹, hann var þá með Sveini jarli:

Brunnu allvalds inni,
eldr hykk at sal feldi,
eimr² skaut³ á her⁴ hrími,
hálfgjörr, á⁵ Nið sjálfa.

Ólafr konúngr fór þá norðr eptir Guðbrandsdölum ok þaðan út á Heiðmörk, ok fór at veizlum.

54. Ólafr konúngr samnaði her saman, er áleið vetrinn, hann hafði mikit lið af Heiðmörk, er konúngarnir fengu honum, fóru þaðan lendir menn margir ok ríkir bændr; í þeirri ferð var Ketill af Ríngunesi⁶; Ólafr konúngr hafði ok lið af Raumaríki; Sigurðr konúngr sýr, mágr hans, kom ok til liðs við hann með mikla sveit manna; sækja þeir nú út til sjóvar, ok ráða síðan til skipa, ok búast svá innan í Víkina⁷, ok höfðu mikit lið. Sveinn jarl samnar liði um Þrándheim allan þegar eptir jólin, býðr út leiðangri bæði at skipum ok mönnum. Í þenna tíma var í Noregi fjöldi lendra manna, voru þeir margir ríkir ok

¹) orti Klængr Bjarnason, (Brúsason F) G, H. ²) ærnir, C.
³) stökk, C, L. ⁴) hús, H. ⁵) við, hin. ⁶) Ríngu, C; Hringaríkianesi, K. ⁷) or Víkinni, hin.

svá ættstórir, at þeir voru komnir af konunga-
ættum, ok áttu skamt til at telja, voru þeir ok
stórauðgir, var þar ok allt traust konúnganna
eða jarlanna, er fur landinu ræðu, sem lendir
menn voru, þvíat svá var í hverju fylki, sem
lendir menn ræði fur bóndamúgnum. Vel var
Sveinn jarl vingaðr við [bónða lýðinn', varð hon-
um gott til liðs; Einarr Þambarskelfir, mágr hans,
var þar með honum ok margir aðrir lendir menn;
þeir fóru, þegar þeir voru búnir, ok hældu suðr
með landi, ok drógu á árum út or firðinum; þeim
samnaðist lið or hverju fylki; en er þeir komu
suðr til Rogalands, þá kom til móts við þá Erlíngr
Skjálgsson með mikit lið ok frítt, voru með hon-
um margir aðrir lendir menn, hældu síðan öllu
liðinu austr til Víkr. Þat var er áleið lángeföstu,
er Sveinn jarl hélt inní Víkina; jarl hélt liði sínu
inní Grenjar, ok lagðist við Grenjar² með herinn;
þá hélt Ólafr konúngr innan eptir Víkinni, ok var
þá skamt ímilli þeirra, ok vissu þá hvárir til ann-
arra. Ólafr konúngr hafði þat skip, er Karlhöfði
var kallaðr, þar var skorit á framstafninum kon-
úngs' höfuð, hann sjálfr hafði þat skorit; þat
höfuð var lengi síðan haft til sýnis í Noregi.
Þat var laugardaginn fur Pálmsunnudag er þeir
lágust svá nærr, sem nú var frásagt.

55. Sunnudags morgininn, þegar er lýsti,
stóð Ólafr konúngr upp ok klæddist, ok gekk

¹) lenda menn, B, C, D, G. ²) Grenmar, B, C, D, K, S. ³)
manns, C.

síðan á land, ok lét blása öllu liðinu til landgaungu; þá átti hann tal við höfðingja, ok sagði alþýðu, at skamt mun vera ímilli þeirra Sveins jarls: skulu vèr nú, segir hann, umbúast sem vænligast þykkir, vápnist menn nú ok búi sik ok sitt rúm hverr maðr, þar sem áðr er skipat, svá at allir sè þá búnir, er ek læt blása til brottlögu; róm vèr síðan samfast, fari engi skip furrenn allr ferr herrinn, dvelst engi þá ok eptir, er ek ræ or höfninni, þvíat eigi megu vèr vita, hvar fund vörn berr saman ok orrosta tekst með oss, hyggi- um þá at því, at várir menn heimti skip sín sam- an ok sè búnir til saman at tengja; hlífum oss furst ok gætum vápna várra, at vèr kastim eigi á glæ¹⁾ til ónýts, en er festist orrostan ok skip- in hafa saman bundizt, gjörum þá sem harð- asta hríðina, ok dugi þá hverr sem mannligast. Ólafr konúngr hafði á skipi sínu hundrað manna, ok höfðu allir hríngabrynjur ok valska hjálma, flestir menn höfðu hvíta skjöldu, ok lagör á hinn helgi kross með gulli, eða rauðum steini eða blám; kross lét hann draga í enni á öllum hjálmum með bleikju, hann hafði ok²⁾ merki þat, er var ormr at sjá; síðan lét hann sýngja sèr allar tíðir ok messu; síðan gekk hann út á skip, ok bað menn snæða nokkut; þá lét hann blása her- blástr ok leggja út or höfninni, reyru þá þegar at leita Sveins jarls; ok er þeir komu fur höfn- ina, þá er jarl hafði legit í, þá var lið jarls vápn-

¹⁾ sæ, B. ²⁾ hvítt, b. v. hin.

at, ok ætlaði þá að róa út or höfninni; en er þeir sjá konungs lið, þá tóku þeir at tengja saman skip sín, ok settu upp merki sín ok bjuggust vel um; en er Ólafr konúgr sá þat, þá greiða þeir atróðrinn. Ólafr konúgr lagði sitt skip ímóti jarls skipi, tókst þar þegar orrosta ok var hin ákafasta; svá segir Sighvatr:

Veitti sókn, þar er sótti,
siklíngr fírum mikla,
blóð féll raudt [í roða²
rein í höfn at Sveini;
snjallr hélt at sá, er olli,
eirlaus konúgr, þeirra,
en Sveins liðar, sínum,
saman [bundu lið, fundi³.

Hér segir þat, at Ólafr konúgr hélt at orrostu, en Sveinn jarl lá fur í höfn. Sighvatr skáld var þar í orrostunni, ok kvað þá þegar Nesja-vísur eptir bárdagann, ok segir þar vandliga frá þessum atburðum; þar segir ok svá:

Þat er ofkunnt, hve kennir
Karlhöfðann lét jarli,
eggja⁴ frosts, fur austan
Agðir nærr of lagðan.

Orróstan var hin snarpasta, ok var þat lánga hríð, er ekki mátti yfirsjá, hvern vög hníga mundi,

¹) sætti, C. ²) á rauða, B, D, G; á roða, C, K, S; á roða, F, L; í rauða, H. ³) bundust (bundu, F, L), skip fundi, C; bundust skip fundi, D, G, H, K, S. ⁴) odda, hin.

féll þá mart af hvárumtveggjum, en þó varð
fleira sárt; svá segir Sighvatr skáld:

Vara svinnhuglum¹ Sveini
sverðagnýrs at frýja,
gjóðs nē gíldrar² hríðar
gunnreifum Óleifi;
þvíat kvistingum³ kostu⁴,
komat herra í stað yerra,
áttu sín⁵, þar er sóttust,
seggir hváirtveggju

Jarl hafði ok lið meira, en Ólafr konúgr hafði
einvalalið á skipi sínu, þat er honum hafði
fylgt lengi í hernaði, ok búit forkunnar vel, sem
furr var sagt, at hverr maðr hafði hringabrynju,
ok vörðu þeir nærr ekki sárir; svá segir Sig-
hvatr skáld:

Tejtr sá ek [okkr í⁶ ítru,
allvalds-liði falla,
[þá var⁷ harðr⁸ um herðar
hjördynr⁹, svalar brynjur;
en mín at flug fleina
falsk¹⁰ und hjálm hinn valska,
okkr vissa ek svá sessi,
svört skör, við her¹¹ gjörva¹².

En er lið tók at falla á skipum jarls, en sumt
var sárt, ok þynntist þá skipan á borðum, þá réðu

¹) sigmána, B, C, G, H, A, S; sigmara, D, F, L. ²) góðrar, B, C, F, G, L; hér byrjar J. ³) kvistingar, hin. ⁴) kostu, B, G, H; kosta, hin. ⁵) svá, C, D, F, L. ⁶) ört á, G, H, J. ⁷) gerðist, hin. ⁸) hörð, B. ⁹) hjördyns, B. ¹⁰) falk, B. ¹¹) hjör, H, J. ¹²) víðuna v. í C, D, F, L.

menn Ólafs konúnga til uppgöngu; var þá komit merki Ólafs konúnga á þat skip, er næst var jarls skipi, en konúngur sjálf fylgði fram merki sínu; svá segir Sighvatr skáld:

Staung óð gylt, þar er gengu¹
göndlar²-serks und merkjum
gnýss, með göfgum ræsi,
greiðendr, í böð³, reiðir;
þeygi var sem þegnum⁴
þengils á jó⁵ strengjar,
mjöð, fur málma-kveðjur
mær⁶, heiðsæfum⁶, bæri⁷.

Þá var snörr orrosta ok féllu mjök Sveins menn,
en sumir ljópu fur borð; svá segir Sighvatr
skáld:

Vör drifum hvatt⁸, [en heyra⁹
hátt vápnabrák mátti¹⁰,
rönd klufu roðmir brandar,
reiðir [upp á skeiðir¹¹;
en fur borð þar¹² er börðust,
búin [fengust skip, gengu¹³,
nærr¹⁴ flaut ört við eyri
úfár, bændr¹⁵ sárir.

Ok enn kvað hann þetta:

¹) gengum, H, S. ²) gunna, C, G, H, J. ³) skip, hin. ⁴) þessir, B; þessum, hin. ⁵) jó, B. ⁶) heiðþægum, B, F, L, S; heitþægum, C; heiðþægnat, D; heitdrögum, G, H, J. ⁷) vísun v. í K. ⁸) hátt, G, H, J. ⁹) at herja, C. ¹⁰) knátti, C, D, G, S. ¹¹) upp á skeiðar, B, J, S. ¹²) þeir, C. ¹³) fengu skip drengir, F, L. ¹⁴) nár, C, F, S. ¹⁵) á mar, C.

Öld vann ossa¹ skjöldu²,
 auðsætt var þat, rauða,
 hljórn, þar er hvítir komum,
 hring miðluðum³ þingat⁴;
 þar hykk úngan gram gengu,
 gunnsylgs⁵, en vör fylgðum,
 blóð⁶, fell⁷ sjór⁸ þar er sæfðust⁹
 sverð, upp í skip, gerðu.

Þá tók at snúa mannfallinu í lið Sveins jarls;
 sóttu þá konungsmenn at jarlsskipinu, ok var
 þá við sjálf, at þeir mundu uppganga á skipit
 jarls. En er jarl sá, í hvert óefni komit var, þá
 hét hann á frambyggja, at þeir skyldu höggva
 tengslin ok leysa skipin út; þeir gerðu svá; þá
 færðu konungsmenn stafnljá á skeiðarkylfin ok
 höldu þeim; þá mælti jarl, at stafnbúar skyldu
 höggva af kylfin, ok svá gerðu þeir; svá segir
 Sighvatr skáld:

Sjálf bað¹⁰ svartar kylfur
 Sveinn harðliga skeina,
 nærr var áðr í ora¹¹
 oll-ván¹² róit hánun;
 þá er til góðs¹³ en gjóða¹⁴
 gjört fengum, hræ svörtum

¹) oss á, B, C, G, J, L, S. ²) skjöldum, G, J. ³) mið-
 löndum, B, C, F, K, S; miðlögum, G, J. ⁴) þingat, B. ⁵)
 gunnsilg, B, C, D, G, J, K, S. ⁶) bráð, C, D, F, L. ⁷) fékk,
 hin. ⁸) gammr, C; svannr, D, G, H, J; svart, K, L. ⁹) slæddust,
 C, F, K, L, S; slæfðust, D, H, J. ¹⁰) bauð, G, J, L. ¹¹)
 ærna, C. ¹²) auðvæn, C, D, F, G, J, S. ¹³) gjóðs, L.
¹⁴) gjóði, C, F, G, S; góði, L.

Yggs lét herr of höggvit,
hrafni, skeiðar stafna.

Einarr Þambarskelfir hafði lagit sitt skip á annat
borð jarlsskipinu, þá kastaði hann akkeri í jarls-
skipit í stafninn fram, ok fluttust svá allir sam-
an útá fjörðinn; eptir þat flýði allt lið jarls ok
reyri út eptir firðinum. Bersi Skáld-Torfuson
var í furrúmi á jarlsskipinu; en er skipit jarls
seig fram hjá konúngsskipinu, þá mælti Ólafr
konúngr hátt, er hann kendi Bersa, þvíat hann
var hverjum manni áuðkændri: vænn maðr ok
búinn allvel at klæðum ok vopnum! farit heilir,
Bersi! segir konúngr ok brosti at lítinn þann;
hann svarar: verit heilir, konúngr! Svá segir
Bersi í flokki þeim, er hann orti síðan, þá er
hann kom á vald Ólafs konúngs ok sat í fjöðrum:

Hróðrs² bað³ heilan líða
hagkennanda þenna,
en snarrækinn⁴ slíku
[svarat unnu⁵ vèr, gunnar;
orð⁶ seldum þau⁷, elda,
út hauðrs⁸ - [boða traudir⁹
knarrar hapt¹⁰, sem keyptag
kynstórr¹¹ á vit brynju.

Ok þessa aðra:

²) höggvinn, G. ³) hlóðr, B; hróðr, K, S. ⁴) bar, C,
battu, G, J, S. ⁵) snarræki, B, H, S; svarbræði, C; sjá rekk,
D; snarlæti, G, J. ⁶) svarti unnu, B; svatan unn, C. ⁷) auð,
G, J. ⁸) vèr, G, J, S. ⁹) ythauða, J; útauða, G. ¹⁰) hjóða
rauða, L. ¹¹) happs, B, F; knapps, C. ¹²) kynstórs, B, G,
J, K, S

Sveins raunir hefi ek sènar,
 snart¹ rækjandi², bjartar³
 þar er svaltúngur súngu
 saman voru⁴ við, stórum⁵;
 elgs mun ek eigi fylgja⁶
 útskiðs⁷ boða⁸ síðan
 [heldr at hváru vildag⁹
 hranna dýrra manni¹⁰.

Ok enn:

Krýp¹¹ eigi svà, sveigir¹²,
 sára-linds! í ári¹³
 búum ólítinn úti
 öndr, þer til handa¹⁴;
 at ek, herstefnir! hafna,
 heiðmildr, [nè ek¹⁵ þá leiðumst¹⁶,
 úngr kunna ek [þat þraungvir¹⁷
 þín¹⁸, hollvini mína¹⁹.

Sumir menn jarls flýðu á land upp, en sumir
 gengu til griða, en jarl sjálfr reyri útá fjörðinn
 ok mestr luti liðsins, ok lögðu þar saman skip-
 in; töluðu höfðingjar þá milli sín, þvíat jarl leit-
 aðiráða undir lenda menn, hvern upp skal taka;
 [þá mælti jarl²⁰, at þeir skyldi sigla norðr í land

¹) svart, D, G. ²) rækninga, B, G, J, S; rækkinga, C, D, F, L.
³) hjarta, C, D, F; hatta, J. ⁴) fóru, hin. ⁵) stórir, B, D, K, S;
 stórar, hin. ⁶) sylgja, B. ⁷) útríðanda, D; úthrið, hin. ⁸)
 v. í D. ⁹) helzt, (hest, C, D, F, G, J) á hvárum kosti, hin.
¹⁰) manna, C, K, L. ¹¹) ek, b. v. B, C, D, F, K, L, S. ¹²)
 síðan, C, K. ¹³) vári, C, D, F, L. ¹⁴) halda, S. ¹⁵) eða,
 C, D, F, K, L, S; er ek, G; en ek, J. ¹⁶) leiðumk, C. ¹⁷)
 þá þraungvi, C, D, F, L, S; þá þröngar, G, J. ¹⁸) þinn, B,
 D. ¹⁹) minna, B, D; báðar þær síðarstu vís. v. í H. ²⁰) Er-
 lingr. Skjálgrsson ræð þeim, hin.

ok fá sér þar lið, at berjast enn við Ólaf konúng, þegar þeim þætti færi á; en flestir höfðingjar löttu þess, ok þótti þeim þungt veita hafa, svá gott lið ok mikit sem þeir höfðu haft nú, en höfðu nú látit mikit lið, ok þótti ósýnt, at þeir fengi í annat sinn meira afla, enn svá nokkvat þar í landi, ok fýstu af því flestir, at jarl færi or landi furst svá búið ok á fund Svíakonúngs, mágs síns, ok efldist þaðan at liði, ef hann vildi nokkurn styrk veita honum, ok fylgði Einarr Þambar-skelfir því at um ráðin, þótti honum þeir engan styrk til hafa at berjast við Ólaf konúng í annat sinn. Sigldi jarl þá suðr yfir Foldina ok með honum Einarr, mágr hans, ok margir aðrir lendir menn, en þeir sem eigi flýðu óðöl sín, fóru norðr til heimila sinna; hafði Erlíngr um sumarit fjölmenni mikit um sik á Sóla.

56. Ólafr konúngr ok hans menn sjá, at jarl hefir samánlagit liðinu ok sáipin í annat sinn; þá eggjaði Sigurðr konúngs sýr, at þeir skyldu leggja at jarli, ok láta þá til stáls sverfa með þeim. Ólafr konúngs svarar, segir, at hann vill furst sjá, hvat jarl tekr ráðs, hvárt hann heldr saman liðinu eða skilst þat við hann; Sigurðr kvað hann ráða mundu: en þat er mitt hugboð, segir hann, at við skap þitt ok ráðgirn, at seint tryggvir þú þá at þær stórbokkana; varð nú ok ekki af at lögunni, sá þeir þá brátt, at lið jarls skildist við hann. Lét Ólafr konúngs þá ransaka valinn, lágu þeir þar nokkurar nætr, ok skiptu herfángi; þá kvað Sighvatr vísur þessar:

Þess get ek meir, at missi
 morðarr, sá er fór norðan,
 harða margr, í hörðum,
 heimkvámu styr þeima;
 sökk af sundablakki
 sunnu¹ mörg² til grunna;
 satt var, at Sveini mættum
 samknúta³ vör úti.

Frýrr⁴ eigi oss í ári
 innþraungs⁵, þóat lið minna,
 gjört hugða ek svá snertu⁷,
 snotr⁸ mærr, konúngs væri;
 brúðr mun heldr af⁹ háði
 hafa drótt, þá er framsótti,
 fold ruðum¹⁰ serks¹¹, sem¹² skyldi
 seggi¹³ aðratveggju.

Afli vex, þar¹⁴ er efla
 Upplendingar sendi¹⁵
 svinn¹⁶, snum¹⁷ þat¹⁸, þenna
 þriðja¹⁹ til konúngs²⁰ vilja;
 raun er hins, at heynir
 hrælinn²¹ megu vinna,

1) kom, G, J, S. 2) sunnum, D, L, S. 3) eða mörg; margr, G,
 þ; margt, S. 4) sannknúta, C, D, F, L, S. 5) flýr, C, D, F, J.
 6) innþrænzki, hin. 7) snóta, B. 8) snerr, B; snótar, G, J.
 9) at, hin. 10) ruðu, C, D, F. 11) skers, B, C, F, G, J; sers,
 K, S; skær, L. 12) ef, B, G, J, K, S. 13) skeggi, C, D, F,
 G, J, L. 14) þat, B; þá, G, J; því, hin. 15) sendu, B. 16)
 Sveinn, B, D; Svein, C, F, L; Sveins, G, J, S. 17) funnut,
 hin. 18) þér, F, L; þar, hin. 19) þikkblaks, J; þvífka, L;
 þilblaks, hin. 20) konúng, C, G. 21) hrælinn, C, D, G.

þeir¹ áttu² flug³ fleina⁴

[fólk-hrekks⁵, enn öl drekka⁶.

Ólafr konúgr gaf Sigurði konúgi, mági sínum, at skilnaði góðar gjafar ok svá öðrum höfðingjum þeim, er verit höfðu með honum; konúgr gaf Katli af Ríngunesi karfa einn fimtán⁷-sessu, ok flutti Ketill skipit út eptir⁸ elfi ok svá uppi Mjörs. Ólafr konúgr hēlt til njósnum um ferðir jarls; en er hann spurð þat, at jarl var orlandi farinn, þá fór hann austr eptir Víkinni, dreif þá lið til hans ok var hann til konúgs tekinn á þíngum, hvar sem hann kom, fór hann svá allt til Lífandisness; þá spurð hann þat, at Erlíngr Skjálgrsson á Sóla hafði liðsamnað mikinn, dvaldist konúgr þá ekki á Norðr-Ögðum, því at hann fékk raðbyri; fór hann þá sem skyndiligast norðr til Þrándheims, þvíat honum þótti þar megin landsins, ef hann fengi þar undir sik spanit, meðan jarl væri íbrottu. En er Ólafr konúgr kom í Þrándheim, þá var þar engi uppreist gjör ímóti honum, ok var hann þar til konúgs tekinn sem annarstaðar, ok settist hann þar um haustit í Niðarósi, ok bjó þar til vetrviðar, ok lét hann þar húsa konúgsгарð ok setja þar Clemenskirkju í þeim stað, sem nú stendr hún; hann markaði tóptir til garða, ok gaf bøndum eða kaupmönnum, eða þeim öðrum er honum sýndist ok

¹) þeim, J. ²) æskla, C, F, L; æskja, D. ³) faus, C; fals, D; fors, F, L. ⁴) fleiri, C; fleira, D, F. ⁵) fjallreks, G, J; fjölreks, D, S. ⁶) 2 seinustu vísurnar v. í H. ⁷) 20, D, H, K. ⁸) Raum, b. v. hin.

húsa vildu; hann sat þar fjölmennt, þvíat þeir treystu illa þrændum um trúleik við sik, ef jarl kæmi til, voru berastir at því Innþrændir, at þeir vildu til jarls stunda, ok fekk konúgr þaðan ennar skyldir af bøndum.

57. Sveinn jarl fór til Svíþjóðar á fund Ólafs konúgs, mágs síns, ok segir honum allt um skipti þeirra Ólafs konúgs digra, ok leitaði þá ráða af Svíakonúgi, hvern hann skal upptaka. Konúgr segir, at hann skal vera hjá honum, ef hann vill, ok hafa þar ríki slíkt til forráða, sem honum þikkir sæmiligt: en at öðrum kosti, segir hann, skal ek fá þér góðan liðsafla, at þú megir sækja landit af Ólafi digra; þat kaus jarl, þvíat þess fýstu allir hans menn, þvíat þeir áttu margar stórar eigur í Noregi, er þá voru með jarli; þá sátu þeir yfir þessi ráðagerð um hrið, ok kom þat ásamt með þeim, at þeir skyldu búast til um vetrinn eptir at fara landveg um Helsíngjaland ok Jámmtaland, ok svá ofan í Þrándheim, þvíat jarl treysti Innþrændum bezt um trúleik við sik ok staðfesti, ef hann kæmi þángat; gjöra nú þat ráð, at fara um sumarit í hernað í Austrveg at fa sèr svá fjár. Sveinn jarl fór með liði sínu austr í Garðaríki ok herjaði; þar dvaldist hann um sumarit; en er haustaði, snèri hann aptr til Svíþjóðar liðinu, ok þá tók hann sótt þá, er hann leiddi til bana. Eptir andlát Sveins jarls fór hans lið, er honum hafði fylgt, aptr til Svíþjóðar, en sumir snèru til Helsíngja-

lands ok þáðan til Jármtalands, ok svá austr um Kjöl til Þrándheims, ok sögðu þar þessi tíðendi, er gerzt höfðu í ferð þeirra; varð nú sannspurt andlát Sveins jarls¹ um allan Noreg. Einarr Þambarskelfir ok sú sveit, er honum fylgði, fór furst um vetrinn til Svíakonúnga eptir andlát Sveins jarls, ok voru þar í góðum fagnaði ok yfirlæti, þar var ok mært annarra manna þeirra, er fylgt höfðu Sveini jarli. Svíakonúngi lík- aði stórilla til Ólafs digra, er hann hafði sezt í skattland hans, en rekit íbrott Svein jarl, mág hans, hét hann þarfyrr Ólafi digra hinum mestum afarkostum, þegar hann mætti sér svá viðkoma; hann sagði þat jafnan, er um var rædt, at Ólafr digri mundi eigi svá djarfr vera, at hann mundi taka undir sik þat veldi, er jarlar höfðu átt, en nú kallar Svíakonúngs sína eign þann luta lands, er Sveinn jarl hafði átt, sann- aðu þetta margir hans menn með honum, at svá mundi vera. En er þrændr spurðu til sanns, at jarl var látinn, ok hans var ekki at vænta, þá snerist öll alþýða til lýðni við Ólaf konúng; fóru þá margir menn innan or Þrándheimi á fund Ólafs konúnga ok gerðust hans menn, en sumfr sendu orð ok jartegnir til, at hans menn vildu vera ok honum þjóna; fór hann þá um hausti inn í Þrándheim ok átti þing við bændr, var hann þá á hverju þingi til konúnga tekinn; hann fór þá til Niðaróss, ok lét þángat flytja allar konúnga skyldir, ok efnaði þar til vetrsetu.

¹) hér sleppr J um sinn.

58. Ólafr konúgr lét húsa konúngsgarð í Niðarósi, þar var þá ok gjör mikil hirðstofa, ok dyr á báðum endum; hásæti var í miðri stofunni, en innarfrá skamt var hásæti Grímkels biskups, en þar innarfrá sátu kennimenn hans, en utarfrá honum sátu ráðgjafar hans; í öðru öndvegi gegnt honum sat stallari hans, Björn digri, en þarnæst gestir hans, eða ef göfgir menn komu til hans; við elda skyldi þá öl drekka; hann skipaði mönnum þá í þjónostur, sem siðr er konúnga til; hann hafði með sér 60 hirðmanna ok 30 gesta, ok setti hann þeim mála ok lög, hann hafði ok 30 húskarla, er starfa skyldu í garðinum ok tilflytja slíkt, er þurfti; hann hafði ok þræla. Í garðinum var mikill skáli gjörr, er hirðmenn sváfu í, þar var ok mikil stofa, er konúgr hafði hirðstefnur í ok málstefnur ok sættarstefnur. Þat var siðr hans, at rísa upp um morna ok klæðast ok taka handlaugar, ok ganga síðan til kirkju ok hlýða óttusaung ok morgintíðum, en ganga síðan á stefnur, ok sætta menn sína, ef þess þyrfti við, eða tala þat annat, er honum þótti skylt; hann stefndi til sín ríkum ok fátækum, ok þeim öllum er vitrastir voru; hann lét upptelja fur sér lög þau, er Hákon Aðalsteinsfóstri hafði sett í Þrándheimi; hann skipaði síðan lögum með ráði hinna vitrastu manna; lagði hann þar á allan hug, at taka af heiðni ok fornar úvenjur, þær er honum þótti kristnisþell

¹⁾ snemma, b. v. hin.

ívera. Svá kom, at bændr játtu at hafa þau lög,
er konúgr setti þeim; svá segir Sighvatr skáld:

Loptbyggjum¹⁾ mátt leggja
landrétt, þann er skal standast
unnar, allra manna,
ýta²⁾ liðs, ímiðli.

59. Ólafr konúgr var maðr siðláttr vel, fá-
lyndr, örr ok fægjarn, ok þótti bæði gott at
þiggja ok veita. Þá var þar með Ólafi konúgi
Sighvatr skáld, sem furr segir, ok enn fleiri
íslenzkir menn. Ólafr konúgr spurð vandliga,
hvern veg kristinnndómr væri haldinn á Íslandi;
ok er hann vissi þat, þá þótti honum mikilla
bóta ávant, at vel væri, þvíat þeir sögðu hon-
um þat frá kristnihaldinu, at þat væri lofat á Ís-
landi at eta ross ok bera út börn, sem heiðnir
menn gjörðu, ok enn fleiri lutir, þeir er kristni-
spell væri í; þeir sögðu konúgi frá mörgu
stórmenni því, er var á Íslandi; Skapti Þórodds-
son hafði þá lögsögn á Íslandi. Víða af lönd-
um spurði konúgr at siðum manna þá menn,
er gjörla vissu, ok leiddi mest at spurníngum um
kristinnndóm, hversu haldinn væri, bæði í Orkneyj-
um ok á Hjaltlandi ok or Færeyjum, ok spurðist
honum svá til, sem víðast mundi mikit á skorta,
at vel væri; slíkar ræður hafði hann optast í
munni, ok taldi landsrétt eða lagasetníng.

60. Björn hét maðr ok var kallaðr Hítðæla-

¹⁾ loptbyggvir, C, F, K, L, S; laðbyggvir, G. ²⁾ eykja,
hin.

kappi, hann var hirðmaðr Ólafs konúnga; Björn var þarðgjörri maðr ok mikill fur sèr. Þat bar til einusinni, þá er Björn var með Ólafi konúnga, at hann fór í laug með konúnginum; en sú gjörð var mönnum mjök tíð, at hafa silkibönd utan at hosum, ok vöfðu þar með leggina; nú fór Björn fúrr or-lauginni enn konúnger, en klæði þeirra lágu öllsaman, konúnga ok Bjarnar; nú geymir Björn eigi at, ok tók silkiræmu konúnga aðra, ok batt um fót sèr; ok er konúnger kom or-lauginni, fann hann, at Björn hafði skipt við hann; Björn bauð aptr at skipta, þegar hann vissi; konúnger segir, at þat skyldi þá hverr hafa, sem fengit hafði. Ólafr konúnger gaf Birni sverð gott, er hann kallaði Mæring. Björn fór til Íslands, ok eru miklar frásagnir frá skiptum þeirra Þórðar Kolbeinssonar, áðr Björn féll fur Þórði, þar sem Hvítungshjalli heitir í Hítardal. Björn var grafinn á Völlum, þviát þar var þá kirkja, hvíldi Björn þar lengi síðan, þartil er staðr eflidist at Húsafelli, var þá upptekin kirkjan á Völlum ok grafinn garðrinn, ok öll bein færð í Hítardal, þau er þar höfðu jörðut verit. Björn hafði í klæðum verit niðrsettr; ok er bein hans voru upptekin, þá var allt hold hans fúit ok öll klæði, svá at engan stað sá, nema sú ein silkiræma, er Ólafr konúnger hafði átt, hún var heil ok úsökuð, svá sem hún hefði aldri í jörð komit; nú sýndist í þessum atburð mikill heilagleikr Ólafs konúnga, at sá einn lutr var

ófiinn í jörðu á beinum Bjarnar, er helgast hafði af líkama Ólafs konungs; sú silkiræma var síðan höfð til messufata-linda, ok er nú á þeim bæ, er í Görðum heitir á Akranesi. Nú, svá margir höfðingjar ok harðfengir hirðmenn sem konunginum fylgðu, þá var hann þó sjálfr öllum þeim æðri at öllum lutum. Ólafr konúngr var allra manna vitrastr, ok sá hvert ráð, sem eptir gekk, ef hann læk í tómi við, en ef hann var bráðum borinn, þá var þat nökkut hætt. Ólafr konúngr virði mikils kirkjur ok kennimenn ok allan kristinnðóm, ok gæddi gjöfum góða menn, klæddi hann kalna, engaf fê föðurlausum, auðræði ekkjum ok útlendum þeim, er fátækir voru, huggaði hann hrygga, en studdi alla ráðvanda menn, bæði í heilræðum ok öðrum tillögum þeim, er þeir þurftu; hann var harðr við hermenn, stríðr við stuldamenn, óþýðr við alla ósiðamenn; hann reisaði rán ok hegndi hart allt þat, er guðs rétti var raskat, en fargaf linliga allt þat, er við hann var misgjört; misjafn orðrómr var á hans ráði, þá er hann lifði í þessum heimi: margir menn kallaðu hann ríklundaðan ok ráðgjarnan, harðráðan ok heiptúðigan, fastan ok fægjarnan, ólman ok óðan, metnaðarmann ok mikillátan, ok þessa heims höfðingja fur alls sakir; en þeir er gjörr vissu, kallaðu hann linan ok lítillátan, hægan ok huggóðan, mildan ok mjúklyndan, vitran ok vingóðan, tryggvan ok trúlyndan, forsjálan ok fastorðan, gjöflan ok

góðgjarnan, frægan ok fályndan, góðan ok glæparan, stjórn saman ok stiltan vel, geyminn at guðs lögum ok góðra manna, ok hafa þeir rétt sagt, er svá sögðu; optliga hepti hann sinn vilja, en gjörði guðs vilja, ok leitaði meirr guðs vilja enn sinnar virðingar at alþýðu ok réttsýnna manna tilliti.

61. Þann sama vetr komu austan or Svíþjóðu sendimenn Ólafs Svíakonúngs, ok voru bræðr 2 fur þeim, hét annar Þorgautr skarði, ok (hinn) Ásgautr ármaðr, ok voru þeir saman 24; en er þeir komu austan um Kjöl í Veradal, þá stefndu þeir þing við bændr ok talaðu við þá, heintu síðan skatt af hendi Svíakonúngs. En bændr báru ráð sín saman ok talaðust við, ok kom þat ásamt með þeim, at þeir mundu gjalda slíkt, sem Svíakonúngr beiddi, ok heimti Ólafr digri engar skyldir af þeim fur sína hirð, en sögðust eigi vilja gjalda tvennar landsskyldir; ok þetta þótti sendimönnum sannligt; fóru síðan brott ok út eptir dalnum, ok á hverju þingi, er þeir áttu, fengu þeir af bóndum hin sömu svör, en ekki fè; fóru síðan út á Skön, ok áttu þar þing ok kröfðu þar enn skatta, ok fór allt á sömu leið sem furr; þá fóru þeir í Stjóradal ok kröfðu þar þinga, en bændr voru þar því stærri enn annarstaðar, at engi vildi tilkoma, ok vildu ekki skvaldr þeirra á sér; þá sá sendimenninnir, at þeirra erendi varð ekki; vildi Þorgautr þá fara aptr, ok þótti ekki atskapað. Þá mælti Ás-

gautr : ekki þíkkir mér vör enn rekit hafa konungs erendi svá búit, ok vil ek fara á fund Olafs konungs digra, er þó skjóta bændr þangat sínu máli. Nú ræð hann, ok fóru þeir út til bæjar ok tóku sér þar herbergi í bænum; þeir gengu um daginn eptir fur konúng, er hann sat yfir borðum, ok kvöddu hann, ok sögðu at þeir fóru með erendum Svía konungs. Konúngr bað þá koma um morgininn eptir fur sik. Annann dag eptir, er konúngr hafði hlýðt tíðum, gekk hann til þinghússins, ok lét þangat kalla menn Svía konungs ok bað þá bera upp erendi hans. Þá talar Þorgautr ok sagði furst frá því, hverra erenda þeir fóru, ok þat síðan hvern veg þeir hefði tekit Innþrændirnir þeirra erendi; eptir þat beiddi hann konúng veita orskurð, hvert þeirra erendi skyldi verða. Konúngr svarar, er stund leið : meðan er jarlar ræðu hér fur landi, þá var þat ekki undarligt, at landmenn væri þeim lyðskyldir, þvíat þeir voru hér ættbornir til ríkis, ok var þó réttara at jarlar hefði veitt þeim konúngum lýðni, er réttbornir voru hér til ríkis, heldr enn þat at lúta til útlendra konunga ok hefjast upp með úfriði í móti réttum konúngum, ok fella þá frá landi, sem þeir gerðu við Olaf konúng, frænda minn; en ef Ólafr konúngr svænski kallar til Noregs, þá veit ek eigi hverja tiltölu hann hefir hér til, þá er réttlig er eðr sannlig, en hitt mætti vör

mönnum jafusaman. Konúgr fór þá suðr með landi ok dyldist í hverju fylki, ok þíngaði við bændr; en á hverju þingi, þá lét hann lesa upp kristin lög, ok þau boðorð er þar fylgðu, tók hann þegar af við lýðinn margar úvenjur ok heiðindóm, þvíat jarlar höfðu haldit forn lög ok landsrätt, en um kristnihaldit hirðu þeir ekki svá mjök, ok létu þat gera hvern eptir því sem vildi, ok sjálfum þótti skapfeldast; var þá svá komit at flestir menn voru skírðir víðast um sæbygðir, en kristin lög voru mönnum úkunnig, en í dölum upp ok fjallbygðum þá var víða alheiðit með öllu, þvíat þegar er lýðrinn var sjálfráði, þá festist þeim þat helzt í minni um átrúnaðinn, er þeir höfðu í æskunni numit, ok feðr þeirra ok mæðr hefðu þeim kent, en þeir menn sem eigi vildo við skipast orð konúgs um kristnihaldit, þá hét hann afar kostum bæði ríki ok úríki. Ólafr var til konúgs tekinn á hverju þingi, ok mælti þá engi maðr í móti honum; ok þá er hann lá í Karlssundi, fóru menn í milli þeirra Erlíngs Skjálgs-sonar, báðu menn þá at þeir skyldi sættast, ok var lagðr sáttarfundr með þeim í Hvítíngsey. En er þeir fundust þá talaðu þeir um sætt sína, ok þóttist Erlíngi konúgrinn allt stríðari enn honum var sagt. Erlíngr mælti til þess, at hafa veizlur þær allar, er Ólafr Tryggvason fékk honum ok síðan jarlarnir,

¹⁾ Karlssundi *hinn*. ²⁾ hér byrjar *aptr I.*

Sveinn ok Hákon; ok mun ek þá gjörast þinn maðr ok hollr vin. Ólafr konungr svarar: svá lízt mér, Erlíngr! sem eigi sé þér verra, at taka af mér jafnmikit vald, sem þú tókt af Eiríki jarli, þeim manni sem þér hafði gert þvílíkan mannskaða sem hann hafði þér gert; en ek mun þik láta vera gófgastan mann hér í landi, þóat ek miðla veizlurnar at sjálfræði mínu, en eigi láta, sem þér lendir menn seð hér óðalbörnir til ríkis í Noregi eðr ættleifðar minnar, eða ek skyldi margföldu verði kaupa at yör þjónustu yöra. Erlíngr hafði eigi skaplyndi til at biðja konúng hér né einna muna um, þvíat hann sá at konungr var ekki leiðingamaðr, ok hann vildi þat eitt hafa, er honum kom í hug, sá hann ok at 2 voru kostir fyrir hendi, sá annar, at gera enga sætt við konúng ok hætta til hvernveg færi, eðr hitt, at láta konúng einn ráða fur. Þá mælti Erlíngr til konúngs: sú mun yör, herra! mín þjónusta haldkvæmust, er ek legg sjálfráðr fram ok velviljandi, ok öll önnur af hendi. Stóð Erlíngr þá upp ok gekk í brott. Eptir þat gengu til frændr ok vínir Erlúngs, ok báðu hann tilláta við konúng ok færa vit við en eigi ofrkapp, munt þú, sögðu þeir, jafnan vera gófgastr lendra manna í Noregi, bæði at framkvæmdum þínum ok frændum ok fjarafla. Erlíngr fann at þetta var heilræðr ok þeim kom góðvill til, er slíkt mæltu, gjörði hann þá ok svá, at hann gekk til handa konúngi með þeim

skildaga, sem konúgr ræð fur at skilja. Skiljast eptir þat ok voru sáttir at kalla; fór Ólafr konúgr þá leið sína austr.

63. Þegar er Ólafr konúgr kom í Víkina, ok þat spurðist til sanns, þá fóru Danir í brott, þeir er þar höfðu haft sýslur af Dana konúgi, ok sóttu á fund konúgs til Danmerkr sem skjótast, ok vildu eigi dvelja ok eigi bíða Ólafs konúgs. En er Ólafr konúgr fór inn eptir Víkinni sem skjótast, þá átti hann þó þing við bændr, ok fór þar sem annarstaðar, at allt fólk gekk undir hann, tóku hann þá allir til konúgs; tók Ólafr konúgr þá allar skyldir ok konúgstekjur; dvaldist hann í Víkinni um sumarit. Hann hélt austr um Foldina ok allt austr um Svínasund, þá tók til ríki Svía konúgs, hafði hann þar sett yfir sýslumann, er Eilífr gauzki hét, yfir hinn neyrðra lutinn, en Hróa skjálga yfir hinn eystra lut allt til Elfar, hann var settaðr tveim megin Elfar, en átti bú stór í Hísing, hann var ríkr maðr ok stórauðigr; Eilífr var ok stórauðigr. Ólafr konúgr kom í Raumaríki liði sínu, ok bað bændr viðtöku þar, sem annarstaðar höfðu menn gert í Noregi. Brynjólfr úlfaldi hét einn göfugr bóndi, hann stóð upp af bónda hendi, ok talaði svá: vitu vér bændr, hvat réttast er landskipti meðal Noregs konúgs ok Svía konúgs at fornu, at Gautelfur hefir ráðit frá Væni¹ til sjávar, en Norðrmarkir til Eiðaskógs, en þaðan

¹) þannig hin; Mæri, A.

Skill' allt norðr til Finnmerkr; svá ok þat, at ýmsir hafa gengit á annarra ríki ok hafa hvárir viljat vera öðrum meiri ok ríkari, hafa Svíar haft laungum vald yfir allt til Svínasunds; en þó yör satt at segja, herra! at ek veit þá marga menn hér, at betra þætti at þjóna Noregs konungi enn Svíum, en menn bera þó varla traust til þess, ok mun yör þat þó þikkja nokkur vorkun, þar er Svía konungs ríki er frá oss bæði austr ok suðr ok allt fur ofan, en þess' vãn at þær munuð brátt fara norðr í land, þar sem landsmegin er meira, ok höfum vør þá engan afla til at halda deilu við Gauta; nú verðið þær, herra! at sjá heilt ráð fur oss, en fúsir eru vør at þjóna yör ok gerast yörir menn. En eptir þíngit var Brynjólfur í boði konungs um kveldit, ok svá annann dag eptir, ok töluðu þeir konungur mart í milli sín um marga luti; fór þá konungur austr eptir Víkinni. En er Eilífr spurrr, at hann er þar kominn, þá lét hann halda til njósnum um ferðir konungs. Eilífr hafði 30 manna sinna sveitunga, þeirra er honum fylgðu, hann var nú í [viðrbúningi ok í mikilli önn' uppi við merkrnar, ok hafði þar mannsamnað mikinn. Margir menn komu til Ólafs konungs, ok margir sendu orð ok vináttumál til hans. Þá fóru menn í milli þeirra Ólafs konungs ok Eilífs, ok báðu bændr, at þeir legði stefnu með sèr, ok reði frið sín í milli

1) Kili, hin. 2) Her bryjar Eilífr. 3) bygðinni ofanverði.
K, S.

með nökkuru móti; sögðu svá Eilífi, at þeim væri þess ván af konúngi, ef ekki væri viðskipast hans orð, at af honum mundi ván stórra afarkosta, en sögðu Eilíf eigi skyldu skorta lið til fundar þessa við konúng. Ólafr konúngur sendi þá Þóriláng, gestahöfðingja sinn, ok þá sjö¹⁾ saman til Brynjólfs úlfalda, þeir höfðu brynjur undir kuflum en hjálma undir höttum. Eptir um daginn komu bæendr fjölmennir ofan með Eilífi, þar var þá Brynjólfr ok hans menn, voru þeir Þórir þar með honum. Konúngur lagði skip sín at utan, þar sem voru klettar nökkurir ok gengu fram í sjó, gekk konúngur þar upp ok settist niðr ok lið hans á klettinn, en völlr slétt var fur ofan, ok var þar bónda lýðrin; en menn Eilífs stóðu upp í skjaldborg fur honum. Björn stállari stóð upp, ok talaði langt ok snjalt af konúngs hendi. En er hann settist niðr, þá stóð upp Eilífr ok tók til máls. Í því stóð upp Þórir lángi, ok brá sverði ok hjó til Eilífs á hálsinn, svá at af tók höfuðit, þá ljóp upp bónda lýðrin, en hinir gauzku höfðu á rás undan, ok drápu þeir Þórir nökkura menn af þeim; en er hinir stöðvaðust, þá stóð Ólafr konúngur upp ok mælti, at bæendr skyldu niðrsetjast; þeir gerðu svá, var þá mart talat, en at lyktum varð þat, at bæendr gengu til handa konúngi ok jataðu honum hlýðni, en hann hét þeim því í móti, at vera þar til þess, er þeir Ólafr Svíakonúngur lyki sínum vand-

¹⁾ 6, hín.

ræðum á einn veg. Eptir þat lagði Ólafr kon-
úngr undir sik alla hina neyrðri sýsluna, ok
fór hann allt austr til Elfar ok tók allar lands-
skyldir með sjófum ok um eyjar; en er áleið
sumarit, snéri hann aptr í Víkina, ok lagði upp
allt eptir Raumelfi til fors þess, er Sarpr hét;
nes gekk norðan at forsinum, þar lét Ólafr kon-
úngr girða með grjóti um þvert nesit ok með
torfi ok viðum, ok grafa diki fur utan ok gera
jarðborg mikla; en í borginni lét hann efna til
kaupstaðar, þar lét hann húsa konungsgarð ok
gera Maríu kirkju, hann lét þar ok marka tópt-
ir til annarra garða, ok fékk þar menn til at húsa;
hann lét þáingat flytja um haustit öll þau faung,
er þurfti til vetrvistar at hafa, ok sat hann þar
um vetrinn með fjölmenni, en hafði menn sína
í öllum sýslum; hann bannaði allar flutningar
or Víkinni uppá Gautland bæði síld ok salt, en
þat máttu Gautar varla nýta"; hann hafði jóla-
boð mikit, bauð hann til sín or hæröðum mörg-
um stórbóndum. [Svá segja menn, at þá er Ólafr
konúngr var í Víkinni, kom hann á Geirstaði
til haugs þess, er getit var furr í sögunni, þá
spurr Ólaf einn vinr hans, sá er með honum var
þá í för: segðu mér, segir hann, hvárt þú hefir
hær grafinn verit. Ólafr svarar: aldri hafði önd
mín tvá líkami ok eigi mun hún hafa, heldr
mun hún einn líkama hafa nú, ok þann mun hún
hafa á dómsdegi, þá er guð kemr at dæma allt

¹⁾ án vera, 3.

mannkyn. Sá enn sami maðr mælti enn við konúng: þat segja menn, konúngr! at þú hafir svá mælt furr, er þú komt til þessa staðar, þat vár er hér varum ok heðan kvámum. Ólafr konúngr svarar: þat hefir ek eigi mælt ok þat mun ek aldri mæla, ok ef ek jata annat enn ek mælti áðan, þá er eigi rétt mín trúa, ok þá keyrði hann hest sinn með sporum ok reið í brott. Ólafr konúngr var svá þrúðr, at alla hina beztu menn í landinu gerði hann sína hirðmenn ok sér handgengna; hann hafði með sér 2 dýrðliga kennimenn, Grímkel biskup ok Sigurð biskup, þeir voru báðir spekingar miklir ok vel lærðir, trúfastir ok tryggvir, óhræddir menn ok hraustir í öllum mannraunum, málsnjallir ok mjúklyndir, rettlátir í dómum síns kennimannsskapar.

64. Maðr er nefndr Eyvindr úrarhorn, ættaðr austan af Ögðum, hann var maðr ættstór ok drengr góðr, hann var hermaðr mikill ok fór hvert sumar í hernað til ýmissa landa, en stundum í Austrveg eðr suðr til Fríslands, hann hafði tuttögssessu ok velskipaða, þat var snekkja; hann hafði verit fyrir Nesjum með Ólafi konúngi, en er þeir skildust þá hét Ólafr konúngr honum sinni vináttu, en Eyvindr konúngi liðsemd sinni, nærr-sem hann vildi kraft hafa. Eyvindr var í jólabóði konúngs um vetrinn, ok þá þar góðar gjafar af konúngi; þá var ok með konúngi Brynjólfr úlfaldi, ok þá at honum í jólagjöf sverð gullbúit ok þar með bæ þann, er Vættaland hét,

ok er þat hinn mesti höfuðbær. Brynjólfr orti vísu um gjafarnar, ok er þetta niðrlag á:

Bragningr gaf mér bæði
brand ok Vættalandit.

Þá gaf konúgr honum ok lends manns rétt, ok var Brynjólfr hinn mesti vin Ólafs konúgs allar stundir síðan. Þann vetr fór Þrándr 'hvíti or Þrándheimiaustr á Jamtaland, at heimta skatt af hendi Ólafs konúgs, ok er hann hafði samandregit skattinn, þá koma at þeim menn Svía-konúgs ok drápu þá Þránd 12 saman, en tóku skattinn ok færðu Svía konúgi. Þetta spurði Ólafr konúgr í Noregi, ok líkar stórilla. Ólafr konúgr lét boða kristni um Víkina ok þau lög er þar til heyrar með sama hætti ok norðr í landi; ok gekk þat vel, þvíat Víkverjum voru kristin lög miklu kunnari enn þeim norðr í land, þvíat þar var bæði vetr ok sumar fjölment af kaupmönnum, bæði Dönum ok Söxum; Víkverjar höfðust ok mjök í kaupferðum til kristinna landa, Englands ok Saxlands, Flæmingjalsands ok Danmerkr, en sumir voru í víking, ok höfðu vetrsetur á kristnum löndum. Um vârit eptirsendi Ólafr konúgr orð Eyvindi úrarhorn at hann skyldi koma til hans; hann gerði vâ at finna þegar konúg. Þeir talaðu lengi einmæli. Eptir þat bjóst Eyvinðr at fara í víking sem hann átti vanda til, hann sigldi síðan suðr eptir Víkinni, hann lagði at útfrá Hísing í Ekreyjum¹,

¹) Eitreyjum C, E; Akreyjum, G, J; Sikreyjum, K.

Þar spurð hann, at Hrói skjálgi var farinn norðr í Ostro¹⁾, ok hafði þar samandregit leiðangr ok landsskyldir Svíakonungs, ok var hans þá norðan ván; þá reyri Eyvindr inn til Agðasunda²⁾, en Hrói reyri þá at norðan, ok hittust þar í sundinu ok börðust þegar, þar féll Hrói hinn skjálgi ok nær 30 manna með honum, en Eyvindr tók fê allt þat, er þeir Hrói höfðu haft, fór Eyvindr þá í Austrveg, ok var þar í víking um sumarit³⁾.

65. Maðr hét Guðleikr⁴⁾ gerzki, hann var ættaðr af Ögðum í Noregi, hann var auðigr at fê ok farmaðr mikill, hann rak kaupferð til ýmissa landa, hann fór optliga austr í Garðaríki ok var hann fyrir þá sök kallaðr Guðleikr gerzki. Þat vār bjó Guðleikr skip sitt, ok ætlaði at fara um sumarit austr í Garðaríki. Ólafr konúgr sendi þá orð Guðleiki, at hann vildi hitta hann. En er Guðleikr kom til konungs, þá segir harin at hann vill leggja fêlag við hann, ok bað hann kaupa sér dýrgrip þá, er hér væri torogætir⁵⁾ í Noregi. Guðleikr segir, at þat skal á hans valdi vera; þá greiddi konúgr honum í hendr þat fê, sem hann skyldi gripina með kaupa; fór Guðleikr um sumarit í Austrveg, þeir lágu nokkúra hríð við Gautland, varð þá sem opt kann verða, at eigi eru allir haldin-orðir, ok urðu lánðsmenn varir þess, at hann

1) Orðost, C, E, G. 2) Agðasunda, C, E, L, S; Haugasunda, hin. 3) hér sleppr E um sinn. 4) Guðleifr, G, I. 5) torgætir, B.

var félagi Ólafs konungs dígra. Guðleikr fór þá ferða sinna, sem hann hafði ætlat, ok keypti hann þar marga góða gripi konungi ok sér bæði þell, er hann ætlaði konungi til tignar-klæða, ok enn önnur ágætari klæði, svá ok skinn dýr ok ágætan borðbúnað. Um haustit er Guðleikr fór austan, þá fékk hann andviðri, ok lágu þeir mjök lengi við Eyland. Þorgautr skarði hafði njósnum tilhaldið um ferðir Guðleiks, ef þeir færi austan, ok er þeir lágu við Eyland, þá kom þar Þorgautr at þeim úvörum, ok barðist við þá; þeir Guðleikr vörðust vel ok lengi, en með því at liðsmunr var mikill, enda vörðu þeir ekki viðbúnir, þá féll þar Guðleikr ok skipverjar hans allir, tók Þorgautr fê hans allt, ok svá gersimar Ólafs konungs. Þeir Þorgautr skiptu nú herfángi sínu öllu at jafnaði, en dýrgripina, segir hann, at hafa skal Ólafr Svía konungr, ok er þat nökkurr lutr af skatti hans þeim, er hann á at taka af Noregi. Þorgautr fór þá austr til Svíþjóðar. Þessi tíðindi spurjast brátt. Eyvindr úrarhorn kom litlu síðarr til Eylands, en er hann spurð þessi tíðindi, þá sigldi hann þegar austr eptir þeim Þorgauti, ok hittust þeir í Svíaskerjum ok börðust þegar, þar féll Þorgautr skarði ok flest lið hans, en sumt ljóp á kaf, þar tók Eyvindr fê þat allt, er hann tók af Guðleiki gerzka, ok mikit fê annat ok gersimar Ólafs konungs allar. Fór Eyvindr um haustit aptr til Noregs, færði hann

þá Ólafi konungi digra gersimar sínar. Ólafr konúgr þakkar honum mikilliga þessa ferð, ok hēt honum þá enn vináttu sinni af nyju; þá hafði Ólafr verit konúgr yfir Noregi 3 vetr.

66. Þat sumar hafði Ólafr konúgr leið-
angr úti, ok fór þá allt austr til Elfar, þá fóru
orðsendingar milli Ólafs konúgs ok Rögnvalds
jarls ok Ingibjargar Tryggvadóttur, konu jarls,
hún gekk at með öllu kappi at veita Ólafi Nor-
egs konungi, þviat hún var ákafamaðr mikill
um þetta mál, hēt þar til hvártveggja, at
frændsemi var mikil með þeim Ólafi konungi
ok henni, ok þat annat, at henni fyrndist aldrí
fall Ólafs konúgs Tryggvasonar, bróður síns, við
Ólaf Svía konúng, ok hún þóttist eiga at ráða
fur Noregi, varð jarl af fortölum hennar mjök
snúinn til vináttu við Ólaf digra, þó at hann
væri hinum Ólafi lyðskyldr; kom svá at þeir
Ólafr konúgr ok jarl lögðu stefni sín í milli ok
hittust við Elfvi, ræddu þeir þá marga luti ok
mest um skipti þeirra Ólafs Svía konúgs ok
Noregs konúgs, sögðu þeir báðir, sem satt
var, at hvorumtveggjum, Víkverjum ok Gautum,
var hin mesta landeyða í, er eigi skyldi vera
kaupferð þar í milli, ok at lyktum settu þeir
gríð ok frið í milli sín ok sinna manna til ann-
ars sumars; gáfust þeir konúgr ok jarl gjafir
at skilnaði ok mæltu til vináttu; fór konúgr
þá norðr í Víkina, ok hafði þá enn konúgstekj-
ur allar til Elfar, ok allt fólk hafði þá undir

hann gengit. Ólafr Svía konúngr lagði úþokka svá mikinn til Ólafs konúngs Haraldssonar, at engi maðr skyldi þora at nefna hann réttu nafni, svá at konúngr heyrði, hann var þar kallaðr hinn digri maðr, ok voru honum þar veittar stórar átölur, þegar hans var at nökkuru getit.

67. Bændr í Víkinni ræddu sín í milli, at sá einn væri til at konúngar gerði frið ok sætt sín í milli, ok töldust illa viðkomnir, ef konúngarnir herjaði á þá, en engi þeirra þorði þó þenna kurr upp at bera djarfliga; þá báðu þeir Björn stallara at tala þetta mál fur konúngi, at hann sendi menn á fund Svía konúngs ok bjóða honum sætt af sinni hendi. Björn var trauðr til, ok mæltist undan lengi. En við bæn margra vina sinna, þá hét hann at lyktum at tala þetta mál fur konúngi, en kveðst þó svá hugr um segja at konúngr mundi þessu þúngliga taka, at hafa nökkur tillæti við Svía konúng. Þetta sumar kom utan af Íslandi Hjalti Skeggjason, at orðsendingu Ólafs konúngs, fór hann þegar á fund Ólafs konúngs, ok tók hann vel við honum, ok bauð Hjalta með sér at vera, ok vísaði honum til sætis hjá Birni stallara, ok voru þeir mótunautar, gjörðist þar brátt félagskapr góðr. Eitt sinn er konúngr var á stefnu sinni við bændr ok ræð landráðum, þá mælti Björn

stallari: hverja ætlan hafið þér á, herra konúngur! um úfrið þann, sem er milli yðar ok Svía konúgs, nú hafa hváirtveggju látit drepa menn fur öðrum lánga tíma, en öngvir vita nú gjörr enn áðr, hvat hvárr ykkarr konúnganna skal eiga at frjálsu; nú hafið þér setit hér í Víkinni einn vetr ok 2 sumur, en leggið landit allt at baki yðr norðr heðan; nu leiðist mönnum hér at vera þeim, er eignir eðr óðul eiga norðr í landi; nú er því vill bæði lendra manna ok annarra landsmanna ok bónda, at einnhvern veg skeri or. En með því at nú eru sett grið við Rögnvald jarl ok Vestr-Gauta, er hígat eru næstir, þá þætti mönnum þat helzt til, at þér sendið menn til Svía konúgs ok bjóðið honum sætt af yðvarri hendi, ok munu margir menn vel undir þat standa, þeir sem (með) Svía konúgi eru, þvíat þat er hvárumtveggjum mikit gagn, at sættir verði með Svíum ok yðr. At ræðu Bjarnar gerðu menn góðan róm. Þá mælti konúgr, ok tók seint ok stilliliga til orða: ráð þetta, Björn! er þú hefir her uppborit, þá mun þat vera makligast at þú hafir fur þér gjört, ok skaltu fara þessa sendiför, njót þú þá, ef vel er ráðit, en ef öðruvís er ráðit, þa veldr þú enn miklu um sjálfr, en víst munu sumir menn kalla þat forsending, er eigi er háskasamligri enn þessi ferð er, er þat ok þín þjónusta at flytja konúgs erendi ok tala í fjölmenni slíkt, er ek

vil tala láta. Þá stóð konúgr upp ok gekk til kirkju ok let sýngja sér hámessu, gekk síðan til borða. Um daginn eptir mælti Hjalti til Bjarnar: hví ert þú svá úkátr, vinr? ertu reiðr manni nökkrum? Björn segir honum þá frá ræðu þeirra konúgs, ok sagði þetta vera hina mestu forsending. Hjalti svarar: svá er konúngum at þjóna, at þeir menn hafa metnað mikinn ok eru virðir framarr enn aðrir menn, en opt verða þeir í lífsháska at vera, ok verðr hvárutveggja vel at kunna. En mikit má konúgs gæfa um slíka luti, enda mun mikill frami fást í ferðinni, ef vel tekst til. Björn mælti: all auðveldliga tekr þú á um ferðina, ok munt þú vilja fara með mér, þvíat þat mælti konúgr, at ek skyldi kjósa menn með mér í ferð þessa af mínum sveitúngum. Hjalti svarar: fara skal ek at vísu með þér, ef þú vill, þvíat vánfenginn mun mér þikkja sessunautrinn, ef við skiljum.

68. Fám dögum síðarr, þá er Ólafr konúgr var á stefnu, kom þar Björn stallari ok þeir 12 saman, hann segir konúngi at hann er þá búinn at fara sendiförina, ok hestar þeirra stóðu þá úti söðlaðir hjá stofunni. Nú vil ek vita, segir Björn, með hverjum erendum ver skulum fara, eðr hvert ráð þú leggrr fyrir oss. Konúgr svarar: þér skuluð bera Svía konúngi þau mín orð, at ek skal frið setja í milli landa

værra til þeirra takmarka, sem Ólafr konúngr Tryggvason hafði fur mēr, ok sè þat bundit fastmælu, at hvárigir gangi þar um fram, en um mannalát þat, er hvárir hafa beðit fur öðrum, þá þarf þess eigi at geta, ef sættast skal, þvíat Svía konúngr fær oss þat ekki með fè bætt þann mikla mannskaða, er vèr höfum fengit af Svíum. Þá stóð konúngr upp, ok gekk út með þeim Birni, hann tók þá sverð búit ok fingrgull ok fékk Birni. Konúngr mælti: sverð þetta gef ek þér, en mēr gaf þat í sumar Rögnvaldr jarl, til hans skuluð þér furst fara, berið honum þau mín orð, at hann leggi til ráð með þér ok sinn styrk, at þú komir fram erendum mínum; þíkkir mēr þá vel flutt, ef þú heyrir orð Svía konúngs, ok segi hann annathvært já eðr nei, en fingrgullit fær þú Rögnvaldi jarli; þessar jartegnir mun hann kenna. Hjalti gekk þá, at konúngi ok kvaddi hann ok mælti: þess þurfu vèr mjök, herra! at þér leggið á ferð þessa yðra hamíngju, ok hittumst heilir! Konúngr spurr hvárt hann ætlaði at fara með Birni. Já, segir hann. Konúngr svarar: vit þú þat yst, Hjalti! at ek skal allan hug á leggja, at yðr takist vel til, ok tilleggja at vísu mína hamíngju, ef þat veqr nokkut, ok bæta mun þat þessa ferð, at þú farir, Hjalti! með þeim, þvíat þú hefir opt reyndr verit at hamíngju. Þeir Björn stallari riðu nú leið sína eptir þat, ok er ekki getit um ferð þeirra

furr enn þeir komu til hirðar Rögnvalds jarls, var þeim þar vel fagnat. Björn var frægr maðr ok mörgum kunnigr at sýn ok máli, þeim öllum er seð höfðu Ólaf konúng, þvíat Björn var því vanr á hverju þingi at standa upp ok tala konúngs erendi. Íngibjörg, kona jarls, gekk at Hjalta, ok hvarf til hans, þvíat hún kendi hann glögg, hann var þá með Ólafi konúngi Tryggvasyni, bróður hennar, er hún var heima, ok taldi hún frændsemi við Vilborgu, konu Hjalta, þvíat þeir voru bræðr synir Víkinga-Kára, lenda manns í Noregi, Eiríkr bjóðaskalli, faðir Ástriðar, móður Ólafs konúngs Tryggvasonar ok Íngibjargar ok Bóðvarr, faðir Ólafar, móður Gizurar hvíta, föður Vilborgar, ok voru þeir Björn þar í góðum fagnaði.

69. Einn dag gengu þeir Björn ok Hjalti at tala við jarl ok Íngibjörgu, þvíat hún var í öllum umráðum með þeim, þá berr Björn upp erendi sín fur þau, ok sýndi þeim jarteghir. Jarl svarar: hvat hefir þik þess hent, Björn! er konúngr vill dauða þinn, er þér at síðr fært með þessi orðsending, at ek hygg at engi muni sá vera, ef þessum orðum mælir fur Svía konúngi, at refsingarlauss muni í brott komast, ef hann má ráða; miklu er Ólafr Svía konúngr skapstærri, heldr enn fur honum sjálfum megi þér ræður hafa, er honum se mjök í móti skapi.

Þá svarar Björn: engir lutir hafa þeir tilborit um hagi mína, at konúgr megi mik neins kunna, eðr hann hafi mér reiðst um, en mörg er sú ráðagerð konúgs fur sèr ok mönnum sínum, at hætta mun á þikkja, hversu tiltekst þeim mönnum, er allhræddir eru um sik, en öll ráð konúgs hafa til hamíngju snúizt enn hær til, ok væntu vèr enn at svá muni fara. Nú er þat yðr at segja, herra jarl! at ek mun fara á fund Svía konúgs, ok eigi furr aptrhverfa, enn ek hefi hann heyra látit öll þau orð, er Ólafr Nor-egs konúgr mælti við mik, at ek skyldi fram-bera fur Svía konúgi, nema mér banni hel, eðr ek sè svá heptr, at ek megi eigi framkoma ferð minni; mun ek á þat hætta; hvárt sem ek fær af yðr nökkurn styrk eðr engan fur konúgs orðsending. Þá mælti Íngibjörg: skjótt mun ek birta mitt skaplyndi, mun þat hær sannast, sem mælt er til vor kvenna, at vèr lítum jafnan skjótt á þat er tilberi, en af lítilli vizku eðr hyggjandi; vil ek, jarl! at þær leggið allan hug á at koma fram orðsending Ólafs konúgs, ok þetta eyrendi gjörist svá, at Birni getist at, hver svür sem Svía konúgr vill hafa fur sèr; nú þó at þar liggi við reiði Svía konúgs eðr öll eign vor, þá vil ek þó miklu heldr til þess hætta, enn hitt spyrist á önnur lönd, at þú leggist undir höfuð orðsending Ólafs konúgs Haraldssonar fur hræðslu sakir við Svía konúg, hefir þú ok burði til þess ok frænda styrk, at vera hær frjáls

í Svíaveldi, at mæla mál þitt, þat er jafavel sam-
ir sem þetta, ok öllum skal þikkja áheyriligt,
hvárt sem til hlýða margir eðr fáir, ríkir eðr fát-
ækir, ok þóat sjálfr konúnga heyri á. Jarlsvar-
ar: ekki er þat blindt, hvers þú eggjar, nú
má ok vera, at þú ráðir þessu, at ek heita kon-
únga mönnum því, at fylgja þeim, svá at þeir
nái fyrir því at flytja eyrendi konúnga síns fur
Svíá konúngi, ef þeir hafa þá djörfung til at
bera upp fur honum, hvárt sem konúngi líkar
þat þá vel eðr illa, en mínun ráðum vil ek
láta framfara, hvert tilstilli hafa skal, en ekki
vil ek laupa at ákafa Bjarnar eðr annars manns
um svá mikit vandamál, sem mér sýnist þetta
vera, vil ek at þér dveltzt með mér til þeirrar
stundar sem mér þikkir nökkuru líkast at
fram megi komast þetta erendi. En er jarl
hafði því upplokit, at hann mundi fylgja þeim
at þessu máli ok leggja til þess sinn styrk, þá
þakkaði Björn honum vel ok kveðst gjarna vilja
hans ráðum framfara. Dvöldust þeir Björn
mjök lengi með jarli; var Íngibjörgu forkunn-
arvel til þeirra; Björn talaði opt fur honum
sín erendi, kveðst illa þikkja at dveljast
skyldi svá lengi; þau Hjalti talaðu þetta
opt öll saman, ok eitt sinn er þau talaðu þetta,
þá mælti Hjalti: ek mun fara til konúnga, ef
þér villð, ek er ekki norrænn maðr, ok er
ek þar úkunnigr flestum mönnum, megu Svíar

¹) hér byrjar 'E aptr.

mér engar sakir gefa, en ek hefi spurt, at með Svía konúngi eru íslenzkir menn í góðu yfirlæti, kunn-
ingjar mínir, ok eru þat skáld konúgs, Gizur
svarti ok Óttarr svartí, mun ek þá forvitnast, hvers
ek verða viss af Svía konúngi, hvárt þetta mál mun
svá úvænt horfa, sem nú taka allir á, eör eru
þar enn í nokkur efni önnur, enn nú er hér
sagt; mun ek finna mér þat til erendis sem
mér sýmist; þetta þótti þeim Birni ok Íngi-
björgu vera hit mesta snjallræði, réðu þau þetta
tíl fasta með sér. Býr nú Íngibjörg ferð Hjalta,
ok fékk honum 2 menn gauzka tíl fylgðar, ok
bauð þeim svá, at þeir skyldu honum fylgja ok
vera honum aflættir bæði um þjónustu ok svá
ef hann vildi senda þá; Íngibjörg fékk þeim
tíl skots silfrs 20 merkr vel vegnar, hún sendi
ok orð með honum ok jartegnir tíl Íngigetðar,
dóttur Ólafs Svía konúgs, at hún skyldi allan
hug á leggja hans mál, hvers sem hann þyrfti
hana at krefja í nauðsyn; ferr Hjalti nú þegar
hann er búinn. En er hann kom tíl Ólafs
konúgs, þá fann hann þau skáldin Gizur ok
Óttar, ok verða þeir honum fegnir, gengu þegar
með honum fur konúginn, ok sögðu konúngi
at þar var sá maðr kominn, er samlendr var
við þá ok mestr virðingamaðr er á vöru landi
einhverr, þeir báðu konúng taka vel við hon-
um; hann gerði svá. Skáldin voru opt á tali
fur konúnginum ok Hjalti með þeim, þeir voru
allir menn máldjarfir; virðist konúngi Hjalti

vittr maðr ok margfróðr, ok talaði laungum við hann, ok spurði hann margs af Íslandi.

70. Þá er Björn fór heimán, beiddi hann Sighvat skáld til farar með sér, hann var þá með Ólafi konungi, en til þessarar ferðar voru menn ekki fúsir [at fara, þvíat flestum þótti hættuferð hin mesta í at fara, en þar var vingott með þeim Birni ok Sighvati. Hann kvað þá:

Áðr hefi ek gott við góða
grams stallara alla
átt, þá er orúm drottni,
ógnðjarfs, fur knè hvarfa;
Björn [átt þú¹⁾ opt at árna
íss²⁾ fur mér at vísu,
góðs³⁾ megrð gott⁴⁾ of ráða,
gunnrjóðr! þvíat vel kunnið.

Sighvatr fór þessa ferð með Birni, en er þeir riðu upp á Gautland, þá kvað Sighvatr vísur þessar:

Kátr var ek opt, þá er úti
örðigt veðr á fjörðum
vísa segl í vási
vindblásin skók⁵⁾ innan;
hestr⁶⁾ dð kafs [á köstu,
kall⁷⁾ ristur haf lista,
út þá er eisa létur
undan skeiðr á sundi.

¹⁾ v. á K. S. ²⁾ fástu C, D, E, F, G, H. ³⁾ ís, hin
⁴⁾ gjóðs, F. L. ⁵⁾ gutt, C. ⁶⁾ skóf, E, F, L, S. ⁷⁾ strindar, hin. ⁸⁾ af köstum, hin.

Snjalls létum skip skolla
 skjöldúngs við ey tjöldut
 fur ágætum¹ úti
 öndverdt sumar landi;
 en í haust, þá et hestar
 haggörns² á mó sporna,
 fékk³ ýmissar ekkjur
 iðit⁴, hlýt ek at riða.

En er þeir riðu upp um Gautland, þá kvað
 Sighvatr vísu:

Jór renn aptan Skærun⁵
 allsvágr götur lángr,
 völl kná hófr til hallar
 höfum lítinn dag slíta;
 nú er þat, er blakkr um bekki
 berr mik, Dönum ferri,
 fækr laust drengs í díki
 dægr mætast nú fæti.

Þá riðu þeir um kaupstaðinn í Skörum⁶ ok fram
 um strætit at garði Rögnvalds jarls; þá kvað
 Sighvatr vísu:

Út munu ekkjur líta
 allsnúðula prúðar,
 fljóð sjá reyk, hvar riðum
 Rögnvalds í bý gegnum;
 keyrum hvatt⁷, svá at heyri
 harða langt at garði

¹) ágætu, hin. ²) haggörns, G, D, G, I. ³) tæ ek, B, C, D, E, G, I. ⁴) iðair, B, C, E, F, H, L; iðir, D, K, S; iðil, G, I. ⁵) Skjæru, hin. ⁶) Skaurum, A. ⁷) hest, B; hross, hin.

hestarás or húsum,

hugsvinn konan, innan.

71. Einn dag gekk Hjalti enn fur kon-
únginn ok skáldin með honum, þá tók Hjalti
til máls: svá er, herra konúngr! sem yör er
kunnigt, at ek er hér kominn¹ á yðvarn fund,
ok hefi ek farit lánga leið ok torsóttu at því er
mér þikkir, en síðan er ek kom yfir hafit ok ek
spurði til yðarrar tignar, þá þótti mér ófróðligt
at fara við þat aptr til míns lands, at eigi hefði
ek séð yör, svá mikit sem mér var af yör sagt,
en þat eru lög milli Íslands ok Noregs, at vér
gjaldum landaura Íslendíngar, er vér komum
til Noregs, en er ek kom yfir hafit, þá tók ek
við landaurum allra minna skipverja, en fur
því at ek vissi at þat var rétt at þér hefðið, þvíat
þér eigið þat ríki, er í Noregi er, þá fór ek fur
því mest á yðarn fund, at ek vildi færa yör
landaurana; sýndi hann þá konungi silfrit, ok
helti í skikkjuskaut Gizurar svarta 10 merkum
silfrs. Konúngr mælti: fáir hafa os slíkt fært or
Noregi um hríð, vil ek nú, Hjalti! kunna þér
mikla þökk í fur ok öfusu, fur þat er þér hafið
svá mikla stund á lagit at færa oss landaurana
heldrenn gjalda úvinum vorum, en nú vil ek
at þetta fæ þiggir þú af oss at gjöf ok vináttu
vára með. Hjalti þakkaði konungi mörgum
fögnum orðum, ok er þat eigi lögat af yör sem
sagt er, at þér eruð engum konungi líkir at

¹) hér vanta nokkur blöð í G.

rausn ok örleik ok allri stórmenzku; þaraf kom Hjalti sér í hina mestu kærleika við konúng, ok var opt á tali við hann, þótti konúngi, sem var, at Hjalti var vitr maðr ok örösnjallr. Hjalti segir þeim skáldunum, at hann var sendr með jartegnum til Íngigerðar konúngs dóttur til trausts ok vináttu, ok það þá koma sér til tals við hana; þeir sögðu sér lítit fur því, ok gánga einn dag til húsa hennar, sat hún þar með marga menn ok drakk; hún fagnar vel skáldunum, þvíat henni voru þeir kunnigir. Hjalti bar henni kveðju Íngibjargar, konu Rögnvalds jarls, ok sagði at hún hafi sendt hann þangat til hennar til trausts ok vináttu, ok bar fram jartegnir; konúngsdóttir tók því vel ok kvað honum heimila skyldu sína vináttu; sátu þeir þar lengi dags ok drukku; spurði konúngsdóttir margra tíðinda Hjalta, ok það hann þar opt koma til tals við sik; hann gerði svá, kom þar optliga ok talaði við konúngsdóttur, hann sagði henni ok í trúnaði af ferð þeirra Bjarnar ok erendum, ok spurr hvat hún ætlaði, hversu Svía konúngr mundi taka því máli, at sætt væri gjör með konúngunum. Hún svarar, kveðst þat hyggja at þess mundi ekki gera at leita, at faðir hennar sættist við Ólaf dígra, sagði hann svá vorðinn honum reiðan at engi skyldi þora at nefna hann konúng eðr Ólaf, heldr hinn dígra mann, ok ekki ræð ek þér, Hjalti! at þú flytir þetta mál fur feðr mínum.

72. Þat var einn dag at Hjalti gekk fur konúng ok talaði við hann; konúngur var þá allkátur ok drukku mikit, þá mælti hann við Ólaf konúng: allmikla rauðn má hér sjá margskonar, var eigi þess ván at þat mundi logit vera, er frá yör, er flutt um öll lönd, hvar sem yðvar er getit, er mér nú at sýn vorðit yðart ágæti, er ek hefi áðr spurð til eins, at engi konúngur væri yör ágætari á öllum Norðrlöndum; allmikill harmr er þat, er menn skulu svá langt eiga at sækja hingat ok meinfært, fyrst hafsmegin mikit, en þó eigi friðsamligt at fara um Noreg þeim mönnum, er hingat vilja með vináttu sækja á yðvarn fund, eðr hvárt lesta menn ekki um sættir með yör Ólafi digra? mjök var þat rædt í Noregi ok svá í Vestra-Gautlandi, at allir mundu þess búnað vera, at friðr vörð á milli landanna, ok þat var mér sagt með sannindum frá orðum Ólafs konúnga-Haraldssonar, at hann vildi sættast, ok er þat rétt at vðnum, þvíat hann mun slíkt sjá kunna, at hann hefir miklu minna styrk undir sér enn þér hafð, ok því mun hann ekki meiga bera reiði yðrá, er hann ok svá vitr maðr at hann mun slíkt seá kunna; svá var ok þat rædt at hann ætlaði at biðja Ingigerðar, dótturyðvarar, heyrði ek ok slíkt talat, at þat væri líkast til heilla sátta, þvíat hann er hinn mesti merkismaðr, at því er flestir tala um. Þá svarar konúngur: hætt þú, hætt þú, Hjalti! segir hann, ekki skaltu þess hins digra manns geta

fur mér, eðr kalla hann konúng í minni hirð, eru til hans, ok miklu minni ráða skot enn margir láta yfir, ok mun þér svá þikkja, ef ek segi þér gjörla frá, ok eigi mun þér, Hjalti! sú mægð þikkja maklig þeim hinum digra manni, þvíat ek er nú hinn tóði konúngur á Uppsölum, svá at hverr hefir eptir annann tekit konúngdóm várar frænda, ok verit einvaldskonúngur yfir öllu Svía-veldi ok yfir mörgum öðrum stórlöndum, ok verit allir yfirkonúngar annarra konunga á Norðr-löndum, en í Noregi er lítil bygð ok þó sundr-laus, en fólk fátækt; hafa ok margir þar smá konúngar verit; var Haraldr konúngur hárfagri mestr konúngur í því landi, ok átti hann skipti við fylkiskonunga ok braut þá undir sik, kunni hann sér þá þann fagnað¹, at girnast ekki á Svía konungs veldi, létu Svía konúngar hann því sitja í friði, ok enn bar þat til, at þar var frændsemi mikil þeirra í milli; en þá er Hákon Aðalsteinsfóstri ræð Noregi, sat hann í friði, þar til er hann herjaði í Gautland ok í Danmerk, en síðan var efldr flokkur í móti honum ok var hann feldr frá landi; Gunnhildar synir voru ok af lífi teknir, þegar þeir gerðust úhlýðnir Dana konungi, lagði þá Haraldr Gormsson undir sik Noregs ríki ok skattgildi, ok þótti oss þó Haraldr Gormsson miklu minni fur sér en Uppsala konúngur, þvíat Styrbjörn frændi minn kúgaði hann, ok gerðist Haraldr hans maðr ok honum

¹) farnat, J; hæn sleppr C um sön.

skattgildr, en Eiríkr konúgr hinn sigrsæli, faðir minn, steig þó yfir höfuð Styrbirni, þá er þeir reyndu sín í millum; ok er Ólafr Tryggvason kom til Noregs, ok kallaðist konúgr, þá létu vèr honum þat eigi hlýða, fóru vèr Sveinn konúgr til ok tókum hann frá ríki, nú hefi ek eignast Noreg síðan, ok eigi með minna ríki enn nú mátt þú heyra, ok eigi verr at komizt enn svá, at ek sótta hann með orrostu ok sigraðak konúgr þann sem áðr reð fur; nú mátt þú ætla at þat mun fara fjarri, at ek láta laust þat ríki fur þeim hinum digra manni, ok er þat undarligt, er hann man eigi þat, er hann komst nauðuligast út or Leginum, þá er vèr Svíar höfðum hann inni burgt í Leginum, hygg ek at honum væri þá annat í hug, ef hann kæmist með fjörvi í braut, enn þat at deila kappi við oss; nú skaltu, Hjalti! eigi hafa optarr í munni þessar ræður fur mér. Hjalta þótti þá úvænt áhorfast, at konúgr mundi vilja tillýða sátta umleitan; hann hætti þá þessu tali ok tók aðra ræðu. Nökkuru síðarr var hann á tali við Íngigerði konúgs dóttur, hann segir henni þá ræðu þeirra konúgs, hén kvað sèr slíkra svara væn af honum, hanu bað hana leggja til nökkur orð við konúgr, ok sagði þat helzt tjá mundu. Hún kvað konúgr ekki mundu áhlýða, hvat sem hún mælti, en um má ek ræða, segir hún, ef þú vill. Hjalti kvaðet þess þökk kunna. Íngigerð konúgsdóttir var á tali við föður sinn einn dag,

en er hún fann, at konúngi var skaplétt, mæltar
hún: hverja ætlan hafið þér á, faðir! um deila
ykkra Ólafs digra, margir menn kæra þat vand
ræði, kallast sumir hafa látit fæ, sumir frænd
fyrir Noregs mönnum, en allir várir menn frið
landit, ok engum yðrum manni kvæmt í Noregi
at svá búnu, var þat ok mjök at ósynju, er þér
kallaðu til ríkis í Noregi, er land þat fátækt
ok illt yfirfarar, en fólk ótrútt, vilja menn raunar
þar í landi hvern konúng annann yfir sér heldr
enn yör; nú ef ek skyldi ráða, mundir þú láta kyrt
at kalla til Noregs, en brjótast heldr í Austrveg
til ríkis þess, er höfðu hinir furri Svía konúngar,
ok nú enn fur litlu lagði undir sik Styrbjörn,
frændi várr, en sættast heldr við Ólaf digra ok
láta hann ná frændleifð sinni. Konúngr svarar
með mikilli reiði: þat er þitt ráð, Íngigerðr! at
ek láta af ríki í Noregi ok gipta þik Ólafi digra;
nei, segir hann, annat skal furr, heldr skal
hitt í vetr á Uppsalaþingi, at ek skal þat bert
gera fur öllum Svíum, at almenningr skal úti
at liði ok skipum, þegar ísa leysir af vötnum,
skal ek fara í Noreg ok eyða land þat með oddi
ok eggju, ok brenna allt ok bæla, ok gjalda þeim
svá ótrúleik sinn; var þá konúngr svá æfr ok
ærr, at hún mátti þá engu orði svara, gekk hún
þá í brott. Hjalti hélt þá vörð á, er hún gekk
í brott ok þau skildu talit, gekk hann, þegar at
finna hana, spurr hann þá, hvert erendi hennar
varð til konúngs. Hún segir, at svá fór sem

ana varði, at öngum orðum mátti við hann koma, ok hann heitaðist í mót, ok bað hún hann aldri geta þessa máls optarr fyrir konungi, ok segir honum eigi ella endast mundu. Íngigerðr ok Hjalti talaðu þetta mál opt sín í milli ok ræddu um Ólaf digra, sagði hann henni opt frá honum ok hans háttum, ok lofaði sem hann kunni, ok var þat þó sannast af at segja; hún lét sér þat allt vel skiljast. Ok enn eitt sinn er þau talaðu, mælti Hjalti; hvárt skal ek í orlofi tala, konungs dóttir! þat sem mér er í hug. Hún svarar: mæl þú svá, at ek heyra ein. Þá mælti hann: hvern veg mundir þú svara, ef Ólafr konungr Haraldsson sendi menn til þín þeirra eyrenda at biðja þín. Hún roðnaði á at sjá, ok mælti stilliliga: ek hefir ekki hugfest, Hjalti! svör fur mér um þetta mál, þvíat ek ætla at ek muna eigi þurfa til at taka þeirra svara; en ef Ólafr er svá ágætr um alla luti, sem þú segir frá honum, þá mundi ek eigi kunna at æskja annann veg minn mann, ef eigi er þat, Hjalti! at þú hafir heldr hóli gildt í marga staði. Hjalti svarar, at engan luf hafi hann betr látit um konung enn efni voru til; þau áttu þetta tal optliga sín í milli. Íngigerðr bað hann varast at tala þetta mál fur öðrum mönnum, þvíat konungr mun verða okkr reiðr, ef hann veit slíkar ræður. Hjalti segir skáldunum, Ottari ok Gizuri; þeir segja þetta vera hit mesta happa ráð, ef framkvæmt mætti verða. Ottarr var maðr máldjarfr við

höfðingja, kemr hann brátt at þessu máli við konungs dóttur, tala þau optliga þetta sín í milli öllsaman, ok talaði Óttarr slíkt hit sama fur henni sem Hjalti um mannkosti Ólafs konungs. En er Hjalti var sannfróðr vorðinn um erendislok sín, þá sendi hann aptr hina gauzku menn, er honum höfðu þangat fylgt, ok lét þá fara aptr með sínum erendum ok Íngigerðar konungsdóttur; Hjalti lét ok koma veðr á þau jarl ok Íngibjörgu um þær ræður, er hann hafi uppi haft við Íngigerði, ok svá um svör hennar um bónorðit hver voru; komu sendimenn til jarls nökkuru fyrir jól.

73. Þá er Ólafr konúgr Haraldsson hafði sendt þá Björn á Gautland, þá sendi hann ok aðra menn til Upplanda með þeim erendum at boða upp veizlur fur sér, ok ætlar hann þann vetr at fara at veizlum um Upplönd, því at þat hafði verit siðvenja hinna furri konunga at fara at veizlum um Upplönd hinn 3ja hvern vetr; hóf hann þá ferðina um haustit, fór furst um Vínulmerk, hvataði hann þá ferðinni, hann tók veizlu í nánd markbygðum, ok stefndi þá til sín öllum bygðarmönnum ok þeim öllum vandligast, er first bygðu megin hëruðum; hann ransakaði þá um kristnihaldit ok þar er honum þótti ábótavant, þá kendi hann þeim rétta trú ok kristni, ok lagði svá ríkt við, ef nökkurir væri, þeir eð eigi vildi viðskiljast ok láta af heiðninni, at suma rak

hann á brott orlandi; summa lét hann höggva eörhengja, en engan lét hann úhegndan þann, er eigi vildi guði þjóna, fór hann svá um allt þat ríki ok fylki; jafnt hegndi hann ríka sem úríka; hann fékk þeim kennimenn ok setti þá svá þykt, sem honum þótti bezt sama; hann hafði 3 hundruð vígra manna, þá er hann fór uppí Raumaríki, hann fann þat brátt á, at því minna var kristnihaldit, sem hann sótti meirr á landit upp, hann hēlt þó hinu sama fram ok snēri öllum lýð á rétta trú, en veitti stórar refsingar þeim, er eigi vildu lýða hans orðum. En er þetta spurrr konúngr sá, er rēð fur Raumaríki, þá þótti honum gerast mikit vandkvæði í þessu er ágnúði, þvíat hvern dag komu menn til hans ok margir vinir hans, er þetta kærðu, sumir ríkir en sumir úríkir. Konúngr tók þá þat ráð, at hann fór uppá Heiðmörk á fund Hræreks konúngs, þvíat hann var þar vitrasir konúngr, en er konúngarnir tóku tal sín í milli, þá kom þat ásamt með þeim at senda orð Guðröði konúngi norðr í Dala, ok svá á Haðaland til þess konúngs, er þar var, ok biðja þá koma á Heiðmerk til fundar við þá Hrærek konúng. Konúngarnir lögðust þessa ferð eigi undir höfuð, ok hittust þessir 5 konúngar á Heiðmerk, þar sem heitir á Ríngisakri; Ríngur var þar hinn 5ti konúngr, bróðir Hræreks konúngs. Þeir konúngarnir gengu nú á eintal

*) Ríngisakri, D, E, J.

allir samt; tók sá furst til orða, er kominn var af Raumaríki, ok segir þeim frá yfirferð Ólafs digra ok þeim úfriði, er hann gjörði bæði í manna aftökum ok manna meiðslum, suma rekr hann or landi en suma meiðir hann, en tekr upp fè fur öllum þeim, er nökkut mæla í móti honum, en hann ferr með of manns yfir landit, en ekki eptir því sem lög vor standa til, hann kveðst ok fur þeim ófriði hafa flýit þángat, ok marga ríka menn aðra, segir hann, þenna úfrið flýit hafa bæði eignir ok óðöl af Raumaríki, en þóat nú sè þetta vandræði mèr næst, þá mun þó eigi langt til, at þèr munuð undir slíku áfelli eiga at standa, ok er fur því vænst, at vèr ráðim um allir samt, hvert ráð nú skal taka. En er hann lauk sinni ræðu, þá viku konúngarnir allir til svara Hræreks konúngs, þvíat hann var þeirra vitrastr. Hann tók til máls: nú er þat framkomit, sem mik grunaði at verða mundi, þá er vèr áttum stefnu á Haðalandi, ok þèr voruð allir ákafastir, at vèr skyldum Ólaf hefja upp yfir oss, ok þèr vilduð ekki annat heyra, en mèr kom þá þetta sama í hug, at oss mundi hann verða harðr í horn at taka, þegar hann vyrði einvaldi yfir landi. Nú sýnist mèr 2 kostir fur höndum, sá annarr, at vèr farim allir á fund Ólafskonúngs ok látim hann einn ráða, ok skapa ok skera allt vár í millum, ok ætla ek yör sá þikkja harðr, en þó hygg ek oss þann beztan af at taka; en sá er annarr, at rísa nú í móti,

meðan hann hefir eigi víðara yfir landit farit, en þóat hann hafi 3 hundruð manna eðr 4 hundruð, þá er þat ekki ofrefli við at eiga, ef vèr erum allir at einu ráði, en optast sigrast þeim verr, er fleiri eru ok allir jafnríkir, heldrenn hinum, er einn er oddviti fur liðinu, ok sannast þat hit fornkveðna, at sitt ráð tekr hverr, er í svörfinn ferr; nú ferr þat svá optast, þegar allir eru jafnríkir, ok skal engi ríkari eðr einnforingi heldrenn annarr, at þá tekr hverr sitt ráð, er í kreppíngar kemr ok at sverfr, en hirðir þá ekki um hvat hverigum hentir eðr til ráðs liggr, ok er þat heldr mitt ráð, at hætta eigi til at etja hamíngju við Ólaf konúng Haraldsson. En eptir þat þá talaði hverr þeirra konúnganna slíkt er sýndist, löttu sumir uppreistar, en sumir fýstu, ok varð engi orskurðr ráðinn, töldu þeir á hvárntveggja sína andmarka. Þá tók til orða Guðbrandr Dala konúngr ok mælti svá: undarligt þíkkir mér, er þèr vefið svá mjök þetta mál fur yðr, ok eruð þèr þegar vorðnir gagn hræddir við Ólaf þenna, nú veittu vèr honum styrk at berjast við Sveinjarl fur Nesjum, ok hefir hann með vorum afla eignast land þetta, nú ef hann vill furmuna hverjum vorum þess hins litla ríkis, er vèr höfum nú haft um hrið, ok veita oss pyndíngar ok kúgan, þá kann ek þat frá mér at segja, at ek vil færast undan þrælkan konúngs, ok kalla

¹ Guðrøðr, D, E, F, H, J.

ek þann yðarn ekki at manni vera, er nökkut æðrast um þetta, at vèr takim Ólaf þenna af lífi, ef hann ferr hígat í hendr oss uppá Heiðmerk, fur því at þat er yðr satt at segja, at aldrí strjúkum vèr frjálst höfuð, meðan Ólafr þessi lifir. Ok eptir eggjun þessa snúast þeir allir at einu ráði. Þá mælti Hrærekr: svá lízt mér á ráðagerð þessa, er nú er helzt staðráðin með oss, at vèr munum þurfa at gera ramligt samband, ef hlýða skal, at engi skjöplist í einurðinni við annann, þar sem vèr erum í framkomnir vandan áðr; nú ætl-ið þèr þat þá, er Ólafr konúgr kemr hígat á Heiðmerk, at veita honum atgaungu í ákveðnum stað, þá vil ek ei þann trúnað undir yðr eiga, at þèr sèð þá sumir norðr í Dölum, en sumir út á Heiðmerk, vil ek, ef þetta skal framfara ok staðfestast með oss, at vèr sèim allir samt nótt ok dag, þartil er þetta ráð verðr framgengt, ef auðna fellr til. Þessu játa þeir, ok fara nú allir samt; þeir láta nú boða upp veizlur fur sèr á Ríngisakri, ok drekka þar hvirfing, ok gera njósnir frá sèr út á Raumaríki, svá at þeir vita dag ok nótt um ferðir Ólafs konúgs ok um fjölmenni hans, láta þegar aðra njósnarmenn út fara, er aðrir fara aptr. Ólafr konúgr fór nú utan um Raumaríki, sem hann hafði ætlat, at veizlum, ok aptr með því líkun hætti, sem furr var sagt. En er veizlunnar endust eigi, eptir því sem ákveðið var, fur fjölmennis sakir þess er hann hafði, þá

²³ hér byrjar C aptr.

lèt hann þá þar til leggja, at auka veizlunnar sem búin voru, þvíat honum þótti nauðsyn til bera at dveljast ok bæta um síðu manna, en sumstaðar dvaldist hann skemmr enn ætlat var, ok verðr ferðin hans skjótari enn ætlat var upp til vatnsins. En er konúngarnir höfðu þetta ráð fest með sér, þá sendu þeir orð ok stefndu til sín lendum mönnum ok ríkum bóndum or öllum þeim fylkjum, er þeir áttu vald yfir; en er þeir komu þar, er orð voru send, þá eiga konúngarnir stefnu við þá eina saman, ok gera bert fyrir þeim sína ráðagerð, ok kveða á stefnudag, nærr þessi ætlan skal framkoma; á þat kveða þeir ok, at hverr þeirra konúnganna skal hafa 4 hundruð¹⁾ manna; sendu nú aptr hina lendu menn, til þess at samna liði, sem ákveðit var, ok koma síðan til móts við þá konúngana at ákveðnum tíma í nefndan stað. Sjá ráðagjörð líkaði flestum vel, en þó var hér enn, sem mælt er, at hverr á sér vin með úvinum. Á þessari stefnu var Ketill af Ríngunesi, en er hann kom heim af stefnunni um kveldit, þá mataðist hann, síðan klæddist hann ok húskarlar hans, ok fóru ofan til vatnsins, tók þar karfann er Ólafr konúngr gaf honum, settu fram skipit, ok var þar í naustinu allr reiði skipsins, skipaðust síðan til ára ok róa út eptir vatninu; Ketill hafði 40 manna allvel búna at vopnum ok klæðum. Ketill kom þar er

¹⁾ 3 hundruð, *hin*.

Ólafur konúgr var á veizlu, þá er hann gekk frá óttusöng, hann gekk fur konúgr ok kvaddi hann; konúgr tók honum vel; Ketill segir, at hann vill tala við hann skjótt, þeir gánga báðir samt á tal 2 einir saman, þá segir Ketill, hvert ráð þeir hafa í millum handa konúgarnir ok alla tilætlan þeirra, er hann var viss vorðinn. En er konúgr var þessa viss, þá kallar hann menn sína til sín, sendir hann suma í bygðina, ok biðr hann stefna til hans reiðskjótum þeim er fengist, suma sendi hann upp til vatnsins, at taka róðrar skip þau er þeir fengi, ok hafa í móti konúgi; en hann gekk þá til kirkju ok lét sýngja sér messu, gekk síðan til borða; en er hann var mettr, bjóst hann sem skyndiligast ok fór til vatnsins upp, komu þar menn hans í móti honum með skipum, steig hann sjálf á karfann með Katli ok svá mart manna með honum, sem hann tók upp, enn hverr annarra fékk sér þar far, sem helzt gat, ok um kveldit er áleið létu þeir frá landi, logn var á veðrs; þeir ræru um nóttina upp eptir vatninu, konúgr hafði nærr 3 hundruð¹⁾ manna. Fyrr enn dagaði kom hann upp til Ríngisakrs, vorðu varðmenn eigi furr varir við, enn liðit kom upp til bæjar. Þeir Ketill ok hans menn vissu glöggst í hverjum herbergjum konúgarnir sváfu, þar sem þeir höfðu þaðan farit áðr annat kveldit, lét konúgr þá taka öll þau herbergi, svá at engi maðr

¹⁾ 4 hundruð, C, E.

kvæmist þaðan á brott, ok biðu svá lýsingar. Kon-
 úngarnir höfðu engan liðskost til varnar, ok voru
 þeir allir handteknir ok leiddir svá fur Ólaf kon-
 úng, þvíat hann bannaði at bera vâpn á þá.
 Hrærekr þótti maðr forvitri ok harðráðr, þótti
 Ólafi konúngi hann vera ótrúligr, þótt hann
 gerði nökkura sætt við hann, því lét hann blinda
 Hrærek báðum augum, ok hafði hann með sér
 síðan, en hann lét skera túngu or Guðrauði Dala
 konúngi, en Hríng ok 2 aðra lét hann sverja
 sér eiða, at þeir skyldu fara í brott or Noregi ok
 koma aldri aptr síðan, en lenda menn ok bændr,
 þá er sannir voru at þessum svikum, rak hann
 suma or landi, suma lét hann meiða at hönd-
 um eðr fótum, af sumum tók hann sættir; frá
 þessu segir Óttarr svartí¹:

Lýtandi² hefir ljótum³
 landráðandum branda,
 um stillingar allar
 ifla folds⁴ um goldit;
 hafa læzt þú heiðskra⁵ jöfra
 herskorðandi forðum
 mundánga laun, þá er meinum,
 mætr gramr! um⁶ þik sættu⁷
 Braut hafið, böðvar þreytir
 branda rjóðr, or landi,
 meirr fannst þinni enn þeirra

¹) Sighvatr skáld, II, J. ²) hér sleppr E um sinn. ³) ljótu,
 B, D, J, K, S; ljótan, hin. ⁴) fold, C, F, L. ⁵) heimska,
 B, D, F, L; hætka, J, S. ⁶) við, hin. ⁷) vituma v. i H.

þrekr, döglínga rekna;
 stökk, sem þjóð of þekti,
 þær hverr konúgr ferri,
 heptuð jer enn eptir
 orðreyr þess er sat norðast.

Nú ræðr þú fur þeirri,
 þik remmir guð miklu,
 fold, er forðum hældu
 fimm bragníngar, gagni;
 [breldr er¹ austr til Eiða
 [ættland und sik ránda²,
 aung³ sat elda slöngvir³
 áðr at slíku láði⁴.

Ólafr konúgr lagði þá undir sik allt þat ríki, er
 þessir 5 konúngar höfðu átt, tók hann þá gislar
 af lendum mönnum ok bóndum, hann tók veizlur
 ok gjöld norðan or Dölum ok víða um Heiðmerk,
 ok snýr þaðan útá Raumaríki ok þaðan vestr á
 Haðaland. Þann vetr andaðist Sigurðr konúgr
 sýr, mágr Ólafs konúngs, á Ríngaríki, ok gerði
 Ásta, móðir hans, veizlu mikla í móti honum;
 þá bar Ólafr konúgr einn konúngsnafn í Nor-
 egi öllum.

74. Svá er sagt þá er Ólafr konúgr var
 á veizlu með Ástu, móður sinni, at hún leiddi
 fram börn sín fur hann ok sýndi honum; kon-
 úngrinn setti á knè sér Guthorm, bróður sinn, en
 á annat knè sér Hálfðán bróður sinn, konúgr

¹) breið eru, hin. ²) ættlönd und þær (viðr þik, J) gönd-
 lar, hin. ³) þraungvir, B, D, F, J, L, S. ⁴) ráði, C.

sá á sveinana um hríð, þá ýglist hann ok leit reiðuliga til þeirra; þá glúpnauðu sveinarnir, síðan fóru þeir í brott, þá leiðir Ásta til hans hinn yngsta son sinn, er Haraldr hét, hann var þá þrèvetr, konúngr setti hann þá á knè sèr ok ýgldist á hann, en Haraldr sá á hann, upp í móti honum, ok starði á konúnginn, þá tók konúngr í hár sveininum ok kipti stundar hart, sveinninn tók þá í kamp konúnginum ok hnykti sem hann mátti. Þá mælti konúngr: hefni-samr munt þú síðarr, frændi! Annann dag reik-aði konúngr úti um bæinn ok Ásta móðir hans með honum, þá gengu þau at tjörn einnihverri, þar voru þá sveinarnir, synir Ástu, Guthormr ok Hálfðán, ok lèku sèr, þar voru gjörvir bæir ok kornlöður, naut mörg ok sauðir, þat voru leikr þeirra sveinanna, sem jafnan er tídt úng-mennum; skamt þaðan við tjörnina var Haraldr einnsaman hjá leiruvík nökkurri, hann hafði þar trèspánu marga, ok flutu þeir þar við landit. Konúngr spurr, hvat þat skyldi; Haraldr kvað þat skyldu vera skip sín. Konúngr hló ok mælti: vera kann þat, frændi! at þar komi þinnar æfi, at þú ráðir fur skipum. Þá kallaði konúngr þángat Guthorm ok Hálfðán, hann spurr þá Guthorm: hvat vildir þú fleste eiga, frændi? Akra, segir hann. Konúngr mælti: hversu víða akra vildir þú eiga? Hann svarar: þat vildi ek at nes þetta væri sáð hvert sumar, er hér gengr útf vatnit, en þar stóðu tíu bæir í nesinu. Kon-

úngr mælti: víst væri þat mikill akr. Þá spurð hann Hálfðán, hvat hann vildi flest eiga? Kýr, segir hann; hversu margar vildir þú þær eiga? segir konúngr; Hálfðán mælti: þá er þær færi til vatns, skyldu þær sem þykkvast standa mega umhverfis vatnit. Konúngr svarar: bú stór vildið þið eiga, er þat ok líkt feðr yðrum, væri ok takanda þeirri sátt, at þið vyrðið þvílíkir menn, sem hann var. Þá spurð konúngr Harald: hvat vildir þú flest eiga? Húskacla, segir hann. Konúngr mælti: hversu marga vildir þú eiga húskacla? Hann svarar: þat vilda ek at þeir væri svá nokkuru margir, at þeir æti at einu máli kýr Hálfðánar, bróður míns. Þá hló konúngr ok mælti til Ástu, móður sinnar: hær muntu konúng uppfæða, móðir! segir hann; eigi var þá getit fleiri orða þeirra.

75. Í Svíþjóð var þat forn lands siðr, meðan heiðni var, at höfuðblót skyldi vera at Uppsölum at góí vetrar, skyldi þá blóta til árs ok friðar ok sigrs konúngi sínum, ok skyldu menn þángat sækja um allt Svíaveldi, skyldi þar vera þíng allra Svía, þar var þá ok markaðr ok kaupstefna, ok stóð viku markaðrinn; en nú síðan kristni var alsíða, en konúngarnir afræktust at sitja at Uppsölum, þá var færðr markaðrinn ok hafðr kyndilmessu, ok hefir þat haldizt síðan, er nú hafðr eigi lengri enn stendr 3 daga, ok er þar þá þíng Svía, ok sækja þeir þá þángat um allt landit. Svíaveldi liggir í mörgum lutum, einn lutr

Svíþjóðar er Vestra-Gautland ok Vermaland ok Markland ok þat er þar liggr til, ok er þat svá mikit ríki, at undir þann biskupsstól, er þar er, eru 12¹ hundruð kirkna; annarr luti lands er Eystraland²; þeim biskupsdómi fylgir Gautland ok Eyland, ok er þat allt saman miklu meira biskupsveldi. Í Svíþjóð sjálfri er einn luti lands, er Suðrmanland heitir, þat er einn biskupsdómr; þá heitir Vestmannaland eðr Fjaðrundaland³; þá heitir Tíundaland⁴; hinn fjórði lutr Áttanda⁵ land; þá er Sjáland ok þat er þar liggr til, þat liggr hit eystra með hafinu. Tíundaland er göfgast ok bezt bygð í öllu Svíaveldi, þviat þá gat lýtr til allt ríkit, þar eru Uppsalar, þar er konúngs atseta, þar er erkistóll, þar er viðkendr Uppsala auðr, þá gat skulu tilleggjast allar skyldir um allt land til Uppsala; yfir hvern luta lands er skipaðr lögmaðr, ok ræðr hann mestu við bændr, þviat þat skulu lög vera, sem þeir vilja uppkveða eðr segja; en ef konúngr eðr jarl eðr biskup ferr yfir landit, ok eigu þing við bændr, þá svarar lögmaðr af hendi bónda ok sezt fur öll þeirra mál, ok fylgja honum svá bændr, at ofreflismenn þora varla at koma á þing lögmanna, ef eigi vilja bændr eðr lögmaðr; en ef lögin skilr á, þá skulu öll hallast til móts við Uppsala lög; allir lögmenn aðrir skulu vera undirmenn þess lögmans, er á Tíundalandi er.

¹) 11, C, F, J, K, S; 10, L. ²) Eystra-Gautland, C, D, F, J, K, L, S. ³) Fjórðungaland, D. ⁴) enn þriðri luti Svíþjóðar, b. v. in. ⁵) Áttjanda, C, D, F.

76. Þá var á Tíundalandi lögmaðr sá, er Þorgnýr hét, faðir hans var nefndr Þorgnýr Þorgnýrsson, þeir lángeðgar höfðu þar' verit yfir-lögmienn um margra konunga æfi á Tíundalanadi. Þessi Þorgnýr var þá kallaðr vitrastr maðr í öllu Svíaveldi, hann var frændi Rögnvalds jarls ok íóstrfaðir hans. Nú er þar til máls at taka, er furr var frá horfit, at þeir menn komu til Rögnvalds jarls, er þau Íngigerðr konúngsdóttir ok Hjalti Skeggjason sendu austan með bréfum, báru þeir fram sín erendi fur jarl ok Íngibjörgu, konu hans, ok sögðu at konúngsdóttir hefði opt rædt fur Svía konúngi um sætt þeirra Ólafs konúngs ok Noregs konúngs, ok henni þótti úvænliga horfa at svá búnu. Jarl sagði nú Birni, hvat hann hefði austan spurt, ok bað hann aptr fara við svá búit ok hætta eigi meirr á. Björn sagði, at hann skal at vísu framhaldasinni ferð, þartil er hann hittir Svía konúng, ef hann má framkomast, en veizt þú þat, jarl! at þú hefir því heitit at fylgja mær á konúngs fund? Jarl játti því. Nú líðr fram vetrinn, ok þegar á bak jólum býr jarl ferð sína, hann hafði 60^a manna, þar var með honum Björn stallari ok hans förnautar; fór jarl nú austr í Svíþjóð, en er hann sótti uppí landit, þá sendi hann menn fur sèr til Uppsala, ok sendi orð Íngigerði konúngsdóttur, at hún skyldi koma í mót honum útá Ulf-

1) hér sleppr I um sinn. 2) 40, C.

arakr', þar átti hún bú stór. En er konungs-
dóttur komu orð jarls, þá fór hún ok vildi þá
fór eigi undir höfuð leggjast, hún fór fjölmenn,
þar var Hjalti Skeggjason með henni; en áður
hann fór, gekk hann fúr konúng ok kvaddi
hann ok mælti: sit þú nú allra konunga heil-
astr! ok er þat satt at segja, at ek hefir þess
hvergi komit, at ek hafi alsíka tign sæð, sem
hér með yðr, skal ek ok þat orð frá bera, hvar
sem ek kemr, vil ek þess biðja þik, konúngr!
at þú sèr vinr minn. Konúngr svarar: hví
lætr þú svá brautfúsliga, Hjalti! Hann svarar:
ek ríð nú furst út á Ullarakr með Íngigerði,
dótturyðarri. Far þú vel ok heill, Hjalti! segir
konúngr, vitr maðr ertu ok velsiðaðr, ok kannt
vel at vera með tignum mönnum. Gekk þá
Hjalti leið sína, ok reið þá útá Ullarakr með
Íngigerði konungsdóttur, hún fór til búss síns, ok
lèt þar búa veizlu mikla í mótí Rögnvaldi jarli.
Síðan kom jarl þar, ok var honum vel fagnað.
Dvaldist jarl þar nokkurar nætr; þau konungs-
dóttir talaðust mart við, ok flest um þá Noregs
konúng ok Svía konúng, segir hún, at henni
þykkir úvænt horfa um sættir með þeim kon-
úngunum. Þá mælti jarl: hvern veg er þer
þat gefit, frændkona! ef Ólafr Noregs konúngr
biðr þín, sýnist oss þat helzt til heilla sátta ok
einhlítast, ef mægðir mátti takast með konúng-
unum, þvíat oss lízt þessi maðr Ólafr úlíkr flest-

1) Ullarakr C.

um mönnum, en ek vil með engu móti með því gánga. Hún svarar: faðir minn skal sjá ráð fyrir mér, en þá ert þú svá minna frænda annarr, at ek vil helzt mitt mál undir eiga, þat er mér þíkkir svá miklu máli skipta, eðr hversu ráðligt þíkkir þer þetta? Þat þíkkir mér allráðligt, segir jarl; taldi hann þá upp marga mannkosti um Ólaf konúng, þá er stórvegligr voru, sagði hann henni þá frá atburðum þeim, er þá höfðu fur skemstu gerzt, ok hann hafði þá ný spurt af Noregi, er Ólafr konúgr hafði handtekit 5 konunga á einum morni, þá er allir vildu að sitja um líf hans, ok rak þá alla af ríkjum sínum, en lagði undir sik eignir þeirra ok jók með því sitt ríki ok veldi. Margt ræddu þau um þetta mál ok urðu á allar sínar ræður vel sátta; fór jarl í brott, þá er hann var búinn; Hjalti fór með honum.

77. Rögnvaldr kom einn dag at kveldi til búss Þorgnýrs lögmanns, þar var mikill bær ok stórkostligr, voru þar margir menn úti, er þeir komu; þeir fagnaðu vel jarli ok tóku við hestum þeirra ok reiða, þeir gengu inni stofu, þar sat í öndvegi maðr gamall, engan mann höfðu þeir-Björn sæð jafnmikinn, skegg hafði hann bæði mikit ok breidt ok sídt, svá at þat lá í knjám hans ok breiddist um alla bringuna, hann var vænn maðr ok göfugligr. Jarl gekk fur hann ok heilsaði honum; Þorgnýr fagnar vel jarli, ok bað hann setjast í rúm sitt,

Þar er hann var vanr at sitja; Jarl settist þá öðrum megin í öndvegi gegnt Þorgnýri, þar dvaldist jarl nökkurar nætr, áðr hann bar upp erendi sín, ok einn dag beiddi hann Þorgný, at þeir skyldu ganga í málstofu; þeir Björn gengu þáгат með jarli ok hans förunautar. Þá tók jarl til máls ok sagði frá því, er Ólafr konúgr hafði sendt þáгат menn sína með þeim erendum, at hann vill sættast við Ólaf Svía konúg, talaði jarl þarum langt eyrendi, hvert vandræði Vestr-Gautum var af deilum konúganna ok þeirra úþykkju; hann sagði ok Þorgný frá því, at hann hafði heitit sendimönnum Ólafs Noregs konúgs at fylgja þeim á fund Svía konúgs, svá at þeir mætti flytja úhræddir eyrendi sín fur þá sök; jarl sagði honum ok þat, at Svía konúgr tók þessu máli svá þúngliga, at hann lét engum manni hlýða skyldu, at ganga með þessu máli. Nú er svá, fóstri minn! sem optarr, at ek verð mæðr eigi einhlítr at þessu máli, hefi ek ok því sótt á þinn fund, at ek væntir þar enn heilla ráða ok þíns trausts ok liðsinni. En er jarl hætti ræðu sinni, þagði Þorgnýr lánga stund, en er hann tók til máls, þá mælti hann svá: undarliga skiptið þér til, girnizt at taka tignarnafn en kunnið yör engi forráð eðr furhyggju, þegar þér komið í nökkurn vanda; hví skyldir þú eigi hyggja at því, áðr þú hæzt þessari ferð, at þú hafðir ekki ríki til þess at mæla nè eitt orð í

móti Ólafi Svía konúngi, þíkkir mér hitt eigi úvirðingar vænna, at vera í bónda tali, ok vera frjáls orða sinna, at mæla slíkt er þú vill. Jarl þakkaði honum vel orð sín, ok dvaldist hann þar um hríð, ok reið með þeim Þorgnýr til Uppsala þíngs, ok kom þar allmikil fjólmenni; þar kom Ólafr konúgr með hirð sinni.

78. Hinn fursta dag er þíngit var sett, sat Ólafr konúgr á stóli ok þar hirð hans umhverfis, en annann veg á þíngit sátu þeir á einum stóli Rögnvaldr jarl ok Þorgnýr lögmadr, en á bak þeim stóli stóð bóndamúgrinn ok allt umhverfis í hríng, sumir fóru á hóla eðr hæðar, at heyra hvat talat var; en er talat voru konúngs erendi, þau er siðr er til at tala á þíngum, ok er því var lokit, þá stóð upp Björn stallari hjá stóli jarls, ok mælti hátt vel ok snjalt: Ólafr konúgr sendi mik hingat þess eyrendis, at hann vill bjóða sætt af sinni hendi Ólafi Svía konúngi, ok þat landa skipti sem at fornu hefir verit milli Noregs ok Svíþjóðar. Björn mælti svá hátt, at Svía konúgr heyrði gjörla, en furst er Svía konúgr heyrði nefndan Ólaf konúng, þá hugði hann, at sá maðr mundi flytja nokkut hanseyrendi, ok bað menn gefa hljóð til; en er hann heyrði rædt um sætt ok landaskipti milli Noregs ok Svíþjóðar, þá skildi hann af hverjum lotum vera mundi; þá ljóp hann upp ok kallaði hátt, at sá maðr skyldi sem skjótast þegja, ok kvað slíkt ekki gera mundu. Björn settist

Þá niðr. En er hljóð fékst í annat sinn, þá stóð jarl upp ok mælti, hann sagði furst frá örðsendingu Ólafs digra ok sættarboðum til Svía konúngs, ok frá því at Vestr-Gautar sendu Ólafi konúngi öll orð, til þess at sætt væri gjör við Noregs konúng ok Norðmenn; taldi jarl upp hvert vandræði Vestr-Gautum var at því, at missa þeirra luta allra af Noregi, sem þeim var mest árbót í at hafa, en í annann stað sitja fur áhlaupum Víkverja ok hernaði, ef Noregs konúngr samnaði her saman ok herjaði á þá; jarl sagði ok, at Noregs konúngr hafði þangat menn senda þeirra erenda, sem sæmilig er upp at bera, at hann vill biðja Íngigerðar dóttur hans. En er jarl hætti at tala, þá stóð upp Ólafr Svía konúngr, ok var allreiðiligr, hann svarar þúngliga um sættina, en veitti jarli stórar átölur ok þúngar um þá dirfð, er hann hafi gert frið við þann hinn digra mann ok lagt við hann vináttu, taldi jarl fur þat sannann at landráðum við sik, sagði ok þat makligt, at hann væri rekinn or ríki, ok sagði at slíkt [væri allt¹⁾ af áeggjan Íngibjargar konu sinnar, ok taldi þat vera hit úsnjallasta ráð, er hann hefir fengit at girndum svá stórborinnar konu ok ríkrar; hann talaði langt ok snéri þá enn ræðunni at lyktum á hendr þeim hinum digra manni. En þegar hann settist niðr, þá var furst hljótt um hríð, þá stóð

¹⁾ hlaut hann, hin.

upp Þorgnýr lögmaðr, en þegar hann stóð upp, þá stóð upp allr bóndamúgrinn, þeir er áðr höfðu setit, ok þustu at allir þangat, þeir er áðr höfðu annarstaðar setit, ok vildu hleyra, hvat Þorgnýr talaði, þá var furst gnyr mikill af fjölmennni ok vǫpnum, en er hljóð fékkst, mælti Þorgnýr:

79. Annann veg er skaplyndi manna¹, enn furr hefir verit; Þorgnýr, föðurfaðir minn, mundi glögt Eirík Uppsala konúng Eymundarson, ok sagði hann þat frá hans háttum, at meðan honum var sem létast, herjaði hann hvert sumar, ok hafði leiðangr úti, ok fór til ýmissa landa, ok hann lagði undir sik Finnland ok Kirjálaland², Eistland ok Kúrland, ok svá víða um Austrlönd, ok mun enn sjá þær jarðborgir ok stórvirki, er hann lét gera; ok var hann þó eigi svá stóls eðr stór, at hann hlýddi eigi mönnum, ef skylt áttu at tala við hann. Þorgnýr, faðir minn, var með Birni kónungi lánga æfi, voru honum hans siðir kunnir; stóð-um æfi Bjarna konúnga hans ríki með miklum styrk en engum skort eðr þurð; var hann þó góðr ok dæll sínum mönnum. Ek má muna Eirík konúng hinn sigrsæla, var ek með honum í mörgum herförum, jók hann ríki Svía konúnga, en varði harðfengliga, ef á var leit at hans ríki, varð oss þó gott orðum við hann at koma. En konúngr þessi, er nú er yfir landi, lætr engum manni hlýða at mæla við sik, nema þat eina, er hann vill vera láta, ok

¹) Svíakonúnga, D, F, H, L. ²) Kyriáli, C.

hefir við þat allt kapp, en hann lætr skattlönd sín undan sér ganga af eljanárleysi ok þrekleysi; hann girnist ok til þess at halda Noregs veldi undir sik, er enginn Svía konúngr hefir girnzt, ok gjörir hann í því mörgum mönnum mein ok únáðir. Nú er þat vill vārr bónda, at þú, Ólafr konúngr! gerir sætt við Ólaf konúng digra, ok þat með at þú giptir honum Íngigerði, dóttur þína. En ef þú vill vinna aptr undir þik ríki þau í Austrveg, er frændr þínir hafa átt ok forellrar, þá viljum vēr allir fylgja þér ok styrkja þik til þess. Meðr því at þú vill eigi hafa þat, er vēr mælum, þá munu vēr veita þér atgaungu hér þegar á þínginu ok drepa þik, ok þola þér eigi úfrið ok úlög þau, er þú gerir ok tekr til; ok hafa svā gert hinir furri frændr vārir ok forellrar, þā er þeir steypu 5 konúngum í eina keldu á Múla þíngi, sem þú munt heyrð hafa, er áðr höfðu uppfylzt ofmetnaðar, sem nú hefir þú við oss; seg nú, hvārn kost þú vill upptaka! Þā gjörði bóndalýðrinn þegar gný mikinn ok vāpna-brak. Ólafr konúngr stendr þā upp ok mælti, segir at allt vill hann svā verā láta, sem bændr vilja, segir at svā hafa gert hinir furri konúngar, at þeir hafa bændr látit ráða með sér, því er þeir vildu. Staðnaði þā kurr bóndanna. Eptir þat tala þeir allir saman höfðingjarnir, konúngr ok jarl ok þorgnýr, ok gera frið ok sætt af Svía konúngs hendi, eptir því

sem Noregs konúgr hafði orð til sent. Var á því þingi þat ráðit, 'at Ólafr konúgr Haraldsson skyldi fá Íngigerðar, dóttur Ólafs Svía konúgs, tók þá Rögnvaldr jarl festar af Svía konúgi, ok var þessu nú til staðar ráðit. Slitu þeir nú þinginu at svá mæltu. Fór jarl þá heim, ok hitti konúgsdóttur, ok talaðu þau margt um þetta mál; hún sendi Ólafi konúgi slæður af þelli mjök gullsaumaðar', ok silkiræmur. Fór jarl þá í brott við svá búit, ok þeir Björn með honum, dvaldist Björn þar þá litla hríð, ok fór síðan aptr til Noregs með sínu förumeyti. En er hann hitti Ólaf konúng, sagði hann honum erendislok sín, þau sem voru. Ólafr konúgr þakkaði honum vel ferðina, ok segir sem satt var, at Björn hafði gæfu tilborit í slíkum úfriði sem var, at koma fram erendi sínu. Ólafr konúgr fór, er váraði, út til sjóvar, ok lét búa skip sín, ok stefndi til sín liði sínu, ok fór um vart út allt eptir Víkinni til Lifðandisness ok allt norðr á Hörðaland, sendi þá orð lendum mönnum, ok nefndi til alla hina ríkastu menn or héraðum, ok bjó þessa ferð at öllu sem vegligast, er hann ætlaði at fara í móti festarmeyju sinni; veizlan skyldi vera um haustit austr við Elfi við Landamæri.

80. Ólafr konúgr hafði með sér Hrærek blinda, en er hann var gróinn sára sinna, þá

¹⁾ gullskotnar, C.

fékk Ólafr konúgr honum 2 menn til fylgðar ok þjónustu við hann, ok lét hann sitja í háseti hjá sér, ok hélt hann at klæðum ok drykk engum munverri, enn hann hafði áðr haldit sik sjálf. Hrærekr konúgr var maðr fámálugr, en svarstuttr þá er menn orkaðu orða á hann; þat var venja hans hvern dag, at hann lét leiða sik úti um daga frá öðrum mönnum í brott, þá barði hann knapanh svá at hann stökk í brott, þá sagði Hrærekr til Ólafs konúgs, at sá sveinn vildi ekki honum þjóna; þá skipti Ólafr konúgr um þjónustumenn við hann, ok fór allt á sömu, leið, at engi þjónustumaðr hélzt við með Hræreki; þá fékk Ólafr konúgr til fylgðar ok gæzlu við hann þann mann, er Sveinn hét, ok var frændi Hræks konúgs, ok hafði verit hans maðr áðr. Hrærekr hélt teknum hætti um stríðleika ok svá um einfarar, en er þeir voru 2 saman staddir, þá var hann kátr ok málreittinn, hann minntist þá á marga luti, þá er fur höfðu verit ok um hans daga höfðu atborizt, ok hverr brugðit hafi hans ríki ok sælu, en gjört hann at ölmusumanni: en hitt þíkkir mér þó þúngast at vita, segir hann, er þú eðr aðrir frændr mínir skulu ekki at manni verða ok svá miklir ættlerar, at engrar sviyirðingar skulu þora at hefna, þeirrar er gjörvar eru á ætt várri þvílíkar hörmúngartölur hafði hann fur Sveini, frænda sínum. Sveinn svarar: at þeir áttu við ofressi um at eiga, en þeir höfðu litla kosti

sjálfir. Hrærekr svarar: til hvers skulu vér lengi lifa við skömm ok meiðslur, nema svá beri til, at vér sigrimst blindir á þeim, er oss sigraði sofandi, heilir svá drepum hann Ólaf hinn digra, hann uggir nú ekki at sér, kann vera at nú leggist lítit fur hann, ek skal ráðin til setja, ok ei vildi ek hendrnar til spara, ef ek mætti þeim viðkoma, en þat má ek eigi fur sakir blindleiks, ok skaltu fur því bera vâpnin á hann; en þegar Ólafr er drepinn, þá veit ek af forspám mínum, at þá hverfr ríkit undir úvini hans; nú kann vera at ek verði þá konúngr, þá skaltu vera jarl minn. Svá kom fortöluum hans; at Sveinn jataði at fylgja þessu úráði. Svá var sætlat ráðit, at þá er konúngr gekk til aptansöngs, stóð Sveinn í svölunum úti fur konúngi, ok hafði sverð brugðit undir yfirhöfn sinni, ok þá er konúngr gekk út or stofunni, bar hann skjótara at enn Svein varði, ok sá hann í andlit konúnginum, er hann gekk út, ok bliknaði hann, ok varð fölr sem nárr, ok féllust honum hendir, er betr var. Konúngr fann þat þegar, at honum bjó nökkut fílt í skapi, ok mælti: hvar er nú, Sveinn! vill þú svíkja mik? Sveinn kastar af sér kápunni ok í brott frá sér saxinu, ok féll til fóta konúngi ok mælti: allt á guðs valdi ok yðru, herra! Konúngr bað menn sína taka hann, ok var hann settr í járn; þá lét Ólafr konúngr færa sæti Hræreks á annann páll, en hann gaf grið Sveini, ok fór hann í brott or landi. Konúngr fékk þá annat herbergi at

sofa í, enn þat er hann svaf í. Konúgr fækk til
2 menn af hirð sinni at fylgja Hræreki dag ok
nótt, þeir menn höfðu áðr lengi þjónat Olafi
konúgi ok sýnt honum mikin trúleika jafnan.
Hrærekr gerði nú ýmist, at hann var einteiti, ok
svá glaðr ok kátr at hann læk við fingr sèr, ok
fækk hvatvitna til skemtanar, eðr hitt at hann
þagði upp mörgum dægum saman, svá at hann
mælti við engan mann, stundum mælti hann
margt ok þó illt, svá var ok at stundum drakk
hann hvern mann af stökki, ok gerði alla
úfæra þá er nær honum voru, en optast drakk
hann lítið. Olaf konúgr fækk honum vel
skotssilfr. Opt gerði Hrærekr þat, þá er hann
fór til herbergis, áðr hann fór til svefns, at hann
lættaka inn mjaðarbyttur nökkurár, ok gaf þeim
at drekka þá öllum herbergismönnum, ok af
slíku varð hann þó þokkasæll.

81. Maðr er nefndr Finnr litli, upplenzkr
maðr, en sumir segja hann finnskan at ætt,
hann var manna minnstr ok allra manna fót-
hvatastr, svá at engi hestr tók hann á rás, hann
kunni manna bezt við skíð ok boga, hann hafði
verit lengi þjónustumaðr Hræreks konúgs ok
farit opt erenda hans, þeirra er trúnaðr láundir,
hann kunni alla vegu um Upplönd, hann var
ok málkunnigr öllu stórmönni; en síðan Hræ-
rekr var tekinn í fángelsi, þá slóð Finnr í ferð
með knöpum ok þjónustumönnum, ok hvert
sinn er hann mátti, kom hann sèr í tal ok í
þjónustu við Hrærekr ok var opt á tali við hann.

Hrærekr vildi ekki, at þeir talaði laungum samfast, ok þótti sem þá mundi síðr í ráðit; en er á leið vârit, ok þeir sóttu útí Víkina, þá hvarf Finnur í brott frá liðinu nokkura daga, kom hann þá enn aptr, er stund leið, ok dvaldist þá enn þar um hríð, ok fór svá ~~enn~~ fram optarr, at Finnur hvarf í brott, en stundum kom hann aptr, ok var at þessu engi gaumur gefinn, þvíat margir voru umrennendr með liðinu. Ólafr konúgr kom til Túnsbergs nökkuru fur páska, ok dvaldist þar lengi um vârit, þá kom þar til bæjarins mart manna, bæði Saxar ok Danir, austan or Vík ok norðan or landi, var þar þá mikit fjölmenni; þar var þá ár mikit, ok höfðu menn drykkjur miklar. Þat harst at á einu kveldi, þá er Hrærekr var kominn í herbergi þat, er hann (var) vânr at sofa í, þat var síð um kveldit, ok höfðu menn þá drukkit mjök, hann var þá allkâtr, þá kom þar Finnur litli með mjaðar byttur 2, ok var þat grasaðr mjöðr ok hinn styrkasti; þá lét Hrærekr konúgr gefa öllum þeim, er inni voru, allt til þess er hverr sofnaði í sínu rúmi; Finnur var þá í brott genginn, ljós brann hverja nótt í herberginu, þá vakti Hrærekr upp menn sína, þá er vanir voru at fylgja honum, ok sagði at hann vill gânga til garðs, þeir höfðu með sér skrilljós, þvíat myrkr var á mikit; salerni var í garðinum, þá heyra þeir at maðr mælti: högg þú fjandann! þá heyrðu þeir brest mikinn, ok dett sem nökkut felli, salernit ~~stóð~~ á stólp-

..²) hér byrjar B aptr.

um, ok var rið upp at gánga til duranna, en er þeir sátu í garðinum, þá heyrðu þeir þessi orð-tök út, sem nú var sagt. Hrærekr mælti: eigi er drykkjan svá góð sem oss þikkir, en þat er satt at segja, at þeir hafa fulldrukkit, er þar eigust við, farið nú út ok skillð þá! Þá bjuggust þeir út hirðmennirnir sem skyndiligast, ok ljópu út, þá voru þar komnir með Hræreks konúnga, Sigurðr hit, er verit hafði hirðmaðr Hræreks konúnga, ok þeir 15 saman, þar var þá ok Fjinnr litli í för með þeim, en er hirðmennirnir komu út, þá var sá furr höggvinn, er síðarr gekk, ok þó drepnir báðir, þeir voru dregnir upp á milli húsanna, en tóku Hrærek til sín ok höfðu með sér, ljópu svá á skip út, er þeir áttu, ok ræru þá í brott sem tíðast. Sighvatr skáld svaf í herbergi Ólafs konúnga, hann stóð upp um nóttina ok skósveinn hans með honum, ok gengu til hins mikla garðhúss, en er þeir skyldu aptr gánga ok ofan fur loptriðit, þá skriðnaði Sighvatr ok fèll á knè, ok stakk niðr höndunum, ok fann at þar var vatt undir; þá mælti Sighvatr: þat hygg ek at nú í kveld hafi konúngr fengit oss mörgum karfasótinn; ok hló at, en er þeir komu í herbergit, brann ljós; þá spurð skósveinninn: hví ert þú í blóði einu allr, eðr ert þú skeindr? Hann svarar: ekki er ek skeindr, en þó mun þetta tíðindum gegna; þá vakti hann upp Þórð Fólason, merkismann Ólafs konúnga, þeir voru rekkjufélagar, síðan gengu þeir út,

ok höfðu með sér skriðljós, ok fundu þegar blóðit, þeir fundu ok brátt líkin, ok kendu þegar mennina, þá er vegnir voru; þeir sá at þar lá trèstobbi mikill, ok í mikit skýlihogg, ok spurðist þat síðan, at þat hafði gert verit til ólíkinda at höggva trèstobban, at teygja þá svá út er inni voru, ok hafði Hrærekr hèresett öll ráð til þessar meðferðar. Þeir Sighvatr tala nú með sér, at nauðsyn væri at konúngr vissi þessi tíðindi sem bráðast; þeir sendu nú sveininn til herbergis þess, er Hrærekr skyldi hafa sofit í, ok vita hvat þar væri tíðinda, þar sváfu menn allir, en Hrærekr konúngr var í brottu; sveinninn vakti þá menn alla, er þar voru inni, ok sagði þeim tíðindin; þá stóðu menn upp ok fóru þá gat í garðinn, sem líkin voru; en þó at nauðsyn væri at vekja konúnginn ok hann vyrði sem furst viss þessara tíðinda, þá þorði þó engi at vekja konúnginn, ok segja honum þessi tíðindi. Þá mælti Sighvatr: mikit er enn eptir nætrinnar, ok kann vera, áðr dagat sè, at Hrærekr hafifengit sèr þat fylskni, at hann sè ekki mjök auðfundinn síðan, en þeir munu enn ekki langt komnir, þvíat líkin voru enn ekki köld; skal oss aldrí þá skömm henda, at vèr látim eigi konúnginn vita þessi svik. Þá mælti Sighvatr til Þórðar: hvárt villt þú, lagsmaðr! vekja konúnginn eðr segja honum tíðindin? Þórðr svarar: fur engan mun þori ek at vekja konúnginn, en segja má ek honum tíðindin, ef þú vill, enda vekir þú hann.

Sighvatr mælti: gakk nú upp í herbergit ok bið mín þar! Þórðr gerði svá, sem hann bauð. Þá fór Sighvatr til kirkju, ok vakti upp klokkarann, ok bað hann hringja fur sál hirðmanna konungs, ok nefndi hirðmennina þá er vegnir voru. Klokkarinn gerir sem hann bauð. Konúgrinn vaknar við hringingina, ok settist hann upp, hann spurð þá, hvárt óttusaungsmál væri. Þórðr svarar þá: verritíðindi eru enn svá, herra! Hrærekr er í brottu, en drepnir hirðmenn yðrir 2, þeir er hans skyldu gætt hafa; þá spurð konúgr vandliga eptir atburðum þeim, er þar höfðu vorðit. Þórðr sagði af slíkt, er hann vissi. Þá stóð konúgr upp, ok lét blása til hirðstefnu, en er lið kom saman, þá nefndi konúgr til menn, at leita Hræreks allavega frá bænum. Þórir¹⁾ lángi gestahöfðingi tók skútu, ok fór með sveit sína, at leita Hræreks konungs frá bænum við 30 manna, en er lýsa tók, þá sá þeir at skútur 2 litlar reyru fur þeim, en er hvárir sá aðra, þá ræru hváirtveggju sem mest máttu þeir, þar var þá Hrærekr konúgr, ok hafði 30 manna; en er samandró með þeim, þá snæru þeir Hrærekr at landi, ok ljópu á land upp allir nema Hrærekr konúgr, hann settist upp í lyptingina, ok mælti til sinna félaga, bað þá heila fara ok heila hittast; því nærst ræri þórir at landi, þá skaut Rinnr litli öru, ok kom sú á þóri miðjan, ok fékk hann þegar bana, en

¹⁾ Klukkarrinn, C, E. ?) Þórðr, C, E, F, L.

Sigurðr hlt ok hans félagar ljópu þegar í skóginn, ok létu hann hlífa sér, en menn Þóris tóku lík hans ok svá Hrærek konúng, fluttu nú út til Túnssbergs. Ólafr konúngur tók þá enn við valdi Hrærek konúng, ok lét vandliga gæta hans, ok galt nú mikinn varhuga við svikum hans, þvíat hann sá at hann sat um þat dag ok nótt, fèkk hann nú menn til at gæta hans nótt ok dag. Hrærekr var nú svá kátr, at hann lèk við fíngir sér, ok fann engi maðr á honum, at eigi líkaði honum allt sem bezt. Þat barst at uppstigningardag at Ólafr konúngur gekk til hámessu, þá gekk biskup með processio um kirkju, ok leiddi konúnginn, en er þeir komu aptr í kirkjuna, þá leiddi biskup konúnginn til sætis síns fur norðan dyr í kórin, en er Ólafr konúngur hefir niðr sezt, þá tók Hrærekr konúngur á öxl Ólafi konúngi ok þrýsti, hann mælti þá: pellsklæði hefir þú nú, herra! Ólafr konúngur svarar: nú er hátíð mikil haldin í dag, sem þú munt vita, í minning þess, er Jesús Kristus steig upp til himins af jörðu. Já, sagði Hrærekr, svá má vera, en ekki skil ek af, svá at mér hugfestist, þat er þér segið frá Kristi yðrum, þíkkir mér mart þat heldr útrúligt, er þér segið þar frá, en þó hafa margs dæmi vorðit í forneskjunni. En er messan var upphafin, þá stóð Ólafr konúngur upp, ok hélt höndunum yfir höfuð sér, ok laut til altaris, ok bar yfirhöfnina aptr af herðum

honum, er hann hafði lotit undan. Hrærekr sprettir þá upp hart ok tídt; hann lagði þá til Ólafs konungs saxknífi þeim, er Rytníngur kalladr; lagit kom í yfirhöfnina uppi við herðarnar, er hann hafði lotit undan, skárust mjök klæðin, en konúgr varð ekki sárr. En er Ólafr konúgr fann þetta-tilræði, þá ljóp hann við fram á gólfít. Hrærekr lagði þá þegar í annat sinn til hans knífinum ok misti; þá mælti Hrærekr: flýr þú nú, Ólafr digri! fur mér¹ blindum. Ólafr konúgr bað sína menn taka hann ok leiða hann út or kirkjunni, ok svá var gjört. Eptir þessa atburði eggjaðu menn Ólaf konúgr, at hann lèti dröpa Hrærek: ok er yör þat, sögðu þeir, hin mesta gæfuraun, at hafa hann jafnan hjá yör, hverjar úhæfur sem hann tekr til, en hann sitr um þat nótt ok dag, at veita yör líflát, en þóat, þér sendið hann nökkut í braut frá yör, þá sjám vér engan mann til þess, at svá fái hann geymt, at hann komist eigi á brott, en ef hann kemst í brott ok verðr lauss, þá mun hann þegar hafa flokk uppi ok gera margt illt. Konúgr svarar: rétt er þat mælt, at margr hefir tekit dauða fur minni tilgjörðir, enn Hrærekr hefir gert, en traudr em ek at týna þeim sigri, er ek fékk á Uppléndinga konúgum, þá er ek tók 5 konunga á einum morni, ok náða ek svá ríki þeirra, at ek þurfti engis þeirra banamaðr at verða, þvíat þeir voru allir frændr mínir, en

¹) hér sleppr E aptr.

þó fæ ek nú varla sæð fur mun um, hvárt Hrærekr mun eigi fá nauðgat mér til at láta drepa sik eðr eigi. Hrærekr hafði fur því tekit á öxl konúngi, at hann vildi vita, hvárt hann væri í brynju, ok vildi eigi til ráða, nema hann ætlaði at yfirtæki.

82. Maðr er nefndr Þórarinn Nefjólfsson, hann var íslenzkr maðr ok ættaðr fur norðan land, ekki var hann ættstórr maðr, hann var allra manna vitrastr ok orðjarfastr við tigna menn, hann var farmaðr mikill ok var laungum á Íslandi annann vetr, en annann í Noregi. Þórarinn var manna ljótastr, ok var þat þó mest fur, hversu illa hann var limaðr, hann hafði hendr miklar ok ljótar, en fætr hafði hann miklu ferligri. Þórarinn var þá staddr í Túnsbergi, er þessi tíðindi gerðust, er nú hefir verit frásagt um hríð, hann var þá málkunnigr Ólafi konúngi; Þórarinn bjó þá kaupskip sitt, ok ætlaði til Íslands um sumarit; Ólafr konúngr hafði hann í boði sínu nökkura daga ok talaði við hann margt, svaf Þórarinn í konúngsherbergi; þá var þat einn morgin suemma, at konúngr vakti, en aðrir menn sváfu í herberginu, þá var sól lítit farin ok var ljóst mjök inni; konúngr sá at Þórarinn svaf ok hafði rett annann fótinn undan klæðunum, konúngr sá á fótinn um hríð, síðan vaknaðu menn í herberginu. Konúngr mælti: Þórarinn! segir hann, vakat hefir ek um hríð, ok hefir ek um hugleidd þá sýn, er

mér hefir fur augu borit, ok mér þikkir mikils um vert, en þat er manns fótr sá, er ek hefir engan slíkan sæð, ok þat hygg ek at enginn muni hér í kaupstaðnum finnast ljótari fótr, ok það nú aðra menn at hyggja, hvárt nökkut sýndist svá, en allir sannaðu er sá, at svá var sem konúngr sagði. Þórarinn svarar, ok sá hvar til konúngr mælti: fátt er svá, herra! einhverna luta, at örvænt sè at finnist annat þvílíkt, ok þat er líkæzt, at hér sè enn svá. Konúngr mælti: heldr vil ek hinu at fylgja, at eigi muni jafnljotr fótr finnast, ok svá þóat ek skyldi veðja um. Þá mælti Þórarinn: búinn er ek at veðja um við yðr, herra! at ek skal finna í kaupstaðnum ljótara fót. Konúngr svarar: þá skal svá vera, ok skal sá okkarr kjósa bæn at öðrum, er sannara hefir; svá skal vera, segir Þórarinn, hann brá þá öðrum fætinum undan klæðunum, ok var sá engum mun fegri, en þar var af hin mesta táin. Þá mælti Þórarinn: sè hér nú, herra! annann fót, ok er sá því ljótari, at hér er af ein táin, ok á ek nú veðfèit. Konúngr svarar: er hinn því öllu ljótari at þar eru 5 tær ferligar á þeim, en hér eru 4 einar, ok á ek víst at kjósa bæn at þèr; þat er þó mælt, herra! segir Þórarinn, at þat sè jafnan ljótara, er eigi er með þeim hætti, sem Krístr hefir skapat fur öndverðu, en hér mun sannast hit fornkvæðna, at dýrt er drottins orð, eðr hverja bæn villð þèr at mér kjósa eðr þiggja? Konúngr svarar: þá, at þú flyttr Hrærek konúng

út til Grænlands, ok færir hann Leifi í Brattahlíð. Þórarinn svarar: ekki hefir ek siglt til Grænlands. Konúgr svarar: þá er þér (nú) mál at sigla til Grænlands, slíkr siglingamaðr sem þú ert, ef þú hefir þar eigi furr komit. Heyra mun ek yör láta, herra! hvers ek mundi yör biðja, ef mér bærist veðfæit; já, svarar konúgr, þat er víst til; ek vil biðja yör hirðvistar, ok ef þér veitið mér þetta, þá verð ek miklu skyldari at leggjast þessa ferðeigi undir höfuð eðr þat annat, er þér villð kraft hafa. Konúgr játti honum þessu, gerðist Þórarinn þá hirðmaðr Ólafs konúgs, játti Þórarinn þá at taka við Hrærek, ok bjó síðan skip sitt, ok er hann var albuinn, þá tók hann við Hrærek konúng, en áðr þeir Ólafr konúgr skildu, þá mælti Þórarinn: nú berr svá til, herra konúgr! sem opt verðr, at vèr komim eigi fram Grænlands ferðum, herr oss til Íslands eðr annarra landa, hversu skal ek skiljast við Hrærek konúng, svá at yör líki? Konúgr svarar: kemr þú til Íslands, þá skaltu selja hann í hendr Guðmundi Eyjólfssyni eðr Skapta lögmanni eðr öðrum höfðingjum þeim, er við honum vilja taka fur mína vináttu, ok haf þartil jartegnir mínar, hvar sem þik kann at atþera; en ef þik berr at öðrum löndum þeim, er hær eru nálægri, þá haga þú svá til, at þú vitir víst, at Hrærekr komi aldrí¹⁾ aptr í Noreg, en gjör þat því at eins, at engi sè önnur faung á.

¹⁾ lífa, b. v. C, D.

En er þyri gaf, hēlt hann útleiði fur utan eyjar allar norðr til Liðandisness, síðan stefndi hann útá aðalhaf, honum byrjaði ekki vel, hann varaðist þat mest, at koma hvergi við Noreg, hann sigldi fur sunnan Ísland, ok hafði vita af landi, ok svá vestr um landit í Grænlands haf, fēkk hann þá rettu¹⁾ stóra ok valk mikit, en er á leið haustit, tók hann Ísland í Breiðafirði. Þorgils Arason kom til þeirra furstr virðingamanna, þórarinn sagði honum orð ok vináttumál Ólafs konúnga ok jarategnir þær, er fylgðu viðtöku Hræreks konúnga. Þorgils varð við vel, ok tók þegar við Hræreki konúngi, ok var hann með Þorgilsí Arasyni um vetrinn á Reykjahólum; Hrærekr undi þar eigi lengr enn þann vetr, ok beiddi hann Þorgils, at hann skyldi láta fylgja honum til Guðmundar á Möðruvöllum. Þorgils gerði svá. Guðmundr tók við honum fur sakir konúnga orðsendingar, ok var hann með honum annann vetr, þá undi hann þar eigi lengr, fēkk Guðmundr honum þá vist á litlum bæ, er hét á Kálfskinni, ok var þar fátt hjóna, þar var Hrærekr 3 vetr, ok sagði hann svá, at síðan hann lét af konúngdómi, at honum hefði þar bezt þótt á Kálfskinni, þvíat hann var þar af öllum mest metinn. Þá tók Hrærekr konúngs sátt, þá er hann leiddi til bana; svá er sagt at hann einn konúnga hvíli á Íslandi. Þórarinn Nefjólfs.

¹⁾ retti, C.

son hafðist síðan lengi í kaupferðum, en stundum var hann með Ólafi konungi. Þat sumar er Þórarinn Nefjólsson fór til Íslands með Hrærek konungi, þá fór Hjalti Skeggjason ok til Íslands, ok leiddi Ólaf konungr hann með vingjöfum í braut, er þeir skildust. Þat sumar fór Eyvindr úrarhorn í vestrvíking, hann kom um haustit til Írlands, ok gekk til handa Konofögr íra konungi. Þeir hittust um haustit í Úlfreksfirði íra konungr ok Einarr jarl or Orkneyjum, ok varð þar orrosta mikil, hafði Konofögr íra konungr lið miklu meira ok fékk hann sigr. Einarr jarl flýði undan einskipa, ok kom um haustit heim í Orkneyjar, ok hafði þar látit flestallt lið sitt ok herfang allt, þat er þeir höfðu fengit um sumarit, ok undi jarl stórrilla við sína ferð, ok kendi þat mest Norðmönnum þeim, er verit höfðu með Konofögr íra konungi í orrostu, en þat var Eyvindr úrarhorn ok hans sveitúngar.

83. Nú er þar til máls at taka er Ólafr konungr Haraldsson fór brúðlaupsferð sína, at sækja fíestarmey sína Ingigerði, dóttur Ólafs Svfa konungs, hann hafði lið mikit ok valit svá mjök, at honum fylgði allt stórmentni, þat er hann mátti ná, hann hafði valit lið með sér bæði at ættum ok svá at gjörviligleikum; lið þat var ok búit með hinum beztum faungum at skipum ok vörnum ok klæðum. Þeir heldu nú austr til Konúngahellu, ok er þeir komu

1) Úlfelsfirði, B, D, K, S.

þar, þá spurð Ólafur konungur ekki til Svía-
konungs, voru þar ok aungvir menn komnir
af hans hendi. Ólafur konungur dvaldist þar lengi
um sumarit, ok léiddi at spurníngum ok njós-
um um, hvat menn kynni at segja honum frá
ferð eða ráðasetlan Svía konungs¹, en engi kunni
honum þar nè eitt af at segja; þá gerði hann
menn sína upp í Gautland til Rögnvalds jarls,
ok spyrja eptir hvat tilbar, er Svía konungur
kom eigi, eptir því sem ákveðit var, til stefnu
við Ólaf konung. Jarl segir at hann vissi þat
eigi: en ef ek verð þess viss, þá mun ek þegar
senda menn til Ólafs konungs, ok láta hann vita,
hvert efni í er, ef dvöl þessi er fur nökkut ann-
at enn af fjölskyldu þeim, er opt kann tilbera
um ferðir Svía konungs, er jafnan dvelst meirr
enn hann ætlar.

84. Ólafur Svía konungur átti furst frillu, er
hét Eöla, hún var dóttir jarls af Vindlandi;
börn þeirra voru þau Emundr ok Ástríðr
ok Hólmfríðr; Eöla hafði verit hertekin af
Vindlandi, ok var hún kölluð konungs ambátt;
enn gátu þau son, ok var hann fæddr á Jacobs-
messu² dag, en er skíra skyldi sveininn, þá lét
hún hann heita Jacob, en þat nafn líkaði Sví-
um illa, ok kallaðu at aldri hefði Svía konungur
Jacob heitit; öll voru börn Svía konungs man-
vænlig ok fríð sýnum ok vel viti þörin. Drott-
nu

¹) hér byrjar G aptr. ²) Jacobsvöku, hin.

ing var ríklunduð ok ekki vel til stjúp barna sinna. Konúgr sendi Emund son sinn til Vindlands, ok fæddist hann þar upp með móðurfrændum sínum, ok hélt vel¹⁾ kristni lánga hríð; en Ástríðr konúngsdóttir fæddist upp í Vestra-Gautlandi at göfuga manns, er Egill hét, hún var kvennafríðust sýnum ok bezt orðfarin, glæðmælt ok lítillát, mild af fæ, ok var hún af því allra kvenna vinsælust; en er hún var fullkomin at aldri, þá var hún með Ólafi konúngi, föðursínum, ok þokkaðist þar hverjum manni vel. Ólafr konúgr var maðr ríklundaðr ok óþýðr, bæði í máli ok svá í skaplyndi; honum líkaði stórilla þat, er landherr hafði gjört at honum þys á Uppsala þingi ok heitit honum afarkostum, ok kendi þat mest Rögnvaldi jarli; engan tilbúnað lét hann hafa um brúðferðina, eptir því sem mælt var, at gipta Íngigerði, dóttur sína, Ólafi Noregs konúngi, nè svá at fara um sumarit til landamæris, at finna Noregs konúng; en er á leið sumarit ok fur vana var komit at Svía konúgr mundi þá stefnu sækja, eptir því sem mælt var, þá gjörðist mörgum manni forvitni á, hverja ætlan konúgr mundi á hafa, hvárt hann mundi halda sætt við Noregs konúng, eðr mundi hann ætla at rjúfa. Margir voru við þetta hugsjúkir, en engi var svá djarfr at þyrði at spurja konúnginn máls at um þetta, en margir kærðu þetta fur Íngigerði konúngs dóttur, ok báðu hana til at

¹⁾ ekki, F, G.

verða vísa, hverja tilætlan konúgr mundi hafa; ófús em ek þess, segir hún, at tala þar til um skipti þeirra föður míns ok Ólafs digra; henni fekk þetta mikillar áhyggju, ok var hær laungum hugsjúk um ok úkát, þvíat henni var hær ok mikil forvitni á, hverja ætlan konúgr mundi hafa, ok hvat hann mundi upptaka, grunaði hana þó þat meirr, at hann mundi eigi halda orð sín við Noregs konúgs, þvíat þat fannst á í hverju sinni, er Ólafr digri var konúgr kallaðr, at Svía konúgr varð reiðr.

85. Þat var einn dag at Svía konúgr reið með hauka sína ok hunda ok margt manna með honum; en er þeir fleygðu haukunum, þá drap konúgs haukr í einu renzli tvá orra, ok þegar eptir þá rendi hann enn fram ok dráp þá enn 3 orra; hundarnir ljópu niðri undir jafnfram, ok tóku hvern fuglin er á jörð kom ok færðu konúgi; konúgr tók við fuglunum, ok hældi nú mjök veiði sinni, ok sagði svá: langt mun yör til flestum, at þær veiðið svá; þeir sannaðu at svá mundi vera, ok sögðu engan konúg mundi slíka gæfu tilbera (um) sína veiði sem hann. Reið konúgr nú heim í garðinn, ok allir þeir. Konúgsdóttir var þá gengin út or herbergi sínu ok var glöð vel, en er hún sá at konúgr reið í garðinn, þá snéri hún þegar ok heilsar honum; hann fagnar henni hlæjandi, ok bar þegar fram veiði sína; sýndi henni fuglana. Hann mælti: hvar veizt þú þann konúg, dóttir! segir hann,

er jafnmikla veiði hafi fengit á lítilli stundu? Já, segir hún, góð morginveiðir er þetta, er þér hafið tekit fimm orra, en meira ágæti var þat, er Ólafr Noregs konúgr tók fimm konunga á einum morni, ok eignaðist svá allt ríki þeirra. En er konúgr heyrði þetta, þá hljóp hann af hestinum, ok snérist við henni, ok mælti: vit þú þat, Íngigerðr! svá mikla ást sem þú hefir á þeim hinum digra manni ok elsku við hann lagt, þá skaltu hans aldri njóta ok hvárki ykkart annars, skal ek heldr gipta þik þeim manni nökkurum, er mér sè vel vinátta við eigandi, en ek má aldri vera vin þess manns, er ríki mitt hefir gert svá at herfáangi ok kastat á sinni eign, ok gert mér skömm ok skaða bæði í manndrápum ok ránum. Slitu þau svá sinni ræðu, at hvártveggja var blóðreidt, gekk þá sína leið hvárt þeirra. Íngigerðr konúgs dóttir var nú vís vorðin hins sanna um furætlan Svíakonúgs, ok gerði hún sendimenn ofan í Vestra-Gautland til Rögnvalds jarls, ok lét segja honum, hvat tídt var með Svía konúgi, at brugðit var öllu sáttmáli við Noregs konúg, ok bað jarl varast ok aðra Vestr-Gauta, ok sagði þeim munduósýnan friðin af Noregs mönnum. En er jarl hafði spurt þessi tíðindi, þá sendi hann orð ok boð um allt sitt ríki, ok bað menn viðvarast, ef Noregs konúgr vildi herja á þá; jarl gjörði ok sendimenn til Olafs konúgs digra ok lét segja

¹⁾ hér byrjar E aptr.

honum, at hann vill halda öllu sáttmáli ok vin-
áttu¹, ok allt þat er þeir höfðu þezt viðmælt,
ok heiddi þess með, at hann skyldi eigi herja
á ríki hans. En er þessi orðsending kom til
Ólafs konúgs, varð hann reiðr mjök ok hug-
sjúkr, ok var þat þá nokkura daga at engi
maðr fékk orð af honum; en eptir þat átti
hann húspíng við lið sitt, hvern upp skyldi
taka, hyárt herja skyldi þegar á Vestr-Gauta,
er þeir voru þar næstir, ok á ríki Rögnvalds
jarls. Þá stóð upp Björn stallari ok talaði,
hóf þar furst er hann fór til friðgjörðarinnar
um vetrinn, ok sagði frá því, hversu jarl hafði
honum vel fagnat, hann segir ok hversu þung-
liga Svía konúgr hafði tekit þeim málum í
furstu², en sú sætt, er gjör var, segir hann, þá
var þat meirr af styrk fjölmennis ok ríki Þor-
gnýrs ok liðveizlu Rögnvalds jarls, enn þat
væri af góðvilja Ólafs Svía konúgs, ok þíkkist
ek af því vita, at konúgr mun því yalda, er
sættinni er brugðit, en þat er ekki jarli at
kenna, þvíat hann reyndi ek sannan vin yð-
varn, konúgr! Síðan talaðu margir menn, ok
kom í einn stað niðr at lyktum, at allir lattu
hernaðar, ok sögðu svá: Þóat vèr hafim lið mikit
ok frídt, þá er hær saman samnat ríkum mönnum
ok göfugum, en til hernaðar eru þezt fallnir
úngir menn, þeir er gott þíkkir at afla sér fjár
ok metnaðar, er þat ok háttir ríkra manna, ef

¹) Hér sleppr. D um sinn. . . ²) Hér byrjar J aftr,

Þeir skulu fara í hernað eðr orrostur, at þeir hafa með sér marga menn til hernaðar ok hlífðar, berjast ok opt þeir eigi verr, er lítit fê eigu, enn hinir er ríkari eru ok auðigri eru uppfæddir. Ok at fortölum þeirra var þat ráðs tekit at rjúfa leiðángriinn, gaf konúngr þá hverjum mianni heimfararleyfi, en lýsti því at annat sumar skyldi hann leiðánger úti hafa frá öllu landi, ok halda þá til móts við Svía konúng, ok hefna þessa lausmælis. Þetta líkaði öllum höfðingjum vel. Fór þá Ólafr konúngr norðr í Víkina ok settist um haustit í Borg, ok lét þá gat til draga öll faung þau, er hann þurfti til vetrar, ok sat þar um vetrinn fjölmennr.

86. Menn mæltu allt misjafnt til Rögnvalds jarls, töldu sumir hann sannan vin Ólafs konúngs, en sumum þótti þat ekki trúligt mjök, ok kölluðu hann ráða mundu því við Svía konúng, at hann haldi orð sín við Noregs konúng ok sáttmál. Þat er sagt, at Sighvatr skáld var mikill vin Rögnvalds jarls í orðum sínum, ok talaði opt fur konúngi um vináttu jarls, hann bauð konúngi at fara austr á fund Rögnvalds jarls ok njósna um, hvers hann vyrði viss frá Svía konúngi, hvat hann bærisk fur, eðr freista, ef hann mætti nökkurri sætt við koma. Ólafi konúngi líkaði þat vel, þvíat honum þótti gott fur trúnaðar mönnum sínum at tala til Ingigerðar konúngsdóttur. Öndverðan vetr fór Sighvatr skáld ok þeir 3 saman or Borg, ok austr

um Markir ok svá til Gautlands, en áðr þeir
skildu, þeir Ólafr konúgr, þá kvað Sighvatr
vísur þessar:

Nú sit þú heill, en hollir¹
hér finnumst, meirr þinnar
aptr² unds ek kem vitja,
Ólafr konúgr! mála;
skáld biðr hins, at halda³
hjálmdrifu⁴ stafr⁵ lífi,
endist leyfð, or⁶ landi
lýk ek vísu nú þvísa.

Nú eru [mál þau er mæla⁷
meir kunnum skil fleiri
orð þau er oss of varða
alls mest konúgr flestra;
guð láti þik gæta,
geðharðr konúgr! járðar,
víst hefig þann, þvíat þinnar
þú ert tilborinn, vilja⁸.

Síðan fóru þeir til Eiðaskógs, ok fengu illt far
yfir ána, eikjukarfa nökkurn, ok komust nauð-
uliga yfir. Sighvatr kvað:

Læt ek til Eiðs, þvíat óðumst
aptrhvarf, dreginn karfva,
vèr stiltum svá, valtan,
vátr, til glæps á báti;

¹) hallar, C, E, G, K, L, S; hallir, J. ²) atti, C; at, E, G, L, S. ³) haldi, C, E, G, J, L. ⁴) hjálmdrifr, C, E, S; hringdrifr, G, H, J. ⁵) viðr, B, B, K, S; þú, C; frömu, G, J. ⁶) ok, C, E, G, J, S; i, L. ⁷) mælt en mála, hin. ⁸) vís. v. i H.

taki hlægi-skip hauga
 herr, sákat ek far verra,
 lét ek til hafs á hrúti
 hætt, fór betr enn ek vetta³.

Síðan fóru þeir um Eiðaskóg; Sighvatr kvað:

Vara furst, er ek rann rastir,
 reiðr, um skóg frá Eiðum,
 menn⁴ [veit at ek mæti⁵
 meini, tólf ok eina;
 hykk á fót, en flekkum⁶
 féll sár á il hvára,
 [hvat gegnir þat þángat⁷,
 þann dag, konúng manna.

Síðan fóru þeir um Gautland, ok komu á þann
 bæ, er Hof heitir, þar var hurð aptr, ok komust
 eigi menn í húsín, sögðu at þar var heilagt ok
 engum manni lofat inn at koma; brott hurfu
 þeir þaðan; Sighvatr kvað:

Reð ek til Hofs at hæfa,
 hurð var aptr, en ek spurðumst,
 inn setta ek nef nenninn⁸
 niðr⁹ lútr, fur útan;
 orð gat ek furst¹⁰ [at furstum¹¹
 flögð bað ek, en þau þögðu¹²,
 hnektust¹³ heiðnir rekkar,
 heilagt, við þau deila.

1) hörga, B. 2) heims, hin. 3) við, v. í H. 4) of, b. v.
 hin. 5) veita för mætum, J. 6) flestum, C, E, G, L. 7)
 hvatt gengum þó þíngat, hin. 8) nætinn, J. 9) mjök, b. v.
 C. 10) fóst, B, G; fæst, C, S; flest, J. 11) af fyrðum, hin.
 12) sögðu, E, F, L. 13) hnektumst, B, E, K, S; hnekkumst, C, G.

Þá kom hann at öðrum garði, ok stóð þar hús-
freyja í durum úti, ok bað þá eigi þar inn koma,
sagði at þau bóndi áttu þar inni álfa blót; Sig-
hvatr kvað:

Gakkattu inn, kvað ekkja,
armi drengr hian! lengra,
hræðumst ek við Óðins,
erum heiðin við, reiði;
rýgr kveðst inni eiga
óþekk, sú er mér hnekkði,
álfablót, sem úlfi¹
[at vins, á bæ sínum².

Annat kveld kom hann til 3gja bónda, ok hét
hverr þeirra Ölver, ok ráku þeir hannallir út; þá
kvað Sighvatr vísu³:

Nú hafa hnekt, þeir er hnakka,
heinflets, við mér settu,
þeigi bella, þollar,
þrír samnafnar tíri;
þó sjámst⁴ hitt, at hlæði⁵
hafskiðs muni síðan
út, hverr er Ölver heitir,
alls mest reka gesti.

Þá fóru þeir enn um kveldit, ok hittu hinn 4ða
bónda, ok var sá beztr þegn þeirra; út rak sá
Sighvat; hann kvað þá vísu:

Fór ek at finna báru,
friðs vætta ek mér, síðan,

¹) úlfi, G. ²) útvin í, B, C; út vin í, E, K, L; út vin á,
G, S; otuin í, J. ³) hér sleppr. E. um áinn. ⁴) sjámst, C. ⁵)
hlæðir, hin.

brjót, þann er bragnar létu,
blik's vildastan miklu;
grefs¹ leit við mér gætir,
gestr þá er illr hinn vesti,
lítt reiðr² ek þó lýða
lastr, ef sjá er himn bazti.

Mista ek fur austan
Eiðaskóg á leiðum
Ástu buss, þá er æstag
ókristinn hal vistar;
ræks fannka ek son Saxa⁴,
saðr var aungr fur þaðra,
út var ek eitt kveld heitinn,
inni⁵, fjórum sinnum.

Ok er þeir komu til Rögnvalds jarls, kvað hann
þá haft hafa erfviða ferð; Sighvatr kvað vísu:

Átt hafa sér, þeir er sóttu,
sendimenn, fur hendi,
Sýgna gráms, með sagnir
siklínga, för mikla;
spurðist⁶ færst⁷, en⁸ furða⁹
faung eru stór viðgaungu,
vörðr veldr¹⁰ nýtr því, er norðan,
Noregs, þinnig fórum.

Drjúg gengit varð drengjum,
drengr magnar lof þengils,
æztr¹¹, til jöfra þrýstis

¹) greps, J. ²) reifi, F. ³) löst, B, C, G, J, K, S. ⁴) slíkan, B.
⁵) innann, G, J, S. ⁶) spörðumst, B, G, L; spörðust, C;
spurðumst, hin. ⁷) flest, G; F, J, L; fæst, hin. ⁸) né B; er,
J. ⁹) fírdá, hin. ¹⁰) ræð, hin. ¹¹) austr, hin.

Eiðaskógs á leiðum;
[seldir, mest¹, áðr. mildan
minn drottinn kem² ek finna,
hlunn³ af hilmis runnum
hnekt⁴ dýrliga⁵ bekkjar.

Rögnvaldr gaf Sighvati gullhring, þá tók til
orða kona ein, ok kvað hann hafa gengit til
nökkurs með þau hin svörtu augun; hann kvað
þá vísu:

Oss hafa augun þessi
íslenzk, konan! vísat
brattan stig at baugi;
björtum langt, hin svörtu;
sá hefir, mjöð-mannan! manni;
minn⁶, okunnar þínum,
fótr⁷ á fornar brautir
fulldrengila gengit.

En er Sighvatr kom heim til Ólafs konungs, ok
gekk inní höllina ok sá á hallarveggina, hann
kvað þá:

Búa hilmis sal hjálmum
hirðmenn, þeir er val⁸ grenna
hér sé ek beris [á búnum⁹
beggia kost á veggjum;
þvíat, ungr konúgr engi,
yggaust er þat, byggva¹⁰,
húsbúnaðr [at hrósa¹⁰,
höll er dýr með öllu.

1) ákyldi mér, hín. 2) kom, B; F, L. 3) hnekt, C, F.

4) dýrliga, G. 5) mín, B; C, F, J, L, S. 6) fætr, B; C, F,
L, S. 7) svan, hín. 8) ok brynju, hín. 9) dyggva, hín. 10)
á hrósa, C; hrósar, H, J.

Síðan sagði hann frá ferð sinni, ok kvað:

Hugstóran¹ bið ek heyra,

[hvers fórst², jöfur³, þessar,

þolda ek vas, ok⁴ vísur,

verðung, um för gerðag;

sendr var ek upp af⁵ öndrum

austr, svaf ek fátt í hausti,

tíð Svíþjóðar, stöðan,

svanfánga⁶ í för lánga⁷.

Ok þá er hann talaði við Ólaf konung, kvað hann vísur þessar:

Lét ek við yör, hinn itri

Ólaf! hugat⁸ málum

rétt ok, ríkan hirtag

Rögnvald, konúgr! haldit;

deilda ek máls [híns milda⁹

málma vörðu¹⁰ Hörða¹¹

[mögr! né ek heyrði heðra¹²

heð manns töfur greiðri.

Þik bað [stála stökkvir¹³

sinn halda¹⁴ vel, Rínar,

hvörn þann ef hingat árnar

húskarl, nefi jarla!

en hværr, er austr vill sinna,

¹) hugstóra, *hin*. ²) hvers fórst, *B*; hresslynds, *G*; hress fors, *S*; hressför, *J*; hresslyndr, *hin*. ³) jöfur, *B, G, J, K, S*. ⁴) en, *G*; hve, *hin*. ⁵) frá, *B*. ⁶) svanfanga, *G, J*. ⁷) vís. *v. í H*. ⁸) hugar, *B, C*; bygg at, *L*. ⁹) enn milda, *B, C*; við mildan, *G*. ¹⁰) vörðu, *B*; vörð, *C, G, H, J, K, L*. ¹¹) í Görðum, *hin*. ¹²) Hörða mögr (mögr *B*) né ek heyrði, *B, C*; harða mörg né ek heyrði, *hin*. ¹³) sólar sökkvir, *hin*. ¹⁴) halda inn, *G, F, L*.

jafnvíst er þat, lista
þengill! þinna drengja,
þar á hald und Rögnvaldi.

Ok enn kvað hann:

Fólk ræð um sik, fylkir!
flest, er ek kom vestan,
ætt, sem [yör of hittag²,
Eiríks Svía² fleiri²;
en því at⁴ jarla frænda
eins þat er rétt³ af Sveini
yör kveð ek jörð⁶ þá er áttuð⁷
Úlfs bróður líð stóðust.

Spakkr læzt⁸ Úlfr⁹ meðal ykk¹⁰
Ólafr! rekit¹¹ málum,
þau fengu [vēr þangat
þat eru svör, konúng¹²! gerva¹²;
[þá er¹³ lét jöfra¹⁴ rýrir
þær sem öngvar væri
riptar reknar heiptir
Rögnvaldr gefit¹⁵ aldar.

Öndverðan vetr fór Sighvatr or Borg, sem fur var
ritat, ok þeir 3 saman austr um Merkr ok svá til
Gautlands, ok fékk hann í þeirri ferð optliga ill-
ar viðtökur. Sighvatr skáld kom til Rögnvalds
jarls, ok var þar í góðum fagnaði lánga hríð, þá
spurr hann þat til Ingigerðar, dóttur Ólafs Svía

1) aðr um hvatti, hin. 2) svika, H, J, K, S. 3) þeirra, hin.
4) et, b. v. B. 5) tókt, hin. 6) örð, J. 7) náðu, J; náðut, hin.
8) lét, hin. 9) Úlf, C. 10) okkr, K. 11) tekit, B, C, H, J, L. 12)
svör sætta, sakar leggit þit beggja, hin. 13) þar, F, L; þær,
hin. 14) þjófa, C, G, H, J, K, L, S. 15) kveðit, C, G, L.

konúnga, at komit höfðu til föður hennar sendi-
menn Jarizleifs konúnga austan or Hólmgarði
þess erindis, at biðja Ingigerðar til handa Jarizleifi
konúnga, ok þat með, at Ólafr Svía konúnger tók
þessu máli alhvænt; þá kom ok til jarls, meðan
Sighvatr var þar, Ástríðr, dóttir Ólafs Svía kon-
únga, var þar þá fögur veizla gjör. Gjörðist
Sighvatr þá brátt málkunnigr konúngsdóttur,
kannaðist hún brátt við hann, þvíat Ottarr svarti,
systurson Sighvats, hafði þar lengi verit í kær-
leikum málum með Ólafi Svía konúnga, föður
hennar; þá var þar margt talat. Jarl spurð
þá Sighvat, hvat hann ætlaði, hvárt Ólafr Noregs
konúnger mundi fá vilja Ástríðar; ok ef hann vill
þat, segir jarl, þá munu vér ekki at því spurja
Svía konúng um þetta mál, hvárt sem honum
líkar betr eðr verr. Slíkt hit sama sagði Ástríðr
konúngsdóttir. Eftir þat fóru þeir Sighvatr
heim, ok komu heim litlu fur jöl til Borgar á
fund Ólafs konúnga. Brátt sagði Sighvatr Ólafi
konúnga þau tíðindi sem hann hafði spurð, varð
hann furst fárr ok ókátr, er Sighvatr sagði hon-
um bönorð Jarizleifs konúnga, ok sagði konúnger
svá, at honum var ílls væn af Svía konúnga, nærr
sem vér fáim honum þat góldit með nökkuru
móti. En er frá leið, þá spurð konúnger margra
tíðinda austan af Gautlandi. Sighvatr segir
honum mikit af fríðleik Ástríðar konúngsdótt-
ur ok málsnild hennar, konúnga féll þat vel í
eyru. Sagði Sighvatr honum þá allar ræður

Þeirra Rögnvalds jarls ok Ástríðar konungsdóttur, er þau öll saman hafa talat sín í milli, ok fannst konungi márt um, ok mælti svá: eigi mun Svía konungr þat hyggja, at ek muni þora at fá dóttur hans utan hans vilja; en ekki var þetta mál borit fur alþýðu at svá búnu. Ólafr konungr ok þeir Sighvatr 2 saman töluðu ept um þetta mál sín á milli. Ólafr konungr spurð Sighvat eptir vandliga, hvat hann kannaði af um Rögnvald jarl, hverr vinr hann er várr. Sighvatr segir sem var, at jarl var hinn mesti vinr Ólafs konungs; þá kvað Sighvatr vísu þessa:

Fast skaltu ríkr við ríkan
Rögnvald, konungr! halda,
hann er þýðr af þinni
þörf nátt ok dag, sáttum;
þann veit ek, þínga kennir!
þik beztan vin miklu
á Austrvegu eiga
allt með rauða salti.

87. Eptir jól fór Þórðr skotakollr, sonr Sighvats, ok annar skósveinn hans² með honum leyniliga frá hirðinni, þeir fóru austr á Gautland, þeir höfðu báðir áðr um haustit farit austr þannig með Sighvati. En er þeir komu til hirðar jarls, þá báru þeir fram jartegnir þær, er þeir jarl höfðu gjört með sér at skilnaði; ok þegar jafnan skjótt býst jarl til ferðar, ok með

¹) systurson, C, F, G, J, L. ²) Sighvats, L.

honum Ástríðr konungsdóttir, ok höfðu nærr hundrað manna ok valit lið at vǫpnum ok klæðum ok hestum; riðu síðan leið sína norðr í Noreg til Sarpsborgar, ok komu þar at kyndilmessu. Ólafr konúgr hafði látit viðbúast, var þar allskonar drykk, er beztan mátti fá, ok öll önnur fœng voru hin beztu; ok hann hafði þá stefnt til sín or héraðum mörgum göfgum mönnum. En er jarl kom þar liði sínu, þá fagnaði konúgr honum vel, ok voru jarli fengin herbergistór ok góð ok búin ítarliga, ok þar með þjénustumenn, ok þeir menn er þar skyldu fur sjá, at engan lut skyrti þann, er veizlu mætti prýða. En er sú veizla hafði staðit nokkura daga, þá gekk konúgr ok jarl ok konungsdóttir á málstefnu, leitaði Ástríðr konungsdóttir marga vega eptir spakliga um sætt milli föður hennar ok Ólafs konungs, en Ólafr konúgr sagðist gjarna vilja sættast, ef Svía konúgr haldi orð sín, ok gipti honum Íngigerði dóttur sína. Ástríðr svarar: sá einn lutr er svá, at faðir minn tekr þvert at gipta þér Íngigerði, þvíat hann kallar ykk þat girndar ráð; nú megum vèr eigi ráða um hennar gjaforð, en þat er til vor kemr um ráðahag, þá mun þat eigi hèr hnekkja, at þetta megir girnda ráð heita. Konúgr svarar: göfgann ráðahag ætla ek at fá yðvarar, en þó hafða ek mér hinn ætlat. Þau Ólafr konúgr ok Ástríðr talaðu allan þann dag; um kveldit fór Ástríðr til síns herbergis, ok jarl með henni. Annann

dag fór Ástríðr til tals við konúng, ok leitaði enn um sættir meðal þeirra konúnganna, ok komu engu til vegar; enn 3ja dag kom hún til fundar við Ólaf konúng, ok leitaði friðar, ok kveðst ætla at fáðir hennar mundi unna honum þess ráðs, at fá hennar, en konúgr lét sér ekki um þat finnast. Nú er Ástríðr hefir marga vega spakliga eptirleitast um sætt milli konúnganna, ok sá at Ólafr vildi því at einu sættast, ef hann fengi Íngigerðar, þá mælti hún við konúng: eigi mun ek optarr þessa erendis koma á yðvarn fund, at biðja yðr, herra! friðar, þvíat ek hefir allt tillagit í mínum orðum, þat er ek hefir vit til haft, ok mundi ek eigi svá framt talat hafa, ef ek sæi eigi, hversu mikit viðlægi; nú fel ek yðr á hendr alla ábyrgð yðvarra mála, ok hygg at, svá vitr maðr sem þú ert af öllum taldr, hvat þú gefr í milli tveggja systra, þeirra er sumir menn kalla eigi svá mikinn mun vera, er þú vill berjast til annarrar, en nítir annarri, þó at nálíga bjóðist þér, er þess ok meiri vãn, at þér gefið mjök margra kristinna manna líf við yðvarri þrályndi. Ok er hún hafði svá mælt, þá segir svá, at hún reið í brott með sínu föruneyti; þá gekk konúgr á einn haug, er þar var skamt á brott, ok kvað vísu þessa:

‘Fjögr stóð ek meðan bar brúði
blakkr ok sag’ á sprakka

1) sat, L.

oss lét yndis missa
 augfögur kona af haugi;
 [keyrði gefn¹ or garði
 góðlát vala slóðar²
 eyk ek en eitt mein sækir
 jarl hvern konan snarlig.

Satt er þat, segir konúngr, er Ástríðr sagði, at mikill glæpr er þat, at gefa margra kristinna manna líf í milli tveggja systra, ok þó eigi ráðit hvart vèr næðim þeirri, er oss er meiri hugr á, ok skal nú sækja Ástríði, ok vil ek enn tala við hana. Var þá svá gjört, kom hún enn til konúngs, ok sátu þau jarl öll samt á tali, ok kom þat upp af tali þeirra, at sú ráðagerð var höfð, at Rögnvaldr jarl fastnaði Ólafi konúngi Ástríði, dóttur Ólafs Svía konúngs, með þeirri allri heiman fylgu, er haft skyldi hafa Íngigerðr, systir hennar; var nú veizlan aukin af nýju, ok var þá drukkit brúðkaup Ólafs konúngs ok Ástríðar drottníngar með vegsemd mikilli. Eptir þat fór Rögnvaldr jarl aptr til Gautlands, ok at skilnaði veitti Ólafr konúngr jarli góðar gjafar, ok skildust hinir kærastu vinir, ok héldu því meðan þeir lifðu báðir.

88. Eptir um vârit komu til Svíþjóðar sendimenn Jarisleifs konúngs austan af Hólmgarði, ok fóru at vitja mála þeirra, er Ólafr konúngr hafði áðr um sumarit hētit, at gipta dóttur sína Íngigerði Jarisleifi konúngi. Hún

¹) þey var gefit, L. ²) slóðir, L.

segir svá, þá er Ólafr konúgr leitaði þeirra mála við hana, ok sagði þat vera sinn vilja: ef ek skal gipast Jarizleifi konúgi, segir hún, þá vil ek hafa í tilgjöf mína Aldeigjuborg, ok þat¹ ríki er þar liggr til, vil ek ok þá ráða fyrir því ríki, er þar liggr, slíkt er mér líkar, ok skipa þeim yfir, er ek vil. Sendimenn játtu þessu af hendi Garða konúgs. Þá mælti Íngigerðr til Ólafs konúgs, föður síns: ef ek skal fara austr í Garðaríki, ok gera þat eptir þínum vilja, faðir! þá vil ek kjósa mann þann or Svíaríki, er ek vil, ok mér þíkkir bezt tilfallinn mér at fylgja, vil ek ok þat tilskilja við yör alla saman, at sá maðr hafi eigi minni nafnbót austr þar enn hér, ok í engann stað minni metorð nè verra rétt, enn hann hefir hér í Svíþjóð. Þessu játti konúgr ok allir þeir, seldi konúgr ok sendimenn trú sína til þessa máls. Þá spurr konúgr Íngigerði, hvern sá maðr væri í hansríki, er hún vill kjósa til fylgðar við sik. Hún svarar: sá maðr er Rögnvaldr jarl Úlfsson, frændi minn. Konúgr svarar: ann-
enn veg hefi ek ætlat at launa honum drott-
inssvikin þau, er hann fór til Noregs í vetr með dóttur mína, ok seldi hana til frillu þeim hinum digra manni, er hann vissi mestan áðr vörn úvin, ok skal hann heldr fur þá sök uppihánga þetta sumar. Íngigerðr bað þá föður sinn efna orð sín ok halda trú sína, er hann

¹) jarls, K, S.

hafði áðr selt henni; kom þá svá af fortölum hennar ok bæn, at konúgr sagði at Rögnvaldr jarl skyldi fara í griðum á brott or Svíaveldi, ok koma eigi í Svíþjóð meðan Ólafr væri konúgr fyrir Svíaveldi. Íngigerðr sendi þá menn á fund Rögnvalds jarls, ok lét segja honum þessi tíðindi, ok gerði honum stefnulag, hvar þau skyldu hittast. Jarl bjóst þegar til ferðar, ok reið upp í Eystra-Gautland, fékk sér þar skip ok hélt liði sínu til móts við Íngigerði konúngsdóttur, fóru þá síðan öll saman austr í Garðaríki, var Rögnvaldr jarl þar lengi síðan, ok þótti ágætr maðr. Synir hans voru þeir Úlfr ok Eilífr jarl.

89. Maðr er nefndr Emundr¹⁾ af Skörum, hann var lögmaðr á Vestra-Gautlandi, hann var vitr maðr ok orðsnjallr, hann var frændmargr ok stór auðigr, hann var kallaðr undirhyggjumaðr ok meðallagi trúr, hann var þá ríkast maðr í Vestra-Gautlandi, er Rögnvaldr jarl var í brottu. Þat vár, er Rögnvaldr jarl fór í brott af Gautlandi, áttu Gautar jafnan þing, ok kærðu optliga sín á milli, hvat Svía konúgr mundi tiltaka; þeir spurðu þat til sanns, at hann var þeim reiðr fur þat, er þeir höfðu vingast við Ólaf Noregs konúng, heldrenn haldit deilum viðhanni, hann bar ok sakir á þá menn, er fylgt höfðu Ástriði dóttur hans í Noreg; mæltu þat margir, at þeir skyldu leita sér trausts til Nor-

¹⁾ Eyvindr, C; Eymundr, F, G, K, L, S.

egs konúnga ok bjóða honum sína þjónustu; sumir löttu þess, ok sögðu, at Vestr-Gautar höfðu ekki styrk til þess at halda deilu ok úfrið ímóti Svíum: en Noregs konúgr verðr oss fjarri, sögðu þeir, þvíat landsmegin hans er oss fjarri, ok er hinn til furst, at gera mann til Svía konúnga, ok freista, ef sætt kemr á við hann, en ef þat fæst eigi, þá er oss kostur at leita trausts til Noregs konúnga. Báðu menn Emund at fara þessa ferð, en hann kvað já við, ok fór síðan, er hann var búinn, með 30 manna, ok komu fram í Eystra-Gautlandi, ok voru þar fur margir frændr hans ok vinir, fèkk hann þar góðar viðtökur; hann átti þar tal við alla hina vitrastu menn um þetta mál ok vandkvæði þat, er á þeim lá, ok kom allt ásamt með þeim, ok þótti mönnum mikit um siðleysu þá, er konúgr gjörði, ok þóttust trautt bera mega. Fór Emundr uppí Svíþjóð, ok átti þar tal við marga ríkismenn, ok kom þat allt í einn stað niðr, at allir urðu samþykkir við hann. Hann heldr fram ferð sinni til þess, er hann kom aptan dags til Uppsala, þar sem var konúnga atseta, tók sér þar gott herbergi, ok dvöldust þar um nóttina; eptir um daginn gekk Emundr á konúngsfund, þá er hannsat á stefnu ok fjölment um hann; Emundr gekk fur konúng, ok kvaddi, ok hneigði honum ok kvaddi hann tíguliga. Konúgr sá í móti honum, ok heilsaði honum, ok spurð hann at tíðindum. Emundr svarar: smá ein eru tíðindi

með óss Gautunum, en þat þíkkir oss ný tíðindi, er Atti¹ hinn dælski á Vermalandi fór í vetr uppá mörk með skóð sín ok boga, hann köllum vör þáingat mestan veiðimann, ok nú fékk hann á fjallinu, svá mikla grávöru, at hann hafði fyllt skóðsleða sinn, svá sem mest gat hann flutt eptir sér; þá snýr hann heim af mörkinni, þá sá hann einn dag einn íkorna², þá varð Atti svá reiðr, at hann lét lausan sleðann, en rendi eptir íkornanum, en íkorninn kom sér jafnan þar, sem þykkastr var skógrinn ok verst var eptir honum at sækja, stundum í víðarrætr, en stundum í limar upp, þá sigldi hann stundum í milli limanna ok annat trè or öðru, en er Atti skaut at honum, þá flaug æ fur neðan eör ofan, en aldri fór íkorninn svá langt undan, at eigi sæi Atti hann einart: honum varð svá mikit kapp á þessari veiði, at hann skreið þar eptir allan daginn, en eigi at heldr gat hann veidt þenna íkorna; en er myrkva tók af nótt, þá kastaði hann sér niðr á ísinn; þar sem hann var vanr á nætnar, veðr var³ ádrífanda ok kalt, en um morgunin, er ljóst var, fór Atti at leita sleða síns, ok fann aldri, síðan fór hann heim við svá búið. Slík eru mín tíðindi, herra! Konúngr svarar: lítil tíðindi, ef ekki eru meiri eör merkiligri frá at segja. Emundr svarar: var enn fur skömmu þat, er tíðindi má kalla, at

¹) Ali, C, F, alstaðar. ²) í víðinum ok skaut at honum ok misti, b. v. hín. ³) Hér sleppr I um stán.

Gauti Tólfason fór með 5 herskipum út eptir Gautelfi, en er hann lá í Ekreyjum¹, þá komu þar Danir 5 kaupskipum stórum; þeir Gauti lögðu þegar at þeim, ok vunnu skjótt 4 kaupskipin, svá at þeir létu öngan mann, en fengu of fjár, en hit 5ta skip komst á haf út, ok komu segli við ok drógu undan; Gauti fór eptir þeim einskipa, ok dró furst bezt eptir, þá tók veðrit at vaxa, ok gekk þá meira kaupskipit, sóttist þá mjök hafit, vildi Gauti þá aptr snúa, þá gerði á storm sem mestan, braut hann þá skip við Hlæsey, týndist þar fé allt, þat er á skipinu var, ok mestr luti manna, en aðrir hans förunautar skyldu bíða hans í Ekreyjum; þá komu at þeim Danir með 15 kaupskipum, ok drápu þar hvert mannsbarn, en tóku fé allt til sín, þat er hinir höfðu áðr fengit; nú gafst þeim svá ágirnir. Konúngr svarar: þetta eru mikil tíðindi ok frásögulig. Hvert er þitt erendi hígat? Eymundr svarar: ék fer, herra! at leita úrskurðar við yðr um vandræði vart Gautanna, en þat er með því móti, at lög vár skilr á ok Uppsala lög. Hvat er þat, segir konúngr, er þú vill kæra? Emundr svarar: þar voru 2 menn eðli bornir, þeir voru jafnbornir at ætt, en újafnir at eignum² ok skaplyndi, þeir deildu um jarðir, ok gerði hverr öðrum skaða lánga hrið, ok gerði sá meiri skaða, er ríkari var áðr, en þeirra deila var um síðir niðrsett ok dæmt um mál

¹) upp, S. ²) Eikreyjum, B, C, G, K, S. ³) þannig hin; ætt, A.

Þeirra á allsherjar þingi, ok laut sá at gjalda, er ríkari var, þvíat sá þótti meira hafa afgjört, en honum líkaði þat þó lítt. En at fursta sali, þá galt hann' gagl fur gás, en grís fur gamalt svín, en fur mörk gulls brends greiddi hann hálfa merk gulls, en aðra hálfa merk af leiri ok moldu, en á þat ofan hēt hann honum afarkostum þeim, er heimti fēt, ok tók hinn þó af honum þetta í sína skuld, ok þikkir oss slíkt ekki mjök réttlígt, eða hvat dæmið þer um þetta mál, herra! þvíat yðvarn dóm skulu vēr halda um alla luti hēr í Svíaveldi? Konúngr svarar: gjaldi hann fullum gjöldum, slíkt er dæmt var í furstunni, en konúngi sínum 3 slík, en ef eigi er þetta fē goldit fur jafnlengð, þá skal hann fara útlægr af allri eign sinni, falli þá fē hans hálft í konúngsgarð, en hálft til þess, er sökina átti. Emundr skírskotar þeim konúngsdómi til þeirra laga, er gengu á Uppsalaþingi. Eptir þat heilsaði Emundr á konúng, ok þakkaði honum sinn orskurð. Eymundr gekk þá út eptir þat, en þá hófu aðrir menn sínar kærur, ok sat hann þar lengi dags yfir málum manna. En er hann kom til borðs um daginn, þá spurrr hann, hvar Emundr lögmaðr væri; honum var sagt, at hann var heima í herbergi. Þá mælti konúngr: hann skal vera í boði mínu í dag; þvínæst komu inn sendingar, ok þar eptir

¹⁾ hēr sleppr G um sinn.

fóru inn leikarar með hörpur ok gígjur ok önnur saungtöl, var þá konúngr hinn kátasti, ok hafði marga ríka menn í boði sínu um daginn, ok gáði þá ekki Emundar, drakk hann þann dag allan, ok svaf afnóttina; en at morni, er konúngr vaknaði, þá hugsaði hann, hvat Emundr hafði talat um daginn, en er hann var klæddr lét hann kalla til sín spekinga sína; Ólafr konúngr hafði jafnan 12 hina mestu spekinga, þeir sátu yfir dómum með honum, ok réðu vandamálum, þat var þó eigi vandalaust, þvíat konúngi líkaði illa, ef dómum var hallat frá réttu, en eigi hlýddi at mæla í móti honum. A þeirri málstefnu tók konúngr svá til orðs, bað þángat kalla Emund lögmann; en er sendimenn komu aptr, mæltu þeir svá: herra! sögðu þeir, Emundr lögmaðr reið í brott í gær dags, þegar hann hafði snædt. Þá mælti konúngr: segið þér, góðir höfðingjar! hvat vissi lagafrètt sú, er Emundr spurði í gær. Þeir svöruðu: þér munuð þat hugsat hafa, ef þat kom nokkut til annars enn þess, sem hann mælti. Konúngr mælti: þeir 2 menn eðli bornir, er hann sagði frá at úsáttir hefði verit, ok þó annar ríkari enn annar, ok gerði hvárr öðrum skaða, þat sagði hann frá okkr Ólafi digra. Svá er rétt, herra! sem þér segið, segja þeir. Konúngr mælti: en hvar kom þat til at hann sagði, at goldit væri gagl fur gás, en grís fur gamalt svín,

¹⁾ Dómr var á voru máli á Uppsala þingi b. v. hin.

eðr leir ok mold fur hverja merk gulls? Arnviðr blindi svarar; herra! hvat er úlkara enn rautt gull ok mold, en meira skilr þó konúng ok þræl eðr þý, þær hétuð Ólafi digra dóttur yðvarri Íngigerði, er konúngborin er í allar hálfur af Uppsúa ætt², er tignust er á Norðrlöndum, þvíat sú ætt er komin af goðunum sjálfum, en nú hefir Ólafr fengit Ástríðar, en þóat hún sè konúngborin, þá er þó ambátt móðir hennar ok þó vindversk; mikill munr er þeirra konunga, er annar tekr slíkt³ með þökkum, en annar lætr sem slíkt skuli eigi svá gjört hafa, ok er þess at vãn, at eigi megi nè einn maðr⁴ jafnast við Uppsala konúng; gjöldum þar allir þökk fyrir at þetta haldist, þvíat goðin hafa lengi haft rækt mikla á ástmönnum sínum, þóat nú úrækist margir þann átrúnað. Þeir voru bræðr 3, Arnviðr blindi, hann var sýndr svá lítt, at varla var hann herfærr⁵, hann var manna snjallastr; annar hét Þorviðr stami, hann fékk eigi mælt tveim orðum lengra samfast; svá var hann stamr, hann var þar maðr djarfastr ok einarðastr; þriðl hét Freyviðr dauði, hann heyrði ekki nema æpt væri at honum; þeir bræðr voru allir auðigir menn, ríkir ákaflika ok kynstórir, forvitrir voru þeir allir ok kærir konúngi. Þá mælti konúng: hvat vitið þær til, hví Eymundr sagði frá Atta dælska? Þá svarar engi, ok leit hverr þeirra

²) Arnfiðr, C. ²) hér byrjar J apr. ³) hér byrjar E apr.

⁴) Norðmaðr, hin. ⁵) hestfær, C, E.

bræðra til annars. Konúgr mælti: segið nú. Þá mælti Þorviðr stami: atti, atti, atzsamr¹, ágjarn, illgjarn, dælskr, fólskr. Hverr á þessa sneið, segir konúgr? Þá svarar Freyviðr dauði: herra! mun nú berara, ef þat skal í orlofi yðru vera. Konúgr svarar: tala nú í orlofi, Freyviðr! slíkt er þú vill talat hafa. Freyviðr tók þá til máls: Þorviðr, bróðir minn, er vor er vitrastr, þann kallar hann allan einn atta ok atsamann², dælskan ok fólscan, þann kallar hann svá, er leiðr er friðrinn, svá at hann keppist til smárra luta, ok fær þó eigi, en hann lætr þar fur farsælliga luti stóra, sem Atti gerði; nú er ek svá daufr, at ek heyri varla hvat mælt er hjá mér, en svá hafa nú þó margir mælt, at ek hefir vel mátt skilja, at mönnum líkar illa, bæði ríkkum ok allri alþýðu þat, er þær haldið eigi orð yður við Noregs konúng, ok hitt annat, er þær rufuð allsherjar dóm, þann er dæmdr var með yðr Ólafi digra á Uppsalaþingi, en ek ætla yðr satt at segja, at eigi þurfið þær at hræðast Noregs konúng eðr Dana konúng ok engan annann, ef Svía herr vill fylgja yðr, en ef landsfólk snýst á hendr yðr með einu samþykki, þá sjám vér vinir yðrir engi ráð þau, er víst sè at duga muni. Konúgr svarar: hverir gjörast höfuðsmenn at því, at ráða land undan mér. Freyviðr mælti: allir vilja hér lög ok fullan rétt sinn, en mönnum þíkkir þat fara

¹) azamar, C. ²) azam, C, J, K, S; azan, E.

heldr fjarri fur ofríki yðru ok kappi; en þar er Emundr fór með laga frètt, þá kom þar til yðvar Ólafs digra, Noregs konúngs, ok ykkara skipti, hefir þú þar dæmt sjálf um mál ykkart, ok þann sama dóm ætla höfðingjar nú at þer skuluð hafa ok þola verða; lítið nú á, herra! hversu margir höfðingjar yðrir sitja hér nú yfir ráðagerðum með yðr; ek ætla hitt, satt at segja, at vèr sèim eigi fleirri enn 6, er þer kallið ráðgjafa yðra, en allir aðrir hygg ek at í brott sè farnir ok riðnir í hærð með einu samþykki, ok eiga þing við landsfólkit, ok yðr satt at segja, þá er hér ör uppskorin ok send um allt landit ok stefnd yðr refsing¹⁾ fur stærð ok siðleysu, þá er þú þikkir tiltaka, ok vilja menn þat eigi lengr þola yðr; allir vèr bræðr höfum verit beðnir til at eiga lut í ráðagerð þessari, en engi vðrr vildi eiga þat nafn, at heita drottinssviki, þvíat eigi var svá vðrr faðir. Konúngr tók þá til máls: hvert orráð skulu vèr nú hafa, þvíat vandi mikill er til handa borinn, gefið nú ráð til, góðir höfðingjar! þat er ek fái haldit landi mínu ok sæmd ok konúngdómi ok föðurarfi mínum, en ekki má ek deila kappi við allan Svía her. Arnviðr blindi svarar: þat sýnist mèr helzt ráð, at þer ríðið ofan í Áros með þat lið, sem yðr vill fylgja, takið þar skip yður ok farið furst út í Löginn ok gætið yðvar þar, stefnið þá til yðvar fólkinu, sliku sem fara vill, farið nú ekki með stórleik, bjóðið

¹⁾ refsiping, C, F, J.

mönnum lög ok landsrètt, drepð, svà niðr her-
öriani, þvát hún mun enn ekki svà langt kom-
in, er stund hefir verit sköm, en sendið menn
yðra í annann stað, þá sem þér trúðið bezt til fund-
ar við þá, er þetta ráð hafa meðal handa, ok freista,
ef þessi herra¹⁾ mætti með nokkru móti niðrsetjast.
Konúngr sagði, at hann vill þetta ráð gjarna
þiggja: vil ek, segir hann, at þér bræðr farið
ferð þessa, þvát ek trúi yðr bezt af mínum
mönnum öllum. Þá mælti Þorviðr stami: ek ek
mun eptir vera, en en Jacob fari, þess þess þarf.
Þá mælti Freyviðr dauði: gjörum svà, herra! seg-
ir hann, sem Þorviðr mælti, hann vill eigi
við yðr skiljast í þessum háska, en hann vill at
við Arnviðr farim, ok farim með Jacob hinn únga,
son þinn. Þessi ráðagerð var höfð, at Ólafr kon-
úngr fór til skipa sinna ok hèlt út í Löginn,
ok samnaðist brátt fjölmenni til hans, þvát
hann var blíðr ok hægr, ok bauð hverjum manni
lög ok réttindi. En Freyviðr ok Arnviðr riðu
furst útá Ullarakr, ok höfðu með sèr Jacob kon-
úngsson, ok drógu þó heldr dul á hans ferð;
þeir vorðu brátt varir við, at þar var fur samnaðr
ok herlaup, ok bændr áttu þing bæði dag ok
nótt. En er þeir Freyviðr hittu þar fyrir frændr
sína ok vini, segja þeir at þeir vilja ráðast í
flokkinn, en því taka allir feginsamliga, var
þá þegar ráðum til þeirra skotit, ok dróst þá þeg-
ar til þeirra mikit fjölmenni, ok mæla þó enn

¹⁾ kurr, C, E.

allir eitt, ok segja svá, at þeir skulu aldri lengr Ólaf at konungi hafa yfir sér: ok viljum vér eigi lengr þola honum ólög ok ofdramb, þvíat hann vill engis manns máli hlýða, þóat stórhöfðingjar segi honum sannindi. En er Freyviðr fann ákafa lýðsins, þá sá hann, í hvert óefni komit var, hann átti þá stefnu við landshöfðingja, ok talaði fur þeim ok segir svá: svá lízt mér, ef þetta stórvirki skal framfara, at taka Ólaf konung fra ríkinu, sem vér Uppsvíar munu fur því skulu vera um þetta mál, hefir hér svá jafnan verit, at þat sem Uppsvía höfðingjar hafa staðfest sín í millum, þá hafa hlýtt þeim ráðum aðrir landsmenn; eigi þurftu várir frændr at þiggja ráð at Vestr-Gautum um Svía landstjórn, nú verðum vér ok eigi þeir ættlerar, at Emundr af Skörum þurfi oss ráð at kenna, vil ek at vér bindum saman ráð vart, frændr ok vinir, þvíat hér mun vera hverr öðrum trúr ok tryggr. Þessu játuðu þeir allir, ok þótti þetta vel mælt. Eptir þat snýst allr fjöldi liðsins til þess sambands, er Uppsvía höfðingjar tóku með sér, voru þeir bræðr þá höfðingjar fyrir liðinu, Freyviðr ok Arnviðr, en er Emundr fann þat, þá grunaði hann, hvert þetta mundi verða framgengt, fór hann þá til fundar við þá bræðr, ok áttu þeir tal saman, spurr þá Freyviðr Emund: hverja ætlan hafð þér um þat, ef Ólafr Eiríksson er tekinn af lífi, sem nú er ætlat, hvern konung villð þér þá hafa yfir yör? Emundr svarar: þann er þásýnist bezt

tillfallinn, hvárt sem hann er af konunga ætt eður eigi. Freyviðr svarar: eigi viljum vér Uppsvíar þat samþykkja, at konungdómrinn gangi or ætt lángeðga enna fornu konunga á vorum dögum, meðan svá góð faung eru á, sem nú er. Ólafr konúngrá tvá sonu, ok viljum vér annann þeirra til konungs kjósa, þvíat sjaldan gefst þat vel, ef þeir menn eru til valdsmanha teknir, er ekki eru til þess ættbornir, ok kunna öngir mennu sik ógjörr enn þeir jafnan. At þessum orðum ok orskurð varð mikill rómr, ok völdu allir Jacob til konungs. Þá mælti Emúndr af Skórum: Þér Uppsvíar hafið nú vald til at ráða þessu at sinni, en hitt mun ek segja, sem eptir mun ganga, at þeir sumir, er nú vilja ekki annat heyra enn konungdómr hér í Svíþjóð gangi eigi or lángeðgatölu eður ætt, þá munu þeir hinir sömu lifa ok játa þá, er konungdómrinn mun í aðrar ættir koma, ok mun þat betr gegna. Eptir þat létu þeir bræðr Freyviðr ok Arnviðr leiddan verða, fram á þíngit Jacob konungsson, ok létu honum þar gefa konungsnafn, ok þarmeð gáfu Svíar honum Önundarnafn, ok var hann svá kallaðr, meðan hann lifði, þá var hann 11^a vetra eður 12. Eptir þat fékk Önundr konúngr sèr hirð, ok valdi með sèr höfðingja, ok höfðu þeir allir saman lið svá mikit, sem honum þótti þurfa, en hann gaf þá heimfarar leyfi bóndamúgnum. Eptir þat fóru menn í milli þeirra

1) 10, *hín*.

4 Bindi.

konúnganna, ok því næst kom svá, at þeir hitt-
ust báðir ok gerðu sætt sína, skyldi Ólafr vera
konúngr yfir landi, meðan hann lifði, hann
skyldi ok halda frið ok sætt við Noregs konúng
ok svá við alla þá menn, er í þessari ráðagerð
höfðu verit, hann skyldi vera mjúkr ok linr ok
hægr við alla sína menn; Önundr skyldi ok kon-
úngr vera, ok hafa slíkt af landinu til forráða,
sem þá sændist með þeim feðgum, en vera
skyldr at fylgja þeim bóndum, ef Ólafr konúngr
gerði þá nokkura luti, er hændr vildu eigi þola
honum. Eptir þat voru menn sendir til Noregs
á fund Olafs konúngs með þeim erendum, at
Svíá konúngr vill at þeir tryggi þar sættir sínar,
ok hann færi í stefnuleiðangr til Konúngahellu
til móts við hann. En er Ólafr konúngr digri
heyrði þessa orðsending, þá var hann enn sem
fyrr gjarn til sætta ok friðarins, ok ferr hann
með liði sínu sem ákveðit var, kom þar ok Ólafr
Svíá konúngr, en er þeir mágar fundust, þá
hinda þeir sætt ok frið með sér, var þá Ólafr
Svíá konúngr góðr viðmælis ok mjúklyndr. Svá
segir [Þorsteinn fróði¹⁾, at byggð²⁾ sú lá í Hísing,
er fylgt hafði ýmist til Noregs eðr Gautlands.
Þá mæltu konúngarnir sín í milli, ok urðu sátt-
ir, at þeir skyldu lúta um eign þá, hvárr þeirra
eiga skyldi, ok kasta til teníngum, skyldi sá
hafa, er stærri kastaði. Þá kastaði Svíá konúngr
furr, hann kastaði 6 tvö, ok mælti at Ólafr kon-

¹⁾ Fróði, C; menn, B; Ari prest, F. ²⁾ ey, E.

úngr þyrfti eigi at kasta; hann svarar ok hrísti teningana í hendi sér: enn eru tvö sex á teningum, ok er guði, drottni mínum, lítt fur enn at láta þat upphorfa; þá kastaði hann ok kom upp sex tvö; síðan kastaði Svía konúgr sex tvö, ok kvað þá þó fur allt eitt koma mundu. Ólafr Noregs konúgr kastaði eigi at stöð; var þá enn sex á öðrum, en annar hraut í sundr í tvö, ok voru þar á 7 augun, ok hafði Ólafr konúgr nú kastat 13, ok eignaðist hann svá byggðina. Ekki höfum vér heyrt getit fleiri tíðinda á þessum fundi. Skildust konúngarnir nú sáttir.

90. Eptir þessi tíðindi, sem nú hefir verit frásagt um hríð, snéri Ólafr konúgr Haraldsson liði sínu aptr í Víkina, fór þó furst til Túnbergs, hann dvaldist þar litla hríð, ok fór þá norðr í land, ok um haustit norðr allt í Þrándheim, ok lét þar búa til vetrvistar, ok settist þar um vetrinn; þá var hann einvaldskonúgr yfir landi öllu; en Haraldr konúgr enn hárfagri hafði marga fylkiskonunga undir sér; hann hafði nú með fríði fengit þann luta lands, er Svía konúgr hafði haft, en þann luta lands, er Dana konúgr hafði haft, tók hann með valdi, ok ræð fyrir þeim luta rétt sem annarstaðar í landi. Knútr Dana konúgr ræð fur Englandi í þenna tíma ok svá Danmörk, ok sat hann sjálf lengstum í Englandi, en setti höfðingja til landsstjórnar í Danmerk, ok veitti hann ekki tilkall í Noreg í þenna tíma.

91. Svá er sagt, at á dögum Haralds konungs hins hárfagra byggðust Orkneyjar, en áðr voru þar víkinga bæli. Sigurðr hét hinn fursti jarl í Orkneyjum, hann var son Eysteins glumru ok bróðir Rögnvalds Mæra jarls. En eptir Sigurð var jarl í Orkneyjum Guthormr son hans einn veir. Eptir hann tók jarldóm í Orkneyjum Torf-Einarr, son Rögnvalds jarls af Mæri, ok var hann lengi jarl yfir Orkneyjum, ok var ríkr maðr. Hálfðán hálegg, son Haralds hins hárfagra, fór á hendr Torf-Einari ok ræk hann á brott or Orkneyjum; Einarr kom aptr litlu síðar, ok drap þá Einarr Hálfðán hálegg í Rínans-ey¹. Eptir þat fór Haraldr herför í Orkneyjar, en Einarr flýði þá upp á Skotland. Haraldr konúgr lét Orkneyinga sverja sér öll óðöl í Orkneyjum fur aftöku Hálfðánar. Eptir þat sættast þeir konúgr ok Einarr jarl, gjörðist þá jarl hans maðr, ok tók þá löndin í lén af konúgi, ok skyldi þó engi gjalda skatta af, þvíat þat var herskatt mjök. Jarl galt konúgi 60 marka gulls, þá herjaði hann á Skotland, svá sem getit er í Glymdrápu³. Eptir Torf-Einar réðu landi synir hans, Arnkell ok Erlendr ok Þorfinnr hausa-kljúfr; á þeirra dögum kom í⁴ Noreg Eiríkr blóðöx, ok voru þá jarlar honum lyðskildir; Arnkell og Erlendr féllu í hernaði, en Þorfinnr réð þá löndum, ok varð gamall; synir hans voru

¹) Rínalsey, J. ²) Haraldr, *hin*. ³) Glymdrápu, B, C, E.
⁴) af B, C, S.

Þeir Arnfinnr¹, Hávarðr, Ljótr ok Skúli; móðir þeirra var² Gróa, dóttir Þorsteinsrauðs. Ófarliga á dögum Þorfinns jarls komu af Noregi synir Eiríks blóðaxar, þá er þeir flýðu fur Hákoní Adalsteinsfóstra, var þá í Orkneyjum mikill yfirgánger þeirra. Þorfinnr jarl varð bráðdauðr³; Eptir þat réðu löndum synir hans, ok eru frá þeim miklar sögur⁴; Hlöðver lifði þeirra lengst, ok ræð þá einn landi. Son hans var Sigurðr digri, er jarldóm tók eptir hann, hann var hermaðr mikill; á hans dögum fór Ólafr konúgr Tryggvason or vestrvíking með herliði sínu, hann lagði til Orkneyja, ok tók höndum Sigurð jarl í Rögnvaldsvági, hann lá þar fyrir einskipa. Ólafr konúgr bauð jarli þá fjörlausn, at hann skyldi taka skírn ok rétta trú, ok gerast hans maðr, ok bjóða trú um eyjarnar, ok því jataði jarl. Ólafr konúgr tók í gislíng son jarls, er hét Hvelpr eðr Hundi; þaðan fór Ólafr konúgr til Noregs, ok var þar konúgr, sem menn vitu; Hundi var með Ólafi konúngi nökkura vetr, ok andaðist þar, en síðan veitti jarl honum enga lyðskyldu, ok fékk dóttur Melkólfs⁵ Skota kónúngs, ok var þeirra son Þorfinnr, en synir Sigurðar jarls hinir ellri voru þeir Sumarliði ok Brúsi ok Einarr rángmuðr⁶. Fimm vetrum eðr

¹) Hlöðver b. v. hin. ²) Grelöð (Grelaug C, K) dóttir Dúngaðar jarls af Katanesi, móðir hennar var, b. v. hin. ³) sóttidauðr, hin. ⁴) hér sleppr E um sinn. ⁵) Melkólms, K, S. ⁶) ok Rögnvaldr J.

fjórum eptir fall Ólafs Tryggvasonar fór Sigurðr jarl til Írlands, en hann setti sonu sína hina ellri lands at gæta, en Þorfinn sendi hann til Skota konúnga, móðurföður síns, ok í þeirri ferð fëll Sigurðr jarl í Brjáns orrostu; en er þat spurðist til Orkneyja, þá voru synir hans til jarla teknir, Sumarliði, Brúsi ok Einarr, ok skiptu landi í þriðjunga með sèr. Þorfinnr Sigurðarson var þá 5 vetra, er Sigurðr jarl fëll; en er þat spurðist til Skota konúnga, þá gaf hann Þorfinni, frænda sínum, Katanes ok Suðrland, ok jarlsnafn með, ok fëkk mann til at gæta ríkis með honum. Þorfinnr jarl varð þegar bráðgjörri í uppvexti ok öllum þroska, hann var mikill ok styrkr, ljótr sýnum, ok þegar honum vóx aldr, var þat auðsýnt, at hann var ágjarn maðr, harðr ok grimmr ok forvitri. Þess getr Arnór jarla skáld:

Gjörri lét grund at verja
geðfrækn ok til sækja
æri¹ Einars² hlýri³
aungr mann und ský ranni⁴.

Þeir bræðr Einarr ok Brúsi voru úlfkir í skaplyndi; Brúsi var hóglyndr ok samsmaðr mikill, vitr ok vinsæll ok málsnjallr; Einarr var maðr stríðlyndr, fálátr ok óþýðr, ágjarn ok fægjarn ok hermaðr mikill. Sumarliði var líkr Brúsa at skaplyndi, ok var elztr, ok lifði þeirra skemst bræðra, hann varð sótt dauðr. Eptir andlát hans

¹) orr A. ²) annars J. ³) hlýra B, K, L. ⁴) við. v. i. C.

taldi Þorfinnr jarl til síns luta í Orkneyjum. Einar svarar því, at Þorfinnr hefði Katanes ok Suðrland, ok þau ríki er þar fylgja, ok átt hafði Sigurðr faðir þeirra; ok taldi hann þat miklu meira enn þriðjung í Orkneyjum, ok vildi því eigi unna Þorfinni skiptis; en Brúsi lét uppi skipti fyrir sína hönd: ok vil ek ekki, segir hann, ágirnast meira af landi, enn þann þriðjung, er ek á at frjálsum. Þá tók Einar undir sik 2 luti eyja, gerðist hann þá ríkr maðr en meðallagi vinsæll, hann skorti þá eigi fjölmenni, hann var í víkingu hvert sumar ok herjaði, ok hafði útboð mikil í landinu, en allmisjafnt varð til fjár í víkingunni; þá tók bóndum at leiðast þat starf ok sá kostnaðr, er þeir höfðu af þessu, en jarl hélt fram hinusama með frekju allt at einu, ok létengum manni lýða í móti at mæla, en jarl var hinn mesti ofstopamaðr; þá gerðist hallæri miklit í hans ríki af starfa þeim, er hann hafði á mönnum ok fækostnaði þeim, er þar fylgði, ok undu bændr illa við; en í þeim luta lands, er Brúsi var ok hafði, þá var ár mikit ok hóglífr bóndum; varð hann af slíku vinsæll.

92. Ámundi hét maðr ríkr ok auðigr, hann bjó í Hrosseyju í Sandvík á Laupandanesi; Þorkell hét son hans, var hann allra manna gerviligastr í Orkneyjum. Ámundi var hin vitrasti maðr, faðir hans var ok manna mest virðr í Orkneyjum. Þat var eitt vár at Einar jarl hafði útboð mikil enn, sem hann var vanr, en

bændr kurruðu þá enn illa, ok báru þetta mál fur Ámunda, ok báðu hann mæla sér nokkura forstoð við jarl. Hann svarar: jarl þessi, er vèr eigum, er óhlýðinn hvat sem talat er fur honum, ok vill þat eina hafa, er honum kemr í hug; mun ekki stoða at biðja hann nè einnar bænar hær um þetta mál, en vinátta vor jarls er góð at svá búnu, en mér þikkir við vāða búit, ef vèr verðum missáttir við hann, við skaplyndi þat, sem hvárir hafa; mun ek mér hær engu afskipta. Þá ræddu þeir þetta mál við Þorkel son hans, hann var trauðr til, ok hèt þó um síðir við áeggjan manna. En er jarl átti þíng, þá mælti Þorkell af hendi bónda, ok bað jarl vægja mönnum um álögur, ok tala upp nauðsyn bónda; en jarl svarar vel ok segir at hann skyldi mikilsvirða orð Þorkels: ek hafði ætlat at hafa 6 skip or landi, en nú skal eigi meirr hafa enn 3; en þú, Þorkell! bið eigi optarr þessar bæn- ar! Bændr þakkaðu vel Þorkatli liðveizlu sína; fór jarl í víking ok kom aptr um haustit. Eptir um vārit hafði jarl útboð, sem hann var vanr, ok átti þíng við bændr; þá talaði Þorkell af hendi bónda, ok bað hann vægja bóndum. Jarl svarar þá reiðuliga ok segir, at lutr bónda skal versna mikit við hans ræðu; gjörði hann sik þá svá óðan ok reiðan at hann segir at þeir skyldu eigi annat sumar báðir heilir á þínginu, ok sleit svá því þíngi. En er Ámundi varð þessa viss, hvat þeir Þorkell ok jarl höfðu við átt, þá bað

Ámundi Þorkel fara brott or eyjunum; fór hann þá yfir á Nes til Þorfinns jarls, en sumir flýðu til Noregs, en sumir til ýmissa landi, þeir sem voru vinir hans. Þorkell var lengi með jarl-
ipum, ok elskaðist at honum, ok því var hann kallaðr Þorkell fóstri, ok var hann ágætr maðr. Margir menn flýðu óðöl sín or Orkneyjum, ríkir ok ágætir; en er Þorfinnr jarl roskaðist, þá sendi hann sættarboð til Einars jarls, bróður síns, ok beiddist af honum ríkis þess, er hann þóttist eiga í Orkneyjum, en þat var þriðjúngr í eyjunum. Einarr tók því óbratt, at mínka ríki sitt; en er Þorfinnr jarl spurð þat, þá býðr hann liði út af Katanesi, ok fór síðan út í eyjarnar; en er Einarr jarl varð þessa varr, samnar hann liði ok ætlar at verja eyjarnar. Brúsi samnar ok liði, ok fóru til móts við þá bræðr sína, ok bar sáttmál í milli þeirra, varð þat at sætt, at Þorfinnr jarl skal hafa þriðjúng landa í Orkneyjum, svá sem hann átti at réttu; en Brúsi ok Einarr lögðu saman sinn luta landa, skyldi Einarr einn hafa forræði fur þeim í landvörn; en ef misdauði þeirra vyrði, þá skyldi sá þeirra land taka eptir annann, er lengr lifði; en sá máldagi þótti ekki mjök vera jafnligr, þvíat Brúsi átti son þann, er Rögnvaldr hét, en Einarr jarl var sonlauss. Setti Þorfinnr jarl þá sína menn at varðveita ríki þat, er hann átti í Orkneyjum, en hann var optast á Katanesi. Einarr jarl var enn optast í hernaði til Írlands eðr

Skotlands eðr Bretlands. Þat var eitt sumar er Einarr jarl herjaði á Írlandi, at hann bærðist í Úlfkelsfirði við Konofögr íra konúng, svá sem furr var ritat, at Einarr jarl fékk þar úsigr mikinn ok mannlát. Annat sumar eptir fór Eyvindr úrarhorn vestan af Írlandi, ok ætlaði til Noregs, en er stormr var veðrs, en straumar úfærir, þá snýr hann til Ásmundar vágs, ok lá þar veðrfastr nökkura hrið; ok er þat spurð Einarr jarl, þá hœlt hann þángat miklu liði, tók hann þar Eyvind úrarhorn ok lét drepa, en lét gefa grið öllum mönnum hans; ok fóru þeir austr til Noregs á fund Ólafs konúngs, ok sögðu honum aftöku Eyvindar. Konúngr svarar hér fá um, en þó fannst þat á, at honum þótti þetta mikill mannskaði ok mótgerð við sik, en um flest var hann fáræðinn, þat er honum þótti sèr mjök í móti skapi. Þorfinnr jarl sendi Þorkel fóstura út í Orkneyjar at heimta þaðan skatta sína. Einarr jarl kendi mjök Þorkeli uppreist þá, er Þorfinnr jarl hafði haft tilkall í Orkneyjar; fór Þorkell þá skyndiliga or eyjunum ok yfir á Nes, hann sagði Þorfinni at hann var þess viss vorðinn, at Einarr jarl vildi dauða hans, ef eigi hefði frændr hans ok vinir honum njósn borit: þar mun ek þann á baugi¹⁾ eiga, segir hann, at láta þann verða fund okkarn, at um skipti með oss, en þann annann, at fara lengra í braut, ok þannig sem ekki er hans vald yfir; jarl fýsti

¹⁾ áhuga, H, J.

Þess, at Þorkell skyldi fara á fund Ólafs konungs: munt þú, segir hann, mikils metinn með tignum mönnum, hvar sem þú kemr, en ek veit skaplyndi ykkart jarls beggja, at skamma stund mundizt þið til. Bjóst þá Þorkell fóstri til Noregs um haustit á fund Ólafs konungs, ok var þar um vetrinn í kærleikum miklum með Ólafi konungi; konúgr hafði Þorkel mjök við mál sín, þótti konungi, sem var, at Þorkell var vitr maðr ok skörúgr mikill; fannst konungi þat brátt í ræðum Þorkels fósttra, at hann misjafnaði mjök með þeim jörlunum í frásögnum sínum, ok var mikill vin Þorfinns jarls, en lagði þúngt til Ejnars jarls. Ok snemmendis um vart sendir Ólafr konúgr skip ok menn vestr til Þorfinns jarls um haf með þeirri orðsendíng, at hann skuli koma á hans fund. Þorfinnr jarl lagðist þá ferð eigi undir höfuð, þvíat vináttumál fylgðu orðsendíngunni.

93. Þorfinnr jarl fór nú austr á konungs fund til Noregs, ok fékk þar allgóðar viðtökur, ok dvaldist þar lengi um sumarit; en er hann bjóst vestr, þá gaf Ólafr konúgr honum lángskip gott ok mikit með öllum reiða. Þorkell fóstri ræðst þá til vestrarar með jarli, ok gaf hann honum þat skip, sem hann hafði vestan um sumarit, skildust þeir konúgr ok jarl með hinum mestum kærleikum. Þorfinnr jarl kom um haustit til Orkneyja; enn er Einarr jarl spurð þat, þá hefir hann fjölment, ok lá á skip-

⁶⁾ þannig hin; austan, A.

um. Brúsi jarl fór þá enn til móts við þá báða bræðr sína, ok bað þá sættast, kom hann þá enn því við, at þeir sættust, ok bundu þat eiðum. Þorkell fóstri var þá ok í sætt tekinn við Einar jarl, ok var þat mælt, at hverr þeirra skyldi sækja veizlu til annars, ok skyldi jarl furri sækja til Þorkels í Sandvík; en er jarl var þar á veizlunni, þá veitti Þorkell hit kappsamligasta, en jarl var ekki kátr; þar var skáli mikill, er þeir drukku í, ok dyrr á báðum endum.

94. Þann dag er jarl skyldi í brott fara, þá skyldi Þorkell fara með honum til veizlu. Þorkell sendi þá menn fram á veginn fur, þar er leiðin lá, ok þeir skyldu fara um daginn; en er þeir komu aptr, sögðu þeir Þorkeli, at þeir höfðu fundit þrennar sátir: ok hyggjum vèr svik vera, segja þeir, þvíat þeir menn voru allir með vápnum, sem til bardaga væri búnir. En er Þorkell heyrði þetta, þá frestaði hann heldr búnaðinum, ok grunaði hann, at honum mundi eigi þangat til öls boðit, sem látit var; heimtir Þorkell nú at sér menn sína; jarl bað þá búast, ok segir þeim mál at ríða; Þorkell kveðst eiga margt at annast, hann gekk stundum út en stundum inn; eldar voru á gólfi í skálanum, ok sátu menn þar við ok drukku; þá gekk Þorkell inn um aðrar dyr, ok sá maðr með honum, er nefndr er Hallvarðr, íslenzkr¹ maðr, hann lét aptr hurðina eptir

¹) ok austfirðskr at ætt, b. v. C.

þeim; Þorkell gekk innar milli eldsins ok þess er jarl sat. Jarl mælti: ert þú eigi búinn enn? Þorkell svarar: nú er ek búinn; þá hjó hann til jarls í höfuðit. Jarl steiptist fram á eldinn; þá mælti Íslendingr: hér sá ek alla versta fangaráðs, er engi dregr jarl af eldinum; hann keyrði þá til spurðuna¹⁾, er hann hafði í hendi, undir hnakkabeinit, ok kipti jarli upp at bekkinum. Þorkell ok þeir félagar gengu út aðrar dyr, enn þeir höfðu inn gengit, stóðu þar þá fúr durunum menn Þorkels alvænnaðir; en jarls menn tóku til hans, ok var hann þá dauðr, en öllum fellust hendr at hefna hans, var ok þat, at bráðum bar, ok engan varði þessa verks af Þorkeli, þvíat þeir hugðu at þat mundi allt fast, er mælt var með þeim jarli ok Þorkeli, vóru þar ok flestir vænlausir inni ok vinir Þorkels margir; bar ok svá til með því at honum varð lengra lífs auðit, hafði hann ok, þá er hann kom út, engum mun færra liðs enn jarls menn, fór hann þá til skips síns, en jarls menn á brott. Þorkell sigldi þegar austr í haf, ok var þat eptir vetrnætr, kom hann með heilu ok höldnu til Noregs, ok fór þegar á fund Ólafs konungs sem skyndiligast. Konúngr tók við honum forkunnar vel, ok lét vel yfir verki þessu. Var hann þar um vetrinn í kærleikum miklum.

95. Eptir²⁾ víg Einar's jarls tók Brúsi Jarl

¹⁾ spurðu, J. S. ²⁾ Hér byrjar E. apt.

undir sik þann luta landa, sem hann hafði haft, þvíat þat hafði á margra manna vitorði verit, hversu þeir höfðu félag sitt gert bræðr, ef misdauði þeirra vyrði, en Þorfinni jarli fannst þat réttast, at hálfar eyjar hefði hvárr þeirra; en þó hafði Brúsi þann vetr tvá luti landa. Eptir um vârit kallaði Þorfinnr jarl til við Brúsa bróðursinn, at hann vill hafa helming landa í eyjunum¹, en sagði þat með, at Brúsi þurfti eigi at hafa meirr enn þriðjúng at því skaplyndi sem hann hafði. Undi ok því, segir Brúsi, at hafa þriðjúng landa, þann sem ek tók í arf eptir föður minn, kallaði ok engi til þess mér í hendr; en nú hefir ek tekit annann þriðjúng í arf eptir bróður minn at réttum máldögum; enn þó at ek sé mjök vanfærr til at deila kappi við þik, bróðir! þá mun ek þó annars íleita enn² þess, at játa af mér með lítilmensku ok úeinurð; mun ek ok eigi ætla mér at deila kappi við þik, bróðir! meðan ek er traustlauss, slíkt traust sem þú hefir af Skota konungi, móðurföður þínum. Brúsi jarl ræðst þá til þferðar, ok fór or landi austr til Noregs á fund Ólafs konungs, ok hafði með sér Rögnvald, son sinn, var hann 10 vetra. Ok er jarl hitti konúng, tók hann vel við honum; þá bar jarl upp erendi sín fur konúng, ok

¹) en Brúsi galt eigi jákvæði til þess, áttu þeir þá þing ok stefnur at þessum málum, gengu þá at vinir þeirra, at seinja þetta mál, ok kom svá at Þorfinnr lét sér ekki annat líka enni hafa helming eyjanna, *b. v. hin.* ²) *hér sleppr I um sinn.*

segir honum allt, sem farit var með þeim bræðrum, ok bað hann styrks, til at hann gæti haldit ríki sínu fyrir Þorfinni jarli, bauð þar í mót fulla vináttu sína. Konúgr svarar, ok tók þar fyrst til, er Haraldr hárfagri eignaðist óðul öll í Orkneyjum, en jarlar höfðu haft síðan land í lèn, en aldri at eign: er þat til marks um, segir konúgr, at þá er Eiríkr blóðöx var í Orkneyjum ok synir hans, þá voru jarlar þeim lýðskyldir; en er Ólafr Tryggvason, frændi minn, kom til Orkneyja, þá gerðist Sigurðr hans maðr, faðir þinn; en nú hefi ek tekit arf allan eptir Ólaf konúng, vil ek gera þér þann kost, at þú gerist minn maðr, mun ek þá fá þér eyjarnar í lèn, skulu við þá freista, ef ek veiti þér styrk, hvárt at haldi kemr þat traust þér, eðr Þorfinni jarli traust Skota konúngs; en ef þú vill eigi þennann kost, þá mun ek leita eptir þeim eignum, er ek á vestr þar, ok várir lángeðgar hafa átt. Jarl fhugaði þetta mál fur sér, ok bar fur vini sína, ok leitaði ráðs við þá, hverju hann skyldi um svara, hvárt hann skyldi sættast at þessu við konúng ok gerast hans maðr, en hitt er mér úsýnt, hver minn lutr verðr at skilnaði vorum, segir jarl, ef ek kveð hér nei við, þvíat konúgr hefir nú gjört bert tilkall um löndin, þau er hann þíkkist eiga í Orkneyjum; en við stórræði hans, ok þat at vèr erum nú komnir í greipr honum, þá mun honum lítt fyrir þíkkja at gera slíkt af vorum kosti, sem honum

sýnist. En þó at jarli þætti á hvárttveggja andmarki; þá tók hann þann kost af at leggja allt á konúgs vald ok ríki sitt; tók þá konúgr vald yfir jarli ok forráð yfir öllum erfðalöndum hans. Gerðist jarl þá konúgsmaðr ok, batt þat sverdögum.

96. Þorfinnr jarl spurð nú þat, at Brúsi bróðir hans var farinn austr til Noregs á fund Ólafs konúgs, at sækja sér traust þangat; en fur því at Þorfinnr jarl hafði verit furr á fund Ólafs konúgs ok komit sér þar í vináttu, þá þóttist hann eiga þar vel fyrir búit, ok vissi at þar mundu margir fulltingsmenn um hans mál, en þó vænti hann at fleiri mundi vera, ef hann kæmi sjálf; gjörir hann þat ráð fur sér, at hann býst sem skyndiligast, ok siglir austr til Noregs, ok ætlaði at minni mundi vorðinn misfari þeirra bræðra, enn svá sem var; hugði hann at erenði Brúsa skyldu eigi lyktut eör yfirtekin, þá er hann kvæmi á konúgs fund; en þat varð annann veg enn hann ætlaði, þvíat þá er Þorfinnr jarl kom á konúgs fund, var lokit ok greidt um allt sáttmál konúgs ok Brúsa jarls; vissi ok Þorfinnr jarl eigi at Brúsi hefði uppgæfit ríki sitt, furrenn hann var áðr kominn á fund Ólafs konúgs. En þegar er þeir fundust Ólafr konúgr ok Þorfinnr jarl, þá hóf konúgr upp þat hit sama tilkall við Þorfinn jarl, sem hann hafði haft við Brúsa jarl

¹⁾ af S.

um Orkneyjar, ok beiddi hann þess hins sama, at hann skyldi jata konungi þeim luta landa, er hann átti áðr. Jarl tók vel orðum konungs ok stilliliga, sagði þat at honum þótti miklu máli skipta um vingan konungs, ok ef þér, herra! þikkist liðs þurfa ímóti yðvarri vináttu, þá hafið þér áðr fullt til þess unnit af mér; en mér er eigi hent at veita yör lyðskyldu, þar sem ek er handgenginn Skota konungi. En er Ólafí konungi fannst undandráttr í svörum jarls um þessa málaleitan, er hann hafði upphafit, þá mælti konúgr: ef þú, jarl! vill ekki gjörast minnumaðr, þá er hinn kostr, at ek setja þann mann yfir eyjarnar, sem ek vil; en ek vil at þú sverfir mér þess, at veita ekki tilkall landa þeirra, ok láta þá í friði vera af þér, er ek set til landsgæzlu; en ef þú vill hvárgan þenna kost, þá mun þeim svá þikkja, er löndin varðveita, sem úfriðar muni af yör vãn, má yör þá eigi þikkja undarligt, þóat dalr mæti hóli. Jarl svarar, bað konúng gefa sér frest til at hugsa þetta mál; konúgr játti því, ok gaf jarli stund góða til umráða ok orlof at ráða um þetta við menn sína. Þá beiddi jarl þess, at konúgr skyldi ljá honum fresta til annars sumars um þettamál, ok færi hann þá furst heim, sagði heima vera hit bezta ráðuneyti sitt, en kveðst bernskr vera mjök fur aldrs, sakár.

¹⁾ hér byrjar G aptr.

Konúgr bað hann þá þegar kjósa annattveggja. Þorkell fóstri var þá með Ólafi konungi; hann sendi menn til Þorfinns jarls leymliga, ok bað hann eigi þat fur berast, hvat sem honum bjó í skapi, at skiljast svá við Ólaf konung at sinni, at þeir væri eigi sáttir, svá sem hann væri þá kominn í hendr honum. Af slíkum áminningum þótti jarl sjá, at einn mun kostur fur höndum, at láta konung ráða, þar sem komit var; þá þótti honum hinn eigi kjörligri, at eiga enga væn sjálfir sinnar ættleifðar, ok velta svárdaga til þess, at þeir skyldu hafa í ró ríki hans, er ekki voru tilkomnir. En fur því at honum þótti dýrt um brautferð sína, þá kaus hann þat af, at ganga til handa Ólafi konungi ok gerast hans maðr, svá sem Brusi hafði gjörzt. Konúgr fann þat, at Brusi var miklu úskapstærri enn Þorfinnr jarl, þóttist konúgr sjá, at hann kunnir illa öllu yfirboði, ok því trúði hann verr Þorfinnr jarli enn Brúsa at halda sættina. Sá konúgr þat, at Þorfinnr jarl þóttist eiga traust væn af Skota konungi, þótt hann tæki þessu sættmáli. Skildi konúgr þat af vitzu sinni, at Brusi jarl gekk tregliga at öllu sættmáli, en mælti þat eina um, er hann ætlaðr sér at halda; en þar er Þorfinnr jarl var, þá er hann hafði ráðit fur sér, hvern hann skyldi upptaka; þá gekk hann skjótt ok glætt at öllum skildögum, ok dró um þat engan lut, sem konúgr beiddi í furstu ok hann ákveddi; en þat grúnaði konúgr at hann mundi eptir ætla at gera sumar sættirnar.

97. Þá er Ólafr konúgr hafði hugsat allt sáttmál þeirra, þá lét hann blása til fjölmennrar stefnu, ok lét kalla þangat jarla. Þá mælti konúgr: sáttmál vart Orkneyínga jarla vil ek nú birta fur alþýðu; þeir hafa nú játat mínu eiginorði yfir öllum Orkneyjum ok Hjaltlandi, ok gjörast báðir mínir menn, ok hafa báðir bundit þat svardögum. Nú vil ek gefa Brúsa í lén þriðjúng landa, en Þorfinni annann þriðjúng, svá sem þeir hafa áðr haft; en þann þriðjúng, er átt hefir Einarr rángmuðr, bróðir þeirra, þann læt ek falla í mín garð fur þat, er hann drap Eyvind úravhorn, hirðmann minn ok kærán fèlagsmann; vil ek sjálf ráða fur þeim þriðjúngi landa, þat er ek vil, ok þat vil ek tilskilja við ykk jarla báða, at þið takið sættum við Þorkel fóstura Ámundason fur aftöku Einars, bróður ykkars; vil ek ok, at sá dómr sè undir mér, ef þið villð því játat hafa. En þat var sem annat, at jarlar ját-
aðu því öllu, sem konúgr vildi; gekk þá Þorkell fóstri fram, ok festi konúgsdóm á þessu máli. Sleit svá þessu þingi. Ólafr konúgr dæmdi fur víg Einars jarls, sem fur 3 lenda menn, en fyrir sákir skyldi niðrfalla þriðjúngr gjalda. Síðan bað Þorfinnr jarl sèr orlofs af konúngi til brautferðar, en þegar þat fékkst, þá bjóst jarl sem skjótast, ok er hann var alþúinn, var þat einn dag, þá er jarl drakk á skipi sínu, at þar

¹⁾ hér byrjar D aptt.

kom Þorkell Ámundason vaveifliga, ok lagði höfuðit í knè jarli, ok bað hann þá afgera slíkt er hann vildi. Jarl spurð, hví hann fór svá: vèr erum sáttir at konúngsdómi, ok statt þú upp, Þorkell! Hann gerði svá. Þorkell mælti: sætt sú, er konúngr gerði í milli vor Brúsa, þá mun ek henni hlíta, en þat er til þín kemr af, þá skaltu einn ráða, hvat sem þar er áær um mælt. Nú þó at konúngr hafi skilit mèr eignir eðr landsvist í Orkneyjum, þá kannek svá skaplyndi þitt, at mèr er þá gat úfært, nema ek fari í fullum yðrum trúnaði, en ella vil ek þat festa yðr, at koma aldri til Orkneyja, hvat sem konúngr hefir þar um mælt. Jarl þagnaði, ok tók seint til máls: vilt þú heldr, Þorkell! at ek dæma um okkur mál enn hlíta konúngs dómi, þá mun ek þat hafa upphaf at sætt okkarri, at þú skalt nú þegar fara með mèr til Orkneyja ok vera með mèr, ok skilja eigi við mik, nema mitt se lof til, vera ok skyldr til at verja land mitt ok allra þeirra verka, er ek vil fur þik leggja, meðan við erum á lífi báðir. Þorkell svarar: þat skal á yðru valdi sem annat, þat er ek máraða. Gekk þá Þorkell í annat sinn til jarls, ok festi honum þat, sem hann kvað á. Jarl segir, at hann mun síðarr ákveða um fegjöld, tók hann þá swardaga af Þorkeli til þessa máls, ok reðst hann þá til ferðar með jarli. Fór Þorfinnr jarl þegar í brott, er honum gaf, ok sjást þeir Ólafr konúngr aldri

¹⁾ Hér byrjar J, aptr.

síðan. Brúsi jarl dvaldist þá enn eptir, ok bjóst meirr í tómi; en áðr hann færi í brott, þá átti Ólafr konúngr stefnu við hann, ok mælti svá: þat lizt mér sem ek muni þik, jarl! hafa at trúnaðar manni vestr þar, ætla ek svá til, at þú skalt hafa 2 luti landa til forráða ok þarmeð traust mitt, svá at þú megir vel halda þik fur Þorfinni, bróður þínum, at réttu. Brúsi tók þat með þökkum at hafa 2 luti landa; dvaldist Brúsi jarl þá ekkilengi þaðan frá í Noregi, ok kom um haustit vestr til Orkneyja. Rögnvaldr, son hans, var austr eptir með Ólafi konúngi, hann var allra manna fríðastr sýnum, hárit mikit ok gult sem silki, hann var snemma mikill ok sterkr ok manna gerviligastr bæði sakir vits ok framgaungu; hann var lengi síðan með Ólafi konúngi.

98. Þá er þeir bræðr komu vestr til Orkneyja, Þorfinnr jarl ok Brúsi jarl, þá tók Brúsi tvá luti landa til forráða, en Þorfinnr þriðjung; hann var laungum á Katanesi eðr á Skotlandi, en setti mann yfir eyjarnar, hafði Brúsi þá einn landvörn yfir eyjunum; en í þann tíma var þar herskátt mjök, þvíat Danir ok Norðmenn herjaðu mjök í vestrvíking, ok komu þá opt í eyjarnar, er þeir fóru² vestr eðr vestan, ok námu þar nesnám. Brúsi jarl taldi at því við Þorfinn, bróður sinn, er hann hafði öngvar útgerðir eðr

¹) C, D, E, F, G, H, J, S, b. hér við vísu, sjá Hkr. Ol. S. h. Kap. 103. ²) Hér sleppr E um sinn.

landvörn fur eyjunum ok Hjaltlandi, en hafði skatta ok skyldir af sínum lut; þá bauð Þorfinnr jarl at hafa 2 luti landa, en Brúsi jarl hefði þriðjung: ok mun ek þá einn hafa landvörn alla sem hann. En þóat þetta skipti færi eigi fram bráða fangs, þá segir þó svá í jarla sögunum, at þat gekk við um síðir, at Þorfinnr jarl hafði 2 luti, en Brúsi jarl þriðjung, ok þó eigi furr enn Knútr konúngr hafði lagt unðir sik Noregsveldi, en Ólafr konúngr var fráfallinn. Þorfinnr jarl hefir verit göfgastr jarla í Orkneyjum ok haft mest ríki allra Orkneyínga jarla; hann eignaðist Hjaltland, Orkneyjar, Suðreyjar, hann hafði ok mikit ríki á Skotlandi ok Írlandi¹⁾, hann var hinn mesti hermaðr; hann tók jarldóm 5 vetra gamall, ok ræð jarldóminum 60 vetra eðr meirr; hann varð sötudauðr á ofanverðum dögum Haralds konúngs Sigurðarsonar, en Brúsi jarl andaðist á dögum Knúts hins ríka, litlu eptir fall Ólafs konúngs hins helga.

99. Nú skal þar taka til sögunnar, sem furr var frá horfit, at Ólafr konúngr hafði frið gjört við Ólaf Svía konúng, ok þat með at Ólafr konúngr fór þaðan norðr til Noregs í Þrándheim, hann hafði þá verit konúngr 5 vetr; þat haust bjó hann til vetrvistar í Niðarósi, ok sat þar um vetrinn. Þann vetr var með Ólafi konúngi Þorkell fóstri, sem furr var ritat. Ólafr konúngr leiddi þá mjök at spurníngum um kristnihald, hvert

¹⁾ E og þau fylg. b. v. stöku hér, sjá Hkr. Ol. S. h. Kap. 109.

væri í landinu, ok fréttist höfnum svá til, sém ekki væri kristniþaldit í, þegar norðr sótti á Hálogaland, ok þó skorti mikít á, at vel væri um Naumudali ok inn um þrándheim. Maðr er nefndr Hárekr, hann var son Eyvindar skáldaspillis, hann bjó í eyju þeirri, er Þjóttá heitir, þat er fur Hálogalandi. [Eyvindr, faðir hans, hafði verit festerkr maðr, ættstórr ok¹ skörungr mikill. Í Þjóttu bjöggu smá bændr ok eigi allfáir; Hárekr keypti þar bæ furst í eyjunni ok eigi mikinn, ok byggði þar; en á sömum² misserum hafði hann rudt í brótt öllum bóndum þeim, er þar bjöggu áðr, svá at hann átti þá einn alla eyna, ok gerði þar þá höfuðbæ mikinn. En Hárekr varð brátt vellauðigr ok spekingr mikill at viti, hann hafði haft metnað mikinn af konúngum; hann var ok í frændsemistölu við Noregs konunga, ok því hafði hann haft vináttu af Noregs höfðingjum. Gunnhildr, föðurmóðir Háreks, var dóttir þeirra Hálfðánar jarls ok Ingibjargar, dóttur Haralds hins hárfagra. Hárekr var þá heldr á efra aldri, er þetta var tíðinda; Hárekr var þá mestr virðinga maðr á öllu Hálogalandi, hann hafði haft lánga hríð finnferðir ok konúngssýslur upp á Mörkina, hafði hann haft stundum einn, en stundum aðrir menn með hon-

¹) Eyvindr hafði verit maðr ekki festerkr, hann var ættstórr ok C, F; Eyvindr hafði verit maðr ekki festerkr ok litt eignaðr, maðr ættstórr ok, C, G, L; Eyvindr hafði ekki verit auðigr maðr né ættstórr, en, J. ²) fám, hin.

um; ekki hafði Hárekr komit á fund Olafs konúnga, en þau orð höfðu farit í milli þeirra, er vingiarnlig voru, ok þann vetr, er Ólafr konúgr sat í Niðarósi, fóru enn menn í millum þeirra ok orðsendingar; þá lýsti konúgr yfir því, at hann ætlaði at fara um sumarit norðr til landsenda, en þeir Háleygirnir hugðu all misjafnt til yfirferðar Ólafs konúnga.

100. Ólafr konúgr bjóst um vðrit með 5 skipum, ok hafði nærr 3 hundruð manna, en er hann var búinn, þá byrjaði hann ferð sína norðr með landi, en er hann kom í Naumdæla fylki, stefndi hann þing við bændr, var hann þá til konúngstekinn á hverju þingi; hann lét þá ok upplesa lög þau, er hann bauð mönnum þar í landi kristni at halda, ok lagði við líf ok limar ok aleigu sök hverjum manni, er eigi vildi halda kristin lög; veitti konúgr mörgum stórar refsingar, ok lét þat ganga einn veg yfir ríkan ok fátækan; skildist hann svà við í hverju fylki, at allt fólk hét at halda kristin lög ok rétta trú; en flestir ríkir menn ok stórbændr þá gerðu veizlu í móti konúngi, fór hann allt norðr á Hálogaland. Hárekr í Þjóttu veitti konúngi kappsamliga, ok var þar allmikit fjölmenni, ok veizla hin þryðiligsta; gjörðist Hárekr þá lendrmaðr Ólafs konúnga, fékk konúgr honum þá veizlur svà stórar, sem hann hafði haft áðr af hinum fyrrum höfðingjum.

101. Maðr er nefndr Grankell eðr Gran-

ketill, auðigr bóndi, ok var þá heldr við aldr; en er hann var á unga aldri, hafði hann verit í víkingu ok verit hermaðr mikill, hann var ok atgervimaðr mikill um flesta alla luti, þá er íþróttum gegndi. Ásmundr hét son hans, ok var hann um flesta luti líkr feðr sínum eðr nökkuru framarr, þvíat þat er margra manna mál, at fur flestra luta sakir, fróðleiks ok afls ok allra íþrótta, at hann hafi hinn þriðl maðr verit bæt at sèr búinn í öllum Noregi, var hinn fursti Hákon Aðalsteinsfóstri, en annar Ólafr Tryggvason. Grankell bauð Ólafr konúngi til veizlu, ok var þar veizla hin kappsamligasta, ok veitt hit sköruligasta, leiddi Grankell konúng út með stórgjöfum. Konúngur bauð Ásmundi til sín, ok lagði til þess mörg orð, en Ásmundr vildi eigi brjótast við gæfu sinni, ok ræðst hann til ferðar með konúngi, ok gerðist síðan hans maðr, ok komst í hina mestu kærleika við konúng. Ólafr konúngur dvaldi mestan luta sumars á Hálogalandi, ok fór þar í allar þinghár, ok kristnaði þar allan lýð. Þá bjó í Bjarkey Þórir hundr, hann var ríkastr maðr norðr þáingat, hann gerðist lendr maðr Ólafs konúnga. Margir ríkir bónda synir ræðust til ferðar með Ólafr konúngi. Þá er áleið sumarit, kom hann norðan, ok snéri þá inn eptir Þrándheimi til Niðaróss, ok sat þar um vetrinn; ok þann vetr kom Þórkell fóstri Ámundason vestan af Orkneyjum, eptir er hann hafði drepit Einar jarl¹. Þat haust var í Þránd-

¹) rángmunn, b. v. D, G, J, L, S.

heimi hallæri mikit at korni, en þar hafði verit áðr góð árferð, hallærit var allt norðr í landit, ok því meira, er norðarr var, en korn var gott norðan austr í land ok svá um Upplönd; en þess naut mjök við um Þrándheim, at þar voru mikil korn forn.

102. Þat gerðist til tíðinda*, at Ólafi konungi var sagt, at bændr höfðu veizlur stórar ok fjölmennar at vetrnóttum, voru þá drykkjur stórar; konungi var sagt, at þar væri minni öll signuð Þór ok Óðni, Freyju ok Ásum, allt eptir fornum sið, þat fylgði ok þeirri sögn, at þar væri drepin naut ok ross, ok roðnir stallar með blóði ok framit blót berliga, ok veittr sá formáli, at þat skyldi vera til árbótar; þat fylgði þar, at öllum mönnum þótti þat sýnt, at goðin höfðu reiðzt því, er Háleygir höfðu til kristni horfit. En er konúgr spurr þessi tíðindi, þá sendi hann menn inn í Þrándheim, ok stefndi til sín bóndum þeim, er hann vildi tilnefna. Maðr er nefndr Ölver á Eggju, hann var kendr við bæ þann, er hann bjó á, ríkr maðr ok ættstórr, hann var höfuðsmaðr ferðar þessar af bónda hendi til konúgs. En er þeir komu á konúgs fund, þá bar konúgr á hendr þeim þessi kennsl; en Ölver svarar af bónda hendi, sagði at bændr hefði engar veizlur haft þat haust, nema gildi sín ok hvirfings drykkjur, en sumir vínaboð:

¹⁾ Hér sleppr J um sinn. ²⁾ innan or þrándheimi, b. v. C, D, G, L.

en þat, herra! segir Ölver, sem yör er sagt, frá orðtökum vorum Innþrænda, þá kunna þat allir menn sèr at varast slíkar ræður, en eigi kann ek synja fyrir heimska menn eör ölóða, hvat þeir mæla. Ölver var maör málsnjallr ok máldjærfr, enda var hann vitr maör, ok varði allar þessar sakir fur bændr; ok at lyktum mælti konúngr, at Innþrændir sjálfir skyldu bera sèr vitni um, hversu þeir væri trúaðir; fengu þá bændr allir orlof af konúngi til heimfarar; fóru þeir þá ok þegar þeir máttu.

103. Síðarr um vetrinn var konúngi sagt at bændr höfðu fjölment á Mærinni, ok voru þar blót stór at miðjum vetri, ok blótaðu þeir þá til friðar ok til vetrarfars góðs; en er konúngr þóttist sannfróðr um þetta, þá sendi hann menn til Þrándheims, ok stefndi enn bóndum út til bæjar, nefndi hann enn til þá, er honum sýndist, ok honum þótti vitrastir. Bændr áttu þá enn stefnu ok tal sín í millum um orðsending þessa, voru þeir allir ófúsastir nú til ferðarinnar, er farit höfðu áör um vetrinn; en við bæn bónda allra, þá varð Ölver enn tilskyldaör. Ok er hann kom til bæjar, fór hann brátt á konúngsfund, ok talaðu þeir mál sín með sèr; bar konúngr enn á hendr bóndum, at þeir hefði miðsvetrarblót. Ölver svarar, at bændr eru vanir at hafa allir saman jóladrykkjur víða í héraðum! ætla bændr sèr eigi svá [nærr jafnan¹⁾ um jólaveizlurnar, at

¹⁾ hnept til C, G, L, S.

eigi verði þat jafnan stór aflaup ok afgangr; nú var enn svá, herra! at vēr drukkum þat lengi síðan, en á Mærinni er mikill höfuðstaðr, sem þær vitið, en byggð mikil umhverfis, þíkkir mönnum þat gott til gleði at drekka mörgum saman. Konúngr svarar fá um, ok var heldr styggr, því at hann þóttist vita annat sannara, enn þá var uppborit; það konúngr bændr aptr fara: en ek mun viss verða af stundu, segir hann, hvat satt er, þó at þær gángið eigi við, en hversu sem her til hefir verit, þá gerið eigi slíkt optarr! Fóru þá bændr heim, ok sögðu sína ferð, ok svá þat at konúngr var heldr reiðr.

104. Ólafr konúngr hafði veizlu mikla um vārit á páskum, ok hafði marga menn í boði sínu, bændr ok bæjarmenn; en eptir páskana lét konúngr setja fram skip sín ok bera til reiða ok árar, lét þilja skipin ok tjalda, ok lét fljóta albúin fur bryggjum. Ólafr konúngr sendi menn eptir páskana inní Veradal. Maðr er nefndr Þóraldi, ármaðr konúngs, hann varðveitti konúngsbú at Haugi; konúngr sendi honum orð, at hann skyldi koma út þángat sem skjótast til hans. Þóraldi fór at orðsendingu konúngs út til bæjarins þegar með sendimönnum konúngs. Konúngr heimti hann á tal við sik, ok spurði hvat satt var um þat, er honum var sagt af síðum Innþrænda, hvárt svá er ferliga, at þeir snúast til blóta með öllu. Þóraldi svarar: þat vil ek segja þær, at ek flutti hígat til bæjarins börn mín ok

konu ok lausafé allt þat, er ek mátti með komað, en ef þú vill hafa þessa sögu af mér, þá skal þat vera á yðru valdi, munuð þér þá sjá ráð fyrir mér ok mínu hyski, mun mér þat ok allvel gegna. Konúngr mælti: seg þú þat, er ek spur, ekki skal gera á luta þinn. Þat er yör satt at segja, herra! segir Þóraldi, at ek skal rétt eptir því segja sem er, at inn um Þrándheim má kalla allt fólk heiðit í átrúnaði, þóat sumir menn sè þar skírðir at kalla; en þat er siðr þeirra at hafa blót á haustum, ok fagna þá vetri, annat blót hafa þeir at miðjum vetri, en þit 3ja at sumri, þá fagna þeir sumari; eru at þessu Eynir ok Sparbyggjar, Verdælir ok Skeynir; tólfmenn eru formenn at þessu um blótveizlurnar, ok á nú í vor at hafa blótveizluna Ólver bóndi af Eggju, hann er nú í starfi miklu á Mærinni, ok þáगत eru nú tilflutt öll faung þau, sem þarf til veizlunnar. En er konúngr varð viss hins sanna um þetta mál, þá lét hann blása saman liði sínu, ok lét segja mönnum, at til skipa skal ganga. Konúngr nefndi menn til skipstjórnar, eðrhvert hvergi skyldi til skips ganga; var þá búizt skjótt. Konúngr hafði 5 skip ok 3 hundruð¹⁾ manna, hann hélt inn eptir firði, var á góðr byr, ok töldu snekkjurnar ekki lengi fjörðin furvindinum; en þessa varði engan mann, þann sem fur var, at konúngr mundi svá skjótt koma inn þángat á þá. Konúngr kom um nóttina inn á Mæri,

¹⁾ 4. hundruð, G.

var þá þegar sleginn hríngur um húsin, var Ölyr þar handtekinn ok drepinn ok margir menn aðrir, en konúgr tók upp veizluna alla, ok lét flytja til skipa sinna ok svá lausafé allt, bæði húsbúning ok klæði ok gripi, er menn höfðu haft þangat, ok lét konúgr skipta því með mönnum sínum; konúgr lét fara heim at þeim mönnum ok bøndum, er honum þóttu mest lut hafa átt at þessum ráðum, voru sumir handteknir ok í járn settir, en sumir komust undan með hlaupi, fur mörgum var fét upptekit. Síðan stefndi konúgr þing við bændr, en sakir þess at konúgr hafði marga ríka menn höndum tekit, ok hafði þá í sinni varðveizlu, þá sýndist þat ráð frændum þeirra, at jata konúgi hlýðni, heldrenn þeir væri drepnir, ok var engi uppreist gjör í móti konúgi þat sinn í Þrándheimi; snéri konúgr þar öllu folki á rétta trú, ok setti þar kennimenn ok lét kirkjur vígja. Konúgr lagði Ölvi úgildan, en kastaði sinni eign á lausafé allt, þat er hann hafði átt, en þá menn aðra, er honum þóttu mest vera sakbítir við sik, lét hann suma drepa, suma hamla at höndum eör fótum, suma rak hann or landi, en tók fét at sumum. Fór konúgr síðan út aptr til Niðaróss.

105. Maðr er nefndr Árni Armóðsson, hann átti Þóru, dóttur Þórsteins galga. Þessi voru börn þeirra: Kálfr, Finnur, Þorbergur, A-

*) Armóðsson, S.

mundi, Kolbjörn ok Arnbjörn, Árni hét hinn yngsti. Ragnhildr hét dóttir þeirra, hana átti Hárekr or Þjóttu. Árni var lendr maðr, ríkr ok ágætr, ok mikill vinr Ólafs konúnga; þá voru með konúngi-synir hans, Kálfr ok Finn, ok voru þeir báðir í miklum kærleikum við hann. Kona sú, er átt hafði Ölver á Eggju, var úng ok fríð sýnum, ættstór ok auðig af fé, hún þótti kostur góðr, en konúngur hafði þá forráð hennar; þau Ölver áttu 2 sonu únga. Kálfr Arnason beiddist þess af konúngi, at hann gipti honum konu þá, er Ölver hafði átt, en fyrir vináttu sakir veitti konúngur honum þat, ok þar með veitti konúngur honum eignir þær allar, er Ölver hafði átt, ok gjörði hann þá lenda-mann sinn, ok fékk honum umboð sitt inn um Þrándheim; gjörðist Kálfr þá höfðingi mikill ok var forvitri.

106. Þá hafði Ólafr verit konúngur yfir Noregi 7^{te} vetr. Þat sumar komu til hans jarlar or Orkneyjum, Þorfinnr ok Brúsi, eignaðist Ólafr konúngur þá lönd þau, er þeir fóru með, svá sem furr er ritat. Þat sumar fór Ólafr konúngur um Mæri hváratveggja ok um Raumsdál inn. Um haustit¹⁾ lét hann þar taka alla hina beztu menn, bæði á Lesjum ok á Dofrum, ok vurdú þeir at taka við kristni eða þola dauða ella, eða rýma land ella, þeir er því komu við;

¹⁾ fjóra G. ²⁾ Þar gekk hann af skipum sínum, ok fór þá til Upplanda, ok kom fram á Lesjar, b. v. hin.

en þeir er við kristni tóku, fengu konungi sonu sína í gislingar ok til trúnaðar. Konúgr var þar um nótt, sem Þorarr¹ hét á Lesjum, ok setti þar presta yfir; síðan fór hann yfir Orkadál ok um Gaulardál², ok kom niðr þar, er heitir Stafabrekka, en á súfellreptir dalnum, er Ötta³ heitir, ok eru byggðir tveimmegin árinna, ok er kölluð byggðin Lóar. Konúgr mátti þá sjá eptir endilångri byggðinni, konúgr mælti þá: skaði er þat, er brenna skal byggð svá fögr, ok stefndi ofan í dal liði sínu, ok var á bæ þeim um nóttina, er Nes heitir, ok tók konúgr sér þar herbergi í lophúsi einu, ok þar svaf hann sjálf, ok þat lophús stendr enn í dag, ok hefir ekki verit gjört at því síðan. Konúgr var (þar) 5 nætr, ok skar upp herboð, ok stefndi til sín bæði af Vaga ok af Lóni⁴, ok lét þat fylgja þessu herboði, at þeir skulu annathvart halda bardaga við hann eðr þola bruna af honum, eðr taka við kristni ok fá honum sonu sína í gisling. Síðan komu þeir á konúgs fund, ok gengu á hönd honum, en sumir flýðu undan í Dala.

107. Dala-Guðbrandr hét maðr, en svá segja menn at hann væri sem konúgr yfir Dölunum, ok var þó hersir at nafnbótum; honum jafnaði Sighvatr skáld við Erling Skjálgs-son, þá er hann kvað svá:

¹) Þorarr, B; Þoruz, C; Þor D; Þora, K; Lóar, S; Þorarr, hin. ²) Ljórdal, hin. ³) Orká, S. ⁴) ok Stedal, b. v. C, D, G, L.

Einn vissi ek þér annann
 jarls brík-töpuðr¹⁾ líkan,
 víðt²⁾ ræð gumna gætir,
 Guðbrandr hét sá, landi³⁾;
 ykkir kveð ek jafna þikkja,
 ormláðs⁴⁾ háti! báða
 lýgr hinn at⁵⁾ sér lægir⁶⁾
 láðsetrs⁷⁾, er telst betri.

Guðbrandr átti son einn, svá at hér sé getit.
 Þá er Guðbrandr frá þessi tíðindi, at Ólafr
 konúgr var kominn á Lesjar⁸⁾, ok nauðgaði
 fólk til at taka við kristni, þá áskar hann upp
 herör, ok stefndi til sín mönnum or öllum
 Dölum til bæjar þess, er Húnpörp⁹⁾ heitir, ok
 þar komu þeir allir, ok var þat ógryn timer¹⁰⁾ liðs;
 þar liggir vagn eitt nærr, er Lógr¹¹⁾ heitir, ok
 mátti vel á skipum fara til þessa fundar.
 Guðbrandr átti þing við þá, ok sagði at sá
 maðr var kominn á Lesjar, er Ólafr hét: ok
 vill oss bjóða sið annann enn vör höfum, ok
 brjóta goð vor í sundr, ok segir hann svá, at
 hans er miklu máttugara guð enn vör ok
 meirá fur sér, ok er þat furða, er fjörðin
 brestr eigi undir honum, er hann þorir slíkt
 at mæla, eðr goð vor láta hann lengr ganga,

1) topur, B, C, D, F, L. 2) vítr, D, F. 3) landum, hin.
 4) orðláðs, C. 5) er, K, L. 6) leggr, K. 7) læggsætr, B,
 C, D, F, S; linnsetrs, G, L. 8) Lóar, hin. 9) Gunnþorp,
 D; Hundþorp, hin. 10) Lögr, hin.

ok veit ek, ef vér berum út þór ör hofi sínu ok blóthúsi, er hann stendr í á þeima bæ, ok oss hefir jafnan vel dugat í nauðsynjar, ok sér hann Ólaf ok hans menn, þá mun guð hans bráðna í sundr, ok svá hann sjálf, ok verða at alls engu, ok mun hann ekki eiga stað við sjónum hans. Þá æptu þeir upp allir senn ok mæltu, at Ólafr þessi skyldi aldri þaðan heill koma eðrlífs, ef hann mætti þá gat á fund þeirra, ok eigi mun hann þora at fara lengra suðr eptir Dölum en nú er hann kominn. Síðan ætlaðu þeir til, at fara skyldi 7 hundruð manna norðr til Breiðu, en fur þvi liði var sonr Guðbrands 18 vetra gamall, ok margir aðrir með honum ágætir menn, ok voru þeir 3 nætr á bæ þeim, er Hof heitir; kom þar margt lið til þeirra, þat sem flýit hafði af Lesjum ok Lóné¹, ok eigi vildi undir kristni ganga, en konúgr ok Sigurðr erkibiskup settu eptir kunnimenn á Lóné ok Vaga; síðan fóru þeir yfir Urguröst, ok komu niðr á Usu², ok voru þar um nóttina, ok frágu þar þau tíðindi, at lið var mikit fur þeim, ok þat með at bændr á Breiðum bjögguust til bardaga á móti konúngi. Ok er konúgr stóð upp um morgininn, þá herklæddist hann, ok fór suðr eptir Usudölum³, ok létta eigi fur en hann kom á Breiðuna, ok sá þeir þar mikinn her fur, svá sem búinn til bardaga.

¹) ok Vaga, b. v. hñ. ²) Lísu, C, F; Ausu, G; Lesjum, L.

³) Súvöllum, C, G, K, S.

Síðan fylkti konúgr liði sínu, ok ræð sjálf fylkingunni, hann orti orða á bændr, ok bauð þeim at taka við kristni; en þeir svöruðu: þú munt öðru þurfa við at koma í dag enn gabba oss ok æptu þegar heróp, ok börðu vápnunum á skjölduna. Konungsmenn ljópu þá ok fram, ok skutu spjótum til bónda; en bændr snéru þegar á flóttu, svá at fátt varð eptir; varð þá sonr Guðbrands höndum tekinn, ok gaf Ólafr konúgr honum grið, ok hafði hann með sér; þar var konúgr 3^r nætr; þá mælti konúgr við son Guðbrands: þar þú aptr til föður þíns, ok seg honum, at ek mun brátt þar koma. Síðan fór hann heim aptr, ok sagði feðr sínum þessi tíðindi, at þeir höfðu háit bardaga við Olaf konúng: en lið vart flýði þegar, svá at aldri stóð maðr eptir, en ek varð handtekinn, segir hann, ok gaf konúgr mér grið, ok bað mik fara á þinn fund, ok segja þér, at hann kemr hér brátt; nú ræð ek þér þat, faðir minn! at þú berist eigi við þenna mann. Skilja má þat, segir Guðbrandr, at barit er or þér hjarta allt: ok fórt þú fá heilli heiman, ok mun sjá ferð þín lengi uppi vera, ok trúir þú þegar á [úrað þau¹, er þessi maðr ferr með, er þér hefir mikla hneyking gjört ok þínu liði. Ok um nóttina eptir dreymdi Guðbrand, at maðr kom at honum mikill ok ljóss, svá at hann þóttist engan slíkan sæð hafa; af honum stóð mikil ógn, ok mælti

¹⁾ 4, hin. ²⁾ Órar þær, C, D, G, S.

hann son þinn fór enga sigrför, Guðbrandr! móti Olafi konungi, en miklu skaltu meiri skömum fara furðu honum, ef þú ætlar at berjast við hann, ok muntu falla sjálf ok allt lið þitt, ok munu vargar draga hræ yður, ok hrafnar slíta. Hann varð hræddr við ógn þessa, ok sagði Þórði ístrumaga, er þá var mestr höfðingi annar yfir Döllum. Hann svarar: slíkt hit sama dreymdi mik í nótt, ok mun þetta vera nökkut. Ok um morgininn létu þeir blása öllu liðinu til þings, ok segja svá, at þeim þótti þat ráðligt at eiga furst þing við þann mann, er norðan fór með ný boðorð, ok vita með hverjum sannindum hann færi. Síðan mælti Guðbrandr við son sinn: þú skalt nú fara á fund konungs þessa, er þer gaf grið í bændagum, ok 12 menn með þér, ok seg honum svá, at ver viljum furst eiga þing við hann, ok sjá, með hverju hann ferr, ok gera þá síðan slíkt af sem oss sýnist. Þeir fóru á fund konungs, ok sögðu honum þessi tíðindi, at bændr vildu hafa furst þing við hann, ok setja grið til þessa fundar milli konungs ok bónda. Konúgr segir sér þat vel líka, ok bundu síðan grið til þessa einkamála, þartil er þessi stefna væri liðin; fóru þeir aptr við svá búit, ok sögðu þeim Guðbrandi, at grið voru sett, ok konúgr fór þá til bæjar þess, er Liðstaðir heita, ok voru þar um nóttina; þá fór konúgr til þings, ok átti tal við bændr;

er væta var á mikil um daginn, síðan þíngit var sett; þá stóð konúgr upp, ok sagði at þeir á Lesjum ok á Lóni¹⁾ höfðu við kristni tekit ok brotit blóthús sín niðr ok goð, og trúu nú á sannan guð, þann er skóp himin ok jörð, ok alla lutu veit, þá er liðnir eru, ok eigi síðr hína er eigi eru framkomnir; ok síðan settist konúgrniðr. En Guðbrandr svarar: eigi vitum vèr, um hvern guð þú ræðir, kallar þú þann guð, er þú mátt eigi sjá ok enginn annarra; en vèr eigum þann guð, er hvern dag má sjá, ok er mikill furser, væntir ek at yðr skjóti þá skelk í bríngu²⁾, ef hann kemr á þíngit; en með því at þèr segið, at guð yðvarr sè svá mikill ok máttugr, at hann megi allt, þá lát þú hann svá gera, at á morgin sè skjýjat veðr, en regn ekki, ok finnumst hér þá! Konúgr fór þá heim til herbergis, ok fór með honum sonr Guðbrands í gislíng, en konúgr fékk þeim annann mann í móti. Um kveldit spurr konúgr son Guðbrands, hversu goð þeirra var gert; hann segir at þat var merkt eptir þór, hefir hann hamar í hendi, ok mikill³⁾ vexti, svá at ekki eru þeir menn, at honum sè meiri; hann er holr innan ok gjörr [undir honum⁴⁾, svá sem stallr⁵⁾ sè, ok stendr hann þar á ofan, þá er hann er úti; eigi skortir hann gull á ser ok silfr, fjórir hleifar⁶⁾ eru honum færðir hvern dag, ok þar

¹⁾ ok á Vaga; b. v. C og fylg. ²⁾ Hér sleppr D um sinn. ³⁾ Hér byrjar E, aptr. ⁴⁾ innan G. ⁵⁾ hjallr B, C, E, G. ⁶⁾ brauðs b. v. C, E, G.

með slátr at því skapi, ok leifir hann þess ekki. Síðan fóru menn í rekkjur, en konúngr vakti lengi um nóttina, ok var á bænum; en er dagr kom, stóð konúngr upp ok klæddist, ok fór til kirkju, og lét sýngja sér tíðir ok messu, ok fór síðan til borða ok þá til þings; veðri var svá farit, sem Guðbrandr hafði beidd. Á þessu þingi stóð upp Sigurðr biskup, hann hafði yfir sér kantara kápu ok biskupsmítr á höfði, en bagal í hendi sér, ok taldi trú fur bóndum, ok sagði margar jarteinir, er guð gerði bæði fur þísl sína ok eptir, ok lauk biskup sínu máli vel ok fagrliga. Þá svarar Þórðr ístrumagi: margt mælir hyrningr sjá, er staf hefir í hendi, ok uppi á sem sè veðrarhorn bjúgt; nú með því at þið félagar segið guð ykkarn svá miklar jarteinir gjört hafa, þá mælið þið við hann, at á morgin láti hann vera sólskin ok heiðviðri, ok skíni sól gladt vel, ok finnumst þá enn hér! gjörum þá annattveggja, at vèr sættumst um þetta mál, eðr höldum bardaga, ok skiljumst við þetta at sinni.

108. Kolbeinn sterki hét maðr, er var með Ólafi konúngi, hann var kynjaðr or Fjörðum, hann hafði þann búning jafnan, at hann var gyrrör sverði, ok hafði ruðdu mikla í hendi, er sumir menn kalla klumbu. Konúngr mælti við Kolbein, at hann skyldi standa nærr honum um daginn á þinginu; síðan mælti hann við menn sína: gangið þér þangat, sem skip bónda eru, í nótt, ok borið á raufar neðan, svá at eigi sè sæfær,

en ríðið í brott eykjum þeirra, þeim sem þér náðið. En konúgr var alla þá nött á bænum, ok bað þess guð, at hann skyldi leysa þetta vand-ræði með sinni mildi ok miskunsemi; en er þeir konúgr ok biskup höfðu lokit tíðum í móti degi, þá fór hann til þings, en er hann kom þar, þá voru bændr öngvir komnir, þá sá þeir mikinn fjölda fara til þings, ok báru mikit mann-líkan í milli sín, þat var glæst allt af gulli ok silfri; ok er þat sá bændr, þeir er (á) þinginu voru, þá ljópu þeir upp allir ok lutu því skrimeli; síðan var þat sett á miðjan þingvöllinn, sátu öðrumegin at bændr, en öðrumegin konúgr ok hans menn. Þá stóð upp Dala-Guðbrandr, ok mælti: hvar er nú guð þinn, konúgr! þat ætla ek, at hann beri nú heldr lágt höku-skeggit, ok svá þíkkir mér, sem nú sè minna kapp þitt ok þess hyrningsins, er þar sitr hjá þér, er þér kallið biskup, enn var hinn furra dag, þvíat nú er sá kominn, er ykk mun kyrra, ok ræðr hann öllum heimi, ok lítr hann á ykkr hvössum augum, ok sèr ek gjörla, at þið eruð yfirkomnir ok felmsfullir, ok þorið varla augum upp at sjá; nú fellið niðr hindrvitni ykkra ok hægóma, ok trúið á guð várt, er allt hefir í hendi ráð ykkart! ok lauk svá ræðunni. Konúgr mælti við Kol-beinsterka, svá at bændr heyrðu eigi: ef svá berr til í ræðu minni, at bændr líti frá guði sínu, þá skaltu ljósta hann þat högg, sem mest mátt þú. Eftir þat stóð konúgr upp, ok mælti margt

hefir þú, Guðbrandr! mælt til vor í myrgin, ok lætr þú undarlíga yfir því, er þú mátt eigi sjá guð minn, en vèr væntum at hann komi nú brátt til vor; þú ógnar oss guði þínum, er bæði er blindr ok daufr, ok má hvárki bjarga sér né öðrum, ok kemst hvergi or stað, nema borinn sé, ok væntir ek at honum sé skamt til ílls; lítið þér nú í austr, þar ferr nú guð várr með ljósi miklu! Þá rann þar sól upp, ok litu bændr allir þá gat til; en í því bili laust Kolbeinn svá goð þeirra, at þat brast allt í sundr ok ljópu þar or mýss svá stórar, sem kettir væri ok nöðrur ok ormar; en bændr vorðu svá ræddir, at þeir flýðu, hverr sem mátti, sumir flýðu til skipanna, en er þeir hrundu fram skipunum, þá ljóp þar þegar inn vatn, ok máttu þeir hvergi þeim fara, en þeir er til eykjanna ætlaðu, þá fundu þeir eigi þá. Síðan lét konúgr þá gat kalla bændr til sín, ok segir at hann vill eiga tal við þá, hurfu þeir þá aptr, ok sátu þing í annat sinn. Óláfr konúgr stóð þá upp, ok talaði: eigi veit ek, hvat skal harki þessu ok herlaupi, er þér hafið, en nú megið þér sjá, hvat guð yðvart mátti sér, er þér báruð á gull ok gersimar, ok sjáið þér nú, hverir neytt hafa þess, sem þér hafið honum gefit, þat eru ormar ok pöddur ok mýss: nú eru þeir heimskir, er á slíkt trúa, ok eigi viljaláta af heimsku slíkri; nú takið upp gull yðvart og gersimar, er nú ferr hér um völinn, ok hafið heim

¹⁾ eðl. B, G, K, S; eýðlur C; ætlar E.

til kvenna yðvarra, ok berð aldrí síðan á stokka eðr steina; en nú eru hær 2. kostir fur hendi minna vegna, sá annar, at þær takið við kristni þegar í stað, eðr þær haldið upp bardaga við mik, ok beri þeir sigr af öðrum, er guð vill, sá er ek trúi á. Þá stóð upp Dala-Guðbrandr, ok mælti: skaða mikinn höfum vèr beðit nú um guð vart; en nú með því at hann mátti eigi sèr bjarga nè viðhjálpa, þá trúi ek, at aldrí mun hann heldr mega oss hjálpa, þá viljum vèr nú heldr trúa á þann guð, konúngr! sem þær trúið á, ok þið biskup; þá tóku allir við kristni, ok skírði biskup Guðbrand ok son hans, ok setti konúngr þar eptir kennimenn, ok voru þeir nú vinir, er áðr voru úvinir. Dala-Guðbrandr lét gera kirkju á bæ sínum í Dölum.

109. Ólafr konúngr fór síðan út á Heiðmörk, ok kfistnaði þar, þvíat þá er hann hafði tekit konúngana, þá treystist hann eigi þegar eptir slík stórvirkí at fara víðara yfir landit, varð þá óvíða kristnat í þeirri ferð; en í þessari ferð létti konúngr eigi furr, enn um Heiðmerk var allt alkristnat, ok þar vígðar kirkjur ok kennimenn tilfengnir. Þaðan fór hann út á Þotn ok Haðaland, ok bætti þar síðu manna; þaðan fór hann á Ríngaríki, ok gengu menn þar allt undir kristni. Síðan frágu Raumar, at Ólafr konúngr bjóst upp þángat, ok samnaðu saman her manns, ok mæltu svá sín í milli: at þat er þeim eimuni¹ sú yfir-

¹) eimuna E; auðmunat, G.

för, er Ólafr konúgr hafði þar næstum farit, ok sögðu hann aldri svá skyldu fara optarr. En er Ólafr konúgr fór um Raumaríki með liði sínu, þá kom ímóti honum bónda samnaðr við á þá, er Mora¹ hét, ok höfðu her manns; ok er þeir fundust, þá ortu bændr þegar á um bardaga, en þó brann brátt þeirra lutr við, ok hrukku þeir þegar fur sem viðihæll, ok voru þeir barðir til batnaðar, þvíat þeir báðu þá at hafa frið við konúgr ok taka við kristni; fór þá konúgr yfir þat fylki, ok skildist eigi furr við, enn þat var alkristnat ok flestir menn skírðir. Þaðan fór hann austr í Sóleyjar, ok kristnaði þar þá byggð, þar kom þá til mótis við konúgr Ottarr skáld svartí, ok beiddist at ganga á hönd Ólafi konúngi. Þann vetr hafði andazt Ólafr Svía konúgr; þá var Önundr Ólafsson konúgr yfir Svíþjóðu. Ólafr konúgr snéri aptr á Raumaríki, var þá mjök áliðinn vetrinn, hann stefndi þá þing fjölmént í þeim stað, er síðan hefir Heiðsefisþing verit, setti hann þat í lög síðan, at til þess þings skyldu sækja Upplendingar, ok Heiðsæfislög skyldu ganga um öll Upplönd, ok svá víða annarstaðar, sem síðan hefir haldizt. En er váraði, sótti hann út til sjófarins, lét hann þá búa skip sín, ok fór um várit út til Túsbergs, ok sat þar um várit, meðan þar var fjölmennast, ok þá gat var mestr flutningr til bæjarins af öðrum löndum; var þar þá árferð góð um Víkina, ok at góðri hlít allt norðr til Staðs, en hallæri mikit allt norðr þaðan.

¹ Nicia, C, E, G, S, L. ² Heitsæfis þing, C.

110. Ólafr konúgr sendi orð á Agðir ok
lt norðr um Rogaland ok svá um Hörðaland,

konúgr vill hvárki malt nè korn nè mjöl
ðan í brott láta selja, lét þat ok fylgja, at hann
un þá gat koma með lið sitt ok fara at veizl-
m, svá sem siðvenja er til. Fór þetta boð
m þessi fylki öll, en konúgr dvaldist um
umarit í Víkinni, ok fór allt austr til landsenda.
Einarr þambarskelfir hafði verit með Ólafi Svía
onúgi, síðan er Sveinn jarl andaðist, mágr
ans, ok gerðist hans maðr, ok hafði tekit af
onum lèn mikit; en er Ólafr Svía konúgr
ar andaðr, þá fýstist Einarr at leita sèr griða af
Ólafi konúgi digra, ok höfðu þar farit orðsend-
ngar í milli þeirra um vârit; en er Ólafr kon-
úgr lá í Elfinni, þá kom þar Einarr þambar-
skelfir með nökkura menn, ræddu þeir kon-
úgr þá um sætt sína, ok samdist þat með þeim,
at Einarr skyldi fara norðr til Þrándheims, ok
hafa eignir sínar allar, ok svá þær jarðir, er Berg-
jótu höfðu heiman fylgt. Fór Einarr þá norðr
leið sína, en konúgr dvaldist lengi í Borg um
umarit.

111. Erlíngr Skjalgsson hêlt ríki sínu, svá
at allt norðan frá Sognsæ ok austr til Líðandis-
ness rêð hann einn öllu við bændr, en veizlur
konúgs hafði hann miklu minni enn furr; en
sú stóð ógn af honum, at enginn lagði í aðra skál,
enn hann vildi; konúgi þótti ofgánger at um
ríki hans. Maðr er nefnðr Áslákr fitjaskalli,

hann var mikill vin Ólafs konúngs, kynstórr maðr var hann ok ríkr. Þórólfr¹ skjálgr, faðir Erlíngs ok² faðir Áslaks, voru bræðrasynir. Ólafr konúngr setti hann niðr á Sunn - Hörðalandi, fékk honum þar lén mikit ok veizlur stórar, ok bað konúngr hann halda sik til móts við Erlíng, en þat varð ekki á þá leið, þegar konúngr var eigi nærr, varð þá Erlíngr einn at skapa ok skera ímilli þeirra, svá sem hann vildi; Erlíngr var ekki at mjúkari við Áslák; þótt hann hældi sér fram til móts við hann, fóru þeirra skipti svá, at Áslákr hélzt eigi við í sýslunni, fór hann þá á fund Ólafs konúngs, ok segir honum frá skiptum þeirra Erlíngs. Konúngr bað Áslák vera með sér: þar til er við Erlíngr finnumst. Ólafr konúngr gjörði orð Erlíngi, at hann skyldi koma til móts við hann um várit; en er þeir fundust, þá áttu þeir stefnu með sér; konúngr mælti þá: svá er mér sagt, Erlíngr! frá ríki þínu, at enginn maðr se sá norðan frá Sognsæ til Lífandisness, er frelsi sínu haldi fur þér, eru þeir þó margir menn, at óðalbornir þikkjast til vera at hafa réttindi af jafnbornum mönnum sér, hefir slíkr ofsi jafnan illa gefizt; nú er hér Áslákr, frændi þinn, ok þíkkir mér, sem hann þíkkist nokkut kulda af kenna um yör viðskipti; nú veit ek eigi, hvárt heldr er, at hann hefir sakir til þess, eðr skal hann hins at gjalda, er ek hefir hann sett yfir minn varnað; en þó at ek nefna hann til þessa,

¹) v: í hin. ²) Askell, ð. v. hin.

Þá kæra þó slíkt margir fúr oss, bæði þeir er í sýslum sitja, ok svá hinir, er búin varðveita ok veizlurnar skulu veita mér ok liði mínu. Erlíngr svarar: Því skal skjótt svara, segir hann, at þat skal neita, at ek gefa Ásláki eðr öðrum mönnum þersakir, at í yðvarri þjonustu sé; en hinu skal játa, at þat er nú, sem lengi hefir verit, at hverr várr frænda vill öðrum meiri vera; hinu öðru skal játa, at ek geri þat lostigr at beygja hálsinn fyrir yðr, konúngr! en hitt mun mér örðigra þikkja, at lúta til Selþóris, er þrælborinn er í allar ættir, þótt hann sé nú ármaðr yðvarr, ok þjóna til hans eðr annarra þeirra, er hans makar eru, þóat þér leggið metorð á. Þá lögðu til ræðu þeirra beggja vinir, ok báðu at þeir skyldu settast, sögðu sem satt var, at konúngi var at engum manni meiri styrkr enn Erlíngi þar í landi, ef hann vildi vera vinr konúngs. Í annanna stað mæltu þeir svá til Erlíngs, at hann skyldi vægja til við konúng, ok segja svá, ef hann hældist í hlýðni við konúng ok vináttu, at honum mundi þá verða all auðveldt, at koma fram því, sem hann vildi, ef þeirra vinátta hældist. Lauk svá stefnu þessari, at Erlíngr skyldi hafa hinar sömu veizlur, sem furr hafði hann haft, ok settust niðr allar sakir, þær er konúngr bar á Erlíng; skyldi þá ok fara til konúngs Skjálgr, son Erlíngs, ok vera með honum; fór ok þá Áslákr fitjaskalli aptr til búa sinna, ok voru þeir þá sáttir allir at kalla.

¹⁾ Hér sleppr E um sinn.

112. Sigurðr hét maðr Þórisson, hann var bróðir Þóris hunds í Bjarkey, hann átti Sigríði, dóttur Þórólfs skjálgs af Jaðri, systur Erlíngs. Ásbjörn hét son þeirra, hann þótti allmannvænligr í furstu; hann bjó í Ömdr^a á Þrándarnesi, hann var stórauðigr ok virðingamaðr mikill, hann var handgenginn konungi. Þórir þótti þó fur þeim bræðrum, þvíat hann var lendr maðr konungs, en heima í búnaði þótti Sigurðr í engan mun minni rausnarmaðr; hann var því vanr, meðan heiðni var, at hafa þrenn blót hvern vetr, eitt at vetrnóttum, annat at miðjum vetri, þriðja at sumri; en síðan kristni var alsíða, hélt hann teknum hætti um veizlurnar, hafði hann þá um haustit vina veizlu, en jólaboð á vetrinn, ok bauð þá enn mörgum mönnum til sín; þriðju veizlu hafði hann at páskaum, ok hafði þá enn fjölment; slíku hélt hann fram, meðan hann lifði. Sigurðr varð sótttdauðr, þá var Ásbjörn á tvítögsaldri, tók hann þá arf eptir föður sinn, hélt hann teknum hætti um veizlurnar, hafði hann þrennar á hverjum misserum, sem faðir hans hafði gjört; en í þenna tíma sem faðir hans var andaðr, en Ásbjörn tók við fjár forráðum, tók at versna árferð ok sæði manna. Ásbjörn naut þá þess við, at þar voru mikil forn korn ok önnur faung þau er hafa þurfti. En er þau misseri liðu af, en önnur komu, þá voru korn engum mun betri enn hin furri, þá vildi Sigríðr, móðir hans, at af væri teknar veizlurnar

¹⁾ Sigurdr, *hin*. ²⁾ Ömd, *hin*.

sumar eðr allar; Ásbjörn vildi þat eigi, ok fór til vina sinna, ok keypti korn þar sem hann gat, en þá af sumum at gjöf. Fór enn svá fram þau misseri, at Ásbjörn hélt öllum veizlum sínum; en eptir um sumarit fengust lítil sæði, þvíat eigi gat [forn korn¹ at kaupa; ræddi Sigrfór þá um, at fætta skyldi húskarla, en taka af veizlur allar; Ásbjörn vildi ekki þat ok hélt fram hinu sama í öllu þat sumar; korn var heldr úvænligt, þat fylgði þá ok, at þat var sagt sunnan or landi, at Ólafr konúgr bannaði þaðan at selja korn ok malt ok mjöl, þá þótti Ásbirni vandast um tilfaungin bússins, var þat þá ráð hans, at hann lét setja fram burðing, er hann átti, hann var hæfferandi at vexti, skipit var ok vandat at reiða, þar fylgði stafat segl með vendi. Ásbjörn ræðst nú til lerðar ok með honum nærr 30² manna, fóru síðan suðr með landi um sumarit, ok er ekki sagt frá ferð þeirra, furr enn þeir komu suðr við Körmat³ aptan dags, ok lögðu við Ögvaldsnes, þar var konungsbú ok ágætr hær; þar ræð furr Þórir selr, hann var ármaðr Ólafs konungs; Þórir var maðr ættsmærr, ok hafði mannast vel, hann var starfsmaðr mikill, snjallr í máli, áburðarmaðr mikill; þeir Ásbjörn lágu þar um nóttina, en um morgininn, er ljóst var, gekk Þórir til skips ofan, er hann sá at komit var, ok nökkurir menn með honum; Þórir hafði mann margt um sik; hann spurrr, hverr fur skipi ræði því hinu fagra? Ásbjörn segir

¹) frækorn, *hin.* ²) 20, C, F, G, K, L, S. ³) Karmasund, *hin.*

til sín ok föður síns. Þórir spurr hvert hann skyldi fara hit lengsta, eður hvat honum var at eyrindum. Ásbjörn segir at hann vildi kaupa sér korn ok malt ok mjöl, sagði at hallæri var mikit norður í landit: en oss er sagt at hér sé vel ært, eða vilt þú, bóndi! selja oskorn nökkut? ek sér at hér eru hjálmar stórir, væri oss þat góð orlausn, at þurfa eigi at fara lengra, eður rekast at. Þórir svarar: ek skal gera þér orlausn, at þú skalt eigi þurfa lengra at fara at kornkaupunum, eður víðara at at rekast hér um Rogaland. Ek kann þér með sannindum at segja, at þú mátt hér vel aptr hverfa, fur því at þú munt hér hvergi korn fá, hværki hér né í öðrum stöðum, þvíat konúngr bannar, at hëðan skuli seljast norður í land, ok far aptr, Háleygr! sá mun þinn hinn bezt. Ásbjörn svarar: ef svá er, sem þú segir, bóndi! at vèr munim eigi fá kornkaupin, þá mun þó eigi verða minna eyrendi mitt, en hafa kynnisvist á Sóla, ok sjá hýbýli Erlíngs, frænda míns. Þórir mælti: hversu mikla frændsemi átt þú við Erlíng? Hann svarar: hann er móðurbróðir minn. Þórir mælti: vera kann þá, at ek hafi talat ekki varliga, ef þú ert systurson hans Rýgia konungs. Ásbjörn svarar: ekki er ek orðsjúkr, félagi! Þá kastaðu þeir af sér tjöldunum, Ásbjörn ok hans menn, ok snæru út skipinu. Þórir mælti: farið nú vel ok komið hér, er þér farið aptr. Ásbjörn svarar, at svá skal vera. Fara þeir þá leiðar sinnar,

ok koma einn aptan dags síð á Jaðar; fór Ásbjörn til húss með 15da mann, en aðrir 15' gættu skips; en er Ásbjörn kom heim til bæjarins, fékk hann þar góðar viðtökur, setti Erlíngur hann hit næsta sér, ok spurð hann margt norðan or landi, ok var hinn kátasti. Ásbjörn segir honum hit ljósasta af um eyrendi sín. Erlíngur segir, at hann var þá eigi allvel atkominn, fur því at konúngur bannar mönnum kornsölur; veit ek eigi, segir hann, þeirra manna væn, er traust muni til hafa at brjóta orð konúngs. Ásbjörn svarar; seint er satt at spurja, mér hefir svá kent verit á unga aldri, at móðir mín væri frjáls borin í allar hálfur, ok svá þat með, at Erlíngur á Sóla væri ríkastr ok göfgastr allra frænda hennar: en nú heyrir ek þik þat segja, at þú sér eigi svá frjáls hér á Jaðri fur þrælum konúngs, at þú megir gera af korni þínu, þat er þú vill afgera. Erlíngur sá til hans, ok glotti við tönn, ok mælti: minna vitið þér til konúngs ríkissins Háleygirnir, enn vèr Rýgirnir, en örörðr muntu heima, frændi! er þú ert svá á búi, átt þú ok ekki lítt til þess varit, ok drekkum furst, frændi! en sjám á myrgin, hvat þá líðr um¹⁾ erendi þín; þeir gerðu svá, ok voru allkátir um kveldit, ok drukku langt á nótt fram. En eptir um daginn talast þeir við frændr, Erlíngur ok Ásbjörn; þá segir Erlíngur, at hann hefði hugsat ráð um korn-

¹⁾ 10, C, F, G, K, L, S. ²⁾ *Het byrjar D apt.*

kaup Ásbjarnar: eðr hversu vandr muntu vera um kaupunauta? segir hann. Ásbjörn svarar, at hann hirði aldrí, at hverjum hann keypti, þegar honum var heimilt selt. Erlíngr mælti: þat þíkkir mér líkara, at þrælar mínir muni eiga korn svá mikit, at þeir megí gera þik fullkaupa, þeir eru ekki í lögum eðr í öðrum landsrétt við aðra menn, ok hygg ek, segir hann, at konúngur eigi enga sök á því. Ásbjörn svarar, at hann vill þenna kost gjarna. Var þá sagt þrælunum til um þessa kaupstefnu, létu þeir þá þegar framkornit ok svá maltit, ok seldu Ásbjörni; hlóð hann skip sitt af korni ok malti. En er Ásbjörn var í brott búinn, leiddi Erlíngur hann út með vingjöfum, ok skildust þeir með kærleikum; fékk Ásbjörn byrleiði gott, ok lagði at um kveldit í Körmt á Ögvaldsnesi, ok lágu þar um nóttina. Þórir selr hafði þegar spurn af um kveldit um farar Ásbjarnar, ok svá þat, at skip hans væri hlaðit. Þórir stefnir þá til sín liði um nóttina, svá at hann hafði fur dag 60 manna; hann fór þá á fund Ásbjarnar, þegar lítt var lýst, gengu þeir þegar út á skipit, þá voru þeir Ásbjörn mjök klæddir, ok heilsaðu vel þóri. Þórir spurr, hvat þunga þeir hefði í skipi. Ásbjörn segir, at korn ok malt var á skipi. Þá mælti Þórir: þá mun Erlíngrenn gera eptir vana, at hafa fur hægómamál orð Ólafs konúngs, ok leiðist honum enn eigi þat, at vera mótsöðumaðr hans í öllu, ok er

Þat furða, er konúgr lætr honum hvatvetna hlýða, hverigar úhæfur sem hann tekr til. Þórir er þá málóði um hrið, en er (hann) þagnaði, þá svarar Ásbjörn: engisök er á Erlíngi um þetta mál, þvíat þrælar hans seldu mér kornit. Þórir svarar þá snellt, ok kveðst ekki hirða um prett þeirra Erlíngs: ok er nú hitt til, Ásbjörn! segir hann, at þér gángið á land, meðan vér ryðjum skipit, ella færum vér yör alla útbyrðis, þvíat vér viljum öngva þraung taka af yör, meðan vér flytjum farminn af skipinu, en ekki munuð þér lengra fara með faung þessi. Ásbjörn sá þá, at hann hafði ekki liðskost við Þóri, ok gengu þeir Ásbjörn á land upp ok hans förunautar, en Þórir lét flytja farminn allan af skipinu. Þórir mælti: furða gött segl hafa þeir Háleygirnir, taki byrðingssegl vart hit forna ok fái þeim, þat er þeim fullgott, er þeir sigla lausum kili; svá var gjört at þeir voru ræntir seglinu; fór Ásbjörn við svá búit, ok stefndi norðr með landi, ok létti eigi furr enn hann kom heim; var þat öndverðan vetr, ok varð sjá ferð allófræg; varð þá starf allt tekit af Ásbirni at búa veizlurnar. Þórir hundr bauð Ásbirni, frænda sínum, til jólaveizlu, ok mönnum hans þeim öllum, er hann vildi at færi. Ásbjörn vildi eigi fara, ok sat heima. Þat fannst á Þóri, at honum þótti Ásbjörn gera úvirðing til sín ok til boðs síns, ok hafði Þórir mjök í skaupi um farar Ásbjarnar: bæði er, segir Þórir, at mikill

er virðingamunr frænda Ásbjarnar, enda gjörir hann at því, slíkt starf sem hann lagði á at sækja kynnit til Erlínga á Jaðar í sumar, en vill nú eigi fara hær í næsta hús til mín; veit ek eigi þat, hvárt hann ætlar at Sel-Þórir muni fyrirbúa á hverju holti. Slík orð frétti Ásbjörn frá Þóri, frænda sínum, ok önnur þvílík. Ásbjörn undi stórilla við sinn lút, ok enn verr þá, er hann heyrði slíkt talat ok haft at hlátri ok spotti; var hann heima um vetrinn, ok fór hvergi til heimböða.

113. Ásbjörn áttílangskip, þat var snekkja tvítöggssá, stóð þat í nausti miklu. [Um vetrinn eftir jól ok eftir Maríumessu¹ lét Ásbjörn setja fram skip þetta ok bera reiða til, síðan stefndi hann til sín mönnum, vinum sínum ok frændum, ok hafði nærr 9 tigu² manna ok alla vel vápnaða; en er hann var búinn, ok byr gaf, þá sigldi hann suðr með landi, ok fóru þeir ferðar sinnar, ok byrjaði þeim vel ok heldr seint, en er þeir sækja suðr í landit, þá fara þeir meirr útleið enn þjóðleið, þegar er svá mátti. Ekki varð til tíðinda í ferðum þeirra, furr enn þeir koma at kveldi fimta dags í páskavíku utan at Körmt; eyjunni er þannig farit, at hún var mikil ey ok laung, en ekki víðast breið, liggr við þjóðleið furr utan, þar er mikil bygð í eyjunni, ok þó er hún víða úbygð, þat er útlíggir til hafsins. Þeir Ásbjörn lendu utan at eyjunni, þar er úbygð er, en er þeir höfðu tjaldat, þá mælti Ásbjörn:

¹) Eftir Kyndilmessu, *hin*. ²) 10 tigu, C, F, L.

nú skáluð þér hér vera eptir, en ek mungánga upp á eyna¹. En er hann kom á hæð nökkura, þar er hann sá heim til bæjar á Ögvaldsnesi, ok svá þaðan á Karmssund, þá sá hann manna ferðir miklar, bæði á sjá ok á landi, ok sótti þat fólk heim til bæjar á Ögvaldsnesi; honum þótti þat undarligt; síðan gekk hann heim til bæjar, þar sem þjónustusveinar bjuggu mat, heyrði hann þá þegar, ok skildi á ræðum manna, at Ólafr konúngr væri kominn þar til veizlu, svá ok þat með, at konúngr var þá til borða genginn. Ásbjörn snéri þá til stofunnar, en er hann kom í forstofuna, þá gekk þar annar maðr út, en annar inn einart, ok gaf engi maðr at honum gæm. Opin var hurðin, hann sá at Þórir selr stóð fur konúngs borðinu, þá var mjök áliðit matmálit. Ásbjörn heyrði til at menn spurðu Þóri at viðskiptum þeirra Ásbjarnar, ok svá þat, at Þórir sagði þaraf lánga sögu, ok var honum all lætt mælt þarum. Ásbirni þótti hann mjök halla sögunni; þá heyrði hann at maðr frètti: hvern veg varð Ásbirni við, þá er þér rudduð skipit? Þórir svarar: bar hann sik at nökkurri hlít, meðan vèr ruddum skipit, en er vèr tókum seglit af honum, þá grèt hann sem barn. En er Ásbjörn heyrði þetta, þá fékk hann eigi staðizt, brá

¹) at njósna um hvört títt sé í eyjunni, þvíat vèr höfum ekki umspurt áðr, hvat hér er títt. Ásbjörn hafði vandan búnað ok hött síðan, fork í hendi, en gyrðr sverði undirklæðum; hann gekk uppá land ok yfir eyna, b. v. hin.

hann þá sverðinu hart, ok ljóp svá í stofuna innar, ok þegar hann ætlaði at sverðit mundi taka til þóris, þá hjó hann til hans, ok kom höggit á hálsinn, svá at þegar tók af höfuðit, fèll höfuðit á borðit fur konúnginn, en bolrinn á fætr honum, vurðu borðdúkarnir í blóði einu bæði uppi ok niðri; konúngr bað taka manninn ok leiða út, var svá gjört at Ásbjörn var tekinn höndum ok leiddr út or stofunni, en síðan voru teknir brott dúkarnir ok allr borðbúnaðrinn, ok borðin í þraut tekin, svá var í braut borit lík þóris, ok sópat þat er blóðugt var; konúngr var allreiðr ok stilti sik þó vel, sem hann var vanr jafnan, þá er honum þótti mjök ímóti sér gjört.

114. Skjálgr Erlíngsson stóð þá upp, ok gekk fur konúng, þvíat hann var þá með konúngi. Hann mælti: svá mun nú sem jafnan, herra! segir hann, at þar er til umbóta at sjá, sem þér eruð, ek vil bjóða fè fur þenna mann svá mikít, sem þér villð gert hafa, til þess at hann haldi lífi sínu ok limum, en þér, konúngr! skapið ok skerið einn um allt annat. Konúngr svarar: er eigi þat dauða sök, at brjóta páskafriðinn; ok sú önnur, er hann drap mann í konúngs herbergi; sú hin 3ja, er yðr föður þínum mun lítilsverð þíkkja, er hann hefir fætr mína fur höggstokkinn? Skjálgr svarar: illa er þat, herra! er yðr mislíkar, en ella væri verk þetta hit bezta unnið, þvíat ærin var nauðsyn til þessa verks; en þóat yðr, herra! þíkki mjök í móti skapi, ok

mikils um þetta verdt, þá væntir ek þó góðs, at ek þiggi mikit af yðr fur mína þjónustu; munu margir ok þat træla, herra! at yðr sè þat vel geranda. Konúngr svarar: þó at þú sèr mikilsverðr, Skjálgr! þá mun ek þó eigi fur þínar sakir brjóta lögin nè konúngstignina eðr svá landsrèttinn. Skjálgr snarast þá út or stofunni, ok sá at hann fékk ekki af konúngi; tólf menn höfðu þar verit með honum, ok fylgðu honum allir ok margir aðrir með honum. Þá mælti Skjálgr við Þórarinn Nefjólfsson: ef þú vill hafa mína vináttu, þá legg þú á allan hug, auðsbjörn, frændi minn, sè eigidrepinn fur sunnudag; ekki er ek þess ráðandi, segir Þórarinn; því býð ek þér þó þetta mál, segir Skjálgr, heldr, enn öðrum mönnum, at mér þykkir þú líkastr til, fur vitra sakir ok dirðar, at koma þessu fram. Skjálgr fór síðan í brott ok hans menn, ok tóku róðrar-skútu, er hann átti, ok róa suðr með landi, sem af mátti taka, ok koma í nætrelding á Jaðar; gengu síðan þegar upp til bæjarins á Sóla, ok til lopts þess, er Erlíngr svaf í; Skjálgr ljóp á hurðina svá hart, at þegar brotnaði at nöglunum Erlíngr vaknaði við, ok þeir aðrir sem inni voru; hann varð skjótastr á fætr, ok greip skjöld sinn ok sverð, ok ljóp til duranna, ok spurr, hverlr svá ákafliga fari um nætr. Skjálgr segir til sín, ok bað uppláta hurðina. Erlíngr svarar: þat var ok líkast, ef allferliga ferr; eðr fara menn eptir yðr, svá at þér sè hætt? Var þá upplátin hundir.

Þá mælti Skjálgr: Þat væntir ek, þó at þér þikki ek ákafliga fara, at Ásbirni, frænda þínum, þikki þat eigi, þar er hann sitr norðr á Ögvaldsnesi í fjötrum, ok er þat mannlígra at duga honum, ennat veita mér átölur. Síðan eigast þeir feðgar orð við, segir Skjálgr föður sínum allan atburð um víg Sel - Þóris, ok svá frá orðtaki þeirra Ólafs konúngs.

115. Ólafr konúngr settist, þá er braut var rúdt ok umbúit í annat sinn í stofunni, ok var allreiðr. Hann spurr hvat leið um vegandann; honum var sagt, at hann var úti í svölunum í gæzlu haför. Konúngr mælti: hví er hann eigi drepinn? Þá svarar Þórarinn Nefjólfsson: herra! segir hann, kallið þér þat eigi morðverk, at drepa menn um nætr? Konúngr mælti: þá setl hann í fjötra, ok drepí hann á morgin. Síðan var Ásbjörn fjötraðr, ok byrgðr einn í húsi um nóttina; en eptir um daginn hlýddi konúngr tíðum, síðan gekk hann á stefnu, ok sat þar framan til hámessu; ok er hann gekk frá messunni, mælti hann til Þórarins: mun nú vera sólin svá há, at Ásbjörn, vín yðvarr, mun hánaga mega fur þat? Þórarinn svarar, ok laut konúngi: þat sagði biskup þarra frjádag, herra! at sá konúngr, er þá var þíndr fur várar sakir, at hann þoldi skammraunina, ok er sá sæll, er eptir honum má líkja, heldr enn hinum, er þá ollu manndrápinu, eðr þeim er

¹⁾ skápraunina, *hinn*.

á dæmdu manninn til dauða; nú er eigi svá
íngt til morgins, ok er þá sýkn dagr hjá því
em nú er. Konúgr leit við honum, ok mælti:
áða muntu þessu, Þórarinn! at hann skal eigi
dag drepa, skaltu nú varðveita hann, ok vit
þat til sanns, at hær liggr við líf þitt, ef hann
kemst í brott með nökkuru móti. Gekk Þór-
arinn þá leið sína, þartil er hann fann Ásbjörn
í járnum, lét Þórarinn þá af honum fjötrin,
ok fylgði honum í eina litla stofu, ok lét fá
honum þar mat ok drykk, ok segir hann, hvat
konúgr hafi álagt við hann, ef hann kemst í
brott. Ásbjörn svarar, það Þórarinn þat ekki
óttast, ok læt ekki til brautlaups ætla mundu.
Sat Þórarinn þar lengi um daginn hjá hon-
um, ok svá svaf hann þar um nóttina eptir.
Laugardaginn stóð konúgr upp ok hlýddi
morgintíðum, síðan gekk hann á stefnur, ok
var þar fjölment komit af bóndum, ok áttu
mart at kæra, sat konúgr þar lengi dags
yfir málum, ok var síð gengit til hámessu;
eptir þat gekk konúgr til borðs, ok er hann hafði
matazt, drakk hann um hrið, svá at borðin voru
uppi. Þórarinn gekk þá til prests þess, er þar
var heimaþrestr, ok kirkju varðveitti, ok gaf
honum 2 aura¹⁾ silfrs til þess, at hann hringði
til helgar jafn skjótt sem konúgsborð væri ofan.
En er konúgr hafði drukkit um hrið, þá voru
borðin upptekin. Þá mælti konúgr, sagði, at þá

¹⁾ merkr, C; skillinga, K.

væri ráð at þrælar færi með vegaðann ok dræpi hann; í því bili var hringt til helgar; þá gekk þórarinn fur konúng, ok mælti: grið mun sjá maðr hafa skulu um helgina, herra! Þótt hann hafi illa tilgert. Konúngr svarar: gæt þú hans þá, þórarinn! svá at hann komist eigi á braut, ok ertu jafnan hvatabuss mikill. Þá gekk konúngr til nónu, en þórarinn sat enn um daginn hjá Ásbirni. Sunnudagsmorgininn gekk Sigurðr biskup til Ásbjarnar, ok skriftaði honum, ok lofaði honum um daginu at hlýða hámessu. Þórarinn gekk þá til konúngs, ok bað, at hann skyldi fá mann til að varðveita vegaðann: vil ek nú skiljast við, sagði hann, ok vera orallri áburgð um hans mál. Konúngr bað hann hafa þökk fur þat; fékk konúngr þá mann til at gæta hans; var hann enn settr í fjötr; en er til hámessu var gengit, þá var Ásbjörn leiddr til kirkju, ok stóð hann úti fur kirkju, ok þeir er hann varðveittu; konúngr ok alþýða stóðu at hámessu.

116. Nú er þar til máls at taka, er furr var frá horfit, at Erlíngr ok Skjálgr, son hans, gera ráð sín um þetta vandkvæði, ok staðfesta þat með sèr, við áeggjan Skjálgs ok annarra sona hans, at þeir samnaðu liði, ok skáru herör upp, komu þar saman brátt hermenn margir; ok ræðu sèr til skipa, ok var þá skorut nærr 15 hundruð manna; þeir fóru síðan með þat lið, ok komu sunnudagsmyrgininn í Körmt á Ög-

valdsnesi, gengu síðan til bæjar með öllu liði sínu, ok komu í þann tíma, er guðspjalli var lokit; þeir gengu þegar upp at kirkjunni, tóku þegar í burtu af Ásbirni fjötrin. En við gny þenna ok vâpnabrak, er út var at heyra, þá er svâ frâsagt, at allir menn litu út or kirkjunni nema konúngrinn einn, hann var á bæn sinni ok sást ekki, en þeir er áðr voru úti fur kirkjunni, ljópu allir inni kirkjuna. Þeir Erlíngr skipuðu liði sínu tveimmegin strætissins, þess er lá frá stofunni til kirkjunnar, stóð Erlíngr ok synir hans næst stofunni; en er allar tîðir voru súngrar, þá gekk konúngur þegar út or kirkju, gekk konúngur furst fram í kvína, ok þá hverr at öðrum hans manna; en er konúngur kom heim at durunum, þá gekk Erlíngur fyrir dyrnar, ok laut konúngi. Konúngur svarar, ok bað guð geyma hans. Þá tók Erlíngur til máls: svâ er mër sagt, herra! at Ásbjörn, frænda minn, hafi hent glæp mikinn, ok er þat illa, herra! ef yðr er misþokkat; nú er ek af því hêr kominn, at bjóða fur hann sætt ok yfirbætr þvílíkar, sem yðr er sæmd ok vill til, en þiggja í móti líf hans ok limar ok landsvist. Konúngur svarar: svâ lízt mër, Erlíngur! sem þêr munið nú þikkjast hafa vald á um mál vár ímelli. Erlíngur svarar: þêr skuluð ráða, herra! ok ráða svâ, at vêr skiljumst sáttir. Konúngur mælti: ætlar þú at hræða mik, Erlíngur! hefir þú fyrir því lið svâ mikit? Nei, segir hann, eigi

verðr þér þat; en ef annat býr undir, þá munum vér nú or stað bláa. Erlíngur svarar: ekki þarft þú at minna mik á þat, at þeir hafa verit fundir okkrir hér til, at ek hefi lítinn liðskost haft við þér; en nú skal ekki leyna þik því, er mér býr í skapi, at ek vil gjarna, at við skiljumst sáttir, ella mun mér vãn, at ek hætta eigi til fleiri funda okkra. Erlíngur var þá rauður sem blóð í andliti. Þá gekk fram Sigurður biskup, ok mælti til konungs: herra! segir hann, ek býð þik í hlýðni fur guðs sakir, at þér sættizt við Erlíng, eptir því sem hann býðr, at maðr sjá hafi lífs grið ok lima, en þér ráðið öllu sáttmáli. Konúgr svarar: þér skuluð ráða, herra biskup! þvíat þér villð vel. Þá mælti biskup við Erlíng: Erlíngur! segir hann, fáið nú konúngi festu, þá er honum líki. Síðan gekk Ásbjörn til griða ok á konúngsvald. Erlíngur fékk þá festur konúngi²; snéri þá Erlíngur á braut með liði sínu, varð þá ekki at kveðjum með þeim konúngi at skilnaði; gekk þá konúngriannístofuna ok Ásbjörn með honum. Síðan lauk konúgr upp sættar gerðinni, ok mælti svá: þat skal upphaf sáttargjörðarinnar, Ásbjörn! at þú skalt ganga undir [þá sömu þjónustu³, er Sel-pórir hefir haft, ok ráðit hér

¹) gangi, *hin*. ²) en konúgr tók við; síðan gekk Ásbjörn til griða ok á konúngsvald, ok kysti á hönd konungs, *b. v. hin*.

³) landslög þau, at sá maðr, er drepr þjónustumann konungs, þá skal hann ganga undir þá sömu þjónustu, ef konúgr vill; nú vil ek at þú takir upp ármenníng þessa, *b. v. hin*.

fyrir búinu á Ögvaldsnesi. Ásbjörn segir, at svá skyldi vera, sem hann vildi, verð ek þó furst, segir hann, at fara heim til búss míns, ok skipa þar til sem mér líkar; lét konúgr sér þat vel líka. Fór konúgr þáðan til annarrar veizlu, en Ásbjörn ræðst til ferðar með förunauta sína, þeir höfðu legit í Leyruvágum alla þá stund, er Ásbjörn hafði í járnum setit, ok njósmat heim á bæinn, hvat tídt var um hans ráð, vildu þeir eigi furr í braut fara, enn þeir vissi hvat þar ræðst af. Síðan snérist Ásbjörn til heimferðar, ok létti eigi furr um vârit, enn hann kemr norðr til búss síns; hann var síðan kallaðr Ásbjörn selsbani. En er Ásbjörn hafði lengi heima verit, hittust þeir frændr, Ásbjörn selsbani ok Þórir hundr, ok talast við; spurr Þórir vandliga eptir um ferðir hans, ok alla atburði, þá er þar höfðu vorðit til tíðinda; en Ásbjörn sagði sögu þá, sem gengit hafði. Þórir hundr svarar: þá munt þú nú þikkjast af hendi hafa rekit svívirðing þá, er þú vart rænt á hausti. Svá er, frændi! segir hann, eðr hversu þikkir þér? Þat skal skjótt segja þér, segir Þórir, at sú ferð mín furri, er þú fórt suðr í land, ok þú vart rænt, var hin svívirðiligasta, ok stóð þó sú til nökkurrar umbótar, en þessi fær er bæði þín skömm ok svá allra frænda þinna, ef þat skal framgengt verða, at þú gerist konungs þræll, ok komir í stað hins versta manns Sel-Þóris; nú gjör þú svá vel ok menniliga, at

*) elgi, b. v. htn.

Þú ver hér heldr at eignum þínum á Þrándar-nesi, skulu ver frændr þínir veita þér styrk til þess, at þú komir aldrí síðan í slíkt farrak¹. Ásbirni þótti þetta vera allsannligt, er þórir hafði mælt, ok áðr þeir skildust, þá staðfestist þat með þeim, at Ásbjörn skyldi² heima sitja í búi sínu, ok fara ekki á konúngsfund, ok svá gerði hann, at hann settist heima um kýrt í búi sínu.

117. Eptir þat er Ólafr konúgr ok Erlíngr höfðu skilit á Ögvaldsnesi, þá hófst með þeim af nýju sundrþykki, ok vóx þat til þess, er fullr fjandskapr var í mikli þeirra. Ólafr konúgr fór at veizlum á Hörðaland, ok þá fór hann út á Vors, þvíat hann spurrr, at fólk var þar lítt síðat; hann átti þá þing við bændr, þar sem Vors³ heitir, komu þar bændr fjölment ok með alvæpni, bauð konúgr þeim at taka við kristni, en þeir buðu honum bardaga ímóti. Síðan fylktu hvárirtveggju liði sínu, var þá svá bóndum þegar í framför, at þeim skaut skelk í bríngu, ok vildi þá engi fúrstr standa; varð þat þá at lyktum, er þeim gegndi betr, at þeir gengu til handa konúngi, ok tóku við kristni; skildist konúgr þar eigi furr við, enn þar var allt alkristit vorðit⁴. Þá fór Ólafr konúgr útá

¹) Öngþveiki C, S. ²) Hér byrjar I. aþtr. ³) á Vangi hin.

⁴) Þat var einn dag at konúngs reid leið, hafði sýngit sálma sína, en er hann kom jam gegnt hágunum, nam hann staðar ok mælti: þau skal segja mín orð maðr manni, at ek kalla ráð at aldrí fari síðan Noregs konúgr í millum þessa hauga, er þat ok

Ostrarfjörð til skipa sinna, þá fór konúgr norðr í Sogn, ok tók þar veizlur um sumarit; en er haustaði, snéri hann inní Fjörð ok þaðan uppá Valdres, þar var þá alheiðit; konúgr fór sem ákaflligast upp til bæjar, kom hann þar á úvart bóndum, ok tók skip þeirra öll, gekk hann þar á sjálfr með öllu liði sínu, síðan skár hann þar upp þingboð, ok setti þing svá nærr vatninu, at hann átti allan skipa kost undir sèr, ef hann vildi. Bændr snèru þegar þá gat með her manns ok alvæpni; konúgr bauð þeim kristni, en þeir æptu ímót, ok báðu hann skjótt þegja, gjörðu þegar gný mikinn ok vapnabrák; en er konúgr sá, at þeir vildu eigi til hlýða þess, er hann kendi þeim, ok þat anu at þeir höfðu her manns, þarín er ekki stóð við, þá snèri hann ræðunni, ok spurr, ef nokkurir væri þeir, er sakar ættist við, eðr þeir vildi at hann sætti þá; fannst þat brátt í orðum þeirra, at margir voru þar missáttir bændr, þóat þá hefði þeir samhlaupa vorðit at þessu úráði, at mæla ímót kristni. En þegar bændr tóku at kæra sik, þá aflaði hverr þeirra sèr sveitan at flytja fram sitt mál; gekk því fram allan þann dag; at kveldi var slitit þinginu. Þegar er bændr höfðu spurt, at konúgr særi um Valdres, ok hann var kominn í bygðina, þá höfðu þeir látit fara herboð, ok stefnt saman þegn ok þræl, fóru síðan með

sögn manna, at konúgar hafi þat varast síðan, b. v. C, F, G, I, K, L, S.

her manns í móti konúngi, var þá alþýða úvíða heima í bygðinni. Bændr höldu samnaðinum eptir þíngit, þess varð konúngr viss, en er hann kom í annat sinn á skip sín, þá lét hann róa um nóttina yfir þvert vatnit, þá lét hann ganga upp ok brenna ok ræna, svá sem þeir komust við. Eptir um daginn reru þeir nes frá nesi, lét konúngr þar allt brenna ok bæla; en þeir bændr, er í samnaðinum voru, þá er þeir sá reyk ok loga heim til húsa sinna, þá vörðu þeir lausir í flokkinum; stefndi þá hvern at öðrum, til þess er allt riðlaðist í sundr í smá flokka, en konúngr reri þá um vatnit aptr, ok brendi þá þeim megin, sem áðr hafði verit bónda-herinn; þá komu bændr til konúngs, ok báðu sér miðkunar, buðu þá konúngi handgaungu; svá gaf konúngr hverjum manni grið, er til þess komu, ok svá fè þeirra, þegar þeir vildi á hönd ganga, mæltu þá ok margir ekki ímót kristninni; lét konúngr þá skíra fólkit, ok tók gislar af bóndum; dvaldist konúngr þar lengi um haustit, hann lét draga skipin uppi yfir eiðin milli vatnanna, fór konúngr lítt um landit upp frá vatninu, þvíat hann trúði þar lítt bóndum, ef hann gefr færi á sér, hann lét þar kirkju gera ok vígja, ok setti kemmimenn til; en er honum þótti væn frera, þá sótti hann upp á landit, ok kom þá fram á þotn. Þess getr Arnór jarlaskáld:

Gengr at þar¹ er yngvi
 Upplendinga brendi,
 Þjóð galt ræsis reiði,
 [rann, sá² er fremstr er manna;
 vildut [öflgra alda⁴
 áðr var stýrt til váða,
 grams dólguðum fékkst gálgi,
 gagn⁵ prýðanda hlýða.

118. Síðan fór Ólafr konúgr norðr um Dali allt til Fjalls, ok nam eigi furr stað enn hann kom í Þrándheim ok allt til Niðaróss, ok bjó til vetrvistar; sá var hinn 10⁶ vetr konúgdóms hans. Áðr um sumarit fór Einarr þambarskelfir orlandi, ok fór vestr til Englands, hitti hann þar Hákon, mág sinn, dvaldist Einarr þar með honum um hríð. Síðan fór Einarr á fund Knúts konúgs, ok þá af honum góðar gjafir. Eptir þat fór Einarr austr um sæ, ok allt suðr til Róma⁷ borgar, ok kom aptr annatsumar eptir, fór hann norðr þá til búa sinna; hittust þeir Ólafr konúgr þá ekki.

119. Álfhildr hèt kona, er kölluð var konúgs ambátt, hún var þó af góðum ættum komin, hún var þá með Ólafi konúgi. En þat var til tíðinda, at Álfhildr var með barni, en þat vissu trúnaðarmenn Ólafs konúgs, at hann mundi

¹) í ætt, *hin*. ²) þat, *B, C, G, L*. ³) ravnn þær, *B, G*.

⁴) öflugar aldir, *C, D, G, I, S*. ⁵) gægl, *H, I*. ⁶) 11, *C, F*.

⁷) þannig *C, H, K*; Rúma, *B, G, S*; Mána, *A*.

vera faðir at barninu, er hún fór með. Svá bar at eina nótt, at Álfhildr tók sótt, ok var fátt manna viðstadt, konur nökkurar ok prestr, ok Sighvatr skáld ok fáir menn aðrir. Álfhildr var þungliga at tekin, ok gekk henni nærr dauða, ok um síðir fæddi hún sveinbarn, ok var þat um hríð, at þau vissu úglögt, hvárt líf væri með barninu eðr eigi; en er barnit skaut upp öndunni ok all ómáttliga, þá bað hann prestrinn fara at segja konungi, hversu þáttat var. Sighvatr svarar: þat þorí ek fur engan mun at vekja konúnginn, þvíat hann bannar þat hverjum manni, at hann sè vaktr; furrentu hann vaknaði sjálfr. Prestsvarar: nauðsyn er þetta, at barnit fái skírn sína, þvíat mér sýnist þat úmáttuligt, ok lítil vãn lángs lífs. Sighvatr mælti: heldr vil ek til þess hætta, at þú skírir barnit, enn ek vekja konúnginn, ok mun ek sitja fur svörunum, ok gefa nafn sveinnum. Svá gera þeir, ok var skírðr sveinninn ok kallaðr Magnús. Eptir um morgininn, er konúgr var klæddr, var honum sagt frá þeim atburð. Konúgr bað Sighvat kalla þángat, ok fundu menn at hann var reiðr; ok er Sighvatr kom þángat, þá mælti konúgr: hví vart þú svá djarfr maðr, at þú læzt skíra barn mitt; furr enn ek vissi? Sighvatr svarar: því herra! at ek vildi heldr gefa tvá menn guði, enn einn fjandanum. Konúgr mælti: fur hví liggr þat við? Sighvatr svarar: þvíat barnit

var. at dauða komit, ok mundi þat fjandans maðr, ef þat dæi úskírt, en nú er þat sannliga guðs maðr; hitt er ok í annann stað, at ek vissi, þó at þú yserir mér reiðr, at þar mundi eigi meira viðliggja enn líf mitt, ok ef þér villð, at ek týna lífi mínu fur þessa sök, þá vænti ek ok at ek sè' guðs maðr, slíkt sem mér gekk til. Konúngr mælti: en fur hví lèzt þú sveinninn Magnús heita? ekki er þat vart ætt nafn. Sighvatr svarar: ek lèt hann heita eptir Karla Magnúsi konúngi, þvíat hann vissi ek frægastan konúng í frásögn. Þá mælti konúngr: gæfu maðr mikill ert þú, Sighvatr! segir hann, ok er þat eigi undarligt, þó at gæfa* fylgi vizku; hitt er undarligt, er þó kann stundum verða, at sú gæfa fylgir úvitrum manni, at úvitrlig ráð snúast til hamíngju. Var þá konúngr allglæðr. Sveinninn fæddist þar upp, var hann brátt efniligr, er aldr fór yfir hann.

120. Þat var hit sama fékk Ólafr konúngr Ásmundi Grankelssyni sýslu norðr á Hálogalandi, hálfa til móts við Hárek or Þjóttu, en hann hafði áðr haft alla, suma at veizlu, en suma at láni. Ásmundr hafði skútu, er hann átti, ok á nærr 30 manna ok vel vâpnaðir. Ásmundr hafði áðr lengi verit með Ólafi konúngi í miklum kærleikum ok metorðum. En er

¹⁾ Hér byrjar E aptr. ²⁾ Þannig leiðrétt eptir hinum handritunum; gæfu, A.

Ásmundr kom norðr, þá hittu þeir Hárekr, sagði Ásmundr þá Háreki, hversu skipt var sýslunni, ok þar fylgja með jarteinir konúnga, at þetta var hans ákvæði. Hárekr segir, at konúngr mundi ráða, hverr sýslu hefði, en ekki gerðu hinir furri konúngar svá, at minka vörn rétt, er ættbornir erum til ríkissins at hafa, en fá þeim í hendr bónda sonum, er slíkt hafa eigi furr með höndum haft. En þóat þat fyndist á Háreki, at honum þætti þetta mjök í móti skapi, þá lét hann Ásmund taka við sýslunni, sem konúngr hafði orð tilsendt; fór Ásmundr þá heim til föður síns, ok dvaldist þar litla hríð, áðr hann fór í sýslu sína norðr á Hálogaland. En er hann kom í Lángey, þá bjöggu þar bræðr 2, hét annar Gunnsteinn, en annar Karli, þeir voru báðir auðigir menn ok virðingamenn miklir, hvártveggi þeirra var íþróttamaðr mikill um marga luti. Gunnsteinn var ellri þeirra bræðra, ok bússýslumaðr mikill. Karli var fríðr maðr ok skartsmaðr mikill. Ásmundr fékk þar góðar viðtökur, ok dvaldist hann þar um hríð, ok heimti saman or sýslunni þar, slíkt er fékkst. Karli ræddi þat fur Ásmundi, at hann vildi fara suðr með honum á fund Ólafa konúnga, ok leita sèr þar hirðvistar. Ásmundr fýsti hann þessa ráðs, ok hét honum umsýslu sinni, at Karli fengi sitt eyrendi við konúng. Ræðst Karli þá til ferðar með Ásmundi. Ásmundr hafði spurn af því, at Ásbjörn selsbani

var farinn suðr í Vágastefnu, ok hafði byrðing
er hann átti, ok nærr 20 menn á, ok hans var
þá sunnan vân. Þeir Ásmundr fóru nú leið
sína suðr með landi, ok höfðu andviðri ok þó
vindlítit; þá sigldu skip í móti þeim, þau er
voru af Vága flotanum. Þeir spurja í hljóði
at um ferðir Ásbjarnar, ok var þeim sagt, at
hann var þá sunnan á leið. Þeir Ásmundr ok
Karli voru rekkjufèlagar, ok var þar hít kær-
asta. Þat var einn dag, er Ásmundr reri fram
eptir sundi nökkuru, þá sigldi skip í móti þeim,
var þat skip auðkendt, þar var [birt allt hlýrit¹
bæði hvítum steini ok rauðum, þeir höfðu segl
stafat með vendi. Þá mælti Karli við Ásmund:
opt hefir þú umrædt, at þer væri forvitni á at
sjá hann Ásbjörn selsbana, en eigi kann ek skip
at kenna, ef eigi siglir hann hér nú í móti
oss. Ásmundr svarar: gjör svá vél, lagsmaðr!
ef þú kennir hann, at þú seg mēr; þá rendust
hjá skipin, ok mælti Karli: þar sitr hann Sels-
bani við stýri í blám kyrtli. Ásmundr svarar:
ek skal fá honum þá rauðan kyrtil. Síðan
skaut Ásmundr spjóti til Ásbjarnar selsbana,
ok kom á hann miðjan, svá at fast stóð í fóta²
fjölinni, ok flaug þegar í gegnum hann; féll Ás-
björn dauðr frá stýrinu. Fóru þá hvárirtveggju
leið sína, ok fluttu þeir lík hans norðr á Þránd-

¹) birt allt hlýrit, steint, B; hlýrbjart ok steint, C, E; hlýr
bjart stein, D; hlýr birt ok steint, G, I, S; voru hlýr björt
steind, F, L. ²) höfða, hin.

arnes, lét Sigríð þá senda til Bjarkeyjar eptir Þóri hund, kom hann til ok lét búa um líkit eptir siðvanda. En er menn fóru í brott, valdi Sigríð öllum mönnum góðar gjafar, hún leiddi Þóri til skips, en áðr þau skildi, mælti hún: svá er, Þórir! segir hun, at Ásbjörn hlýddi ástráðum þínum, nu vannst honum eigi líf til þess at launa þér þat, eptir því sem vert var; nú þóat ek sé verr tilfær at launa þér, sem vert er, enn hann mundi vera, þá skal ek þó viljann til hafa; nu er hér gjöf, er ek vil gefa þér, ok vildi ek at þér kæmi vel í hald; þetta spjót stóð í gegnum Ásbjörn, frænda þinn, son minn, ok er þar enn blóðit á, mátt þú þá heldr muna, at þat mun saman hæfa ok sár þau, er Ásbjörn frændi þinn hafði, ok þú sátt á honum; hvílik voru; nú vyrði þér þásköruliga ok mikilmannliga, ef þú lètir þetta spjót svá af höndum selt, at þat stæði í gegnum Ólaf hinn digra; nú mæli ek þat um, segir hún, at þú verðir hvers manns nýðingr, ef þú hefnir eigi Ásbjarnar bróðursonarþíns. Snèri hún þá heimleiðis, en Þórir varð svá reiðr orðum hennar, at hann mátti engu svara, ok eigi gáði hann spjótit laust at láta; hann gáði eigi bryggnaða, ok mundi hann á kaf gengit hafa, ef eigi hefði menn hans tekit ok stuðt hann, er hann gekk útá skipit; þat var málaspjót ekki' mikit ok gullrekinn falrinn allr. Ræru þeir Þórir nú á braut ok heim

heim til Bjarkeyjar. Ásmundr ok hans félagar fóru leið sína, til þess er þeir komu í Þrándheim á fund Ólafs konungs; sagði Ásmundr konungi, hvat til tíðinda hafði gerzt í ferð hans, ok þakk- aði honum vel verkit. Gjörðist Karli þá hirð- maðr Ólafs konungs, hældu þeir vináttu sína; en ordtök þau, er þeir Karli höfðu mælt við víg Áshjarnar, þá fór þat ekki svá leynt, þvíat þeir sjálfir sögðu frá því konungi; en þat var, sem mælt er, at [ferr orð er mun líðr¹⁾; voru þeir þar sumir, er slíkt hugfestu, ok brátt kom til Þóris hunds í Bjarkey.

121. Ólafr konungr fór um sumarit suðr með landi, ok átti þing við bændr, skipaðilandi, ok setti menn yfir, ok tók konungs skyldir þar sem hann fór. Hann ferr um sumarit allt austr, til landsenda, ok hafði þá kristnat landit, þar sem héraðin²⁾ voru; þá hafði hann skipat lögum um allt landit, eptir því sem hann vildi vera láta. Hann hafði þá undir sik lagt Orkneyjar, sem furr var ritat; hann hafði ok gert sér margar menn at vinum bæði á Íslandi [ok Orkneyjum³⁾, á Grænlandi ok í Færeyjum. Ólafr konungr hafði sendt til Íslands kirkjuvið, ok var sú kirkja, gjör á Þingvelli, þar sem alþingi er, hann sendi með kirkjuviðinum klokku mikla, þá sem þau er enn; þat var eptir at Íslendingar höfðu fært lög sín ok sett kristinn rétt, eptir því sem Ólafr

¹⁾ hverr á sér vin með óvinum. C, D, E, F, G, J, K, L, S.
²⁾ stórhérað, hin. ³⁾ v. í. hin.

konúgr hafði þeim orð tilsendt. Síðan fóru af Íslandi margir metorðamenn, þeir er handgegnir gerðust Ólafi konungi, var þar einn Þorkell Eyjólfsson, Þorleikr¹ Bollason, Þórör Kolbeinsson, Þórör Barkarson, Þorgeir Hávarðsson, Þormóðr Kolbrúnar-skáld Bersason. Ólafr konúgr hafði sent vingjafir til Íslands mörgum höfðingjum, en þeir sendu honum þá luti, er þeir fengu, ok þeir væntu at honum mundisending í þikkja; en í þessu vináttumerki, er konúgr gerði til Íslendinga, bjöggu enn fleiri lutir undir, þeir er síðarr urðu berir.

122. Ólafr konúgr sendi þat sumar Þórarinn Nefjólffsson til Íslands með erendum sínum, ok hélt hann skipi sínu út or Þrándheimi, er Ólafr konúgr fór suðr á Mæri; sigldi Þórarinn þá á haf út, ok fékk svá mikit raðbyri, at hann sigldi á 8 dægum, til þess er hann tók eyjar² á Íslandi, ok fór þegar til alþingis, ok kom þar at lögbergi, ok gekk þegar til lögbergs; en er menn höfðu mælt lögskilum, þá tók Þórarinn til máls: ek skildumst fur 4 nóttum við Ólaf konúng Haraldsson, sendi hann kveðju hingat til lands öllum höfðingjum ok landsstjórnarmönnum, ok þar með allri alþýðu karla ok kvenna, ungum ok gömlum, sælum ok væslum, guðs ok sína, ok hann vill vera yðvarr drottinn, ef þér villð vera hans þegnar, en

¹) Þorleikr C; Þorkell D; Þorleifr G. ²) Eyjar B, D, E, G, J, K, S.

várir annarra vinir til allra góðra luta. Menn
 öruðu vel máli hans, og sögðust vilja vera
 nír hans, ef hann væri þeirra vinr. Þá tók
 órarinn til máls: Þat fylgir kveðjusending
 onúngs, at hann vill beiðast í vingjöf af Norð-
 endíngum, at þeir gefi honum útsker, er ligg-
 ar Eyjafirði, er menn kalla Grítnsey, vill hann
 arímóti varðveita yör þau gæði af sínu landi,
 r menn kunnu honum orð til at senda; en
 iann sendi til þess orð Guðmundi ríka at flytja
 etta mál, þvíat konúngr hefir þat spurt, at
 Guðmundr ræðr mestu fur norðan land. Guð-
 mundr svarar: fúss er ek til vináttu við Ólaf
 konúng, ok ætla ek mér þat miklu meira til
 gagns enn útsker þat, er hann beiðist til; en
 þó hefir konúngr þat eigi rétt spurt, at ek eiga
 meiri ráð á eyjunni enn aðrir; þvíat þat er
 nú at almenníngi gert; nú munu vér eiga fund
 ok stefnu vor í milli, ok þeir menn er mest hafa
 gagn af eyjunum. Ganga menn síðan heim til
 búða. Eptir þat áttu Norðlendingar stefnula-
 gín í milli, ok tala þetta með sér, lagði þá hverr
 til er sýndist, var Guðmundr mjök flýtandi
 þessa máls, ok snæru þar margir eptir. Þá
 spurja menn, hví Einarr legði ekki til, bróðir
 hans: þíkkir oss, segja þeir, hann kunna
 glöggst at sjá. Þá svarar Einarr: Því er ek fá-
 ræðinn um þetta mál, at enginn maðr hefir mik
 atkvaddan; en ef (ek) skal segja mína ætlan,

¹⁾ flýtandi D, E, G, K.

Þá gáangið til ok hyggið at, landsmenn! at gánga undir skattgjafar Ólafs konungs ok allar álögur, slíkar sem menn hafa í Noregi, ok munu menn þat úfrelsi eigi at eins gjöra oss til handa, heldr ok sonum verum ok þeirra sonum, ok allri ætt várri síðan, ok öllum þeim er þetta land byggja, ok mun sú ánað aldri hverfa af landi þessu síðan. [Þá kvað Einarr vísu þessa:

Trautt erumst lausa at láta,

leið er oss konungsins reiði,

gjarn er gramr at árna,

Grimsey und traud fleyja;

höldum vèr fur hildar

hann er dýrr konúgr stýri.

hólmgæðar fremst hilmir

hagli pettu nagla.

En þótt konúgr þessi sè góðr maðr, sem ek trúi vel at svá sè, þvíat þeir segja bezt frá honum, sem hann er kunnatr, þá mun hann þó verða eigi éllri enn gamall, þá mun þat fara hëðan af sem hertíl, þá er konunga skipti verðr, at þeir eru sumir góðir en sumir illir; nú ef landsmenn vilja halda frelsi sínu, því er haft hafa, síðan land þetta byggðist, þá mun sá til vera, at ljá engis fangstaðar á sèr, hvárki um landa eignir hær á Íslandi, nè um þat, at gjalda hëðan ákveðnar skuldir, þær er til lýðskyldu megi metast, en hitt kalla ek vel fallit, at menn sendi konúngi vingjafar þær, er þeir vilja gert

¹⁾ Hær sleppr E um sinn. ²⁾ frá [v. i hin.

hafa, hauka eðr hesta, tjöld eðr segl, eðr aðra þá luti er sendingar eru í; en um Grímsey er þat at tala, ef þaðan er enginn hlutr fluttr [til matfanga¹], sá er þar er, þá má þar vel fæða her manns, ok slíkt nökkut get ek konúng hugsa hær; nú ef þar er útlendr her, ok fari þeir þaðan með lángskipum, þá ætla ek mörgum kotkör-lunum munu þikkja ærit þykkt fur durunum, þar sem þeir róa at húsi. Ok þegar Einaarr hafði þetta mælt ok innt allan þenna útveg, þá var öll alþýða með einu samþykki snúin, at þetta skyldi aldri fást. Sá Þórarinn² eyrindis-lok sín hërum.

123. Þórarinn Nefjölfson gekk til lögbergis annann dag, ok mælti enn konúngs eyrindi, ok hóf svá mál sitt: Ólafr konúngr sendi orð vinum sínum hígat tillands, nefndi hann til þess Guðmund Eyjólfsson, [Snorra goða, Þorkel Eyjólfsson³ Skapta lögsögumann, Þorstein Hallsson; hann sendi yör til þess orð, at þær skylduð fara á hans fund, ok sækja þáng-at vináttuboð; mælti hann, at þær skylduð eigi þessa ferð undir höfuð leggjast, ef yör þætti nökkut undir hans vináttu. Þeir svöruðu svá þessu eyrendi, at þeir þakkaðu konúngi, en sögðust þá mundu segja Þórarni um ferðir sínar, er þeir hefði ráðit fur vinum sínum, hverju hær skal um svara. En þeir höfðingjarnir tóku

¹) sá er til föstu mata fanga er, C. ²) Hær sleppr I aptr.

³) v. í A; tekið úr hinum.

tal sín í milli, þá sagði hverr sem sýndist um ferðir sínar. Snorri goði ok Skapti löttu þess, at leggja á þá hættu við Norðmenn, at allir senn færi af landi til Noregs, þeir er mest reðu fur landi, sögðu þeir, at af þessari orðsendingu þætti þeim heldr grunir ádreignir um þat, er Einarr hafði umgetit, at konúgr mundi ætla til pyndinga nokkurra við Íslendinga, ef hann mætti ráða. Guðmundr ok Þorkell Eyjólfsson fýstu mjök at skipast við orðsending konúgs, ok töldu þat sæmdarför mikla verða mundu; en er þeir knýaðu þetta með sér, hvern upp skyldi taka, þá staðfestist þat með þeim, at þeir sjálfir mundu eigi fara, en hverr þeirra skyldi gera mann af sinni hendi, þann er þeim þótti bezt tilfallinn, ok skildust á því þingi við svá búit, ok vorðu engar utanferðir á því sumri; en Þórarrinn fór tvívegis á því sumri, ok kom um haustit á fund Ólafs konúgs, ok segir honum sitt eyrendi, slíkt er vorðit var, ok svá þat at höfðingjar mundu koma af Íslandi, svá sem hann hafði orð tilsent, eðr varnaðarmenn þeirra.

124. Þat sumar hit sama kom utan af Færeyjum at orðsendingu Ólafs konúgs Gilli lög-sögumaðr ok Leifr Özurarson, Þórálfr or Dím-un, ok margir aðrir bóndasynir. En Þrándr or Götu bjóst til ferðar, hann var einhverr mest virðr í eyjunum, en er hann var til ferðar búinn, ljóp fæli² sótt at honum, ok mátti hann hvergi

¹) kasaðu, C. ²) felli, C, F, K, L, S.

ara, ok dvaldist hann eftir. En er þeir Færeyíngar komu á fund Ólafs konúnga, þá kallaði hann þá á tal við sik, ok átti stefnu við þá, lauk hann þá upp fur þeim eyrendum sínum; er undirbjöggu ferðinni, ok segir, at hann vill skatt tafa af Færeyyjum, ok svá þat, at Færeyíngar kyldu hafa lög þau, er hann setti þeim á stefnu þessari; fannst þat í orðum konúnga, at hann mundi taka festu til þessa mála af þeim Færeyyngum, sem þá voru þar komnir, ef þeir vildi þat mál swardögum binda, bauð ok þeim, er þá voru þar komnir, at gerast handgengnir, ok þiggja af sèr vínáttu ok metorð; en þeim hinum færeyskum mönnum virðist svá í orðum konúnga, at þeim var hinn mesti grunr á, hvern veg ferð þeirra mundi til snúast, ef þeir vildi eigi undir þetta játast; sem konúngr beiddi þá; ok þóat til þessa væri fleiri stefnur lágðar, áðr enn lyktaðist, þá varð þat þó at lyktum allt framgengt, er konúngr beiddi; gengu þeir til handa konúngi, ok gerðust hirðmenn hans, Leifr ok Gilli ok Þórálfr, en allir veittu swardaga til þess, forunautar þeirra, at halda í Færeyyjum lög þau, er hann bauð þeim, ok setti landsrètt, ok skattgildi þat, er hann kvað á. Síðan bjöggust þeir hinir færeysku til heimferðar, en áðr þeir skildist, þá veitti konúngr þeim vingjafir, er honum gerðust handgengnir. Fóru þeir síðan ferðar sinnar, er þeir voru búnir, en konúngr lét búaskip, ok fékk menn til, ok sendi þá menn

til Færeyja, ok skyldu þeir taka við skatti þeim, er Færeyíngar skyldu gjalda honum. Þeir vorðu ekki snembúnir, ok er þat frá ferð þeirra at segja, at þeir komu aldri aptr, ok engi skattr á því sumri, er næst var eptir; komu þeir ekki til Færeyja, ok hafði þar engi maðr skattheimtan.

125. Ólafr konúngr fór um haustit at áliðnu inn í Víkina, ok gerði orð til Upplanda, ok lét boða veizlur fur sēr, ætlaði hann um vetrinn at fara um Upplönd. Síðan byrjar hann ferð sína, ok fór til Upplanda, dvaldist Ólafr konúngr þann vetr á Upplöndum, ok fór þar at veizlum, ok leiðrætti þá luti þar, er honum þótti ábótavant, ok samdi hann þá enn kristnina, þar sem honum þótti helzt viðþurfa. Þat gerðist til tíðinda, þá er konúngr var á Heiðmörk, at Ketill¹⁾ af Ríngunesi hóf upp bónorð sitt, ok bað Gunnhildar, dóttur Sigurðar konúngs sírs ok Ástu, var Gunnhildr systir Ólafs konúngs, átti konúngr svör ok forráð þessa máls; hann tók því vænliga, var þat fur þá sök, at hann vissi um Ketil, at hann var maðr ættstór ok auðigr, vitr maðr ok höfðingi mikill, hann hafði ok lengi áðr verit mikill vinr Ólafs konúngs, svá sem hēr segir furr. Slíkt allt saman bar til þess, at konúngr unni honum þessa ráðs, varð þetta ráð framgengt, at Ketill fékk Gunnhildar; var Ólafr konúngr at þessi veizlu. Ólafr konúngr fór síðan norðr í Guðbrandsdali, hann

¹⁾ Ketill, b. v. hin.

tók þar veizlur, þar bjó sá maðr, er Þórðr hét Guthormsson, á þeim bæ er á Steigh heitir. Þórðr var maðr ríkastr norðr þar í hinum neyrðra lut Dalanna; en er þeir hittust, þá hóf Þórðr upp bónorð sitt, ok bað Ísríðar, móðursystur Ólafs konúngs, ok átti hann énn svör þessa máls; en er at þessum málum var setit, þá var þat afráðit, at þessi ráð tókust, ok fékk Þórðr Ísríðar, gjörðist hann síðan öluðarvin Ólafs konúngs, ok margir aðrir frændr hans ok vinir; þeir er eptir honum hurfu. Fór Ólafr konúgr þá suðr aptr um Þotn ok Haðaland, þá á Ríngaríki ok þaðan út í Víkina; fór hann um vârit til Túnsbergs, ok dvaldist þar, meðan mestr var tilflutningr, ok þar var kaupstefna miest; lét síðan búa skip sín, ok hafði með sér fjölmenni mikit.

126. Þetta sumar komu af Íslandi at orðsendingu Ólafs konúngs Steinn Skaptason lögsögumanns, Þóroddr son Sæorra goða, Gellir son Þorkels Eyjólfssonar, Egill, son Síðu-Halls, bróðir Þorsteins. Guðmundr Eyjólfsson hafði andazt áðr um vetrinn. Þeir hinir íslenzku menn fóru, þegar þeir máttu viðkomast, á fund Ólafs konúngs, en er þeir hittu konúng, fengu þeir þar góðar viðtökur, ok voru allir með honum um vetrinn eptir. Þat sumar hit sama spurð Ólafr konúgr, at skip þat var horfit, er hann hafði sent til Færeyja hit furra sumarit, ok þat hafði hvergi til landa komit, svâ at spurt væri. Kon-

²⁾ þannig hin; Þór, A.

úngr fékk þá annat skip til, ok menn með, ok sendir til Færeyja eptir skatti. Fóru þeir menn, ok létu í haf, en síðan spurðist ekki til þeirra heldr enn hinna furri, ok voru þar margar getur á, hvat af skipum þeim mundi vorðit hafa.

127. Knútr hinn ríki, er sumir menn kallaðu [hinn gamla Knút, hann var konúgr yfir Englandi ok yfir Danaveldi. Knútr hinn ríki var son Sveins tjúguskeggs Haraldssonar; þeir lángeðgar höfðu lengi ráðit Danaríki. Haraldr Gormsson, föðurfaðir Knúts konúgs, hafði skattgildi allan Noreg eptir fall Haralds Gunnhildarsonar, ok tók þaðan skatta af. [Eptir þat eignaðist Knútr Norvegsveldi, ok kallaði erfðaland sitt, sem önnur þau er eignast hafði Haraldr konúgr Gormsson, afi hans; setti Knútr konúgr² þar til landsgæzlu í Noregi Eiríkr jarl Hákonarson; réðu þeir bræðr þá landi ok Sveinn jarl Hákonarson, til þess er Eiríkr jarl fór vestr til Englands at brösendingu Knúts konúgs, mágs síns, ok setti hann þá eptir til ríkis í Noregi Hákon jarl, son sinn, ok systurson Knúts hins ríka; en síðan Ólafr konúgr kom til Noregs, þá tók hann Hákon jarl höndum, ok setti hann af ríki sínu, sem furr er sagt, fór þá Hákon til Knúts konúgs, móðurbróður síns, ok hafði verit með honum alla þessa stund; til þess er nú er komit sögunni. Knútr hinn ríki hafði unnit

¹) Engla, S. ²) setti þar til landsgæzlu Hákon jarl enn ríka; Sveinn Danakonúgr réð fyrir Noregi, ok setti yfir, C, D, G, S.

(England) með orrostum ok barizt til, ok hafði haft langt starf, áðr landsfólkit hafði honum hlýðit vorðit; en er hann þóttist þar fullkominn til landstjórnar, þá minntist hann hvat hann þóttist eiga þess ríkis, er hann, hafði eigi sjálf hönd at eðr varðveizlu, en þat ríki var í Noregi, er hann þóttist eiga at taka at erfðum¹⁾, en Hákon, systurson hans, þóttist eiga suman, ok þat með at hann þóttist með svívirðing látit hafa; sá var hinn þriðl lutr til þess, at þeir Knútr ok Hákon höfðu kyrru fur haldit um tilkall í Noregi, ok þá furst, er Ólafr konúngr kom í land, ljóp upp allr múgr ok margmenni, ok vildi ekki annat heyra, enn Ólafr væri konúngr yfir Noregi; en nú síðan er menn þóttust vera úsjálfráðir fur ríki hans, þá leitaðu sumir or landi braut, höfðu farit margir ríkismenn eðr bóndasynir á fund Knúts konúngs hins ríka, ok fengit sér ýmist til erenda; en hverr þeirra, er kom á fund Knúts konúngs, ok hann vildu þýðast²⁾, þá fengu allir af honum fullar hendr fjár, mátti þar ok sjá tign miklu meiri enn annarstaðar, bæði at fjölmenni því, er þar var síðægris, ok umbúnaði þeim öllum, er þar var í þeim herbergjum, er hann var sjálf í. Knútr konúngr hinn ríki tók skatt ok skyld af þeim þjóðlöndum, er auðgast voru hingat á Norðrlönd, en þeim öllum mun, sem hann átti meiri eignir at taka enn allir aðrir

¹⁾ allan Noreg, b. u. lín. ²⁾ Hér byrjar apter J.

konungar, þá gaf hann því öllu meira enn hverr annarra. Í öllu hans ríki var svà góðr friðr, at enginn þorði þar annars granda, en sjálfir landsmenn höfðust því frið við ok fullan landsrètt í alla staði. Af slíku fékkst honum frægð mikil um öll lönd; en þeir er af Noregi komu, þá kærðu fur honum um frelsi sitt, ok talaðu þat fur Hákon jarli, en sumir fur Knúti konungi sjálfum, ok sögðu at þeir mundu þá búnir vera at hverfa aptr undir Knút konung eðr Hákon jarl, ok þiggja af þeim frelsi sitt. Þessar ræður fèllu Hákon jarli vel í skap, ok talaði slíkt fur konungi, ok bað hann leita eptir, ef Ólafr konungr vildi gefa upp fur þeim ríkit eðr miðla þeim með nökkuru sáttmáli; voru þar margir menn með jarli um þetta mál ok honum í sinni, ok fýstu mjök konunginn at kalla til Noregs. Knútr konungr sendi menn vestan af Englandi litlu síðarr til Noregs, ok var þeirra ferð búin allvegliga, höfðu þeir bréf ok innsigli Knúts, Englands konungs. Þeir komu á fund Ólafs konungs um vârit í Tûnsbergi; en er Ólafr konungi var sagt, at þar voru komnir sendimenn Knúts konungs hins ríka, þá varð hann styggri við, ok sagði svà, at Knútr konungr mundi þángat enga menn senda með þeim eyrendum, at honum eðr hans mönnum mundi gagn í vera; ok var þat nökkura daga at sendimenninnir náðu eigi fundi konungsins. En er þeir fengu

*) þannig fêðrètt samkvæmt hinum; Eirík, A.

lof til at tala við hann, þá gengu þeir fur hann, ok báru fram bréf Knúts konungs, ok sögðu þar með eyrendi þau, er fylgðu, at Knútr konúgr kallar sína eign allan Noreg, ok telur þat at hans forellrar hafi þat ríki haft fur honum; en fur þá sök at Knútr konúgr vill frið bjóða til allra landa, þá vill hann ok eigi herskildi fara til Noregs, ef annars er af kost; en ef Ólafr konúgr vill vera konúgr yfir Noregi, þá fari hann á fund Knúts konungs, ok taki landit í lén af honum, ok gerist hans maðr, ok gjaldi honum skatta af slíka, sem jarlar guldu fyrrum, Sveinn ok Hákon. Síðan báru þeir fram bréf, ok sögðu þau slíkt hit sama. Þá svarar Ólafr konúgr: þat hefi ek heyrt sagt furr í fornum frásögnum, at Gormr konúgr hinn gamli þætti gildir konúgr fur sèr, ok ræð hann fyrir Danmerk einni; en þessum Dana konúngum, er síðan hafa verit, þikkir sèr þat eigi einhlítt, ok er nú svá komit, at Knútr konúgr ræðr fur Danmerk ok Englandi, ok hefir nú þó brotit undir sik mikinn luta Skotlands; nú kallar hann til ættleifðar minnar í hendr mér, kunna skyldi hann hóf at um síðir um ágirni sína, eða mun hann einn ætla at ráða fur Norðrlöndum öllum? eða mun hann einn ætla at eta kál allt á Englandi? furr mun hann því afla, enn ok fara honum

1) af, C. 2) Norðrlöndum, J.

höfuð mitt, eðr. ek veiti honum næ eina lotning; nú skuluð þeir honum segja: þau orð mín, at ek mun verja oddi ok eggjum Noreg, meðan ek endumst til, en gjalda engum manni skatt af ríki mínu, meðan guð vill at ek ráði fur. Eftir þenna orskurð fóru sendimenn Knúts konungs á brott, ok vorðu eigi sínu eyrendi fegnir. Sighvatr skáld hafði verit með Knúti konungi, ok gaf Knútr konúgr honum gullhring þann, er stóð hálfa merk; þá var ok með Knúti konungi Bersi¹, ok gaf konúgr honum 2 gullhringa, ok stóð hvár hálfa merk, ok þar með sverð gullbúit; þá kvað Sighvatr vísu þessa:

Knútr hefir okkr hinn ítri,
alldáðgöfugr! báðum
hendr, er hilmí fundum,
[húns skrautliga² búnar;
þér gaf hann mörk eðr meira
margvitr³ ok hjörbitran,
gulls, ræðr gjörva öllu⁴
guð sjálfr, en mér hálfa.

Sighvatr gerði þér at hvarfi sendimenn Knúts konungs, ok spurð þá vandliga tíðinda; þeir segja honum ok slíkt er hann spurð, þeir sögðu honum ok frá viðræðum þeirra Olafs konungs ok eyrendislokum sínum, sögðu at konúgr hefði þungliga syrat þeirra málum: ok vitum vèr

¹) Bersi konungs-lesing, O, F, Qværr svart, G, Brúsi, J. Skáldtorfuson, b. v. D, J, L, S. ²) húnskrautligast, C, D, F, K, S. ³) mannvitr, C. ⁴) heillum, J.

eigi, segja þeir, af hverjum hann hefir traust til at neita því, at gerast maðr Knúts konúgs, ok fara svá ríkir höfðingjar, sem hann er, á konúgs fund, ok mundi hans kǫstr sá beztr, þvíat Knútr konúgr er svá mildr, at aldrí gera þeir svá mikit af við hann, at eigi gefi hann þeim þegar allt upp, ef þeir sækja konúgs fund, ok veita honum lotníngr; var þat nú fur litlu, er til hans komu 2 konúngar norðan af Skotlandi af Fífi¹⁾, ok færðu honum höfuð sín, ok gaf hann þeim upp reiði sína, ok svá lönd þau öll, er þeir höfðu átt, ok þat með á ofan stórar vingjafir; nú mundi sjá konúgr fara slíka sæmdarför eðr meiri, ef hann kynni at þekkjast, ok vildi hann stunda til Knúts konúgs; þá kvað Sighvatr vísu:

Hafa allframir jöfrar
 út sín höfuð Knúti
 færð or Fífi norðan,
 friðkaup var þat, miðju²⁾;
 seldir³⁾ Ólafr aldrí,
 opt vá sigr hinn digri,
 [hausi hilmir⁴⁾ þvísa
 hann engum svá manni.

Sendimennfóru síðan aptr leið sína á fund Knúts konúgs, ok byrjaði þeim vel um haustit, ok segja honum erendislok sín, ok svá þau ályktarorð Ólafs konúgs, er hann mælti, Knútr kon-

¹⁾ Fífr, J. ²⁾ miðjum, C, F, K. ³⁾ seldi, hin. ⁴⁾ haus í helmi, hin.

úngr mælti: eigi getr Ólafr konúgr þess rétt, ef hann ætlar at ek muni eta einn kál allt hér á Englandi, heldr mundi ek hitt vilja, at hann fyndi þat, at mér býr fleira innan rifja enn kál eitt, þvíat honum skulu heðan köld ráð koma undan hverja rífi, ef ek má ráða. Þat sama sumar komu af Noregi til Knúts konúgs, Áslákr ok Skjálgr, synir Erlíngs af Jaðri, ok fengu þeir þar góðar viðtökur, þvíat Áslákr átti Sigríði, dóttur Sveins jarls Hákonarsonar; voru þau bræðrabörn ok Hákon jarl Eiríksson; fékk Knútr þeim stórar veizlur með sér.

128. Ólafr konúgr stefndi til sín lendum mönnum sínum, ok fjölmenti mjök um sumarit, þvíat þau orð fóru um, at Knútr hinn ríki mundi fara um sumarit vestan af Englandi með heráildi til Noregs; þóttust menn þat spurja af kaupskipum þeim, er vestan komu, at Knútr mundi samandraga her mikinn á Englandi; en er á leið sumarit, þa sannaði þat annar, er vestan kom, en annar synjaði, at hinir mundi koma. En Ólafr konúgr var um sumarit í Víkinni, ok hafði menn á njósn, ef Knútr konúgr kæmi til Danmerkr. Ólafr konúgr sendi menn um haustit til Svíþjóðar á fund Önundar konúgs, mágs síns, ok lét segja honum orðsending Knúts konúgs, ok tilkall hans til Noregs, ok lét þat fylgja, at þat var ætlan konúgs, ef Knútr konúgr legði undir sik Noreg, at Önundr konúgr mundi litla hríð þaðan frá í friðisitja, eðr halda Svíaveldi, ok kallaði hann þat

ráðligast, þeir byndi saman lag sitt ok félagskap, eptir því sém tengðir þeirra voru til, ok rísa ímóti, ok segja at þá skortir eigi styrk til at halda deilu eðr úfrið við Knút konúng. Önundr konúngur tók vel þessu máli, ok sendi þau orð í móti, at hann vill leggja félagskap við Ólaf konúng, eptir því sem hann hafi orð til sent, svá at hverr þeirra veitti öðrum styrk af sínu ríki, hvárr sem furr þarf; þat var ok með orðsending þeirra, at þeir skyldi finnast, ok gera þá ráð með sér; ætlaði Önundr konúngur at fara um vetrinn yfir Vestra-Gautland, en Ólafr konúngur efnaði til vetrsetu í Sarpsborg. Knútr konúngur kom þat haust til Dánmerkr, ok sat þar um vetrinn með allmikil fjölmenni; honum var sagt, at orðsending hafi farit milli Svía konúnga ok Noregs konúnga, ok þar mundi stórræði undir búa. Knútr sendi þá menn um vetrinn til Önundar konúnga í Svíþjóð, ok sendi honum stórar vingjafar ok vinmæli; sagði hann svá, at vel mætti hann sitja hjá deilum þeirra Ólafs digra: þvíat þú, Önundr! skalt í friði vera fyrir mér, ok svá ríki þitt. En er sendimenn komu á fund Önundar konúnga, þá báru þeir fram gjafar þær, er Knútr konúngur sendi honum ok vináttu hans með. Önundr konúngur tók þeim málum vel ok ekki fljóttliga, ok þóttust sendimenn skilja, at Önundr konúngur mundi mjök snúinn til vináttu við Ólaf konúng, mág sinn; fóru þeir aptr ok segja Knúti konúngi þat, er þeir þóttust vísir hafa vorðit um Önund konúng, hverr hann

mundi vera í málum þeirra Ólafs konúngs, ok báðu hann engrar vináttu vænta af Önundi Svía konúngi.

129. [Eptir þenna hinn sama vetr¹ sat Ólafr konúngr í Sarpsborg, ok hafði fjölmenni mikit; þá sendi hann Karla hinn háleyska norðr í land með erepnum sínum; fór Karli furst til Upplanda, síðan norðr um Fjall, ok kom fram í Niðarósi, tók þar fè konúngs svá mikit, sem hann hefir orð til sent ok skip gott, þat er honum þótti vel til fallit þessar ferðar, sem hann hafði fur ætlat, en þat var at fara norðr til Bjarmalands; var svá ætlat, at Karli skyldi hafa fèlag við Ólaf konúng, ok eiga hvárr hálf fè. Karli hèlt skipinu norðr á Hálogaland snemma um vârit; ræðst þá til ferðar með honum Gunnsteinn, bróðir hans, ok hafði hann sèr kaupeyri, þar var nærr hálfum þriðja tigi manna á skipi; þeir fóru þegar um vârit sneimmendis norðr á Mörkina. Þórir hundr spurr þetta, hann gerði þegar menn ok orðsendingar á fund þeirra bræðra, ok þat með at hann ætlar ok um sumarit til Bjarmalands, ok vill hann at þeir hafi samflot, ok hafi at helmíngi hvárir við aðra, slíkt er fæst ok til fengjar berr. Þeir Karli sendu þau orð ímóti, at Þórir skyldi hafa jafnmarga menn, ok hafa hálfan þja tög, svá sem þeir höfðu; vilja þeir þá síðan, at þá sè skipt fè milli skipanna at jafnaði, fur utan kaupeyri þann, er

¹) vetr þann, hin.

menn hafa. En er sendimenn Þóris komu aptr, þá hafði Þórir látit framsetja lángskipsbuzu mikla, er hann átti, ok látit búa, hann hafði til þess húskarla sína, ok voru á skipi nærr 80 manna; hafði Þórir einn forráð liðs þessa, ok svá afla þess alls, er verðr í ferðinni. En er Þórir var búinn, hēlt hann skipinu norðr með landi, ok hittust þeir Karli norðr í Sandvík¹; síðan fóru þeir allir samt, ok byrjaði þeim vel. Gunnsteinn ræddi um við Karla, bróður sinn, þegar er þeir fundust, at honum þótti Þórir vera ærit fjölmennr, ætla ek þat ráðligra, segir hann, at hverfa aptr, ok fara eigi við svá búit, at Þórir eigi alla kosti við oss, þvíat ek trúi honum illa. Karli svarar: eigi vil ek aptr hverfa, þvíat þat mun oss vera lagt til ámælis; en þó er þat satt, ef ek hefði vitat þetta, þá er ek var heíma í Lángey, at Þórir hundr mundi koma í ferð vára með svá marga menn, at vēr mundum þá haft hafa fleiri menn með oss, enn svá sem nú er. Þeir bræðr ræddu þetta við Þóri, ok spurðu hví hann hefði lið miklu fleira, enn svá sem mælt var, ok orð höfðu um farit með þeim. Þórir svarar: vēr höfum skip svá mikit ok liðskýlt², at þar má ekki lítlu liði við hlíta, þikkir mér ok í háskaferðum slíkum eigi góðum dreng um aukit. Nú fóru þeir um sumarit optast éptir því sem skip þeirra gengu til; þá er byrlítit var, gekk meira skip þeirra bræðra, ok sigldu þeir þá undan, en þegar hvassará var,

¹) Sandver, B, C, D, F, K, L, S. ²) Liðskýlmt, L.

gekk meira skip Þóris, ok sóttu þeir þá eptir; voru þeir sjaldan allir saman, en vissust þó til jafnan. Ok er þeir komu til Bjarmalands, þá lögðu þeir til kaupstaðar, ok tókst þar þegar kaupstefna með þeim Björnum, fengu þeir þar fullræði fjár, er fê höfðu til at verja; Þórir fêkk ok grávöru márga, bæði bjór ok safala; Karli hafði ok allmikit fê, hann keypti ok skinnavöru mikla; þá hældu þeir út or ánni Vínu, var þá í sundr sagt friði við landsmenn. En er þeir voru komnir til hafs út, ok áttu þar skiparastefna, þá spurð Þórir, ef mönnum sê nökkurr hugr á at fá sêr fjár. Mennt svöruðu ok létust þess búnir, ef fêfaung lægi brýn fur. Þórir svarar ok segir, at fêit mundi fást, ef ferð sú tækist vel, en eigi örvænt at mannhætta gerðist í ferðinni. Allir sögðu, at til vildu hætta, ef fêvân væri. Þórir segir, at þannveg væri þar háttat: þá er auðgír menn önduðust, at lausafê skyldi skipta með hinum dauða ok örfum, skyldi hinn dauði hafa hálft eðr meira, stundum þriðjúng eðr minna; þat fê skyldi bera út í skóga, ok stundum voru haugar at gjörvir eðr hús, þar skyldi hræra allt saman mold ok silfr. Þórir segir at þeir skyldi til ferðarinnar búast at kveldi dags; svá var mælt, at engi skyldi renna frá öðrum, engi skyldi ok eptir vera, þá er stýrimaðr segði, at í brautskyldi leggja. Þeir létu menn eptir at gæta skipsins, síðan gengu þeir á

land upp, ok voru furst vellir sléttir, er þeir komu á landit, en þar næst mörk mikil; Þórir gekk fur, en þeir bræðr síðast. Þórir bað menn fara hljóðliga ok hleypa af trjánum berki, svá at hvert tréit sjái frá öðru, at ver farim hina sömu leið aptr. Þeir komu síðan í rjóðr eitt mikit, en í rjóðrinu var skíðgarðr hárr, hurð var fur skíðgarðinum, ok var hún læst; sex menn af landsmönnum skyldu vaka yfir skíðgarðinum hverja nótt, sinn þriðjung nætr hverlr 2. Þá er þeir Þórir komu til skíðgarðsins, voru þeir vökumenn heimgengnir, en þeir, er vaka skyldu næst, voru eigi komnir á vörðinn; Þórir gekk at skíðgarðinum ok krækti öxi sinni uppá, ok las sik uppeptir, fór svá þar til er hann kom á upp ok inn um skíðgarðinn öðrumegin; þá kom ok Karli at öðrumegin, ok komu jafnsnemma at hliðinu, ok tóku frá lokurnar ok svá slagbrandana, ok luku upp hurðina, gengu menn þá inn í garðinn. Þá mælti Þórir: í garði þessum er gjörr haugr af gulli ok silfri ok moldu, hrært allt saman, skulu menn nú fara þar til, ætli menn sèr eigi svá þúngt, at eigi megi fara fullum fetum frá því; í garðinum er goð Bjarma, er Jómali heitir, ok verði engi svá djarfr, at við þat glettist eðr hann ræni at nökkuru. Síðan ganga þeir á hauginn, ok tóku fèit sem mest máttu þeir, báru í klæði sín, fylgði þar þó mold mikil, sem ván var at, er skjótt var upptekit. Síðan

mælti Þórir, at menn skyldu í braut fara; ok segir svá: nú skuluð þið bræðr, Karli ok Gunnsteinn! fara furst, en ek mun ganga síðast, ok gæta liðs várs; snèru þeir þá allir út til hliðsins, ok er þeir föronautar voru allir komnir út at skógarðinum, þá snèri Þórir aptr, ok veik at Jómalanum, ok tók silfrbolla, er stóð í knjám honum, hann var fullr af silfrpeningum, steypiti Þórir þá silfrinu í kiltíng sèr, en dró hödduna á hönd sèr, er var yfir bollanum, gekk Þórir þá út at hliðinu; þeir förunautar voru þá varir við, at Þórir var aptrhorfinn; Karli hvarf þá aptr at leita Þóri ok hittust þeir þá fur innæn hliðit; Karli sá þá, at Þórir hafði silfrbollann; síðan rann Karli at Jómalanum, hann sá at digrt men var á hálsinum, hann reiddi upp öxina, ok hjó í sundr týgilinn aptan á hálsinum¹, varð þat högg svá mikit, at höfuðit tók af Jómalanum, varð brestr svá mikill², at öllum þótti undr at, tók Karli þá menit, fóru þeir þá í braut; ok jafnskjótt sem brestrinn varð, komu fram í rjóðrit varðmenninnir, ok blèsu þegar í lúðra sína, því næst heyrðu þeir alla vega frá sèr lúðrblástra, sóttu þeir Þórir fram at skóginum ok í skógin; þá heyrðu þeir aptr í rjóðrit óp ok kall ok gaulun illiliga, voru þeir Bjarmar þá þar komnir. Þórir hundr gekk síðast allra manna liðs þeirra, tveir menn gengu fur honum, ok báru sekk nökkurn milli sín, þar var í

¹) er menit var fest með, b. v. C. ²) Hér byrjar E aptr.

Því líkast sem aska, þar tók Þórir í hendi sér ok seri þar¹⁾ eptir í slóðina sem þeir fóru, stundum kastaði hann því fram yfir liðit; fóru svá fram or skóginum á völlum; þeir heyrðu at herra Bjarma fór eptir þeim með ópi ok kalli ok gaulun illiligri, þustu þeir þá fram á völlum hjá þeim á tvær hliðar, en hvergi komu þeir svá nærr þeim eða vörn þeirra, at þeim vörð mein at, en þat þóttust þeir Karli helzt af kanna, at Bjarmar sæi þá eigi; en er þeir komu út til skipanna, gánga þeir Karli útá skipin fyrstir, þvíat þeir voru áðr fremstir, en Þórir var lengst á landinu. Þegar þeir Karli voru búnir, þá kastaðu þeir tjöldunum af sér, ok slógu festum, síðan drógu þeir upp segl sitt, gekk skipit þá út á haf brátt; en þeim Þóri tókst allt seinna, ok var skipi þeirra óhógviknara²⁾, ok er þeir tóku til segls, voru þeir Karli komnir langt undan landi; sigldu þá hvarirtveggju³⁾ nætr ok daga, allt til þess er þeir Karli lögðu aptan daga at eyjum nökkurum, lögðu þeir þá seglit, ok kastaðu akkerum ok biðu straumsfalls, þvíat mikil röst var fur þeim; þá komu þeir Þórir eptir, lögðust þeir ok um akkeri, síðan skutu þeir báti, gekk Þórir á bátinn ok menn með honum, reru þeir Þórir til skips þeirra bræðra, Þórir gekk uppá skipit, þeir bræðr heilsaðu honum vel; Þórir var heldr fáligr, hann bað

¹⁾ því, K. S. ²⁾ óauðraðnara, him. ³⁾ yfir Gandvík, hött var þá ein ljós, sigldu þeir þá bæði, b. v. him.

Karla fá sér menit, þat er hann tók af Jómalanum: þikkjumst ek makligastr at hafa kostgripi þá, er þar voru teknir, þvíat mér þótti þer mín við njóta, er þer komust í braut með engum mannskaða, en mér þóttir þú, Karli! stýra oss í hinn mesta vða. Þá svarar Karli: Olafr konúgr á fè þetta allt at helmíngi, er ek afla í þessi ferð, ok ætla ek honum menit; nú far þú á konúgsfund, kann vera at hann fái þer menit, ef hann vill fur því eigi hafa þat, er ek tók þat af Jómalanum. Þá segir Þórir, at hann vill at þeir fari þá á land upp, ok skipti þar fengi sínum. Gunnsteinn svarar ok segir, at þá væri strauma skipti, ok mál væri at sigla. Síðan draga þeir strengi sína, ok heimta upp akkeri sín; en er þeir Þórir sá þat, þá fara þeir ofan í bátinn, ok røru til skips síns; þeir Karli höfðu þá uppdregit segl sitt, ok voru þá langt komnir, áðr þeir Þórir kæmi yfir sik seglinu; fóru þeir þá til þess. er þeir komu í Geirsver, þar er furst bryggjulægi, er norðan ferr; þar komu þá hvárirtveggju aptan dags, ok lögðu þar á bryggjulægi, lágu þeir Þórir innarr í höfninni, en hinir í utanverðri; en er þeir Þórir höfðu tjaldat, þá gekk hann á land upp, ok hans meðan mjök margir saman, þeir fóru til skips Karla, höfðu þeir þá umbúizt; Þórir gekk þá út at skipinu ok kallaði, bað stýrimann á land ganga. Þeir bræðr gerðu svā, gengu á land ok nökkurir menn með þeim, þá hóf Þórir

hina sömu ræðu ok furr, at hann bað alla menn á land gánga, ok bera til skiptis, þat sem menn höfðu aflat at herfáangi; þeir bræðr sögðu enga nauðsyn at skipta, furr enn þeir kvæmi heim í byggð. Þórir segir, at þat var ekki siðvandi at skipta eigi fyrr herfáangi enn heima, ok hætta svá til um trúleik manna ok einurð. Þeir ræddu um þetta nökkurum orðum, ok þotti sinn veg hvarum; þá snéri Þórir í brott, ok er hann var skamt genginn, þá veik hann aptr, ok mælti, at förunautar hans skyldu bíða hans, kallaði hann á Karla: ek vil tala við þik einmæli, segir hann; Karli gekk þegar í móti honum; en er þeir fundust, þá lagði Þórir spjóti á honum miðjum, svá at í gegnum hann stóð; þá mælti Þórir: kenna muntu þar, Karli! einn Bjarkeyfinginn, hugða ek ok at þú mundir kenna spjótit Selshefni. Hann dó þegar, en þeir Þórir gengu þá til skips síns. Þeir Gunnsteinn sá fall Karla, ok runnu þeir þegar þangat til, og sá þeir vegs ummerki, tóku líkit, ok báru til skips, ok brugðu tjöldum ok svá bryggjum, ok heimtust frá landi, þegar þeir máttu; síðan drógu þeir segl upp, ok sigldu leið sína; ok er þeir Þórir sá þat, þá reka þeir af sér tjöldin sem akafast, en er þeir drógu upp seglit, þá gekk á sundr dragreipit, fór þá ofan seglit þverskipa, varð þeim Þóri þat dvöl mikil, áðr þeir kvæmi upp seglinu í annat sinn, voru þeir Gunnsteinn þá langt komnir, áðr þeir Þórir voru seglbúnir, ok skriðr

varð at skipi þeirra; gjörðu þeir Þórir þá hvartveggja, at þeir sigldu ok ræru undir; slíkt hit sama gjörðu þeir Gunnsteinn; fóru nú hvartveggju sem aftók mest, bæði nætr ok daga, ok dró seint saman með þeim¹⁾, þviat þegar eyjasundin tóku til, þá varð mjúkara at víkja skipi Gunnsteins, en þó dró Þórir eptir svá fast, at þá er þeir komu fur Lengjuvík²⁾, snæru þeir Gunnsteinn at landi, ok ljópu á land upp; en litlu síðarr komu þeir Þórir þar, ok ljópu á land upp, ok eltu þá; kona ein (gat) hólpit Gunnsteini ok fólgit hann, ok er þat sagt, at hún var mjök fjölkunnig; fóru þeir Þórir aptr til skipa, ok tóku fê þat allt, sem á var skipinu Gunnsteins, en báru grjót í staðinn³⁾; síðan fóru þeir Þórir heim til Bjarkeyjar. Þeir Gunnsteinn fóru furst huldu höfði, ok fluttust á smáskipum, fóru um nætr en lágu um daga, fóru svá allt þartil er þeir komu fram um Bjarkey; fóru þeir Gunnsteinn furst heim í Langey, dvaldist hann þar þá litla hríð, áðr hann fór suðr með landi, ok létti eigi furr enn hann kom suðr í Þrándheim, ok hitti þar Ólaf konúng, ok segir honum tíðindin, slík sem vorðin voru í Bjarmalandsferðinni. Konúngr lét illa yfir ferð þeirra, en bauð þó Gunnsteini með sér at vera, ok sagðist leiðrétta skyldu mál hans, þegar hann mætti sér svá viðkoma. Gunnsteinn þakkaði kon-

¹⁾ Hér sleppr E um sinn. ²⁾ Launguvík, G. ³⁾ flattu skipit áta hjörðina, ok hjuggu rauf á, ok söktu niðr, b. v. hín.

ingi vel boð sín, ok þekktist þat, ok dvaldist hann með Ólafi konúngi um hríð.

130. Svá er sagt furr, at Ólafr konúgr sat hann vetr í Sarpsborg, er Knútr hinn ríki sat í Danmörk. Önundr Svía konúgr reið þann vetr yfir Vestra-Gautland, ok hafði [mikinn her, 0 hundruð¹⁾ manna; fóru þá menn ok orðsendngar milli þeirra mága, gjörðu þeir þá stefnugag sín ímilli, at þeir skyldu hittast við Konúngahellu; þeir frestaðu fundinum fur þá sök, at þeir vildu frétta, hvat Knútr konúgr hefðist at; en er áleið várit, þá bjóst Knútr konúgr vestr til Englands með liði miklu, hann setti eptir í Danmerk Hörðaknútr, son sinn, ok þar með honum, Úlf jarl, son Þorgils sprakaleggs. Úlfr átti Ástríði, dóttur Sveins konúgs, en systur Knúts konúgs hins ríka; þeirra son var Sveinn Úlfsson, er síðan var konúgr yfir Danmerk. Úlfr jarl var hinn mesti merkismaðr. Knútr konúgr fór nú vestr til Englands, sem furr var sagt; en er þat spurðu konúngarnir, Ólafr ok Önundr, þá fóru þeir þegar til stefnunnar, ok hittust við Konúngahellu, varð þar fagnafundr ok vináttumál mikil, svá at þat varð bert fur alþýðu, en þó ræddu þeir þá marga luti, er þeir vissu 2 árin, ok varð þat síðan sýnt ok augljóst fur þönnum; en at skilnaði skiptust þeir gjöfom

¹⁾ meirr enn þjár þúsundir (M M M) G, I; þjú hundruð, L.

við, ok skildust vinir; fór þá Ösundr konúgr uppá Gautland, en Ólafr konúgr norðr í Vík-ina, ok síðan norðr á Gaular ok út á Agðir, ok þaðan norðr með landi; hann lá mjök lengi í Eikundasundi, ok beið þar byrjar; honum var sagt at Erlíngr Skjálgsson lá í samnaði, ok þeir Jaðarbyggjarnir, ok höfðu her manns. Þat var þá einn dag at konúngsmenn ræddu um með sér, hvárt væri sunnanveðr eðr útsynningr, eðr hvárt þat veðr væri segltækt eðr eigi fur Jaðar, töldu þat flestir at úsiglanda væri; þá svarar Haldórr Brynjólfsson: þat mundi ek ætla, ef Erlíngr Skjálgsson hefði búit yðr veizlu á Sóla, at þetta veðr mundi þikkja siglanda fur Jaðar. Þá mælti Ólafr konúgr, at menn skyldu reka af sér tjöldin, ok leggja út skipunum or höfninni, ok svá var gjört; sigldu þeir þann dag fur Jaðar, ok dugði veðr hit bezta, lögðu at um kveldit í Hvítíngsey; fór konúgr þá norðr á Hörðaland, ok fór þar allt at veizlum, er fur honum voru gjörvar.

131. Þetta vár hafði farit skip af Noregi út til Færeyja, voru á því skipi orðsendíngar Ólafs konúgs til þess at koma skyldi utan af Færeyjum einnhverr hirðmannn hans, Leifr Özurásson eðr Gílli lögmaðr eðr Þórálfr or Dímun. En er þessar orðsendíngar komu til Færeyja, ok þeim var sagt sjálfum, þá ræddu þeir með sér, hvat undir mundi búa orðsendíng þessi, ok kom þat

¹⁾ Hálögaland, C, D. F.

ásamt með þeim, at konúngr mundi vilja spurja eptir um þau tíðindi, er sumir höfðu fur satt, at þar hefði misfarizt í eyjunum þeim tveim skipshöfnum, er engi maðr hafði afkomizt. Þeir réðu þat af með sér Færeyingarnir, at Þórálfr skyldi fara; réðst hann síðan til ferðar, ok bjó byrðing, er hann átti, ok aflaði þar til manna, voru þar til 10 menn eðr 12 samt. En er þeir voru búnir ok biðu byrjar, þá var til tíðinda í Austrey, at Þrándr í Götum gekk til stofu einn veðrdag góðan, en þar í stofunni í þverpallinum lágu þeir frændr hans, Sigurðr ok Þórðr, þeir voru Þorlákssynir¹⁾, ok hinn þriði var Gautr hinn rauði, þat var ok frændi þeirra. Allir voru þeir frændr gjörviligir menn, Sigurðr var þeirra elztr ok mestr fyrir þeim í öllu. Þórðr átti kenníngarnafn, ok var kallaðr Þórðr hinn lági²⁾, hann var þó manna hærstr, ok var þat þó meirr frá, at hann var þrekligr ok rammr at afli, svá at trautt vissu menn afl hans, hversu styrkr hann var. Þá mælti Þrándr: margt skipast á manns æfi; útíðt var þat, er vèr vorum úngir, at menn skyldu sitja inni ok liggja góða veðrdaga, þeir er úngir voru, mundi þat eigi þikkja líkligt hinum furrum mönnum, at Þórálfr or Dímun mundi þikkja meiri þroskamaðr enn þær; en byrðingr sá, er ek á ok hær stendr í nausti,

¹⁾ Aslákssynir, *I hér og fru.* ²⁾ lági, *C, D, G hér og fru.* ³⁾ *v. í C, D, G.*

ætla ek at nú gjörist svá forn, at hann fúni sundr undir bráðinu, hēr er ok hvert hús fullt af ullu, ok verðr ekki til verðs haldit; nú mundi ek svá fara, ef ek væri nökkurum vetrum ýngri. Sigurðr spratt þá upp, ok hēt á Þórð ok Gaut, ok kveðst eigi vilja þola frýju þrándar, gánga síðan út ok þar til er húskarlar voru, fóru síðan til skips, ok settu fram byrðinginn, ok létu flytja til farminn, ok hlóðu skipit, skorti þar eigi til farminn heima, þar var ok reiði allr með skipinu, bjöggu þeir skipit á fáa dögum, stigu þar á síðan 10 menn eðr 12 á byrðinginn þrándar. Þrándr karl átti ok lengi eintal við þá Sigurð ok Þórð, áðr þeir fóru heiman. Þeir Þórálfr tóku eitt veðr út allir, ok vissust til jafnan í hafinu; mæltust þeir þat við, at hvárir skyldu öðrum vera liðsinnaðir hvers sem við þyrfti; þeir [tóku Noreg í Hereyjum, þat var síð dags, lögðu þeir Sigurðr at utarr við ströndina, ok var þó skamt í milli þeirra; þat varð til tíðinda um aptaninn síð, er myrkt var vörðit, ok þeir Þórálfr ætluðu til rekna at búast, þá gekk Þórálfr á land upp álfreka ok maðr með honum, þeir leitaðu sér staðar²; ok er þeir ætlaðu ofan at gánga, þá segir sá svá, er honum fylgði, at hann fann eigi furr enn kastat var klæði yfir höfuð honum, síðan var hann tekin upp af jörðunni, í því heyrði hann brest mikinn, síðan var gengit

¹) komu at Hernum aptan dags, C, D, G; Hernu, F. ²) at gánga örna sinna, b. v. I.

með hann sem með barn, ok reiddr til falls, en þar var undir sjór kolblárr, ok var hann keyrör á kaf; en er hann komst á land, fór hann þar til, er þeir Þórálfr höfðu skilit, hitti hann þar á Þórálfr, ok var hann klofinn í herðar niðr, ok var þá dauðr. En er skipverjar¹⁾ Þórálfs vorðu þessa varir, þá báru þeir lík hans á skip út, ok náttsettu þar um nóttina. Þá var Ólafr konúgr á veizlu í Lygru²⁾, þat er skamt þaðan, voru honum þegar orð gjör um myrgininn, lét Ólafr konúgr þegar stefna örvarþing, konúgr var þar á þinginu, hann hafði ok þangat stefnt Færeyíngum af hvárutveggja skipinu, ok voru þeir til þings komnir; en er þingit var sett, þá stóð konúgr upp ok mælti: Þau tíðindi eru hér vorðin, er slík eru sjaldgæt er betr er; hér er af lífi tekinn góðr drengr, ok hyggjum vèr, at saklaus hafi verit, eðr er nökkurr sá maðr hér, er kunni at segja, hverr þessu verki veldr? En þar gekk engi maðr við því. Þá mælti konúgr: ekki mun ek því leyna, hverr áhugi minn er um verk þetta, at ek horfi á hendr þeim sjálfum Færeyíngum, þætti mér þannveg helzt at unnit, sem Sigurðr Þórláksson muni hafa vegit manninn, en Þórðr hinn lági muni hafa fært hinn á kaf; en þat fylgir ætlan minni, at ek mundi þess geta til, at þat mundi til saka fundit, at þeir mundu eigi vilja at Þórálfr segði eptir þeim ódádír þær, er hann mun hafa vitat at sannar

¹⁾ skiparar, C, G, I. ²⁾ Lyggro, S.

munu vera, en oss hefir lengi grunat um morð þau okillvirki, er sendimenn mínir hafa myrðir verit þar í eyjunum. En er konúngr hætti ræðunni, þá stóð upp Sigurðr Þorláksson ok mælti, hann tók svá til orðs: ekki hefir ek furr talat á þíngum, ætla ek mik munu þikkja ekki mjök orðfíman, en þó sè ek nú ærna nauðsyn tilbera, at svara nökkuru um þetta vandkvæði, sem nú er til handa borit, ok áferli þat sem konúngr drap oss skúta um; vil ek þess tilgeta, at ræða sjá, er konúngr hefir uppi haft, muni vera komin undan túngurótum þeirra manna, er miklu eru úvitrari ok verri enn svá sem hann er, er þat ok úlíkliga mælt, at ek mundi vilja vera skaðamaðr Þórláfs, þvíat hann var fóstbróðir minn ok hinn fæsti vin, en ef þar væri nökkuð önnur efni í, ok væri sakar til milli okkar Þórláfs, þá er ek svá viti borinn, at ek mundi heldr til þess verks hætta heima í Færeyjum, heldr enn hær undir handarjaðri yðr, konúngr! nú vil ek þess verks sannliga synja fur mik, ok svá fur alla oss fèlaga ok skipverja, vil ek þar bjóða fur eiða, sem lög yðr standa til; en ef yðr þikkir hit fullara, þá vil ek flytja járnburð, ok vil ek, herra konúngr! at þær sèð sjálfir við skírsluna, þikkir mær því betr, er hún er frekari gjör, ok ek gæti þessu illmæli sem skjótast rudt ok hrundit, svá at þat sè öllum góðum mönnum ljóst, at vèr fèlagar sèim þessu máli lognir; vil ek ok líkt hrinda hvárutveggja málinu, ok því er konúngr stakk

oss félögum sneið um, at vèr mundim hafa myrða menn hans til fjár. En er Sigurðr hætti máli sínu, þá áttu margir menn lut, at, at hann næði undanfærslu um þetta mál, sögðu Sigurðr hafa vel talat, ok töldu hann úsannan at þessu máli mundu vera, sem honum var kent. Konúngr svarar: um þenna mann [hefr svá stórum¹⁾, ef hann er loginn þessu máli, þá mun hann vera góðr maðr, en at öðrum kosti mun hann vera nokkuru djarfari enn dæmi finnist til, ok er eigi síðr þat mitt hlugboð at svá mun vera; en þess get ek at hann beri sjálfr vitni um af stundu. En við flutning ok bæn manna þá varð þat, at konúngr tók festu af Sigurði til járnburðar; skyldi Sigurðr eptir um daginn koma í Lygru, ok skyldi biskup þar gera skírslu; ok sleit með því þinginu; fór konúngr um kveldit í Lygru, en Sigurðr ok þeir félagar²⁾ tilskips, tók þá brátt at myrkva af nótt. Sigurðr mælti þá við förunauta sína: þat er satt at segja, at vèr höfum komit í mikit vandkvæði, ok höfum vorðit fur mikilli álýgi, er konúngr sjá vælráðr ok brögðótttr, mun nú auðsæn várr kost, ef hann skal ráða, hefr hann furst látit drepa Þórálfr, vin vörn ok félaga, en nú vill hann gera oss at óbótamönnum, ok bera á oss þetta niðingsverks; er honum lítit fur at villa járnburð þenna; nú ætla ek þann hafa litla miskun, er til þess hættir;

¹⁾ mun stóram skipta, ok, hin. ²⁾ Lífur, C, G, I, S. ³⁾ hér byrjar E uptr.

en nú leggst innan fjörðinn fjarðagol¹ nökkut, ræð ek at vèr vindum segl vart, ok stefnum á haf út, fari Þrándr sjálfr annat sumar ok sell ull sína, ef hann vill, en ef ek komumst nú á brott klakklaust at sinni, þá þikkir mér meiri væn, at ek koma aldrí síðan til Noregs, víst meðan sjá er konúngr yfir landi, enda sè ek sjálfráði. Þeim förunautum hans þótti þetta hit mesta snjallræði, taka nú ok draga upp segl sitt, láta svá ganga um nóttina á haf út, sem mest mega þeir, lètta þeir eigi furr enn þeir koma í Færeyjar, ok síðan heim í Gøtu; lèt Þrándr illa yfir ferð þeirra fur alþýðu; þeir svöruðu ok eigi vel, ok voru þó heima með honum eigi at síðr. Þeir sögðu mönnum þessi tíðindi til Færeyja, víg Þórálfs or Dímon, ok hversu þar höfðu atburðir vorðit, lètu þat ok fylgja, at þeir ætlaðu at konúngr mundi hafa ráðit hann, ok þótti þat hinn mesti mannskaði þar í eyjunum.

132. Brátt eptir þetta spurði Ólafr konúngr, at Sigurðr var í brottu, ok lagðist þúngr orðrómr á um mál þeirra, voru þá margir þeir er þess kölluðu væn, at Sigurðr mundi sannr at sökum, er áðr hafði synjat fur hann ok mælt í móti konúngi. Ólafr konúngr var all fáræðinn um þetta mál, ok kallaði nú eigi hafa farit fjarri getu sinni, þóttist nú vita þat, er áðr hafi hann grunat um til þeirra Færeyinga. Fór konúngr

¹) fjalla gol, C, G.

Þá ferðar sinnar, ok tók veizlur þar sem fur honum voru gjörvar. Ólafr konúgr heimti til tals við sik þá menn, sem komnir voru af Íslandi, ok furr voru stefndir: Þórodd Snorrason, Gelli Þorkelson, Stein Skaptason Egil Hallsson. Þá tók konúgr til máls: Þér hafið jafnan þat mál haft uppí við mik í sumar, at þér vilduð fara út til Íslands, en ek hefir þarum veitt engan orskurð; nú vil ek segja yör, hvern veg ek ætla til: Þér, Gellir! ætla ek at fara til Íslands, ef þú vill þangat bera eyrendi mín, en aðrir Íslenzkirmenn þá munu ekki fara til Íslands, furr enn ek veit, hvern veg þeim málum er tekit, er þú ferr með, Gellir! En er konúgr hafði þetta uppborit, þótti þeim, er fúsir voru ferðarinnar, en banna at var út at fara, höfð við sik hin mestu svik, ok þótti ill seta sín ok úfrelsi. Nú fór Gellir til Íslands um sumarit, ok hafði með sér orðsendingar Ólafs konúgs, þær er hann flutti fram annat sumar á þingi; en sú var orðsending Ólafs konúgs, at hann beiddi þess Íslendínga, at þeir skyldu taka við þeim lögum, sem hann hafði sett mönnum í Noregi, en veita honum af lándinu þegngildi ok nefgildi, penning fur hvert nef, þann er 10 væri fur alin vaðmáls; þat fylgði ok því, at hann hæt mönnum hér ímót vináttu sinni fullkominni, ef menn vildi honum þessu játa, en elligar afarkostum, þegar hann mætti viðkomast. Yfir þessu tali sátu menn lengi, ok ræðu um lengi sín ímilli, ok

kom þat ásamt með þeim at lyktum at allra samþykkt, at þeir neitaðu þeim lögum ok svá skattgjöfum ok öllum þeim álögum, er konúngr heiddi; ok fór Gellir utan þat sumar, ok á fund Ólafs konúngs, ok hitti hann þat haust í Vík austr, þá er hann var kominn ofan af Gautlandi, svá sem ek vænti at enn munu sagt verða síðan í sögu Ólafs konúngs. Þá er á leið haustit sótti Ólafr konúngr norðr í Þrándheim, ok hēlt liði sínu inn til Niðaróss, ok lēt þar búa til vetrsetu sēr; sat Ólafr konúngr þann vetr í Kaupangi, sá var hinn tǫddi vetr konúngdóms hans.

133. Ketill jamtr² hēt maðr, hann var son Eymundar³ jarls or Sparbúi⁴ or Þrándheimi, hann flýði fur Eysteini konúngi hinum illráða austr um Kjöl, hann ruddi mörkina ok bygði þar sem nú er síðan Jamtaland; austr þangat flýði ok fjöldi annarra manna or Þrándheimi fyrir þeim úfriði, þvíat Eysteinn skattgildi Þrændi, ok setti þar til konúngs hund⁵ sinn, er Saurr⁶ hēt. Sonarson Ketils jamtar var Þórir helsíngr, við hann er kennt Helsíngjaland, þar byggðir hann furst manna, en er Haraldr hárfagri ruddi sēr til rikis, þá stökk enn fjöldi manna or landi fur hans ofríki, Þrændir ok Naumdælir, ok fjölgaðust þá enn byggðir austr þar á Jamtalandi, ok sumir fóru allt á Helsíngjaland austr frá hafinu, ok voru þeir lyðskyldir

¹) átti, C, D, L; tundi, F. ²) jamti, hin. ³) Öundur, hin. ⁴) Sparrabúi, C; Sparabúi, hin. ⁵) son, C, D, G, H, I, K. ⁶) Sörr, B, C, D, H, L; Serr, I; Sörkvir, K.

undir Svía konúng. En er Hákon Aðalsteinsfóstri var fur Noregi, þá settist friðr ok kaupferð or Þrándheimi til Jamtlands, en sakir vinsælda Hákonar konúnga, þá sóttu Jamtar austan á fund hans, ok játaðu honum hlýðni sinni, ok guldu honum skatta, setti hann þeim lög ok landsrætt, vildu þeir heldr þýðast Noregs konúng enn stunda til Svía konúnga, þvíat þeir sögðust af Noregi ættaðir, ok svá gjörðu Helsíngjar allir, þeir er ættaðir voru norðan um Kjöl, ok hēlzt þat síðan, allt til þess er Ólafr digri ok Ólafr sænski deildu um landaskipti, þá hurfu Jamtar aptr ok svá Helsíngjar¹ undir Svía konúng, ok ræð þá landaskipti austr Eiðaskógr, en þá Kilir allt norðr til Finmerkr, tók þá Svía konúnger skatt af Helsíngjalandi ok svá Jamtalandi, sem at fornu hafði verit, ok þó hafði þat svá lengi staðit, at Jamtr² höfðu Svía konúngi skatt goldit, ok þaðan voru sýslumenn yfir landinu; vildu Svíar þá ok ekki heyra annat, enn undir Svía konúng hyrfi allt landit austr þaðan, þat er lá fur austan Kjölu; var þar þá, sem opt eru dæmi til, þó at mágsemd ok vinátta væri með konúngum, at þó vildi hvàrr hafa ríki allt, þat er eiga þóttist, ok hann þóttist nökkura tiltölu hafa; hafði Ólafr konúnger ok látit fara orð um til Jamtlands, at þat var hans vill, at Jamtr veitti honum lýðskyldu, ok hēt þeim elligar afarkostum, en Jamtr gæðu ráð sín, ok sögðust vildu hlýðni veta Svía konúngi.

¹) Hér sleppr E um sinn. ²) þannig.

134. Þóroddr Snorrason ok Steinn Skaptason undu illa sínum lut, er þeir fóru eigi sjálf-ráða, hvert er þeir vildu. Steinn var manna fríðastr sýnum, ok bezt at sèrgjörð um allar spróttir, hann var ok skáld gott, skartsmáðr mikill ok metnaðarfullr. Skapti faðir hans hafði ort drápu um Ólaf konúng, ok hafði kennt Steini, var svá ætlat at hann skyldi færa konúnginum kvæðit. Steinn mátti eigi orða bindast at ámæla konúngi bæði með sundrlausum orðum ok samföstum. Báðir voru þeir Þóroddr óvarmæltir, þeir sögðu at konúngur vildi verr hafa enn þeir, er sonu sína eðr frændr höfðu sent honum til trúnaðar, ok sögðu slíkt hin mestu svik, er konúngur lagði þá í úfrelsi, ok lét þá eigi skyldu vera sjálf-ráða ferða sinna. Konúngur reiddist þessu mjök. Þat var einnhvern dag at Steinn gekk fur konúng, ok spurð hann, ef hann vildi hlýða drápu þeirri, er Skapti faðir hans hafði ort um hann. Konúngur svarar: hitt mun furst ráð, Steinn! at þú kveðir þat, er þú hefir ort um konúng þinn. Steinn segir, at þat var ekki, er hann hafði ort: þvíat ok er ekki konúngs skáld, en þó at ek kynni at yrkja, þá mundi yðr þat þikkja, sem annat um mik, heldr lítit vegligt; gekk Steinn þá í brott, ok þóttist víta, hvat til horfði, ok talaði ekki þeira við konúng. Þorgeirr hét armaðr Ólafs konúngs, ok ræð fur húi hans í Orkadal, hann var þá þar, ok heyrði orð þeirra konúngs ok Steins, fór hann heim

*) Hér sleppr I um sinn.

síðan. Þat var á einhverri nótt, at Steinn ljópst í braut or bænum, ok skósveinn hans með honum, fóru þeir fyrst uppá Gaularás, ok svá út síðan, til þess er þeir komu í Gaulardal¹, ok at kveldi komu þeir til konúngs búss þess, er Þorgeirr ræð fur, bað Þorgeirr Steini þar at vera um nóttina, ok spurrr, hverju gegni um farar hans. Steinn bað hann fá sér hest ok sleða með; sá hann at þar var heimekit korni með. Þorgeirr svarar: eigi veit ek, hvern veg afstendst um farar þínar, hvárt þú ferr nokkurt at konúngs leyfi. Þótti mér [svá at eins² majúkt fara með ykkur hinn furra dag, Steinn svarar: þótt ek sé at engu sjálfráði fur konúngi, þá skal ek þó eigi svá fur þrælum hans; hann brá þá sverði ok drap ármanninn, síðan tók hann hestinn, ok bað svein sinn á bak laupa, en Steinn settist í sleðann; fóru þeir þá leið sína, ok óku um nóttina alla, þar til er þeir komu um myrgininn á Mæri í Súrnaðal; síðan fa þeir sér flutning yfir fjörðu, ok fóru sem ákafast, ok sögðu³ víg þetta þar sem þeir fóru, en kölluðust vera konúngsmenn, ok fengu at því góðan forbeina, hvar sem þeir komu; þeir komu at kveldi eins dags í Gizka til búss Þorbergs Árnasonar, hann var eigi heima, en kona hans var heima, hún hét Ragnhildr, ok yardóttir Erlings Skjálgssonar, fékk Steinn þar allgóðar viðtökur, þvíat þar voru kunnleikar miklir með

¹) Orkadal, hin. ²) ekki, hin. ³) þeir ekki, b. v. hin.

þeim. Sá atburður hafði vorðit áður, þá er Steinn hafði farit til Noregs furr, átti hann þá sjálfr skipit, ok var hann formaður á skipinu, at hann kom af hafi utan at Gizka, ok lágu þeir þar út við eyna, þá lá Ragnhildr á sængar rekkju, ok skyldi verða lettari, ok kom allhart niðr, en prestur var engi á eyjunni, ok engi allnærr, var þá komit til kaupskipsins, ok spurt hvárt nokkur var prestur á skipinu; þar var einn prestur á skipi, sá er Bárðr hét, vestfirzkr, úngr ok lærör heldr líttr. Sendimenn báðu prest fara til húss með sér, at finna húsfreyju; presti þótti sem þat mundi vandi mikill, en vissi fákunmandi sína, ok vildreigi fara; þá lagði Steinn orð sín til við prest, ok bað hann fara. Prestur svarar þá: fara mun ek; ef þú ferr með mér, þvíat mér þykkir mikit traust at þér til umráða, hvárs sem við þarf. Steinn segir, at hann vill þat gjarna til leggja, ef hann vill þá fara heldrenn áðr. Síðan fara þeir til bæjar, ok þar til er Ragnhildr var; hlú síðarr fæddi hún barn, þat var meybarn ok var allumáttuligt, þá skírði prestur barnit, en Steinn hélt meyjunni undir skírn, ok hét sú mær þóra. Steinn gaf meyjunni ffngrgull, er hann hafði á hendi sér. Ragnhildr hét Steini vinattu sinni fullkominni, ok bað hann á sinn fund koma, ef hann þættist hennar þurfa. Steinn segir, at hann mundi eigi fleirum meyjum undir skírn halda,

¹) Brandr, C, D, G, K, L, S.

ok skildust þau at svá búnu. En nú er þar komit, er Steinn heimtir þessi vinnmæli at Ragnhildi, ok segir hvat hann hefir hent, ok svá þat at hann mun vorðinn fur konúngs reiði. Hún segir [mátt at magni skulu um liðveizluna við hann; bað hann þar bíta Þorbergs bónda, hún skipaði honum hjá Eysteini orra, syni sínum, hann var þá 12 vetra. Steinn gaf gjafir þeim Eysteini ok Ragnhildi. Þorbergr hafði spurt allt um ferðir Steins, áðr hann kom heim, ok var hann heldr úfrýnn. Ragnhildr gekk til máls við hann, ok segir honum allt um hæg Steins, hversu farit var, ok bað hún hann taka við Steini, ok sjá á mál hans. Þorbergr svarar: Ek hefir spurt allt um ferðir Steins, ok konúngr hefir átt örvörþing eptir Þorgeir ármann sinn, ok er Steinn útlægr gjörr fur endilángan Noreg, dræpr ok tiltækr, hvar sem hann verór staðinn, svá ok þat at konúngr er hinn reiðasti, ok kann ek mér meiri svinnu enn takast á hendr einn útlendan mann, ok hafa þar fur konúngs reiði; ok lát þú Stein fara í brott sem skjótast. Ragnhildr svarar, at þau Steinn skyldu bæði í braut fara, eðr vera þar bæði ella. Þorbergr bað hana fara, hvert er hún vill: vænti ek þess, segir hann, þó at þú farir, at þú komir skjótt aptr, þvfat hér í Gizka munu vera mest þín metorð. Þá gekk fram Eysteinn, son þeirra, hann mælti

¹⁾ at mátt skal at megni, *hinn*,

svá, at hann mundi eigi eptir vera, ef móðir hans færi í braut. Þorbergr sagði þau lýsa mikla þrályndi í þessu ok ákaflyndi, ok er þat vænst, segir hann, at þið ráðið þessu, er ykkir þikkir þó allmiklu máli varða, en of mjök er þér ættgengt, Ragnhildr! segir hann, ok yör frændlingum, at virða lítils orð Ólafs konúngs. Ragnhildr svarar: ef þér vex allmjök í ærgu, at halda Stein, þá farðu með honum á fund Erlíngs föður míns, eör fá honum þat föruneysi, er hann komist þá gat í friði fyrir þá sök, þá vænti ek, at hann taki við honum skjótt fur mín orð. Þorbergr segir, at hann mun ekki Stein þángat senda, ok mun Erlíngi þó ærit margt tilbera, þat er konúngi er misþokkat, þó at þat leiði eigi af mér til. Var Steinn nú þar um vetrinn; en eptir jól komu til Þorbergs sendimenn Ólafs konúngs með þeim erendum, at Þorbergr skal koma á fund hans fyrir þriðja föstu, ok var lagt ríkt við þá orðsending. Þorbergr bar þetta fur vini sína, ok leitaði ráðs við þá, hvárt á þat skyldi hætta, at fara til móts við konúng at svá fögnu máli; en flestir löttu hann þess, ok kölluðu þat ráðlagra at láta Stein furri af höndum, enn fara á fund konúngs. En Þorbergr var fúsari, at leggja þessa ferð eigi undir höfuð. Nökkuru síðar fór Þorbergr til fundar við Finn, bróður sinn, ok bar þetta mál fur hann, ok bað hann til ferðar með sér. Finnur svarar: illt þikkir

mér ofkvænislíkt, at þora eigi fur konu sinni at halda einurð sinni við lánardrottinn sinn. Kost muntu eiga, segir Þorbergr, at fara eigi nema þú villr, en þó ætla ek at þú letlzt meirr fur hræðslu sakir enn hollustu við konúng. Skildust þeir bræðr reiðir, fór Þorbergr síðan til fundar við Árna, bróður sinn, ok bað hann fara með sér til móts við konúng, og segja honum, hversu háttat var. Árni svarar: undarligt þykkir mér um svá vitran mann, sem þú ert ok furleitinn, er þú skalt hafa rasat í svá mikla úhamíngju, at þú skalt hafa vorðit fur konúngs reiði, þar sem enga bar nauðsyn til; þat væri nokkur vorkunn, at þú heldir frændr þína eðr fóstbræðr, en þetta er alls engi, at hafa tekizt á hendr íslenzkan mann, ok halda útlaga konúngs, ok hafa nú þar fur í veði fè þitt ok fjör ok allra frænda þinna, þeirra er þínu máli vilja fylgja, ok svá vina þinna. Þorbergr svarar: svá er sem mælt er, at einn er ökvisi¹⁾ ættar hverrar, sú er mér auðsænst úhamíngja föður míns, hversu honum glapnaði sona eignin, er hann átti þann síðarst, er engi líkindi hefir várrar ættar, ok daðlaus er með öllu; mundi þat ok sannað, ef mér þætti eigi skömm við móður mína mælt, at ek mundi þik aldregi kalla vörn bróður. Snèri Þorbergr þá heimleiðis ok heldr úkátr. Síðan sendi hann menn

¹⁾ ökvisi, afskriftinnar.

norðr til Þrándheims á fund Kálfs; bróður síns, ok það hann koma til Agðaness í móti sér. Ok er sendimenn komu, ok hittu Kálf, þá hét hann þegar fæðinni, ok hafði engi orð fur. Ragnhildr sendi menn austr á Jaðar til Erlíngs, föður síns, ok það hann senda sér menn. Þaðan fóru synir Erlíngs, Sigurðr ok Þórir, ok hafði hyarr þeirra tvítögssessu vel skipaða; fóru nú síðan leið sína, til þess er þeir komu í Gizka; höldu þeir Þorbergr þaðan norðr með landi, þá lá þar fur þeim Finnur ok Árni með tvær tuttögssessur; síðan fóru þeir með því liði öllu norðr til Þrándheims, ok var Steinn þar í för með þeim; ok er þeir komu til Agðaness, þá var þar fyrir Kálfr Árnason, ok hafði tvítögssessu velskipaða; síðan fóru þeir með liði sínu öllu inn til Niðarhólms¹, ok lágu þar um nóttina. Eftir um morgininn áttu þeir tal sín í milli ok ráðagerðir, vildi Kálfr ok synir Erlíngs, at þeir færi þá öllu liðinu inn til bæjarins, ok læti þá skeika at sköpuðu, en Þorbergr vildi þat eigi, læzt vilja furst fara at með vægð, ok láta bjóða konungi sæmilig boð; samþykktist Finnur því ok svá Árni; var nú þat ráðs tekit; fóru þeir Finnur ok Árni á konungs fund fáir saman. Konungur hafði þá spurt um fjölmenni þat, er þeir höfðu, ok var hann heldr styggur í ræðunni. Finnur bauð fur Þorberg ok Stein boð þau, at konungur skyldi gera

¹) ok á 9 tigu manna, C, G, K, S; ok á 30 manna, D. ²) Hér byrjar E aptr. ³) Niðaróss, G, L; Hólms, D, G.

fè svá mikit, sem hann vildi sjálf, en Þorbergr hefði landsvist ok veizlur slíkar, sem hann hafði áðr, en Steinn lífsgríð ok lima. Konúgr svarar: svá lízt mér, sem þessi för muni svá heíman búin, at þér munuð nú þíkkjast hafa ráð við mér eða heldr meirr, en þess mundi mik þó sízt vara af yör bræðrum, at þér munduð fara með her ímóti mér, enda kenni ek ráð þessi, at þeir Jaðarbyggvarnir munu hér upphafsmenn at vera; en ekki þarf mér fè at bjóða. Þá svarar Finn: ekki höfum vér bræðr fur þá sök lið samandregit, at vér munim yör, herra! bjóða nökkurn úfrið, má ok þetta ok ekki kenra Jaðarbyggjum, þvíat vér báðum þá liðs, heldr berr hitt til um fjölmaenni vart, at vér vildim yör bjóða furst vára þjónostu, en ef þat stoðar ekki, ok villð þér því neita, ok ætlið Þorbergi nökkura afarkosti at bjóða, þá munu vér nú fara með lið þat, sem vér höfum samandregit, á fund Knúts konúgs hins ríka, ok vita hvárt hann vill oss af höndum vísa, en til hins gerumst vér ekki, at bjóða yör nè einn úfrið. Konúgr leit við honum, ok mælti: ef þér bræðr villð sverja mér þat, at fylgja mér utanlands ok innanlands, ok skiljast eigi við mik, nema mitt sé lof eör leyfi; eigi skuluð þér leyna mik; ef þér vitið mér svikræði veitt, þá vil ek taka sættir af yör. Síðan fór Finn til liðs síns, ok sagði,

¹⁾ Hér byrjar I apt.

hverja kosti konúgr hafði þeim gerva. Bera þeir síðan saman ráð sín; sagði Þorbergr, at hann vill þenna kost fur sína hönd: er ek ófúss at flýja af eignum mínum, ok sækja til útlendra höfðingja, ætla ek mér þat til sæmdar verða munu, at fylgja Ólafi konúngi, ok at vera þar, sem hann er. Þá svarar Kálfr: enga mun ek eidda vinna Ólafi konúngi, en vera þá eina hríð hér í landi, er ek held veizlum mínum ok met-orðum; ok konúgr vill vera vin minn, ok er þat minn vill, at svá gerim vér allir. Finnur svarar: til þess er ek ráðinn, at láta konúng einn ráða skildögum okkarr í milli. Árni Árnason mælti: til þess er ek ráðinn, at fylgja þér, Þorbergr bróðir! þó at þú villir berjast í móti Ólafi konúngi, þá mun ek eigi nú við þik skiljast, allra helst er nú tekr þú svá gott ráð upp, ok mun ek fylgjaykk Finninn, bróður mínum, ok taka þann kost upp, sem þið sjáið ykkir til handa. Gengu þeir bræðr 3 í eitt skíp, Þorbergr, Finnur ok Árni, ok reru inn til bæjarins, ok gengu síðan á konúngs fund; fór þá fram þetta sáttmál, at þeir bræðr svörðu konúngi eidda; þá leitaði Finnur Steini sætta við konúng, en konúgr sagði, at Steinn skyldi í friði fur honum fara, hvort er hann vildi: en ekki mun hann með mér vera, segir konúgr síðan, mun hann þat ok ekki lasta. Þá fór Þorbergr út til liðs síns. Fór Kálfr þaðan útá Eggju til búss síns,

¹⁾ Þorbergr, C, D, E, G, I, K, L, S.

en Finnur fór til konúngs, en Þorbergr ok Árni ok annat lið þeirra fór heim. Steinn fór suðr með sonum Erlíngrs; ok um várit snimma fór Steinn vestr til Englands, ok gekk síðan til handa Knúti konúngi hinum ríka, ok var með honum í góðu yfirlæti.

135. Þá er Finnur Árnason hafði litla hríð dvalizt með Ólafi konúngi, þá var þat einnhvern dag, at konúngr kallaði Finn til máls við sik, ok enn fleiri menn, þá er hann var jafnan vanr at hafa við ráðagerðir sínar. Þá mælti konúngr, ok segir svá: sú ráðagerð staðfestist í skapi mér, at ek ætla mér í vár at bjóða út leiðángri af öllu landi, bæði at liði ok skipum, ok fara síðan með her þann allan, er ek má fá, ímóti Knúti konúngi hinum ríka, þvíat ek veit um þat tilkall, er hann hefir hér í hendr mér til ríkis, at hann mun þat eigi at engu hafa ætla; nú er þer þat at segja, Finnur Árnason! at ek vil, at þú farir sendiför mína norðr á Hálogaland, ok hafir þar útboð, bæði at skipum ok liði, ok stefnir öllu því liði til móts við mik til Agðaness; síðan nefndi hann aðra menn til, ok sendi sumu í Þrándheim, en sumu suðr í land, svá at hann lét þetta boð fara um allt land. Þat er at segja frá för Finns, at hann hafði skútu, ok á nærr 30 manna; en er hann var búinn, þá fór hann ferðar sinnar, til þess er hann kom á Hálogaland, þá stefndi hann þing við bændr, ok bar þá upp eyrendi sín, ok krafði leiðángrs fur hönd Ólafs konúngs;

bændr áttu í héraði stór skip ok leiðángrsför; skipaðust¹⁾ þeir vel við orðsending konúgs, ok bjöggu skip sín þegar. En er Finnur sótti norðr á Hálogaland, þá átti hann þing við bændr, en sendi menn sína nökkuráfur sèr, at krefja útboðs, sem honum sýndist. Finnur sendi menn sína í Bjarkey til Þóris hunds, ok lét þar krefja leiðángrs sem annarstaðar; en er Þóri komu þessi boð konúgs, þá bjóst hann þegar til ferðar, ok skipaði húskörlum sínum á þat hit mikla skip, er hann hafði haft áðr um sumarit til Bjarmalands, bjó hana þat með síns eins kostnaði. Finnur stefndi saman öllum Háleygjum þeim, er norðr voru þaðan; kom þar saman um vârit lið mikit, ok biðu til þess, er Finnur kom norðan; var þar ok þá kominn Þórir hundr, þá er Finnur kom; lét hann blása til húspíngs leiðángrs liðinu öllu; á þínginu sýndu menn vâpn sín, svâ sem siðvandi er til, var svâ ok ransakat útboð í skipreiðu hverri; en er þetta var atgjört, þá mælti Finnur: þik vil ek at þessu kveðja, Þórir hundr! hver boð viltu bjóða Ólafi konúgi fyrir áftöku Karla hirðmanns hans, eða fur rân þat, er þú tókt fê hans norðr í Lengjuvík? nú hefi ek konúgs umboð um þetta mál, en nú vil ek vita svör þín. Þórir litast um, ok sá hann til beggja handa sèr standa marga menn, kendi hann þar Gunnstein, bróður Karla, ok marga frændr hans ok vini; þá mælti Þórir hundr: skjót eru boð mín, Finnur!

¹⁾ hér sleppr E um sinn.

at ek vil festa allt mitt mál undir konúng ok hans dóm; þat er honum þíkkir at við mik. Finnur svarar: þat er nú mest vãn, at þér sé nú minni sæmdar af unnt eðr virðingar, þvíat nú beint munt þú verða at festa á minn dóm, ef sættast skal. Þórir svarar: þá ætla ek þat enn allvel komit, ok skal þat þá enn ekki undan draga. Gekk Þórir þá til festu, ok skildi Finnur þat mál allt fur; síðan segir Finnur upp sættina, at Þórir skyldi gjalda konúngi 10 merkr gulls¹, en Gunnsteini [aðrar 40 merkr, en þeim frændum² hinar þriðju 10 merkr fur rán ok féskaða, ok gjalda nú upp þegar í stað³; ok þat með, segir Finnur, at þú skalt nú framselja menit þat hit mikla ok hit góða, er þú tókt af Karla dauðum. Þórir kveðst ekki men tekit hafa. Þá gekk Gunnsteinn fram, ok sagði at Þórir hefði tekit menit af Karla dauðum, ok sagði at Karli hefði menit á hálsi sér, er hann gekk til fundar við þóri, en þá var af honum, er ver tókum lík hans. Þórir læzt ekki hugleiddt hafa um men þat: en þóat verit þafi nökkut men, þá mun þat heima liggja í Bjarkeyju. Þá setti Finnur spjótsoddinn fur brjóst þóri, ok mælti, at hann skyldi þá framselja menit, þótt honum þætti allmikit fur.

¹) silfrs, C. ²) ok þeim frændum (feðgum, C) aðrar 10 merkr, en fyrir rán ok féskaða, hin. ³) Þórir svarar: þetta er mikit fégjald. Hinn er annar kostur, at lokit sé sætt allri. (þat fyrir v. i B, G.) Þórir mælti, sagði at Finnur mundi ljá honum fresta at leita lána af sveitúngum sínum. Finnur bað hann gjalda þegar í stað, b. v. hin.

Þórir tók þá menit af hálsi sér, ok seldi Finni. Síðan snéri Þórir í braut, ok á skip sitt, ok mart manna með honum; Finnur gekk útá skipit eptir honum, ok tóku þeir upp rúm, þeir fundu undir þiljum niðri við siglu tunnur 2 svá miklar, at þeim þótti öllum mikil undr at vera, hve miklar voru. Finnur spurð Þóri, hvat í tunnum þeim hinum stóru væri. Þórir segir, at þar væri í drykk hans. Finnur svarar: hví gefr þú oss ekki at drekka, félagsmaðr! svá mikinn drykk sem þú hefir? Þórir mælti, at renna skyldi or tunnunni í bolla, ok gefa þeim. Síðan var þeim Finni gefit at drekka, ok var þat hinn beztir drykkir. Þá bað Finnur Þóri greiða feit af höndum, eðr segja, ef hann vildi eigi greiða. Þórir bað hann ganga á land upp, ok kveðst þar mundu greiða. Gekk Finnur þá á land upp ok hans menn, þá kom Þórir þar, ok greiddi feit, var þá reidt or einum sjóði 10 merkr vegnar, lét hann þá fram knýtiskauta marga, var í sumum merk vegin, en í sumum hálfmerk, sumum aurar nökkurir. Þá mælti Þórir: þetta er lánsfè, er ýmsir menn hafa lánat mér, þvíat uppi ætla ek nú skotssilfr þat, er ek átti. Síðan gekk Þórir á skip út, en er hann kom aptr, þá reiddi hann silfrit smám ok smám, þá leið á daginn; en þegar er þingit sleit, þá ganga menn til skipa sinna, ok bjöggust til brottlögu, tóku menn þá at sigla, hverr svá sem búinn var; kom þá svá at flestir höfðu í brott siglt, sá

Finnr þá at þyntist liðit um hann, kölluðu menn þá á hann, ok báðu hann verða búinn, var þá eigi greiddr enn einn þriðjungr fjárins. Þá mælti Finn: seint gengr gjaldit, Þórir! sè ek at þer þikkir fur at gjalda fèit, skal nú ok kyrt láta furst við þik at sinni, skalt þú nú ok greiða konungi slíkt fèit, sem eptir er. Stóð Finn þá upp, ok snèri á braut. Þórir mælti: vel þikkir mér þat, Finn! at nú skill með okkr furst at sinni, en við skal ek leita at gjalda þessa skuld¹, svà at konungi ok báðum ykk þikki eigi vargoldin. Þá gekk Finn tilskipa sinna, ok sigldi eptir liði sínu. Þórir varð seint búinn or höfninni, ok er segl þeirra komst upp, þá hældu þeir út [or Vestrafirði², síðan á haf út, ok suðr með landi, svà at sjárr var í miðjum hlíðum, en stundum vatnaði land, lét hann svà gánga suðr allt, þar til er hann lét í Englandshaf, ok kom fram í Englandi; fór hann síðan á fund Knúts konungs, ok tók hann vel við honum; kom þat þá upp, at Þórir hafði of lausafjár, hafði hann þar þá allt lausafè þat, er hann hafði haft af Bjarmalandi hit furra sumarit, ok svà þat er hann tók af þeim Karla; en í tunnum þeim hinum miklu, þá var botn fur innan þann botninn, ok allskamt í milli, ok var þar drykkinn í milli, en hvartveggi tunnan sjálf var reyndar full af [gulli³ ok grám skinnum, bjór ok safyala. Var Þórir síðan með Knúti konungi um hríð; en Finn fór með

¹) Hér byrjar E. bpt. ²) um Vestfold, D. ³) v. í hin.

Þat lið, er hann fékk, til móts við Ólaf konúng, ok segir honum allt af ferðum sínum, ok svá þat með at hann kveðst þat hyggja, at Þórir væri or landi stokkinn, ok vestr til Englands á fund Knúts konúnga: ok ætla ek hann óþarf-an vera. Konúgr svarar: trúi ek því, at Þórir mun oss vera úvin, hvar sem hann er, ok þikkir mér hann jafnan betr firr mér enn nærr.

136. Ásmundr Grankelsson hafði verit þann vetr á Hálogalandi í sýslu sinni, ok var heima með föður sínum Grankeli. Þar liggir til hafs útver, er bæði er selver ok eggver gott, fugl-ver ok fiskaver, hafði þat lengi at fornu legit til bæjar Grankels ok þeirra feðga, en Hárekr or Þjóttu veitti tilkall, var nú svá komit, at hann hafði haft af verinu öll gögn nökkur miss-eri; en þá þóttist Ásmundr ok þeir feðgar hafa traust konúnga til allra rétttra mála, fóru þeir þá báðir feðgar á fund Háreks um vârit, ok sögðu honum jarteinir Ólafs konúnga, er Ásmundr fór með, at hann skyldi láta af tilkalli um verit. Hárekr tekr því þúngliga, sagði unndr, at Ásmundr færi með slíku rógi ok öðru til konúnga: hefi ek öll sannindi til míns máls, en þú, Ásmundr! skyldir kunna at ætla þér hóf um síðir, hvat þér hæfir, þóat nú þikkist þú mikill, fúr því er þú hefir konúnga traust, er þá ok svá, ef þér hlýðir at drepa sumu höfð-íngja eðr ræna, ok gera at óþótamönnum, en ræna oss, er furr þóttumst kunna at halda lut

mínum til fulls, þóat oss væri jafnbornir menn, en nú er þat allfjarri, at þér séð oss jafnbornir menn fur ættarsakir. Ásmundr svarar: þess kenna margir af þér, Hárekr! at þú ert ættstórr ok ofreflismaðr við at eiga, sitja því margir yfir skörðum lut fur þér, en þó þikkir mér þat nú líkara, at þú, Hárekr! verðir annarstaðar til at leita, at hafá fram újafnað þinn, enn hær við oss, eðr taka svá mjök aflaga, sem þetta er. Skildunst síðan við svá búit. Nökkuru síðarr sendi Hárekr húskarla sína 10 eðr 12 saman til versins með róðrarskútu eina mikla. Þeir fóru síðan í verit, tóku þar allskonar veiðiskap, ok hlóðu ferjuna, en er þeir voru í bráut búnir, kom at þeim Ásmundr Gránkelsson með 30 manna, ok bað þá láta laust fángit allt, þat er þeir höfðu fengit. Húskarlarnir svöruðu úbrátt um. Síðan veittu þeir Ásmundr þeim atgaungu, kendi þá liðsmunar, voru húskarlar Háreks sumir barðir, sumir særðir, sumir á kaf reknir, en farmrinn af þeim tekinn, ok færðr braut af skipinu, ok höfðu þeir Ásmundr hann; komu húskarlar Háreks heim við svá búit, ok sögðu Háreki ferð sína; hann svarar: tíðindi þikkja nýnæmi öll, þat hefir ekki furr verit gert, at berja menn mína. Nú var þetta mál kyrt, ok lagði Hárekr eigi orð í, ok var hinn kátasti. Hárekr lét búa um vârit snekkju tvítögsessu, ok skipaði húskörlum sínum, ok var þat skip búit allvel, bæði at mönnum ok öllum reiða; fór Hárekr um vârit í leið-

ánger, en er hann fann Ólaf konúng, þá var ok þar fur Ásmundr Grankelsson, kom konúngr þá stefnulagi á með þeim Ásmundi, ok sætti hann þá, var fest á konúngsdóm um mál þeirra; síðan lét Ásmundr flytja vitni til þess, at Grankell hafi átt verit, ok þá dæmdi konúngr, sem vitni báru, vurðu þá skökk málaefnin, ok vurðu húskarlar Háreks bótalausir, en dæmt verit til handa Grankeli. Hárekr segir, at honum var skammlaust at hlíta konúngsdómi um mál þeirra, hvern veg sem enn vildu þau mál skipast síðan.

137. Þóroddr Snorrason hafði dvalizt með Ólafi konúngi, þá er Gellir Þorkelsson fékk leyfi af konúngi at fara til Íslands, sem furr var ritat, ok var hann þá með Ólafi konúngi, ok undi stórilla ófrelsi því, er hann skyldi eigi fara í frelsi, hvert er hann vildi. Öndverðan þann vetr, er Ólafr konúngr sat inní Niðarósi, lýsti hann því jafnan, at hann vildi senda menn til Jamtlands, at heimta skatt, en til þeirrar ferðar voru menn ekki fúsir, þvíat af lífi voru teknir sendimenn Ólafs konúngs, þeir er hann hafði furr senda, Þrándr hvíti ok þeir 12 saman, svá sem enn var furr ritat, ok höfðu Jamtar síðan haldizt í hlýðni við Svía konúng. Þóroddr Snorrason bauðst til þessarar ferðar, þvíat hann hirði ekki um, hvat yfir leið, ef hann færi sjálfráða; þat þekktist konúngr, ok fóru þeir Þóroddr síðan 16^r saman, ok komu fram austr á Jamtalandi, ok sóttu heim

*) 12, hin.

Þann mann, er Þórarr¹ hét, hann var þar lögmaðr ok mestr metorðamaðr, þvíat hann var settr þar stjórnarmaðr yfir þeim; þeir fengu þar góðar viðtökur, en er þeir höfðu þar litla hríð dvalizt; þá báru þeir upp erendi sín við Þórarr¹; hann segir, at fur þeim svörum réðu engum mun síðr aðrir landsmenn ok höfðingjar enn hann, ok kveðst mundu þings kveðja til slíkra mála; var svá gert, at þingboð var uppskorit ok stefnt þing fjölment; fór Þórarr til þings, en sendimenn dvöldust at hans meðan. Þórarr bar þetta mál fur alþýðu, en þat var afráðit, at þeim skyldi halda þar, til þess er sýslumaðr Svía konúngs kvæmi austan, skyldu þeir þá stafa fur þeim, slíkt er hann vildi, með ráði landsmanna, en gera hitt yfirbragð á fur þeim, at þeir væri fur því dvaldir, at þeir skyldi skattans bíða, til þess at hann væri samandreginn til handa þeim, ok skyldi skipa þeim á vistir 2 [eðr 3^a saman. Þóroddr var við annann mann at Þórars, þar var jólaveizla mikil ok samburðaröl, margir voru þar bændr or þorpinu, ok drukku þeir allir saman um jólin; þaðan var eigi langt annat þorp, þar bjó mágr Þórars, ríkr ok auðigr, þeir mágar drukku saman jólin, þeir mágar drukkust á, en Þóroddr ok bónda son, ok var kappdrykkja, ok síðan fóru í kappmæli, ok mannjafnað um Norðmenn ok Svía, ok því nærst þrættu þeir um Noregs konúng ok Svía konúng,

¹) Þórir, D, E, F, L; Þórarian, S. ²) og 2, C, D, E, G, S.

ok svá um þá, er furr höfðu verit, ok um skipti konunga, ok svá um rán þau, er furr höfðu verit, ok þá voru. Ef konungar vðrir, segir bóndason, hafa fleiri menn látit fur Norðmönn-um, þá munu menn Svía konungs þessu jafna, ef þeir koma austan eptir jólin, með 12 manna fjörvi, ok vitið þer ógerla vesalir menn, til hvers þer eruð dvaldir. Þóroddr hugsar nú sitt mál, en margir drógu at glótt, ok fengu þeim mörg hnefilyrði, ok svá konungi þeirra, ok mælti þá ölit með þeim, ok fór þat þá óleynt, er áðr var leynt með þeim. Jamtum, ok þá Þórodd hafði áðr ekki grunat um. Eptir um daginn tóku þeir Þóroddr, okförunautr hans, klæði sín ok öll vöpn sín, ok lögðu til handargagns sér, ef þeir vildi skjótt tiltaka; um nóttina, er menn voru sofnadr, ljópu þeir í brott til skógar. Um morgininn, er menn voru varir við brautlaup þeirra, fóru menn eptir þeim með sporhunda, ok fundu þá í skóginum, þar sem þeir höfðu fólgið, þeir færðu þá heimi í eina skemmu með sér, þar var gróf ein í skemmunn, var þeim Þórodd þar kastat í niðr, ok var þar hurð læst fur, þar höfðu þeir lítinn mat, en engi klæði, nema þau ein, er þeir stóðu í; ok er þeir komu í gröfina, settust þeir niðr á hálm; þá fór Þórodd ok allir frelsingjar hans til mágs síns, ok skyldu þeir þar drekka þá, þat sem eptir var jólanna. Þrælir Þórodds skyldu gæta grafarinn-

¹⁾ Her sleppr 1. um sínd.

ar meðan; þeim þrælum var ætlaðr drykkir nógr, en þeir stiltu litt drykkinum, þegar þeir skyldu sjálfir fur sjá, ok gerðu sik þegar ölóða hit fursta kveld, er bóndi var heiman farinn; en er þeir þóttust vera fulldrukknir þrælarnir, þá mæltu þeir sín ímilli, er mat skyldu færa grafarmönnum, at þá skyldi eigi skorta; þeir gerðu ok svá. Þóroddr kvað þeim kvæði, ok skemti þeim, en þeir sögðu hann mundu vera virðingamann mikinn, ok gáfu honum kerti mikit niðr í gröfina, ok ljós á kertinu; þá komu út þeir þrælarnir, er áðr höfðu inni verit, ok kallaðu ákafliga, at hinir skyldu þá inn fara, en hinir hvánirtveggju voru þá svá ölóðir, at þeir hvár-igir luku aptr skemmuna nè gröfina; þá ristu þeir Þóroddr í sundr fetla¹⁾ sína í strengi, ok knýttu saman, [undu síðan fra öðrum endanum í hnoða²⁾, ok kastaðu upp í skemmuglugginn ok á gólfrit, þar til er þat vafðist um arkar³⁾ fót einn; þeir leitaðu þá til upp at fara, lypti Þóroddr upp föronaut sínum, til þess er hann stóð á öxlum honum, síðan las hann sik uppí skemmuna, þá skorti þar eigi reip, ok lét hann þau síga ímóti Þóroddi, ok er hann skyldi Þórodd upp draga, þá fékk hann ekki atgert; þá mælti Þóroddr at hann skyldi kasta reipinu yfir bita þann, er í var skemmunni, en gera lykkju á endanum, ok bera þar í við ok grjót, svá at

¹⁾ feldi, hñ. ²⁾ gerðu snúðá (snyð, D) á endanum, C, D, E. ³⁾ örku, C, E, S.

Þat væri meirr enn jafnvægi hans; hann gerði svá, fóru þásígin niðr í gröfina, en Þóroddr upp; þá tóku þeir sèr klæði í skemmuni, sem þeir þurftu, þar voru nökkur hreinstökkur ok skáru þeir af fitjarnar, ok bundu undir sik öfgar, en áðr þeir fóru í brottu, lögðu þeir eld í kornlöðu ejna mikla, hljópu síðan í braut í niðamyrkri; hlaðan brann öll, ok mart annara húsa í þorpinu; þeir Þóroddr fóru um alla nóttina, en fálust at degi. Um morgininn var þeirra saknat, var þá farit þegar með sporhunda, at leita þeirra allavega frá bænum, en hundarnir rökту sporin aptr til bæjarins, þvíat þeir kendu af hreinstökkunum, ok rökdu þegarsporin, sem klaufirn-ar höfðu vitat á hreinsfitjunum, ok varð ekki leitast þeirra. Þeir Þóroddr fóru lengi um eyðimerkina, ok eitt kveld komu þeir at einum litlum bæ, ok gengu þeir þar inn; þar sat inni karlmaðr ok kona við eld, nefndist hann Þórir: en þetta er kona mín, er hér sitr við eldinn, hann kvað þau eiga húsakotin; bauð hann þeim þar at vera um nóttina, þat þágu þeir; hann segir þeim þat, at hann var því þar kominn, at hann hafi flýit or bygðum fur víga sakir. Þeim Þóroddi var þar unninn hinn beiti beini, ok mataðust þau þar öll við eldinn; síðan var búit um þá Þórodd þar í sætinu, ok bjöggust þeir til svefns, þá var enn log á eldinum; Þóroddi varð ekki mjök svefnsamt, ok vakti hann um hríð,

*) Her sleppr E um sinn.

en föronautr hans sofnaði þegar; þá sá Þóroddr, at þar gekk fram einn ungr maðr svá mikill, at þann þóttist engan sæð hafa jafn mikinn, sjá maðr var í skarlats kyrtli rauðum öllum hlaðbúnum í fald niðr, öll voru hans klæði við gull búin, svá var hann ok hinn vænligasti sýnum sjálfr. Þóroddr heyrði at hann ávitaði þau um þat, er þau tóku við gestum, þar er þau höfðu sær varla matbjörg. Húsfreyja svarar: ver þú eigi reiðr, bróðir! sjaldan hefir þetta at borit, veit þú þeim heldr nokkura hjálp eðr gagnsmuni, þvíat þú ert betr tilfærr enn við. Þóroddr heyrði þat, at þau nefndu hann Arnljót gellina, ok svá þat at húsfreyja var systir hans. Þóroddr hafði ok heyrt getit Arnljóts gellina fyrrum, ok svá þat með at Arnljótr var hinn mesti ránsmaðr ok spellvirki ok stigamaðr, lá úti á skógum, ok drap hann til fjár sær. Nú sváfu þeir Þóroddr af nóttina, þvíat þeir voru mjök mæddir af gaungu, en er lifa mundi þriðjúngr nætr, þá kom þar Arnljótr gellini, bað hann þá uppstanda ok búast ferðarsinnar; þeir Þóroddr spruttu á fætr, ok klæddust, var þeim fenginn dagverðr sinn; síðan fékk Þórir þeim skíð hvárumtveggja; Arnljótr reðst ok til ferðar með þeim, steig hann ok á skíð, ok voru þau bæði laung ok breið. En þegar Arnljótr laust við skíða geislanum¹, þá var hann þegar hvar fjarri þeim, þá beið hann ok sagði,

¹) geislanum G.

at þeir mundu hvergi komast at svá búnu, það hann þá stíga á skíðin með sér; þeir gerðu svá. Stóð þóroddr nærri höfum, ok hēlt sér tveim höndum undir belti Arnljóts, en förunautr þórodds hēlt undir belti honum, skreið Arnljótr þá svá hart, sem hann væri lauss, þeir komu til sælu¹⁾ húss nökkurs, svá at þriðjúngr var af nótt, drápu þeir sér upp eld, ok bjöggust til matar, ok er þeir mataðust, mælti Arnljótr, það þá engu niðrkasta af matnum, hvárki mola nè beinum. Arnljótr tók or serk sér einn silfrdisk, ok mataðist hann þaraf, en er þeir Arnljótr höfðu matazt, hirðir Arnljótr leifar þeirra; síðan bjöggust þeir til rekna; í annann enda hússins var lopt uppi á þvertrjám, fóru þeir Arnljótr þar upp á loptit, ok lögðust þar til svefns. Arnljótr²⁾ hafði í hendi höggspjót mikit, var falrinn allr gullrekinn, en skaptit var eigi hærra, enn taka mátti hendi til fals, hann var gyrðr sverði gullbúnu, þeir höfðu vâpn sín ok klæði á loptinu hjá sér. Arnljótr það þá vera hljóðsama, hann lá fremstr á loptinu; litlu síðarr enn þeir höfðu umbúizt komu þar til hússins menn 12 saman, voru þat kaupmenn, ok ætlaðu til Jamt-
alands með varning sinn; en er þeir komu í húsit, gerðu þeir um sik glaum mikinn, ok voru kátir, gerðu þeir furr sér elda stóra, ok er þeir mataðust, þá kastaðu þeir niðr bæði molanum ok beinum öllum út or húsinu; síðan bjöggust

¹⁾ sælu C, S. ²⁾ Hér sleppr G um sinn.

þeir til svefnis, ok lögðust niðr í sætinu upp frá eldinum; en er þeir höfðu litla hríð sofit, þá kom þar inn tröllkona ein mikil, ok er hún kom inn, sópaðist hún um fast, ok tók þat allt, er henni þótti ætt, ok sló því öllu í munn sèr; síðan greip hún mann þann, er næstr henni var, reif þann allan í sundr, ok kastaði börmunum^{*)}; þá vaknaðu aðrir, ok eigi við góðan draum, ok ljópu upp, en hún færði til heljar hvern at öðrum, þartil er einn var eptir, ljóp sá inn undir loptit, síðan kallar hann til bjargar sèr, ef nökkut væri þess á loptinu, at duga honum mætti, seildist Arnljótr ofan or loptinu eptir honum, ok tók í hendr honum, ok kippti honum uppí loptit hjá sèr; þá slóst hún at fram eldinum, ok tók at eta þá menn, er henni þóttu stæiktir vera; þá stóð Arnljótr upp, ok hefr upp spjótit, ok setr milli herða henni, er hún laut at eldinum, svá hart at útkom oddrinn um brínguna, hún brast hart við, ok kvað hún hátt ok illiliga, ok ljóp út; Arnljóti varð laust spjótit, ok hafði hún þat með sèr. Arnljótr ruddi út hræum manna, þeim er hún hafði leift, setti hann síðan hurð fur skálann ok gætti, þvíat hún hafði þat allt frábrotit, er hún ljóp út; sváfu þeir þar um nóttina þat sem eptir var, en er lýsti stóðu þeir upp, ok átu furst dagverð sinn, ok er þeir höfðu matazt, mælti Arnljótr: nú munu vér hér skilj-

^{*)} Þannig A; á eldinn, hin.

ast, skuluð þér nú fara at slóð þessi, er þeir fóru hingat ígær kaupmenninnir, en ek mun leita spjóts míns, mun ek hafa¹ at verkkaupi þat, er mér þíkkir feneytt af því fè, er þessir fóru með kaupmenninnir; skaltu, Þóroddr! bera Ólafi konúngi kveðju mína, ok seg honum þat, at hann er svá allra konúnga á Norðrlöndum, at ek vildi² helst þjóna ok sem bráðast finna, ok meiri væn þíkkir mér, at nökkut sinn finna ek hann, en kveðja mín mun honum lítilsverð þíkkja; síðan tók hann silfrdiskinn, ok strauk hann vandliga með dúkinum, ok mælti: fær þú konúngi disk þenna, ok seg honum, at þetta er kveðja mín, ok bið hann hafa lítillæti til at taka rneð, ok fur hans sakir hefi ek veitt ykk þenna forbeina ok liðsinni. Síðan bjöggust hvárir tveggju til ferðar, ok skildu þar við svá búit, fór Þóroddr þá leið sína ok þeir förunantar, fór sá með þeim, er undan hafði komizt af þeim kaupmönnum; fór Þóroddr, til þess er hann fann Ólaf konúng í Kaupáangi, ok segir konúngi af ferðum sínum allt sem farit hafði, sagði at Arnljótr heilsaði honum, ok færði honum silfrdiskinn. Konúngr segir, at þat var illa, er Arnljótr hafði eigi þá þegar farit á hans fund með þeim Þóroddi: ok er þat mikill skaði, segir konúngr, er svá illt skal leggjast fyrir, vaskan ok góðan dreng, ok svá merkiligan mann sem hann er. Þóroddr var nu³ síðan með Ólafi konúngi þat

¹) Hér byrjar E aptr. - ²) Hér skiptir rithöndum í A.

sem eptir var vetrar, ok fëkk þá leyfi af honum at fara til Íslands um sumarit eptir, ok skildu þá með vináttu.

138. Ólafr konungr bjóst um vārit or Nið-arósi, ok dróst lið at honum mikit, bæði þar or Þrándheimi ok svā norðan or landi; en er hann var búinn, fór hann með liði því suðr á Mæri, ok heimti þar saman leiðángarlið, ok svā or Raumsdal. Síðan fór hann á Sund-Mæri, hann lá í Hereyjum, ok beið svā liðs síns, átti þá opt-liga húsþing, kom þá margt til eyrna honum, þat er honum þótti ráða við þurfa. Þat var á einu þingi, er hann átti, at hann hafði þat mál uppi, at hann sagði frá mannskaða þeim, er hann hafði menn sína látit í Færeyjum: en skattr sá, er þeir höfðu mēr heitit, kemr eigi, segir hann; nú ætla ek enn þángat menn at senda eptir skattinum. Víkr konungr þessu máli nökkut til ýmissra manna, at til þeirrar ferðar skyldi ráðast; en þar kvámu þau svör á móti, at menn töldust undan ferðinni. Þá stóð upp maðr á þinginu, mikill ok friðr sýnum, sá hafði rauðan kyrtil ok hjálm á höfði, ok gyrð sverði ok höggspjót í hendi; hann tók til máls: þat er satt at segja, segir hann, at hér er mikill manna munr, þer eigið konúng góðan, en hann þegna illa, er nei kveða við sendiferð hans, er hann biðr yðr, en hafið áðr þegit at honum vingjafir, ok marga aðra sæmliga hluti; en ek hefí verit hertil engi vinr konúngs þessa, hefí

hann ok verit úvin minn, ok segir hann at sakir sè til þess. Nú vil ek bjóða yðr, konúngr! at fara ferð þessa, ef eigi eru vildri faung á. Konúngr mælti: hverr er maðr þessi hinn drengiligi, er svarar máli mínu? gjörir þú mikinn mun öðrum mönnum þeim, er hær eru, er þú býst til þessarar ferðar, en þeir töldust undan, er ek hugða at vel mundi viðskipast; en ek veit á þér engi deili, ok eigi veit ek nafn þitt. Hann svarar: nafn mitt er ekki vant; en þat væntir ek, at þér hafð mik heyrt nefndan, ek er kallaðr Karli hinn mærski. Konúngr mælti: svá er víst, Karli! at ek hefi þín heyrt getit, ok er þat satt at segja, at verit hafa þær stundir, ef fundi okkra hefði saman borit, at þú mundir [sagt hafa frá tífindum; en nú vil ek eigi verr hafa enn þú, er þú býr mér liðsemd þína, vil ek þar leggja í mót þökk ok öfusu; skaltu, Karli! koma til mín, ok vera í boði mínu í dag, skulu vèr þá tala þetta mál. Karli segir at svá skal vera.

139. Karli inn mærski [hafði verit víkíngur ok inn mesti ránsmaðr, ok hafði konúngr mjök opt gert menn til hans, ok vildi hann af lífi taka, en þess varð eigi auðit. Karli var maðr ættstór ok mikill athafnamaðr, íþróttamaðr hinn mesti, ok atgervimaðr um marga hluti. En er Karl var ráðinn til ferðar þessar, þá tók konúngr hann í sætt við sik, ok gaf honum upp reiði sína,

1) ekki kunna at segja, *hín*.

ok því næst tók konúgr hann í hinn mesta kærleika við sik, ok lét búa ferð hans sem bezt, voru þeir á skipi nær 20 menn. Hann gjörði orð til vina sinna í Færeyjar, ok sendi Karla til halds ok trausts, þar er var Leifr Össurason ok Gilli lögsögumaðr, sendi til þess jartegnir sínar; fór Karli þegar er hann var búinn, byrjaði þeim vel, kvámu til Færeyju, ok lágu í Þórshöfn¹ í Straumeyju; síðan var þar þing stefnt, ok kom þar fjölmenni mikit; þar kom Þrándr or Götum með mikinn flokk; þar kom Leifr ok Gilli með mikla sveit manna; en er þeir höfðu tjaldat ok umhúizt, þá gengu menn til fundar við Karla mærska, voru þar kveðjur góðar; síðan bar Karli fram orð ok jartegnir Ólafs konúgs ok vinmæli til þeirra Leifs ok Gilla; (þeir tóku því vel, ok buðu Karla til sín ok át flytja eyrindi hans, ok veita honum slíkt traust, sem þeir höfðu faung á). Hann tók því þakksamliga. (Litlu síðar kom þar Þrándr or Götum, ok fagnar vel Karli: em ek, segir hann, feginn, er slíkr drengr hefir oss heimsótt ok farit hingat til lands² vârs, ok er oss í slíku mikil sæmd gert, með eyrindi konúgs vârs; er vèr erum allir skyldir (til at stunda; vil ek ekki annat, Kárl! enn þú) farir til mín til vétrvistar, ok þat allt

¹) þat sem hér stendr frá [er tekið úr B, því það er máð í A, og allt það, sem í þessum kapitula stendr innan þessu O. strika, er af sömu orsök tekið úr B. ²) þannig hin; þurshöfn, A. ³) hér sleppr E um sinn.

með þér þíns liðs, er þá er þinn vegr meiri enn áðr'. Karl segir, at hann var ráðinn áðr at fara til Leifs, ella munda ek, segir hann, fúslega þiggja þetta boð; þá mun Leifi enn verða auðit vegsmuna af þessu; en eru nökkurir þeir hlutir aðrir, er ek mega svá gera, at yör sé liðsemd at? segir Þrándr. Karl segir, at honum þótti mikit í veitt, at Þrándr dragisaman skattinn um Austræy, ok svá um allar Norðreyjar. Þrándr segir, at þat var skyldt ok heimilt at hann gjörði þann greiða fyrir konúngs orð, sem hann mátti. Gekk Þrándr þá aptr til búðar sinnar; varð á því þingi ekki fleira til tíðinda; fór Karli til vistar með Leifi Össurarsyni, ok var með honum um vetrinn; heimti Leifr saman skatt um Straumey* ok um allar eyjar suðr þaðan. Um vârit eptir fékk Þrándr vanheilsu mikla, tók augnaveik stráangan, ok þó aðrar kramar miklar; en þó bjóst hann at fara til þings, sem hann var vanr; en er hann kom á þingit, þá var búð hans tjölduð með svörtum tjöldum innan, til þess at þá væri síðr skíðdræpt²; en er liðnir voru nökkurir dagar af þinginu, þá gengu þeir Leifr ok Karli til búðar Þrándar, ok voru fjölmennir, þeir kvomu

* Þvíat ek kalla þat hina mestu virðing, at slíkr maðr þiggir heimboð at mín, sem þú ert; nú kann ek alla þökk, at þú þiggir heimboð mitt, ok drepir eigi hendi við, muntu þat ok áfinna, at mér þíkkir þetta allmiklu máli skipta *ð. v. B, C, F, K, S.* ²) Þannig hin; sêst ekki meira enn Strâum í A. ³) skíðdræpt, B, C, H.

at búðinni, þá voru þar úti nökkurir menn. Leifr spurði, hvert Pránder væri í búð; þeir kváðu hann þar vera. Leifr mælti, at þeir bæði Pránd útganga: eigu við Karli eyrindi við hann. En er þeir kvámu aptr, sögðu þeir Pránder þann augnaverk hafa, at hann mátti eigi útkoma, ok bað hann at Leifr skyldi innganga. Leifr mælti við förunauta sína, at þeir skyldi fara varliga, er þeir kvæmi í búðina, ok þraungvast eigi ok gangi sá fyrstr út, er síðast gengr inn. Leifr gekk fyrstr ok þeir Karli ok hans förunautar, ok fóru með alvæpni, sem þá er þeir skyldu til bardaga-búast. Leifr gekk at hinum svörtum tjöldum, ok spurði þá, hvas Pránder væri; hann svarað ok heilsar Leifi; Leifr tók vel kvæðu hans, ok spurði, hvárt hann hefði nökkurn skátt samanheimt af Austreyjum*, eðr hvern greiði á mundi verða um silfrit. Pránder segir, at honum hefir þat eigi or hug hœfit, er við Karli töluðum, ok segir, at greiði mundi á verða um silfrit: ok er hér, Leifr! sjóðr, er þú skalt viðtaka, ok er fullt af silfri. Leifr sást um, ok sá at fátt var manna í búðinni, ok lágu menn í pöllum, en fáir sátu upp. Síðan gekk Leifr til Pránder, ok tók við sjóðinum, ok bar utar í búðina, þar er ljóst var, ok steypiti silfrinu ofan á skjöld sinn, rótaði með hendinni, ok mælti, at Karli skyldi eja silfrit. Þeir litu á silfrit, þá spurð Karli: hversu lízt þér silfrit,

*) Norðreyjum, B, C, F, H, L.

öxarhammarinn, svá at öxin stóð í heila; þústi þá fjöldi manna út or búð Þrándar. Karli var þá þaðan dauðr borinn. Þrándr lét illa yfir þessu verki, en bauð fê til sætta fyrir frændr sína. Leifr ok Gilli gengu at eptirmáli, ok kom þar eigi fêbótum fyrir, varð Sigurðr útlægr fyrir áverka þann, er hann veitti búðarmanni Gilla, en Þórðr ok Gautr fyrir víg Karla mærska. Austmenn bjuggu skip sitt, þat er Karli hafði þángat haft, ok fara austr á fund Ólafs konúnga; líkaði honum stórilla þetta verk, en þess varð eigi auðit fyrir þeim ófriði, er gjörðist í Noregi, at hefnt yrði þessa; enn munu vèr hér frá segja síðan, ok er nökkut¹ at segja frá þeim tíðindum, er Ólafr konúngr heimti skatt af Færeyjum; en þá gjörðust deilur miklar í Færeyjum síðan eptir víg Karls mærska, ok áttust þeir við, Þrándr í Götum ok Leifr Össurarson, ok eru þar frásögur miklar.

140. Nú er frá því at segja, sem fyrr var frá þorfit, at Ólafr konúngr fór með liði sínu, ok hafði leiðangr úti fyrir landi, fylgðu honum þá allir lendir menn norðan or landi, nema Einar þambaskelfir, hann hafði um kyrt setit at búum sínum, síðan er hann kom í land, ok þjónaði ekki konúngi; átti Einar stórmiklar eignir, ok hélt sik stórmannliga; hann hafði aungvar konúnga veizlur. Ólafr konúngr hélt liði sínu suðr um Stað, dróst lið enn til hans víða or heröðum; þá hafði Ólafr konúngr skip þat, er hann

¹) Iokit, B, C, D, E, H, L.

hafði gjöra látit áðr um vetrinn, er Vísundr var kallaðr, ok allra skipa mest; var á framstafninum um vísundarhöfuð gullbúit; þess getr Sighvátr:

Lýngs var¹ fiskr² til fengjak
 flugstyggss sonar Tryggva
 gelnar³ gulli mölnu,
 guð vildi svá mildi⁴;
 annann lét á unnir⁵
 Ólafr, búinn hala,
 lögr þó⁶ drjúgt, hinn digri,
 dýrs horn, Vísund sporna⁷.

Fór konúgr þá suðr á Hörðaland; hann spurði þá tíðindi, at Erlúgr Skjálgsson var or landi farinn, ok hafði haft lið mikit, fjögur skip eða 5, hann hafði sjálfr skeið sína hina miklu, en synir hans tvítugssessur, ok hafði hann siglt vestr til Englands á fund Knúts konúgs ríka; fór þá Ólafr konúgr austr með lahdi, ok hafði allmikit lið, hann helt fréttum til, ef menn vissi nokkut til Knúts ríka; en þat kunnu allir at segja, at hann var á Englandi, þat var ok sagt með, at hann hafði leiðánger úti, ok ætlaði til Noregs, en fyrir þá sök at Ólafr konúgr hafði lið mikit, en hann fékk eigi hitt sannspurt, hvert hannskyldi stefna til móts við Knút konúng, en mönnum þótti sér illa gegna dvöl í einum stað með her svá

¹) bar, hin. ²) fystr, C₃ frekr, F. ³) gjolnar, B, D, E.
⁴) roðnar, B, C, D, E. ⁵) unnar, B, D, S. ⁶) þau, C. ⁷)
 vís, v. í H. ⁸) þráx, b. v. B, D, E, F, H, K, S; 2, C, L.

mikinn, þá ræðr konúgr þat af, at sigla með herinn suðr til Danmerkr, ok hafði hann þat lið allt með sér, er bezt var búit, en gaf hinum heimfarar leyfi, svà sem kveðit er:

Ólafr knýr und árum
orðsnjallr¹ Vísund norðan,
brýtr annar gramr úti
unnheim dreka sunnan².

Nú fór þat lið heim, er honum þótti minni fylgð³ í; hafði Ólafr konúgr mikit lið ok frítt, voru þar flestir lendir menn er Noregi, nema þeir, sem áðr var sagt, ok or landi voru farnir, eðr eptir höfðu setit heima.

141. Nú siglir Ólafr konúgr til Danmerkr, ok hēlt til Sjólands, en er hann kom þar, tók hann at herja, ok veitti uppgangur, ok var landsfólkit rænt, en sumt var drepit, sumt var handtekit ok bundit, ok flutt svà til skipa, en allt flýði, þat er því kom við, ok varð engi mótstaða; gjörði Ólafr konúgr þar hit mesta hervirki. En er Ólafr konúgr var á Sjólandi, þá spurði hann þau tíðindi, at Önundr konúgr hafði her úti, ok fór með þann her austan fyrir Skáney, ok herjaði hann þar, var þá breytt⁴ um ráðagjörð þá, er Ólafr konúgr ok Önundr konúgr höfðu haft í Elfi, er þeir gjörðu samband sitt⁵, at (þeir) skyldu báðir vera mótstöðumenn Knúts konúgs; fór Önundr konúgr til

¹) orðsæll, A. ²) vís. v. í H. ³) veig, C. ⁴) bert, hin.
⁵) Hér sleppr E um sinn.

Þess er hann fann Ólaf konúng, mág sinn; en er þeir hittust, þá gera þeir bert bæði fyrir sínu liði ok landsfólkinu, at þeir ætla undir sik at leggja Danmörk, ok beiða sèr viðtöku af landsmönnum, en þat var, sem víða finnast dæmi til, at þar landsfólk verðr fyrir hernaði, ok fá eigi styrk til móttöðu, þá jata flestir þeim álögum, er sèr kaupa friðinn með; var þá svá, at margir gengu til handa þeim konúngunum, ok játuðu þeim lyðskýldu, lögðu þeir víða undir sik landit, þar sem þeir fara, en herjaðu at öðrum kosti. Þessa hernaðar getr Sighvatr skáld í drápu þeirri, er hann orti um Knút konúng:

Knútr var und himnum

hugg ek [æzir at-fæstr¹

[harraláðs ok hæt

full² vel duga;

lèt hýrlátr³

suðr or Nið

Ólafr jöfurr

at-sæll⁴ fara.

Þorðu⁵ norðan

namst þat með gram

til Sles⁶ svalir

[Sælunds skilit⁷;

¹) hætt (rétt, C, L; ætt, D, F.) at frétt, B, C, D, F, S, L.
²) Haralds í her, hug (hygg, D; hugir, F, L); B, C, D, F, L.
³) lýrgotu lið B, H; luðrgota lið, C; lýð, Gota lið, D; lýðr Gauta, lið, F, K, L.
⁴) ársæll, hin.
⁵) Þorðut, F, K, L; Þorðu, H.
⁶) Slætz, D; Sljatz, F, H, L.
⁷) Sílundir kilir, B. Sílunds (Sælunds, D; Selunds, K) kilir, hin.

en með annann
Önundr Dönum
á hendr [at há²
herr sænskan ferr.

142. Knútr ríki hafði spurt vestr til Englands, at Ólafr Noregs konúgr hafði leiðánger úti, ok svá þat at hann fór með liðinu til Danmerkr, ok var þar úfriðr mikill í ríki hans; lét þá Knútr konúgr liði samna, dróst þá brátt saman her mikill, ok var Hákon jarl annar höfðingi yfir herinum. Sighvatr skáld kom þat sumar vestan or Rúðu til Englands, ok sá maðr með honum, er Bergr hét, þeir höfðu þannveg farit kaupferð hit fyrra sumarit. Sighvatr orti flokk þann, er kallaðr eru Vestrfarar vísur, ok er þetta upphaf:

Bergr höfum minnst hve marga²
morgun Rúðuborgar⁴
[lét ek í för í fyrða⁵
fest⁶ við arminn vestra.

En er Sighvatr kom til Englands, þá fór hann á fund Knúts konúgs, ok bað sèr orlofs at fara til Noregs; Knútr konúgr hafði sett bann fyrir kaupskip öll, fyrr enn hann hefði búit her sinn. En er Sighvatr kom til konúgs, gekk hann til herbergis hans, ok var þat læst, ok stóð hann

²) Hér sleppr C um sinn. ²) þannig, B, D, H, S; fara, A, K; honum, F, L. ³) margan, hin. ⁴) Rúðuborgar, D. ⁵) borð (börgir, S); lét ek í förðu, B, D; börð lét ek í för fyrðu, F, H, L. ⁶) flest, F, L.

lengi úti, en er hann hitti konúng, þá fékk hann lof sem hann vildi. Sighvatr kvað:

Utan¹ varð ek, áðr² Jóta
 annspillni³ fékk stillis⁴
 meld⁵ sá [herr fyrir haldi⁶
 húss dyrr [spökum hlýra⁷;
 enn eyrindi oru
 áttúgr⁸ í sal knátti
 grams⁹, ber ek opt¹⁰ á¹¹ armi
 örstúka¹², vel lúka.

Enn er Sighvatr varð þess varr, at Knútr konúgr byrjar ferð sína á hendr Ólafi konúgi, en hann vissi, hversu mikinn styrk Knútr konúgr hafði, þá kvað hann vísu:

Örr tegast Ólaf gjörva
 allt hefir sá er fjör¹³ valtan,
 konúgs dauða mun ek kvíða,
 Knútr ok Hákon, úti;
 haldist¹⁴ vörðr, þó at valdit¹⁵,
 varla [Knúts ok jarli¹⁶,
 dælla er fyrst á¹⁷ fjalli
 fundr, ef hann sjálfr kemst undan.

Átti jarl at sætta

¹) nátt, D. ²) þá er, F, K. ³) andspillni, L. ⁴) ek stillir, B; stillir, D, F; ek stillið, H, S. ⁵) millz, L. ⁶) er herför höldi, B; ek her fur höldum, H; fékk herr um haldit, L. ⁷) fyrir spyrjast, hin. ⁸) áttugr, D. ⁹) Gorms, B, H, K, L, S. ¹⁰) orms, B. ¹¹) frá, L. ¹²) járnstúkur, hin. ¹³) för, D; fiör, L. ¹⁴) Haraldr, L. ¹⁵) vildit, B. ¹⁶) Knútt ok jarlar, B, K, L. ¹⁷) af, B.

allframr bændr gamla,
 ok þeir² er optar³ tókū
 Ólaf af⁴ því máli;
 þær⁵ hafa fyrr [af⁶ fári,
 framt⁶ er Eiríks kyn, meira
 höfðu⁷ keypt⁸ enn heiptir
 Hákon saman mundi.⁹

143. En er Knútr ríki hafði búið her sinn or landi; hafði hann of liðs ok skip stór; hann sjálf hafði dreka þann, er sextugr var at rúma tali; voru þar á höfuð gullbúin. Hákon jæll hafði annann dreka; ok var sá fertögr at rúma tali, voru þar ok gylt höfuð á, en segl bæði voru stöfuð með blá ok rauðu ok grænu; öll voru skip þeirra steind fyrir ofan sjá, allr skipa búnaðr var hinn glæsiligsti, mörg önnur skip höfðu þeir stór ok vel búin. Þess getr Sighvatr i Knúts drápu:

Knútr var und himnum,
 herr austan ferr,
 fríð fylkis nið¹⁰
 fráneygr Dana;
 skeið¹¹ vestan¹² veðr¹³
 var [glæst sjá er bar¹⁴
 unz¹⁵ andskota
 Aðalráðs þaðan.

¹) þat, D. ²) optast, hin. ³) at, D, F, K, L, S. ⁴) þeir, hin. ⁵) enfæri, L. ⁶) framt, L. ⁷) höppum, B; höfðum D, S. ⁸) kept, D. ⁹) bundit, F, K, L; báðar vís v. i. II. ¹⁰) niðr, B, S; lið, F. H. ¹¹) skreið, hin. ¹²) austan, B. ¹³) viðr, hin. ¹⁴) glæstr sá, hin. ¹⁵) út, B, D, L, S; utan, F, K,

Ok báru í byr,
 blá segl við rá,
 dýr var döglíngs för,
 drekar¹ landreka;
 en þeir, er kvamu
 kilir vestan til,
 um leið liðu
 Limafjarðar brimi².

Svá er sagt, at Knútr konúgr hêlt her þeim vestan af Englandi; ok kom öllu heilu liðinu til Limafjarðar, var þar fyrir samnaðr mikill landsmanna.

144. Úlfr jarl Sprakaleggsson³ hafði settir verit til landvarnar í Danmörk, þá er Knútr konúgr fór til Englands, hafði hann selt í hendr Úlfi jarli son sinn, þann er kallaðr var Hörða-Knútr, var þat hit fyrra sumarit, sem fyrr var ritat. En þegar Knútr konúgr var í brottu, segir Úlfr jarl, at Knútr konúgr hefði boðit honum þat eyrindi at skilnaði þeirra, at hann vildi at þeir tæki til konúgs yfir Danaveldi Hörða-Knútr, son sinn, fékk hann oss fyrir þá sök hann í hendr: hefi ek þat ok, segir hann, ok margir aðrir landshöfðingjar kært optliga fyrir Knúti konúgi, at mönnum þikkir vandi hér í landi at sitja konúgs lausir, en hinum fyrrum konúngum Dana þótti þat fullræði at hafa konúngdóm yfir Danaveldi einu; en er hin fyrri

¹) dreka, B, D, F. ²) brim, hin. ³) Þorgilsson sprakaleggs, D.

æfi var, reðu margir konungar þessu ríki, en þó gjörist þat nú meira vandkvæði enn fyrr hefir verit, þvíat ver höfum¹ náð hertil í friði at sitja fyrir útlendum höfðingjum, en nú spyrjum ver hitt, at Noregs konúgr ætlar at herja á oss, ok er mönnum þó grunr á, at Svía konúgrmuni til ferðar ráðast; er Knútr konúgr enn á Englandi. Síðan bar jarl fram bréf ok innsigli Knúts konúgs, þau er sönnuðu allt þetta, er jarl bar upp; þetta eyringdi studdu ok margir aðrir höfðingjar, ok af þeirra fortölum allra landsmanna reð landsfólkkit þat af, at taka Hörða-Knútt til konúgs, ok var þat gjört á því sama þingi. En at þessi ráðagjörð var upphafsmaðr Emma drottning, hafði hún látit gera bréf þessi ok látit innsigla, hafði hún með brögðum náð innsigli konúgs, en hann sjálf var leyndr þessu öllu. En er þeir Hörða-Knútr ok Úlfr jarl vorðu þess varir, at Ólafr konúgr var kominn norðan or Noregi með her mikinn, þá fóru þeir til Jótlands, þvíat þar er megin mest Danaveldis, skáru þar upp herör, ok stefndu saman her miklum; en er þeir Hörða-Knútr ok Úlfr jarl vorðu þess varir, at Önundr konúgr var þar kominn með her sinn, þá þóttust þeir eigi hafa styrk til at halda til orrostu við þá báða, síðan héldu þeir samnadinum á Jótland, ok ætluðu at verja land fyrir konúnginum, en skipaherinn allan drógu þeir saman í Limafirði; síðan gjörðu þeir sendimenn

¹) Hér byrjar E aptr.

til Emmu drottningar, ok báðu hana víska verða, hvárt Knútr konúgr væri þeim reiðr, var hann þá kominn vestan til Limafjarðar. Drottning ræddi þetta mál fyrir Knúti konungi. Knútr konúgr svarar: frétt hefi ek, hvat þeir hafa til tekit. Hún segir, at Hörða-Knútr, son þeirra, vill heita öllu því, er Knútr konúgr vildi, þóat hann hefði þat gjört, at konungi væri í móti skapi. Konúgr svarar, at Hörða-Knútr hefði ekki hans raðum framfarit; hefir þetta svá til tekizt, sagði hann, sem vãn var, (er) hann var barn ok óviti, at hann vildi konúgr heita, þegar vanda nokkurn bar til handa honum, at land þetta mundi herskildi farit, ok leggjast undir útlanda höfðingja, ef eigi kvæmi varr styrkr til; nú ef hann vill nökkura sætt gjöra við mik, þá leggi hann niðr hægóma nafn þat, at hann lét sik konung kalla. Sendi nú drottning þessi sömu orð til Hörða-Knúts, ok þat með at hann skyldi þessa ferð eigi undir höfuð leggjast, sagði sem var, at hann mundi eigistyrk til þess fá at standa í mót feðrsínum. En er þessi orðsending kom til Hörða-Knúts, þá leitaði hann ráða við jarl ok aðra höfðingja, þá er með honum voru; en þat fannst brátt, þegar landsfólkit heyrði at Knútr konúgr, var kominn, þá dreif til hans allr landsmúgr ok þótti þar traust sitt allt. Sá jarl þá ok aðrir félagar hans tvá kosti fyrir höndum, annathvært at fara á fund Knúts konungs, ok leggja allt á hans vald, eðr stefna or landi á

brott ella, en allir fýstu Hörða-Knútr at fara á fund feðr síns, enda gjörði hann ok svá. En er þeir hittust, féll hann til fóta konúnginum, ok lagði innsigli í knè honum, þat er konúngsnafn fylgði. Knútr konúngr tók í hönd syni sínum, ok setti hann í þat sæti, sem fyrr hafði hann setit. Úlfr jarl sendi Svein, son sinn, til Knúts konúngs; hann var systurson konúngs, hann bað griða feðr sínum ok sátt af konúngi, ok bauð at setja í gislíng af hendi jarls sjálfan sik; voru þeir jafn gamlir, Sveinn ok Hörða-Knútr. Knútr konúngr sendi þau orð jarli, at hann samnaði her ok skipum, ok færi svá til fundar við konúng, en síðan ræddi þeir um sættir sínar. Jarl gjörði nú ok svá.

145. En er Ólafr konúngr ok Önundr konúngr spyrja, at Knútr konúngr er vestan kominn, ok þat með at hann hafði þá her óflýjanda, þá sigldu þeir austr fyrir Skáney, tóku þá at herja ok brenna héröð, sækja þá austr fyrir til móts við ríki Svía konúngs. En þegar landsfólkit vissi at Knútr konúngr var vestan kominn, þá varð ekki af handgaungu við konúnga. Þessa getr Sighvatr skáld:

Gátut drottinnar

Danmörk spanit.

undir sik, sökum¹

[svá ok² herfarar;

¹) Svini vörðist hér rángt og ofaukit í A. ²) spenn, B. ³) sökum, hin. ⁴) svarir, D; snadir, hin.

þá hét¹ skarpla²
 Skáney Dana
 hlöðr³ herjaða,
 höfuð-fremstr jöfurr.

Þá sóttu konungar austr fyrir landit, ok lágu þar, er heitir áin helga, ok dvöldust þar um hríð, þeir spurðu at Knútr konúgr fór með her sinn austr eptir þeim, ok bera þeir ráð sín saman, ok tóku þeir þat til ráðs, at Ólafr konúgr fór með sumu liðinu, gekk á land upp ok allt á markir til vatns þess, er áin helga fëll or, ok gjörðu þar í árósinum stíflu með torfi ok viðum, ok stemdi svâ uppi vatnit, ok svâ skáru þeir stór diki, ok hleyptu saman fleirum vötnum, ok gjörðust þar víðir flóar, enn í árveginu hjöggu þeir stór við; þeir voru í þessu starfi marga daga, ok hafði Ólafr konúgr tilstilli um alla þessa ráðagjörð, en Önundr konúgr hafði ráðagjörð fyrir skipa herinum. Knútr konúgr spurði til ferða þeirra mága, ok svâ skaða þann allan er þeir höfðu gjört í ríki hans, hêlt hann þá til móts við þá, þar er þeir lágu í áinni helgu, ok hafði hann meirr enn hálfu meira lið enn þeir; þess getr Sighvatr skáld:

Lêzt at⁴ jöfurr
 ættmanna fannst⁵
 Jótlands etast
 flendr af því;

¹) lét, *lin*, ²) skarðla, *B*; smarpla, *E*, *F*, *L*; skjóta, *H*.

³) höldr, *D*, *R*. ⁴) létist, *B*; létat, *D*, *E*. ⁵) fannz, *öll*.

vildi foldar
 fæst¹ rán² Dana
 hlíf skjöldr⁴ hafa,
 höfuð-fremstr jöfurr.

146. Þat var einn dag at kveldi, at njósnar-
 menn Önundar konúgs sá siglíngr Knúts kon-
 úngs, ok átti hann þaðan eigi langt, þá lét Ön-
 undr konúgr blása herblástr, ráku menn tjöld
 af sér ok herklæddust, ok reyru út or höfn-
 inni ok austr fyrir landit, lögðu þá saman skip
 sín ok tengðu, ok bjöggust til bardaga. Önundr
 konúgr hleypti njósnarmönnum á land upp,
 fóru þeir á fund Ólafs konúgs, ok sögðu hon-
 um þessi tíðindi; þá lét Ólafr konúgr brjóta
 stífluna, ok hleypa áinni í farveginn, en hann
 fór um nóttina ofan til skipa sinna; en er Knútr
 konúgr kom fyrir höfnina, þá sá hann, hvar
 lá herr þeirra konúganna búinn til bardaga,
 þótti honum sem þá mundi vera síð dags at
 leggja til bardaga um þat at lið hans væri allt
 búit, þvíat flokkir hans þurfti rúm mikit á
 sjánum til at sigla, ok var langt ímillum hins
 fyrsta ok hins síðasta, svá ok þess er nærst fór
 landi ok hins er first fór; veðr var lítit. Knútr
 konúgr sá at Svíar ok Norðmenn höfðu rudda
 höfnina, þá lagði hann inn til hafnar svá öll
 skip sem rúm hafði, en þá lá meginherinn út
 á hafit. Um morguninn er mjök var ljóst, þá

¹) valdr, E; valdi, F. ²) fæst, E, F; föst, L. ³) rann,
 E, L. ⁴) hlíf skjöld, E, F, H. ⁵) floti, hin.

var lið þeirra margt á landi uppi, en sumt á tali, en sumt at skemtan sinni, þá finna þeir eigi fyrr enn þar geysast at þeim vötn með fossfalli, þar fylgðu viðir stórir, ok rak at skipum þeirra, ok meiddust skipin þarfyrir, en vötn flutu um alla völlu, týndist fólk allt, þat er á landi var, ok margt þat er á skipum var, en allt lið þat er því kom við, hjöggu festar sínar ok leystust út, ok rak skipin mjök sundrlaus; drekann mikla, er Knútr¹ konúngr var á, rak út fyrir strauminum, varð honum ekki auðsnúit með árum, rak hann út² at flota þeirra Önundar konúngs³, ok er þeir kendu skipit, lögðu þeir at umhverfis, en fyrir þá sök at skipit var svá mikit sem borg væri, en fjöldi manna á, ok valit hit bezta lið á, þá varð skipit ekki auðsótt, var ok stundin⁴ eigi laung; ok er Ulfr jarl lagði at með sitt lið, var þar hörð orrosta; því næst dróst herr Knúts konúngs at öllu megin, sá þeir Ólafr konúngr ok Önundr konúngr, mágr hans; at þeir mundu hafa unnit at sinni þann sigr, sem þeim varð auðit, létu þeir þá síga skip sín á hömlu ok létu ok leystust í brott or herr Knúts konúngs; en fyrir þá sök at atlagja þessi hafði ekki svá tekizt, sem Knútr konúngr hafði tilskipat, þá varð ekki af atróðrinum, ok kannaði Knútr konúngr þá lið sitt, ok tóku menn at binda sár sín ok skipa liðinu, ok bjöggust um;

¹) þannig, B, F, H; Ólafr, rángt í A; v. í. D. E. ²) v. í. B, D, L; inn, hin. ³) Hér byrjar aptr C. ⁴) þannig hin; skudín, A.

en er þeir höfðu skilið, ok sér fór hvorr flokkurinn, þá kœnnuðu konungar lið sitt, ok fundu þat at þeir höfðu ekki mannsþell fengit; þat sá þeir, ef þeir biði þess at Knútr konungr hefði búið her sinn, þann er hann hafði, ok legði síðan at þeim, at liðsmunr var svá mikill, at lítil vãn var at þeir mundu sigr fá, en auðvitat ef orrosta tækist, at þar mundi verða hit mesta mannfali; nú var þat ráðs tekit, at róa liðinu öllu austr með landi; en er þeir sá, at floti Knúts konungs fór ekki eptir þeim, þá reistu þeir við¹⁾, ok settu upp segl sín. Óttar svartí orti um fund þenna í drápu þeirri, er hann orti um Knút konung ríka:

Svíum²⁾ hnektir þú sökkva³⁾

siklíngr örr hinn⁴⁾ mikla,

ýlgr⁵⁾ þar er áin helga

Úlfs beitu fékk heitit⁶⁾;

heltu þat⁷⁾ er hrafn⁸⁾ [nè svelta⁹⁾

hvatráðr ertu láði

ógvarstafs¹⁰⁾ fyrir jöfrum

ýgr¹¹⁾ tveimr við kyn þeima.

[Þórðr svartaskáld¹²⁾ orti [erfiðrápu um Ólaf konung hinn helga¹³⁾, ok [er kölluð Roðudrápa¹⁴⁾, þar er getit þessa fundar:

1) viðr, C, E. 2) Snörum, D. 3) sökna, F. 4) en, C, E, L. 5) úlfr, D, E. 6) heiti, B, H; heitir, F, D, E, L. 7) þar, B; C, D, E, H; nè, L. 8) hrafn, B, E; hrafnar, C, L. 9) sveltuð C, ; nè sveltað, D, H. 10) ógnarstafs, B; ógnarstafir, C, D, L; ógnarstaf, E, F. 11) uggr, E. 12) Þórðr skáld Sjáreksson, D; Þórðr skáld Svartsson, E, F. 13) drápu eptir Knút konung, B. 14) v. í, B; sá er kölluð Roðadrápa, C, D, E, H, L.

Átti Egða¹ dróttinn
 Ólafr þrimu stála
 víðr ágætan Jóta
 öðling² þann er klauf³ hringa;
 skaut nær⁴ skart⁵ á⁶ mótí
 Skánunga gramr hánum
 Sveins varat⁷ sonr⁸ at reyna
 slær⁹ þaut Úlfr of hræfi.

147. Ólafr konúgr ok Önundr konúgr sigldu austr fyrir Svía konúgs veldi, ok at kveldi dags lögðu þeir at landi því, er í Barvik heitir, lágu konúgar þar um nóttina, en þat fannst á um Svía, at þeim var títt heim at fara, þvíat mikill hluti Svía hers sigldi um nóttina austr með landi, ok létti eigi fyrrsinni ferð, enn hverr kom til síns heimilis. En er Önundr konúgr varð þessa varr, ok lýsti, lét hann blása til húspíngs, gekk þá allt lið á land, ok var sett þíng. Önundr konúgr tók til máls: svá er, Ólafr konúgr! sem þér vitð, at vær höfum í sumar farit allir saman í hernað hér um Danmörk, höfum vær fengit fè mikit, en ekki af löndum, ek hefir haft í sumar hálf fjórða hundr- að skipa, en nú er eigi meirr eptir en hundr- að skipa; nú lízt mér svá sem vær munum vinna ekki til sæmdar, með eigi meira her enn nú höfum vær, þóat þér hafið haft 60 skipa, sem

1) Engla, B. 2) æðling, C; öðlingr E. 3) klýfr, B, E; gaf, F. 4) at, B, F. 5) skarpt, hin. 6) at, B, C, D, F, L. 7) var, L. 8) son, L. 9) slægr, F; slæfr, L.

enn hafið þér. Nú sýnist mér þat ráðligast at fara aptr í ríki mitt, ok er gott heilum vagni heim at aka, vær höfum aflat í ferð þessi, en látit ekki. Nú vil ek, Ólafr mágr! at þér farið með oss ok búum allir saman, takið slíkt af mínu ríki, sem þér fáið yör vel haldit, ok þat lið sem yör fylgir, gjörum þá er [vær kómum¹ slíkt ráð sem oss líkar, en ef þér villð heldr hinn kost, at hafa land vårt til yfirferðar, þá skal þat heimilt, ok vill þér fara landveg í ríki yðvart norðr í Noreg.

148. Ólafr konúgr þakkaði Önundi konúgi vinsamligt boð, er hann bauð honum: en þó, ef ek skal ráða, segir hann, þá mun annat ráð tekit, ok munum vær haldasaman her þeim, sem nú er eptir; hafða ek furst í sumar, er ek fór or landi hálftr fjórða hundrað skipa, en áðr ek fór or landi, þá valda ek af hier þeim öllum þat lið sem mér þótti bezt, ok skipaða ek þessi 60 skipa, sem nú hefi ek; en nú lízt mér svá um yðvart lið, sem þat munu hafa í bruttu hlaupit sem dáðlausast er, ok verst fylgð var í, en ek sèr hér alla hirðstjóra yðra ok höfðingja, ok veit ek at þat lið allt er bezt til vápns, sem hirðinær, höfum vær enn mikinn her ok skipakost goðan, svá at vær megum vél liggja úti á skipum í allan vetr, svá sem herkonungar hafa fyrri gjört; en Knútr konúgr mun skamma stund figgja í áinni helgu, þvíat þar er engi

¹) vár kemr, (várar) hin.

höfn skipafjölda þeim, er hann hefir, mun hann fara allt eptir oss, ok skulu vær fara allt undan, mun oss þá brátt lið samnast; en ef hann snýr aptr þannveg, sem hafnir þær eru, sem hann má liggja flota sínum, þá mun þar margt lið at öngvum mun síðr heimfýst enn hér; væntir ek at vær höfum svá umbúit í sumar, at þorpkarl-inn¹ viti, hvat hann skal vinna bæti á sjá² ok svá á landi³, mun herr Knúts konúnga dreifast brátt víðsvegar, ok veit þá eigi, hvorum sigrs verðr auðit; höfum fyrst njósni, hvert ráð hann tekr upp. Lauk Ólafr konúgr svá sínu máli, at allir gjörðu góðan róm at hans máli ok var þat ráðs tekit, sem hann vildi vera láta; ok voru þá njósni gjörvar til hers Knúts konúnga, en þeir lágu þar báðir konúngarnir.

149. Knútr konúgr sá þat, at Noregs konúgr ok Svía konúgr hieldu báðir austr með landi, þá gjörði hann þegar lið á land upp, lét menn ríða hit efra dag ok nátt, svá sem konúngar fóru hit ytra, fóru aðrir njósarmenn aptr, en aðrir á fram; vissi Knútr konúgr á hverjum degi tíðindi af ferð þeirra, voru njósarmenn í her konúnga; en er hann spurði at mikill hluti liðs þeirra var frá þeim farinn, þá hélt hann her sínum aptr til Sjólands, ok lagðist í Eyrarsund⁴ með her sinn allan, lá sumt liðit við Sjóland, en sumt við Skáni. Knútr konúgr reið

¹) Þorparinn, B. ²) Skáni B. ³) Sjólandi, B. ⁴) Eyrarsund, E.

upptil Hróaskeldu¹, ok með honum mikil sveit manna, en þar hafði veizlu gjört í móti honum Úlfr jarl, mágr hans, veitti hann allkappsamliga, ok var allkátr; konúngr var allfámáligr ok heldr úfrýnn, jarl orti orða á hann, ok leitaði þeirra málsenda, 'er hann ætlaði at konúngi mundi bezt líka. Konúngr svarar fá. Þá spurð jarl, ef konúngr vildi leika at skáktafli, hann játtaði því. Úlfr var allra manna skjótorðastr, ok úvæginn bæði í orðum ok öðrum hlutum, ok hinn mesti framkvæmdarmaðr um ríki sitt, ok er saga mikil af honum sögð. Úlfr jarl var maðr ríksastr í allri Danmörk, þegar konúng leið. Systir Úlfs jarls var Gyða, er atti Guðini jarl Úlfjasson², ok voru synir þeirra: Haraldr Engla konúngr, Tosti jarl, Valþjófr jarl, Möðrukári³ jarl, Sveinn jarl. Gyða hét dóttir þeirra, er átti Játvarðr hinn helgi⁴ Engla konúngr.

150. En er þeir léku at taflinu konúngr ok jarl, þá læk konúngr fingrbrjót mikinn, þá drap⁵ jarl af honum riddara, konúngr bar aptr taflit, ok sagði at hann skyldi annat leika; jarl reiddist, ok skaut niðr taflborðinu, stóð upp ok gekk í brutt; renn þú nú, Úlfr hinn ragi! segir konúngr! Jarl svarar, ok snýr aptr við dyrrin, ok mælti: lengra mundir þú hafa runnit í ánni helgu, ef þú kvæmir því við, kallaðir þú þá eigi

¹) Róiskeldu C, hinn næsta dag fyrir Michjálmessu, b. v. hin.

²) Úlfnaðrs B, D, H; Úlfnaðs hin. ³) Mörukári, hin. ⁴) góði B, C, E, L. ⁵) skækti B; skákasti C, L; skætti, E.

Úlf hinn raga, er ek lagða til at hjálpa þér, er Svíar börðu yðr sem hundaáðr. Gekk jarl eptir þat fbrott ok til svefns. Litlu síðar gekk konúngræt sofa. En eptir um morguninn, er konúngr klæddist, þá mælti hann við skósveinn sinn: gakk þú, sagði hann, til Úlfjarls, ok drep hann! Sveinninn gekk, ok var í bruttu um hríð, ok kom aptr; þá mælti konúngr: drápt þú jarl? eigi, herra! þvfat hann var genginn til Lúciukirkju.

151. Maðr hét Ívarr hvíti, norrænnat kyni, hann var herbergismaðr Knúts konúngs ok hirðmaðr hans. Konúngr mælti til Ívars: gakk til ok drep Úlf jarl! Ívarr gekk til kirkju ok innarr í kórinn, ok lagði gegnum Úlf jarl, ok fèkk jarl þegar bana. Ívarr gekk aptr þegar til konúngs, ok hafði sverðit brugðit í hendi. Konúngr spurði: drápt þú Jarl? Hann svarar: nú drap ek hann; vel gjörðir þú þá, sagði konúngr. En eptir þat er jarl var drepinn, létu múnkar læsa kirkjuna; þá var þat sagt konúngi, þá sendi hann menn til múnkanna, bað þá lata upp kirkjuna ok sýngja tíðir. Þeir gjörðu sem konúngr bauð, en er hann kom til kirkjunnar, þá keypti hann jarðit til kirkjunnar, svá at þat var hérað mikit, ok hófst sá staðr mjök. Síðan reið konúngr til skipa sinna, ok lá þar lengi um háustit með allmikinn her.

152. Þá er Ólafr konúngr ok Önundr konúngr spurðu, at Knútr konúngr hafði haldit til Eyrarsunds, ok lá þar með her sinn, þá áttu kon-

úngar húsþíng, talaði Ólafr konúgr at þetta hefði farit eptir getu hans, at Knútr konúgr hefði eigi lengi legit í ánni helgu, væntir ek at svá muni fara fleira eptir getu minni af viðskiptum yorum Knúts, hefir hann nú lítit fjölmenni hjá því, sem hann hafði í sumar, en hann mun þó minna hafa síðarr, þvíat eigi er þeim úleiðara enn oss at liggja úti á skipum í haust síðan, ok mun oss sigrs auðit verða, ef oss skortir eigi tilræði, ok þetta hefir svá farit í sumar, at vær höfum haft minna lið, en þeir hafa látit fyrir oss bæði fè ok mehn. Þá sögðu Svíar at þat væri ekki ráð at bíða þar vetrar, þótt Norðmenn eggjuðu þess; vitu þeir ok ógjörla hver íslög hær kunna at verða, er frýs haf allt óeskliga¹ á vetrum; viljum vær fara heim ok vera hær ekki lengr; gjörðu Svíar kurr mikinn ok mælti hverr í orðastað annars; var þat afráðit, at Önundr konúgr ferr þá íbrutt með allt lið sitt, en Ólafr konúgr var þá eptir.

153. En er Ólafr konúgr lá þar, átti hann opt tal ok raðagiörðir við lið sitt; þat var eina hverjanótt, er þeir áttu vörðat halda afkonúngs skipi, Egill Hallsson ok sá mann, er hæt Tófi Valgautsson², kynjaðr af Vestra-Gautlandi, ættstór maðr; en er þeir sátu á verðinum, heyrðu þeir grát mikinn ok veinan, þeir sá hvar sat í böndum hernumit fólk, var þat bundit um nætr á landi uppi. Tófi sagði at honum þótti illt at

¹) optliga, hin. ²) Valgautsson, D, E.

heyra læti þeirra, ok bað Egil til at þeir skyldu fara til at leysa þetta fólk ok láta brutt hlaupa; þeir gjörðu þetta sama, fóru til ok skáru böndin, ok hleyptu brutt fólk því öllu, ok var þat verk allóvinsælt af liðsmönnum. Konúgr var þá ok svá reiðr, at hélt við voða sjálfan, ok síðan er Egill var sjúkr, þá var þat lengi at konúgr vildi ekki koma, at sjá hann, áðr margir menn báðu Egil iðrast þess, at hann hafði svá gjört, at konúgi mislíkaði. Egill bað þá af sér reiði, ok veitti konúgr honum þat um síðir. Ólafr konúgr lagði hendr sínar yfir síðu Egils þar er verkrinn lá undir, ok saung bænir sínar, en jafnskjótt tók or verkinn allan, eptir þat batnaði Egil. En Tófi kom sér síðan í sætt, svá sem sagt er, at hann skyldi þat tilvinna at koma föður sínum á fund Ólafs konúgs. Valgautr var maðr hundheiðinn, ok fékk hann kristni af orðum Ólafs konúgs, ok andaðist þegar hann var ný skírðr. Ólafr konúgr á nú tal við lið sitt, þá leitar hann ráða við höfðingja, hvat þeir skyldu upptaka. En þat kom lítt ásamt, kvað þat annar óráð, er öðrum þótti vænligt, ok velktu þeir þetta ráð mjök lengi fyri sér. Njósnarmenn Knúts konúgs voru í her þeirra jafnan, ok kvámu sér í tal við marga menn, ok höfðu þeir fram fæboð ok vináttumál af hendi Knúts konúgs, en þar létu margir eptirleiðast, ok seldu þar til trúnað sinn, at þeir skyldu gjörast menn Knúts

konúngs, ok halda honum til handa landi, ef hann kemr til Noregs; gjörðust margir at þessu berir, þóat þá færi leynt fyrst; sumir tóku þá þegar við fegjöfum, en sumum var heitit síðar, en hinir voru allmargir er áðr höfðu þegit at honum vingjafir stórar; fyrir því at þat var satt at segja frá Knúti konúngi, at hverr er á hans fund kom þeirra manna, er honum þótti nokkut mannsmót at, ok vildu hann þýðast, þá fèkk hverr af honum fullar hendr fjár, varð hann af því stórliga vinsæll; ok var mest um örleika hans viðr útlenda menn, ok við þá mest er lengst voru atkomnir.

154. Ólafr konúngr átti opt stefnur¹⁾ við sína menn ok spurði at ráðagjörðum, en (er) hann fann, at sitt lagði hverr til, þá grunaði hann at þeir mundi sumir vera, at annat mundi tilleggja, enn þat er ráðligast þætti, ok guldu þá margir honum eigi réttlíga skuld um trúleika; þess eggjuðu margir, at þeir skyldu taka byr ok sigla til Eyrarsunds, ok svá í Noreg, sögðu Dani eigi þora at þeim at leggja, þótt þeir lægi fyrir með mikit lið, en Ólafr konúngr var svá vitr maðr, at hann sá þat at slíkt var ófæra, vissi þat at annann veg hafði gefizt Ólafi konúngi Tryggvasyni, þá er hann lagði faliða til orrustu við Dani, at þeir þyrði þá eigi at herjast; vissi konúngr ok þat, at í herra Knúts konúngs var fjöldi Norðmanna, grunaði konúng þá, at

¹⁾ Hér byrjar I aþtr. /

Þeir mundi Knúti konúngi hollari enn honum, er slíkt mæla; veitti Ólafr konúngr þá oss¹ orskurð, ok sagði svá, at þeir menn skyldu búast, er honum vildu fylgja ok fara landvegum Gautland ok svá til Noregs: en skip vár, ok annann þunga þann, er vær megum eigi með oss flytja, vil ek senda austr í Svíaveldi, ok láta þar varðveita oss til handa.

155. Hárekr or þjóttu svarar máli konúngs: þat er auðsæð, segir hann, at ek má eigi á fæti fara í Noreg, er ek nú maðr gamall ok lítt færri ok vanr lítt gaungum, ætla ek mik ok munu traufan at skilja við skip mitt, ok hefi ek lagt mikla stund á skip þetta ok á búnað þess, ok mun mér leitt at leifa úvinum mínum skipit. Konúngr svarar: far þú með oss, Hárekr! vær skulum bera þik með oss, ef þú mátt eigi gánga; þá kvað Hárekr vísu:

Ráðit hefik at ríða
rinleiks hëðan mínum
láðs dynmari leiðar
laungum heldr enn gánga;
þótt leggfjötrs² liggi
lundr í Eyrarsundi³,
kann þjóð keski minni,
Knútr herskipum úti.

Þá lét Ólafr konúngr búa ferð sína, höfðu menn ígángs klæði sín ok vörn, en þat er fékkst af

¹) v. i. hin. ²) leggfjöturr D, E; lögfjötrs, L. ³) Eyrar sundum, C, E.

reiði skjótum var klyfjat af klæðum ok lausafæ, en hann sendi menn, ok lét flytja skipin austr¹ í Kalmarmar², settu þeir þar upp skip sín, ok fluttu reiða ok annann varning til varðveizlu. Hárekr gjörði sem hann hafði sagt, at hann beið byrjar, ok sigldi vestr fyrir Skáney, til þess er hann kom austan at Hólunum³ ok var þat aptan dags, en byr var at blásandi, ok lét hann ofan leggja seglin ok svá við, lét taka ofan veðrvita, en sveipa skipit allt fyrir ofan sjá með grám-tjöldum, ok lét róa í nokkurum rúmum aptr ok fram, hann lét flesta menn sitja lágt í skipi; nú sá varðmenn Knúts konúgs, ok ræddu um með sér, hvat skip at þat mundi vera, ok gátu, at flutt mundi vera salt eðr síld, er þeir sá fá menn, en lítt róit, en skip sýndist þeim grátt ok bráðlaust, ok mundi skinit af sólu; þat sá þeir at skipit var hlaðit mjök; en er Hárekr kom fram í sundit um herinn, þá lét hann reisa viðuna ok draga upp seglit hvítt sem dript⁴, ok stafat blá með vendi; þá ræddu menn Knúts konúgs um siglíngrina, ok sögðu meiri vãn at þar sigldi Ólafr konúgr, en Knútr konúgr segir svá, at Ólafr konúgr er svá vitr maðr, at hann hefði eigi farit einskipa í gegnum her Knúts konúgs, ok þat líkara at þat muni vera Hárekr or Þjóttu eðr hans maki, ok því hafi menn frá-

¹) *Hér sleppr C.* ²) *Karlmannir B, E, F; Kalmarver, D; Kalmara H; Kalmarn I; Kalmanex L.* ³) *Hólundum B; Hólunum D; Hólmunum E; Hálshólunum H, J; S.* ⁴) *drif, E L.*

sagt, at Knútr konúgr hafi vitat um ferð Háreks, ok hann mundi eigi farit hafa ella, ef eigi hefði vináttumál farit í millum áðr, ok þótti þat birtast síðan, þá er vinátta tókst með þeim Knúti konúgi ok Háreki. Hárekr orti vísu þessa, er hann sigldi norðr um Væðrey:

Lakkat¹ ek Lundar² ekkju³

læ baugs at því hlæja,

skjótum eik fur utan

ey, nè danskar meyar;

jörð! at ek ei þyrða,

ífla flaust⁴ á hausti,

á flat-slóðar Fróða

fara, aptr vali krapta.

Fór Hárekr þá ferða sinna, ok létti eigi fyrr enn hann kom norðr á Hálogaland ok heim til búss síns í Þjóttu.

156. Ólafr konúgr fór fyrst um Smálönd, ok kom fram í Vestra-Gautlandi, ok fór spakliga ok friðsamliga, en landsmenn veittu honum góðan forbeina; fór konúgr til þess er hann kom ofan í Víkina, ok svá norðr eptir Víkinni⁵, til þess er hann kom í Sarpsborg, dvaldist hann þar ok lét búa til vetrsetu; gaf konúgr þá heimfarar leyfi mestum hluta liðsins, en hann hafði með sér af lendum mönnum þat sem honum sýndist; þar voru þá með honum þeir allir Árnasýnir, þeir voru mest virðir

¹) létkat, B, F; lékkat, D, J, S. ²) lindar L. ³) ekkjur, hin.
⁴) flaust, E, J, K, L. ⁵) Hér sleppr I aptr.

af konungi; þá kom til Ólafs konungs Gellir Þorkelsson, ok hafði komit áðr um sumarit af Íslandi, sem áðr var ritat.

157. Sighvatr skáld var lengi með Ólafi konungi, sem hær er ritat, ok hafði konúngr gjört hann stallara sinn. Sighvatr var ekki hagnælt¹ maðr í sundrlausum orðum, en skáldskapr var honum svá tiltækr, svá honum mælti aftúngu fram (sem) annat mál, hann hafði verit (í kaupferðum) til Vallands, ok í þeirri ferð kom hann til Englands, ok hitti Knút konúng, ok þá af honum leyfi at fara til Noregs, sem fyrr var sagt; en er hann kom í Noreg, fór hann þegar á fund Ólafs konungs, gekk hann fyrir konúng, er hann sat yfir borðum; hann kvaddi konúng; Ólafr konúngr leit við honum ok þagði. Sighvatr kvað vísu:

Heim erum hingat komnir,

hygg at, jöfurr skatna!

menn nemi mál sem ek inni

mín, [stallari, þínu²;

seg þú, hvar sess hafið hugðan

seim³, þjóð konúngr! beimum⁴

allr er [þekkr með⁵ þollum

þinn skáli mæ innan.

Þá sannaðist hit fornkvæða mál, at mörg eru konungs eyru. Ólafr konúngr hafði spurt allt um ferðir Sighvats, at hann hafði verit með

¹) hraðmælt *hin*. ²) stallarar þínir, *hin*. ³) seims, *D*, *H*, *K*, *L*, *S*. ⁴) beima, *L*. ⁵) þaktr með, *E*; þýðum, *L*.

Knúti konúgi. Þá mælti Ólafr konúgr til Sighvats: eigi veit ek nú, hvárt þú ætlar nokkut at vera minn stallari, eðr hefir þú nú eigi gjörzt maðr Knútskonúgs? Sighvatr kvað vísu:

Knútr spurði mik mæta¹
mildr ef ek hánur vilda
hendi-lágr sem hrínga
hugreifum Óleifi;
ei² kvað ek senn at sönnu,
svara þóttumst ek drottin³,
gjör⁴ er gumna hverjum
gnóg dæmi, mér sama⁵.

Þá mælti Ólafr konúgr, at Sighvatr skyldi ganga til sætis þess, sem hann var vanr at sitja, ok hann hafði fyrr haft; kom Sighvatr sèr brátt í kærleika hina sömu, sem hann hafði áðr haft.

158. Erlíngr Skjálgsson ok synir hans höfðu verit um sumarit í her Knúts konúgs, ok í sveit með Hákon jarli. Þórir hundr hafði ok metorð mikil. En er Knútr konúgr spurði, at Ólafr konúgr hafði farit landveg til Noregs, þá sleit hann leiðágr, ok gaf leyfi öllum mönnum til heimferðar, en lét búa sèr til vetrsetu í Danmörk; var þá í Danmörk herr útlendra

¹) mætra B, D, H, K, S; mætir, E, F, L. ²) einn, hin. ³) drottinn, E, F, H, L, S. ⁴) góð, B, E, F, K. ⁵) Ok enn þessa:

Eið látaþú ytt

einn, þótt ek vera seinni,

jarðar alla verðar

aðarmildr, eun ek vilda;

era fyri mál þat er mála

mánn þú lætr her vandan

laung þörf mun gram gengit

gestr Knúts var ek flestum, b. v. E.

manna, bæði enskra manna ok Norðmanna, ok enn af fleirum löndum, er komit hafði til hersins um sumarit. Erlíngr Skjálgsson fór um haustit til Noregs með öllu liði sínu, ok þá af Knúti konungi stórgjafir at skilnaði. Þórir hundr var eptir með Knúti konungi; en með Erlíngi fóru norðr í Noreg sendimenn Knúts konungs ok höfðu með sér of lausafjár, fóru þeir víða um landit um vetrinn, en greiddu þá af höndum þè þat, er Knútr konungr hafði heitit þeim um haustit til liðs sér, þeir gáfu ok hinum mörgum, er þeir fengu með þè keypt vináttu Knúti konungi, en þeir höfðu traust Erlíngs til yfirferðar; gjörðist þá svá at fjöldi manna snérist til vináttu við Knút konung, ok hétu honum vináttu sinni, ok þat með at veita Ólafi konungi móttöðu, gjörðu þat sumir bert þegar, en hinir voru miklu fleiri, er leyndust at fyrir alþýðu. Ólafr konungr spurði þessi tíðindi, ok kunnu margir at segja honum frá þessum tíðindum, ok var þat fært mjök í fjölmæli þar í hirðinni. Sighvatr skáld kvað:

Fjandr gánga þar þengils,
þjóð býðr¹ opt með sjóða
höfgan málm fyrir² hilmis
haus ófaldin³ lausa;
sitt⁴ veit hvern of⁵ harra
hollan selr við gulli⁶,

¹) fétt, H. ²) við, B, L. ³) ófalan, B, D, H, L, S; of allan, E, K. ⁴) sik, D, H. ⁵) of, E, L, S; er, H. ⁶) gulli, E, H, L.

[vert er¹ slíks í svörtu,
sinn, helvíti innan.

Ok enn kvað hann:

Kaup varð dapurt², þar³ djúpan
drottinn ræð⁴ [af sóttum⁵
þeim⁶ er heim á himna⁷
háselds svikum beldu⁸.

Opt var sú umræða þar í munni höfð, hversu illa
samdi Hákon jarli at fara með her á hendr
Ólafi konungi, er hann hafði honum líf gefit,
þá er jarl hafði á hans vald komit, en Sighvatr
var hinn mesti vin jarls, ok þá er Sighvatr
heyrði á mælt jarli, þá kvað hann:

Gjörði⁹ hilmir¹⁰ Hörða¹¹
húskarla¹² þá jarli,
of¹³ við Ólafs fjörvi
óvægir¹⁴ fè-þeygi;
hirð nam¹⁵ hans at verða
háleggs¹⁶ fyrir¹⁷ því máli,
dælla er oss ef allir
Noregs¹⁸ um svik slíkir¹⁹.

Ólafr konúgr hafði jólaboð mikit, ok var komit
tíl hans margt stórmenni. Þat var hinn átta²⁰

¹) verk eru, B, D. ²) döpr, D. ³) þaz, D, E, S. ⁴) rétt,
hin. ⁵) um sóttu, B; af sóttan, D. ⁶) þeir, E, F, K, L. ⁷)
himnum, D, E, F, L. ⁸) héldu, E, F; vís. v. í H, L. ⁹) gjörð-
ist, B, H, S. ¹⁰) hilmis, B, H, S. ¹¹) tekið úr B; gleymt í
A, D; harða E, K. ¹²) húskarlar, hin. ¹³) er, B, D, L; ef,
E, F, K. ¹⁴) ofvægir, B, D, S; óvæginn L. ¹⁵) era, B, S; er,
D, L; erat, H. ¹⁶) háleit, hin. ¹⁷) í, L. ¹⁸) erum vér, hin.
¹⁹) skírir, B, D, E, K, S; skærir, H, L. ²⁰) 7da, D, E, F, K,
S; 5ta, H.

dag jóla, at konúngr gekk ok fáir menn með honum; Sighvatr fylgði honum dag ok nátt, hann var þá með honum; þeir gengu í hús eitt, þar voru hirðir í dýrgripir konúngs, hann hafði þá hafðan viðbúning mikinn, sem vandi hans var til, at heimta saman dýrgripi at gefa hit átta kveld jóla; þar stóðu í húsinu sverð eigi allfá gullbúin; Sighvatr kvað þá:

Sverð standa þar¹, sunða

sárs leyfu vær árar,

herstilli² væri³ hylli

hollust búin gulli;

viðtæka ek víka,

[var ek endr með þér, sendir⁴

elds! ef þú eitthvert vildir

allvaldr gefa skáldi.

Konúngr tók eitthvert sverðit, ok gaf honum, þar var gulli búinn meðalkafinn ok gullbúin hjölt; var þat gripr allgóðr, en gjöfin var eigi öfundarlaus, ok heyrði þat siðar. Þegar eptir jólin byrjaði Ólafr konúngr ferð sína til Upplanda, þvíat hann hafði fjölmenni mikit, en tekjur norðan or landi höfðu öngvar til hans komit þá um haustit, er leiðánger hafði úti verit um sumarit, ok hafði konúngr þar allan (kostnað) tillagðan, sem faung voru á, þá voru engi skip at fara með liðit norðr í land; hann spurði

¹) hér, B, F, H, L. ²) herstillir, B; herstillis., hin. ³) þarf ek, S; verðr, hin. ⁴) vil ek enn með þér kennir, B.

Þat eitt norðan, er honum þótti ekki friðsam-
ligt, ok ekki trúligt, ef hann færi eigi með liði
miklu, ræð konúngr fyrir þásök þessaf, át fara á
Upplönd, en eigi hafði svá langt liðit síðan at
hann hafði þar færit at veizlum, sem lög stóðu
til, eðr vandi konúnga hafði til verit. En er
konúngr sótti upp á land, þá búðu honum lendir
menn ok bæendr ríkir, ok létu svá hans sjálfs
kostnaði.

159. Björn er maðr nefndr göfugr at kyni,
hann var vínr ok kunníngi Ástríðar drottningar
ok nokkut skyldr henni, ok hafði hún fengit
honum ármenníng á ofanverðri Heiðmörk;
hafði hann ok yfirsókn í Eystri-Dali. Ekki er
Björn kær konúngi, ok ekki var hann þokka-
sæll af bóndum; þat hafði atborizt í bygð þeirri,
er Björn ræð fyrir, at þar voru hvörf stór ok
stuldir miklir á haustum, þat voru náut ok
sauðir, ok allskonar fænaðr. Björn lét þar
kveðja þíngs til, ok lýsti þar hvarfunum, hann
kallaði þá líkasta til slíkra illbragða, er sátu í
markbygðum fjarri öðrum mönnum, veik hann
því máli til þeirra, er bygðu í Eystri-Dölum,
sú bygð var mjök sundrlaus bygð við vötn
eða rudd í mörkum, en úvíða bygðir saman.

160. Rauðr hét maðr, er þar bygði í
Eystri-Dölum. Ragnhildr hét kona hans. Dagr
ok Sigurðr hétu synir þeirra, þeir voru efn-

¹⁾ Hér sleppr E um sinn.

iligrir menn. Þeir voru staddir á þingi því, ok höldu upp svörum af hendi þeirra Dalamanna, ok báru þá undán sökum. Birni þótti þeir láta stórliga ok vera drambsmenn miklir at vǫpnum ok klæðum. Björn snéri þá tölunni á hendr þeim bræðrum, ok taldi þá eigi úlíkliga til at hafa slíkt gjört. Þeir synjuðu fyrir sik, ok sleit svá þinginu. Litlu síðar kom til Bjarnar ármaðr Olafs konúnga með liði sínu, ok tók þar veizlu, var þat mál kært fyrir konungi, sagði Björn, at honum (þóttu) Rauðs synir líkligstir til at valda slíkum ókynnum; þá var sent eptir Rauðs sonum, en er þeir hittu konung, þá taldi hann þá úlíkliga til þjófnadar, ok bar þá undan kennslum slíkum¹. Þeir buðu konungi til feðr síns, ok taka þar þriggja náttu veizlu með öllu liði sínu. Björn latti konung ferðarinnar, en konungr fór eigi at síðr. Hjá Rauð var hin þryðiligsta veizla; þá spurði konungr, hvat manna Rauðr væri eða kona hans? Rauðr segir, at hann var sænskr maðr at ætt, auðigr ok kynstór: en ek hljóp þaðan í brott, segir hann, með konu þessa, er ek hefir átt síðan; hún er systir Hrínga konúnga Dagssonar. Þá

¹) Hér bæta handritin B, D, E, F, H, I, K, L, S inni all-
långri frásögn um dvöl, Olafs konungs hjá Rauðúlfi, viðræð-
um þeirra ok því öðru, er þar tilbar. Í bókar brotið endar at
fullu í þeirri frásögn. E bæði byrjar og sleppr um sinn
í henni.

vaknaði konúgr við ættmenn þeirra beggja, fann hann þat at þeir feðgar voru menn vitir, ok spurði hann þá eptir íþróttum sínum. Sigurðr sagði, at hann kynni at deila dægri far, þóat eigi sæi himintúngl, ok at skilja drauma. Konúgr reyndi þessar íþróttir, ok var þat sem Sigurðr hafði sagt. En Dagr fann þat til íþróttar, at hann mundi sjá kost ok löst á hverjum manni, er honum bæri fyrir augu, ef hann vildi athygga. Konúgr bað hann segja skaplöst hans, þann er hann sæi. Dagr fann þat til, er konúgr lokaði, ok honum þótti rétt vera. Þá spurði konúgr um Björn ármann, hvern skaplöst hann hefði. Dagr segir, at Björn var þjófr, ok þat með at hann segir hvar Björn hafði fólgt á bæ sínum, bæði bein, horn ok húðir af nautum þeim, er hann hafði stólit þá um haustit: ok er hann valdr, segir Dagr, allra þeirra stulda, er í haust hafa vorðit, ok hann hefir öðrum mönnum kent; segir Dagr öll merki á, hvar konúgr skyldi leita láta. En er konúgr fór frá Rauði, þá var hann með vingjöfum stórum útleiddr; voru synir Rauðs með konúgr. Fór konúgr fyrst til Bjarnar, ok reyndist honum allt svá sem Dagr hafði sagt; síðan lét hann Björn í brott, ok fór hann or landi, ok naut hann drottningar at því, at hann hélt lífi sínu ok limum.

161. Þórir, son Ólvis á Eggju, stjúpson Kálfs Árnasonar [ok systurson Þóris hunds¹, var manna fríðastr, mikill ok sterkr, hann var átján vetra gamall, hann hefði fengið gott kvánfáng á Heiðmörk ok auð fjár með, hann var vinsæll maðr, ok þótti vænn til höfðingja; hann bauð konúngi heim til veizlu með lið sitt; konúngr þektist böðit, fór til Þóris, ok fékk þargóðar viðtökur, ok var þar veitt hit stórmanligsta, en öll voru faung hin bestu. Konúngr ok menn hans ræddu þat sín í milli, at þeim þótti þat mjök saman fara húsakynni eða húsbúnaðr eða borðbúnaðr eða drykkir, eða maðrinn sá er veitti. Dagr lét sér ekki um finnast eða fátt. Ólafr konúngr var vanr at hafa ræður við Dag, ok spurði hann ýmissa hluta, reyndist honum þat allt með sannindum sem Dagr sagði, hvárt sem þat var liðit eða úkomið fram, festi þá konúngr trúnað mikinn á ræður hans; nú kallar konúngt Dag á einmæli, ok ræddi þá fyrir honum mjök marga hluti, þar kom niðr ræðu hans, at hann tjáði fyrir Dag, hversu skrautligr maðr Þórir var, er þeim veitti þá veizlu svá virðuliga. Dagr lét sér fátt um finnast, ok lét þat allt satt er konúngr sagði. Þá spurði konúngr, hverja skapsanmárka Þórir hefði. Dagr kveðst hyggja, at Þórir mundi vel skapi fariann, ef honum er þat svá vel gefit, sem hitt er alþýðan má sjá.

¹) Þannig hin; Arni h. systurson Þóris h. rángt í 2.

Konúgr bað hann segja þat er (hann) spurði, ok segir konúgr, at hann er þess skyldr. Dagr svarar: þá muntu, konúgr! þat vilja veita mér, at ek ráða hefndinni, ef ek skal löstinn segja. Konúgr segir, at hann mun ekki dómum sínum undir aðra menn skjóta, en bað Dag segja þat er konúgr spurði. Dagr svarar: dýrt er drottins orð, þat mun ek til skaplasta finna þóri, sem margan kann henda, at hann er maðr of fægjarn. Konúgr segir: er hann þjófr eðr ránsmaðr? Dagr svarar: eigi er þat, segir hann. Hvat er þá, segir konúgr? Dagr svarar: hann vann þat til fjár, at hann er drottins sviki, hann hefir tekit fé af Knúti konúngi, til þess at svíkja þér. Konúgr svarar: hvernveg gjörir þú þat satt? Dagr svarar: hann hefir á hinni hægri hendi hring digran fyrir ofan ölboga, er Knútr konúgr hefir gefit honum, ok lætr hann enga menn sjá. Eptir þat slitu þeir tal sitt, ok var konúgr reiðr mjök. Þá er konúgr sat yfir borðum, ok menn höfðu drukkit um hríð ok voru allkátir, þá gekk þórir um beina, þá lét konúgr kalla þóri til sín, hann gekk framan at borðinu, ok tók höndunum uppá borðit; konúgr mælti: hversu gamall maðr ert þú, þórir? ek er átján vetra, segir þórir. Konúgr svarar: mikill maðr ert þú, þórir! jafnúgr ok gjörviligr; tók þá konúgr hönd hina hægri, ok strauk upp af ölboga. Þórir mælti: tak þú kyrt þará!


ek hefi sull á hendinni! konúgr hêlt hendinni, ok kendi at þar var hart undir; konúgr mælti: hefir þú eigi spurt, segir hann, at ek er læknir, ok lát mik sjá sullinn! Þórir sá at mundi ekki tjá at leyna'. Konúgr lét Þóri taka höndum ok setja í járn; þá gekk Kálfr at, ok bað honum griða, ok bauð fyrir hann fê; margir menn studdu þat mál, ok buðu sitt fê fram. Konúgr var svá reiðr, at engi mátti orðum við hann koma, sagði konúgr, at Þórir skyldi slíkan dóm hafa, sem hann hafði honum ætlat. Síðan lét konúgr drepa Þóri; en verk þat [var með hinni mestu öfund² bæði þar um Upplönd ok engum mun síðr morðr um Þrándheim, sem ætt Þóris var flest. Grjótgarðr, son Ölvis, var bróðir Þóris, hann var ellri þeirra bræðra, var hann ok hinn gerviligsti maðr, ok hafði sveit um sik, hann var þá staddr á Heiðmörk, er hann spurði af-töku Þóris, þá veitti hann árásir þar er fyrir voru menn konúgs eðr fê hans, en at öðru hverju hafðist hann við í skógum eðr í öðrum fylsknum; en er konúgr spurði úfrið þenna, þá lét konúgr njósnum tilhalda um ferðir Grjótgarðs, ok varð konúgr varr við, hvar Grjótgarðr hafði tekit náttstað, eigi langt frá því er konúgr var; Ólafr konúgr fór þá þeg-


¹) tók þá hringinn ok lét frammi. Konúgr spurði, hvert þat væri gjöf Knúts konúgs? Þórir svarar, at ekki væri því at leyna; b. v. B. ²) mæltist illa fyrir, H.

ar um nóttina, kom þar þegar um nóttina áður dagaði, ok sló mannhring um stofuna, er þeir voru inni; þeir Grjótgarðr vöknðu við mannagný ok vöpnabrák, tóku þeir þegar til vöpnanna sinna, hljóp Grjótgarðr út í forstofuna; hann spurði, hverr fyrir liði því réði, honum var sagt, at þar var kominn Ólafr konúgr; hann spurði, hvárt hann mætti heyra orð hans. Konúgr stóð fyrir durunum; hann segir, at Grjótgarðr mætti mæla slíkt er hann vildi: ok heyri ek orð þín, segir konúgr. Grjótgarðr segir: ekki mun ek griða biðja. Hann hljóp þá út; ok hafði skjöld yfir höfði sér, en sverð brugðit í hendi, lítt var ljóst, ok sá hann úgjörla, hann lagði til konúgs, en þar varð fyrir Ásbjörn Arnason, kom lagit undir-brynjuna, ok rendi uppí kviðinn, ok fékk hann þegar bana; Grjótgarðr var ok þegar drepinn, ok flestallt lið hans. Eptir þenna atburð snöri konúgr ferð sinni suðr aptr til Víkrinnar. En er hann kom til Túsbergs, þá gjörði hann menn frá sér í allar áttir, ok krafði sér liðs ok leiðángs skipa, kostur hans var þá lítill; voru þá engi skip nema þau er bændr áttu, en lið dróst vel til hans þar úr heruðum, en fátt kom um lengra, ok fannst það brátt at landsfólkit mundi þá vera snúit, at einurðinni við konúgr. Ólafr konúgr gjörði lið sitt á Gautland austr, ok sendi


¹⁾ Arnbjörn, *hinn*.

Þá eptir skipum sínum ok þeim varnaði, er þeir létu þar eptir um haustit; en ferð þeirra varð sein, þvíat þá var eigi betra enn um haustit at fara í gegnum Danmörk, er Knútr konungr hafði her úti um vârit um alla Danmörk, ok hafði eigi færra enn 12 hundruð skipa.









**This book is under no circumstances to be
taken from the Building**

[illegible]

Form 410

1924

